

Jahon ADABIYOTI

Adabiy-badiiy, ijtimoiy-publitsistik jurnal

Адабий-бадиий, ижтимоий-публицистик журнал



Жамоатчилик кенгаши:

Сирохиддин САЙИД
Наим КАРИМОВ
Иброҳим ФАФУРОВ
Эркин АЪЗАМОВ
Муҳаммаджон ХОЛБЕКОВ
Хуршид ДЎСТМУҲАММАД
Абдураҳим МАННОНОВ
Шуҳрат РИЗАЕВ
Лазиз ТАНГРИЕВ
Алишер ҚОДИРОВ
Баҳодир КАРИМОВ
Зуҳрийдин ИСОМИДДИНОВ
Муҳиддин ОМОН

МУАССИСЛАР:
РЕСПУБЛИКА МАҶНАВИЯТ
ВА МАҶРИФАТ КЕНГАШИ

ЎЗБЕКИСТОН МАТБУОТ
ВА АҲБОРОТ АГЕНТЛИГИ
ЎЗБЕКИСТОН ЁЗУВЧИЛАР
УЮШМАСИ

Бош мухаррир
Аҳмаджон
МЕЛИБОЕВ

Таҳрир ҳайъати:

Амир ФАЙЗУЛЛА
Назира ЖУРАЕВА
Алимурод ТОЖИЕВ
Шаҳноза НАЗАРОВА
Алишер ОТАБОЕВ
Даёрон РАЖАБОВ
Зилола ЖАЛОЛОВА
Жамила АСҚАРОВА
Мафтуна
МУҲАММАДАМИНОВА

МУНДАРИЖА

НАВОИЙ САБОҚЛАРИ

Алишер НАВОИЙ. Не лутф эдикি... (<i>Рус ва инглиз тилирга Е.Аксельрод, Қ.Маъмуроғ таржс.</i>)	3
---	---

ШЕЪРИЯТ МИНТАҚАЛАРИ

Н.ҚАББОНИЙ. (<i>Инглиз тилидан М.Музaffer таржс.</i>)	8
Р.РОЖДЕСТВЕНСКИЙ. (<i>Рус тилидан М.Маматхонов таржс.</i>)	100

НАСР

Ф.ДОСТОЕВСКИЙ. Ака-ука Карамазовлар. Роман. (<i>Рус тилидан И.Ғафуров таржс.</i>)	15
Н.АРСЛНОВ. Ёзувчи учун атири. <i>Новелла</i>	68
Л.С.МОНТЕЙРУ. Майизхўр эркак. Роман. (<i>Рус тилидан А.Мелибоев таржс.</i>)	73
О.АКБАЛ. Ёшлиқ кайтиб келмайди. (<i>Рус тилидан Н.Жўраева таржс.</i>)	136

ДРАМА

Б.БРЕХТ. Сичуандан чиққан меҳрибон. (<i>Рус тилидан Ж.Камол таржс.</i>)	103
---	-----

ПУБЛИЦИСТИКА

М.АБДУЛЛАЕВ. “Пахта иши” анатомияси.	141
---	-----

АДАБИЁТШУНОСЛИК. ФАЛСАФА

Ж.МАҲМУД. Биз билган ва билмаган Шекспир	155
М.ХОЛБЕКОВ. Реалистик проза устаси.	171
Б.КАРИМОВ. Херман Вамбери – ўзбек мақоллари таржимони.	178
Д.ЮСУПОВА. Аруз илми ва гарб тадқиқотчиси.	184

Жаҳон маданияти ва санъати.	189
Жаҳон хандаси.	192
Муқовамизда.	195
Қомус.	198
2018 йил мундарижаси.	200
Журналнинг русча ва инглизча муҳтасар мазмуни.	206



NAVOIY SABOQLARI



АЛИШЕР НАВОИЙ

(1441–1501)

НЕ ЛУТФ ЭДИКИ...

*Не лутф эдики, мени нома бирла ёд эттинг,
Не нома эрдики, ғамгин кўнгулни шод эттинг.*

*Тилим қалам тилидек шукрдин эрур ожиз,
Бу нома бирлаки бу нотавонни ёд эттинг.*

*Ўқурда оқти ёшим ихтиёрсиз, гўйиё
Ки, ҳажр дудасидин номага мидод эттинг.*

*Етурди жиссимида руҳ, эй қуёш, магарки
Масиҳ муаллим эрди дамеким ани савод эттинг.*

*Жавоҳиреки йибординг бу номуродинг учун,
Кўнгул харобасини маҳзани мурод эттинг.*

*Не суд, бўлса амал номаси қора гар худ
Отинг нишон уза Жамишид ё Қубод эттинг.*

*Навоий, жисминга руҳ ул қуёш ҳадиси эмиши,
Масиҳ нутқига йўқ ерда эътиқод эттинг.*

(“Фаройиб ус-сигар”, 353-газал)

ЛУГАТ:

Лутф – иноят, меҳрибонлик, марҳамат, шафқат

Ҳажр – ҳижрон, айрилиқ

Дуда – куя, қурум, тутуннинг иси

Мидод – сиёҳ

Маҳзан – хазина

Суд – фойда

Нишон – белги, аломат; тамға, из; хат, мактуб

Худ – ўзи, ўзича

Ҳадис – сўз

Байтларнинг насрый баёни

Дилнавоз ЮСУПОВА шарҳи

1. Сен томонингдан бу қандай марҳамат бўлдики, мактуб битиб, мени эсга олдинг, бу қандай нома эдики, у билан ғамгин кўнглимни шод этдинг.

2. Тилим сенинг шукрингни айтишда қаламнинг тилидек ожиз қолди, негаки мактуб орқали бу бечоранинг номини ёд этдинг.

3. Мактубингни ўқиётганимда кўз ёшим беихтиёр оқди, назаримда мактубда сиёҳ ўрнига ҳижрон қурумидан фойдаландинг.

4. Эй қуёшим, бу мактубни ёзаётганингда Исо Масих сенга устозлик қилдимикан, чунки уни ўқишим билан жисмимга жон кирди.

5. Бу ноумид (ёринг)га гўё жавоҳир юбориб, унинг вайронна қалбини орзу-умидлар хазинасига айлантиргандек бўлдинг.

6. Агар номайи аъмолинг қора бўлса, номингни нишон устига Жамшид ё Кубод деб ёзишдан не фойда?

7. Эй Навоий, сенинг жисмингга жон бағишлиовчи ўша қуёшнинг сўзлариридир, сен эса Исо Масихнинг нутқига ўринисиз эътиқод этдинг (яъни бунинг сабабчиси Исонинг нутки деб ўйладинг).

Ғазалнинг умумий мазмун моҳияти

Алишер Навоийнинг ушбу ғазали ишқий мавзуда бўлиб, унда ёрдан мактуб олган ошиқнинг шукроналик туйфулари юксак пафос билан тасвирланади. Ошиқ учун ёрнинг уни эслаб, нома битгани чексиз марҳамат ва иноят бўлиб, бу билан ошиқнинг ғамгин қалби чексиз қувончга тўлади:

*Не лутф эдики, мени нома бирла ёд эттинг,
Не нома эрдики, ғамгин кўнгулни шод эттинг.*

Қаламнинг тили забун, боши эгик, ўз туйфуларини қофоздан бошқага айта олмайди. Навбатдаги байтда шоир ошиқнинг ҳолатини қаламнинг шоирона тасвири билан қиёслаб, ажойиб поэтик лавҳа яратади:

*Тилим қалам тилидек шукрдин эрур ожиз,
Бу нома бирлаки бу нотавонни ёд эттинг.*

Агар эътибор билан қаралса, ушбу байтда радд ул-қофия санъати (матлаъдаги қофияни ғазалнинг кейинги байтларидан бирида такрорлаш) кўлланилаётганини кузатиш мумкин. Шоир матлаънинг биринчи мисрасида қофия бўлиб келаётган “ёд эттинг” бирикмасини иккинчи байтнинг

иккинчи мисрасида айнан такрор ҳолда қўллади. Юзаки қараганда оддий такрордек қўринган бу ҳолат замира аслида сўзнинг маъно товланишлари намоён бўлаётганлигини кузатиш мумкин. Биринчи байтдаги “ёд эттинг” қофиясида хотирга олмоқ, эсга олмоқ тушунчалик умумий ҳолда баён қилингандар бўлса, иккинчи байтда энди ушбу тушунча конкрет моҳият касб этади: Бу нома бирлаки бу нотавонни ёд эттинг...

Кўзга тутун иси кирса, у ўшланади. Ёр ўз мактуби учун хижроннинг куюндини сиёҳ қилган чамаси, ошиқ мактубни ўқигани сари қўзи ихтиёrsиз равиша ўшланаверади:

*Ўқурда оқти ёшим ихтиёrsиз, гўйиё
Ки, ҳажр дудасидин номага мидод эттинг.*

Ошиқнинг хижрондан озурда бўлган жонсиз танасига ёрдан мактуб келгач, жон киргандек бўлади ва энди ошиқ ёрга мактуб ёзишда Исо Масих устозлик қилганмикан, деб ўйлай бошлайди:

*Етурди жиссимира руҳ, эй қуёш, магарки
Масиҳ муаллим эрди дамеким ани савод эттинг.*

Маълумки, Исо Масиҳ мумтоз адабиётимизда энг кўп қўлланилган бадиий тимсоллардан бўлиб, Алишер Навоий иходида жон бахш этувчи, тирилтирувчи, қуёшга фанолик рамзи сифатлари билан боғлиқ ҳолда талқин қилинади. Буюк мутафаккирнинг “Тарихи мулуки Ажам” асарида маълумот берилишича, Исо (а.с.) осмоннинг тўртинчи қаватига кўтарилиган. Шарқ илми нужумига кўра эса, тўртинчи қават осмонда қуёш жойлашган. Шу маънода аксарият ҳолларда Исо Масиҳнинг номи қуёш билан биргаликда тамсил қилинади. Навоийнинг ушбу байтда ёрга “қуёш” деб мурожаат қилиши тасодифий бўлмай, ана шу ҳолат билан боғлиқ. Мазкур фикрларнинг ғазалнинг айнан тўртинчи байтида келтирилаётганлиги ҳам муайян бадиий эстетик функцияга эга.

Мактаъдан олдинги байтда Навоий бадиий услубининг юксак кўриниши намоён бўлади: лирик чекиниш ва мавъиза йўсинида айтилган фикр ғазалнинг умумий руҳига ҳамоҳанг тарзда янграйди:

*Не суд, бўлса амал номаси қора гар худ
Отинг нишон уза Жамшид ё Кубод эттинг.*

Агар амалларинг номаси (номайи аъмолинг) қора бўлса, номингни ушбу нома устига Жамшид ёки Кубод деб ёzsанг ҳам бефойдадир. Байтда Жамшид ва Кубод исмларининг талмиҳ тарзида келтирилиши тасодифий бўлмай, ушбу шахслар эронийларга мансуб сулолаларнинг қудратли ҳукмдорларидандир. Улардан Жамшид 700 ийл ҳукмронлик қилган бўлиб, унинг даврида бирорта ҳам табиий оғат юз бермаган, касаллик ва ўлим буткул барҳам топган. Манманликка берилиб кетгани учун тахтига завол етиб, Захҳок томонидан ўлдирилган. Кубод эса сосонийлардан бўлиб, Анушервони Одилнинг отаси сифатида ном қолдирган. Кўплаб бинолар қурдирган. Навоий ушбу байтда агар улардек қудратли подшоҳ бўлсанг

ҳам, ёмон амаллар билан номанг юзини қора қилган бўлсанг, охир-оқибат залолатга юз тутасан демоқчи.

Мақтаъда Навоий қуёш умумлашма тимсоли орқали Пайғамбаримиз (с.а.в.)га ишора қиласдики, бу билан бевосита ғазалнинг тўртингчий байтидаги фикрга якун ясагандек бўлади: Эй Навоий, сенинг жисмингга жон киргизган ул Зотнинг сўзлари эди, сен эса бу жонпарварликни Исонинг нутқидан деб ўйладинг:

*Навоий, жисминга рух ул қуёши ҳадиси эмиши,
Масиҳ нутқига йўқ ерда эътиқод эттинг.*

Ғазал рус тилига Елена Аксельрод томонидан таржима килинган. Мутаржим ғазал таржимасида умумий ҳолатда муваффакиятга эришган деб айтиш мумкин. Гарчи “ёд эттинг” радифини “поверь мне” тарзида ўгирган бўлса-да, таржиманинг шаклий хусусиятлари (ҳажми, қофияланиш тизими)да аслиятга яқинлашишга уриниш сезилади. Е.Аксельрод ғазалнинг умумий мазмунини рус китобхонига етказишида ҳам мақсаддага эришган: байтлар таржимасида мазмундан чекини什 ҳоллари деярли кузатилмайди.

Ғазалнинг русча таржимаси

Таржимон – Елена АКСЕЛЬРОД

*Я возрожден твоим письмом, о, как я рад, поверь мне,
Исчезла грусть, не надо мне других наград, поверь мне.*

*Язык бессилен мой, перо об этом лучшие скажет –
Как ослабел я, как устал от всех утрат, поверь мне.*

*Когда читал твое письмо, я слезы лил невольно,
Настроен в мускусе твоем разлуке чад, поверь мне.*

*Чтоб в тело бренное мое ты душу вновь вдохнула,
Тебе Мессия диктовал, пришел в твой сад, поверь мне.*

*Мне, сырому, прислала ты слов драгоценных жемчуг,
Руины сердца превратив в желаний клад, поверь мне.*

*Коль книга дел твоих черна, то не прибавит пользы,
Указ подпишешь ты «Джемшиид» или «Кубад», поверь мне.*

*О Навои, ты был спасен письмом прекрасной пери,
Мессию славишь за письмо ты невпопад, поверь мне.*

Ғазалнинг инглизча таржимаси

Таржимон – Қосимбой МАЪМУРОВ

WHAT A MERCY IT WAS ...

*What mercy it is, with a letter you remembered me,
What a letter it is, with it you made my sad soul happy.*

*My tongue is as weak as pencil to praise your fame,
With this letter, do remember your humbler's name.*

*As I was reading your letter my tears ran mindless,
As if in the letter you used separation ink, God bless.*

*O sun, while writing this letter did Jesus supervise you?
For when I was reading it I felt forever resurrected too.*

*As if to your hopeless beloved, the pearls you sent,
And his ruined soul into hopes treasury you turned.*

*If your letter of affairs intends evil, do save God,
No use to sign it with names Jamshid or Qubod.*

*O Navoiy, it is the sun's words that cured your pain,
But you've made your faith in Jesus verses in vain.*





SHE'RIYAT MINTAQALARI

НИЗОР ҚАББОНИЙ

(1923–1998)

Инглиз тилидан
Мирзоҳид МУЗАФФАР
таржимаси

Араб дунёсининг энг буюк адабий сиймоларидан бири, шоир, адаб ва сиёсий арбоб Низор Қаббоний 1923 йил 21 марта, Сурияning Шом вилоятида, ўртаҳол тужжор оиласида туғилди. Илк китоби “Чекиниш китоби учун эслатмалар” ўн етти ёшида чоп этилган ва у шу китоби билан адабий жамоатчилик ҳурматига сазовор бўлди. Дамашқ Миллий Билим юртида таҳсил олган. Бир қанча вақт Оврўпо ва Осиёда дипломатлик қўлган. Араб-Исройл урушига қадар романтик шоир сифатида танилган, урушдан сўнг дунёнинг таниқли ижтимоий шоирларидан бирига айланди. Шоир 1998 йилда вафот этган.

ҚАСИДА

1

Биродарлар,
Кўхна сўзлар айрилмии жондан.
Ўлик эрур кўхна китоблар бешак.
Эски пояфзалдек йиртиқ тилимиз — бежон.
Бизни галабага етаклаган
Фикр мурдадир.

2

Аччиқлашиб кетган бизнинг назмимиз
Аёлларнинг соchlари, тунлар, дарпардалар ва ўриндиқлар
Аччиқлашмии.
Аччиқлашмии ҳар бир яратиқ.

3

Алангалар ичра қолган
Аламбардор Ватаним менинг.
Сен мени
Ишқий шеърлар ёзиб юрган
Оддий шоирдан
Айлантиридинг ханжар-ла шеър ёзгуви
ШОИРга.



Сўзлардан сўнг шу маълум бўлар:
Ўялмогимиз шарт ўз ишерларимиздан.

Шарқий бомбардимонлардан,
Юксалмоқдан чекинмаган гуурурдан,
Гижжак ва дўмбира оҳангларидан
Жунбушга келиб,
Отландик биз жангга
Ва йўқолдик мангу.

Жаҳдимиздан баланд эрур ҳайқириғимиз,
Бўйимиздан узунроқдирип
Шамиирларимиз.
Не дардки, бу бизнинг фожеамиздир.

Тамаддун либосин киймогимизга
Кисқагина вақт ҳам етарли
Лек
Қалбимиз ҳамон яшар
Тош эрасида.

Голиб бўла билмассан жангда
Қамиши найнинг наволари-ла.

Ўз сабрсизлигимиз
Сотдики бизни
Беш минг чодир эвазига.

Арини таҳқирлама
Агарки ёдига олмаса сени.
Лаънатлама вазиятларни,
Тангри голибликни берар бегумон
Аллоҳига ишонгандарга.
Зеро,
Ҳақ темирчи эмасдир –
Киличингни тоблаб бергувчи.

*Бу тонгги янгиликни тингламоқ оғир,
Оғирдир итларнинг тонгги акиллашини
Кулоқ бериб эшишмоқлик ҳам.*

*Сарҳадларимиздан ўтмади агёр
У шунчаки ўрмалади
Заифлигимиздан чумолисимон.*

*Беши минг йилки,
Ўраларда соқол.
Мавҳумдир ҳаттоқи тул муомаламиз.
Кўзларимиз осмондир учмоқлик учун.
Дўстлар,
Парчалангиз бу эшикларни,
Поклансин онгингиз,
Поклансин либосингиз.
Қадрдоңлар,
Китоб ўқинг,
Китоб ёзинг,
Ўстиринг сўзларни анор ва узумлар янглиг.
Юзинг туман ва қор ўлкаларида...
Каваклардан чиққанингиз билмасин ҳеч ким,
Фақат сезсин сизнинг буюк насл эканингизни*

*Биз шундайин халқмиз:
Теримиз қалин,
Қалбимиз бўйм-бўши.
Бемаъни жодуларга кўникоқча,
Ухламоқча ва шатранж ўйнамоқча
Сарфлаймиз кунларимизни.
Биз шундайин халқмиз:
Аллоҳ лаънатлаган бизларни мангу...
Сарфлаймиз кунларимизни.*

*Саҳрои ёғ айланмоги мумкиндир
Оловнинг ўткиртиг ханжарларига.
Ки шарманда бўлдик улугвор
Боболарнинг олдида бу кун:
Биз бу ёғни олдик
Фоҳишалар поийдан.*

Кўчаларда югурамиз ёввойисимон
 Халқни судраганча арқонлар ила,
 Кулфлар ва ойналарни синдирганча боз.
 Улуглаймиз ботқоқ бақалариdek,
 Жирканч ҳамд айтганча қаҳрамонларга.
 Ва қаҳрамонлар сўйлар кўпикларгаки,
 Биз ҳеч қачон тўхтамасмиз
 Ва ўйламасмиз.
 Масжидларда
 Чўккалаймиз беҳуда,
 Шеър ёзамиз,
 Тўқиймиз мақол
 Тиланиб Ҳудодан Галаба
 Душманимиз устидан.
 Масжидларда чўккалармиз —
 Бари беҳуда...
 Шеър битамиз,
 Ўзимизча тўқиймиз мақол.
 Тилармиз Тангридан самовий құдрат,
 Куритмоқ-чун бани душман уругин.

Эҳ, билганимда-ку ранжимас эдим,
 Кўрмогим мумкин эди Султонни.
 Уни кўргач, мана, мен нима дердим:
 Аё Султон,
 Сенинг кўппакларинг йиртди либосларимни,
 Жосусларинг пойлади мени,
 Аларнинг Кўзлари пойлади мени,
 Аларнинг димоғлари пойлади мени,
 Узун оёқлари пойлади мени —
 Мени пойладилар Қисмат мисоли.
 Аёлимни сўроқ қила қол
 Ва ёзиб ол дўстларимнинг исмларини.
 Султон,
 Келганимда тош деворларинг пойига
 Ва сўйлаган оним сенга дарду-ҳасратим,
 Сипоҳларинг тендиллар-ку нағал этиклари-ла,
 Мажбурладилар ўз кавушимни емоққа ҳатто.
 Султон,
 Халқимизнинг тенг ярми
 Тузоққа тушишидир чумоли ва каламуилардай.
 Деворларинг баландлигин
 Билганимда ҳам
 Алам қилмас эди бунчалар.
 Айтмоқни истайман унга

Сен бой бердинг, дея икки урушини,
Сен йўқотдинг қудратингни авлодлар ила.

18

Дафн қилмасайдик, бирлигимизни,
Улгайтирмасайдик бу жанговар вужудларни
Турганида бу вужудлар кўз олдимизда
Итлар топтамасди бизнинг лошимиз.

19

Газабланган авлод бизга керакмас,
Керакмас осмонни омоч ила ҳайдовчи
Ва тарихин қўлдан бой бергувчиларга
Эмасмиз муҳтож!
Истардикки,
Шундай бир авлод келса,
Кечирмаса бирор хатони,
Тиз чўкмаса ҳеч кимга ҳеч вақт.
Истардикки,
У бўлса девларнинг насли!

20

Араб болалари
Келажсакнинг илк япроқлари — сиз
Сиз занжирларимизни узасиз ҳали,
Йўқ қиласиз онгимизда ўсган афюнни,
Ўлдирапсиз жами туч хаёлларни.
Араб болалари,
Ўқиманг,
Бўғиб ўлдирилган насллар ҳақида
Ёзилган китобларни.
Ки чалиндик умидсизлик касаллигига.
Бизлар қадрсизмиз тарвуз пўчоги мисол,
Ўқиманг биз ҳақимиздаги китобларни,
Бизга тақлид қилманг,
Маъқулламанг бизнинг ишларимизни.
Кўшилманг,
Кўшилманг бу гояларга.
Тушунинг,
Биз тобе ва ёлғончи халқимиз...
Араб болалари,
Баҳорги ёмғирлар
Ва келажсакнинг илк япроқлари.
Сиз ожизликни
Бўйсундиргувчи
Ғолиб насл эрурсиз.

МЕН ДУНЁНИ ЗАБТ АЙЛАГУМ

*Мен дунёни забт айлагум сўзлар ила,
она тилим оҳанглари садоси ҳамда
феълларнинг отларнинг афсуни бирла
пок айлагум жами нарса ибтидосини
оловнинг сув томон йўллаган
хабарининг наволари чайқалгувчи бир
янги тил билан
мен ёритгум келаётган замоналарни
ва тўхтатгум ушибу вақтни қўзларинг ичра
софлайдирман ки бул ёлгиз лаҳзани
вақтдан ажратгувчи йўлларни ўзим.*

ДЕНГИЗ ТУБИДАН МАКТУБ

*Дўстим бўлсанг,
најсот бергил... бормоқлигим учун ёнингга
ё бўлсанг гар маним севгилим...
аямагил ёрдамингни...
тирик қолай фақат сен боис...
Билсайдим...
бilsайдим денгизнинг қайдан бошланиб
қайда топмоқлигин буткул ниҳоя.*

*Сенга шундай интилятманки...
ўргат менга интилмаслик, севмасликни, ёр...
ўргат ернинг қаъридаги ишқининг илдизин
қай йўл ила буткул қуритмоқликни...
ашклар кўздан оқиб қандай ўлмоқлигин
ва муҳаббат ўлдирмогин ўзин қай йўллар ила —
ўргатақол...*

*Гар пайгамбар бўлсанг,
покла мени жами жодудан,
худосизлик даштларидан олиб кет мени...
сенинг севгинг муртадликка кетади мензаб...
тозалагил қалбимни сен осийликлардан.*

*Магарки, билмаса қудратинг сарҳад
қутқар мени баҳр домидан
сузмоқликни билмайман
тушун
зангори долгалар... итариб юборар
мени қўзларингнинг туби-тубига...
зангори...
зангори...
лек ҳеч нени англатмас бу ранг
ва менда йўқ Ишқдан бирорта
ёлқин ё ифор...
қайиғум ҳам йўқдир бунинг устига...*

Олдингда бўлса гар заррача қадрим
қўлимдан ушила
мен ила чўкмоқлик учун денгизга...
ушила қўлимдан

Мен нафас оляпман сувнинг остида!
Мен чўкиб боряпман...
Чўкиб...
Боряпман...

НУР МУҲИМРОҚ ФОНУСДАН КЎРА

Нур муҳимроқ фонусдан кўра.
Шеър муҳимроқ эрур дафтардан
Ва лаблардан муҳимроқдир қайноқ бўсалар.
Менинг сенга ёзган хатларим
Улканроқ ва муҳимроқдир бизнинг иккимиздан ҳам.
Улар фақат одамлар кашф
Айлаган ҳужжат —
Сенинг гўзаллигинг
Ва менинг телбалигимнинг ҳосиласидир.

СЕВГИЛИМ СЎРАР МЕНДАН

Севгилим сўрар мендан:
“Не фарқ бордир само ила менинг орамда?”
Фарқ бу менинг муҳаббатимдир,
Ки сен кулган пайт
Унутаман мен самовотни.

ДЕНГИЗГА ТАШРИФ

Рўй берди ўртада севги сўнги бор
Ва биз кирдик Ҳақ жсаннатига,
Сирганибон
Сув остида балиқдай пинҳон.
Кўрдик биз дengизнинг асл дурларин
Ва ҳайрат юртига айладик сафар.
Рўй берди ўртада севги сўнги бор
Ҳеч қандай қўрқувсиз...
Хоҳии шакли-ла.
Шунингдек бергандим... сен ҳам бергандинг
Ўзимизни қонун қўлларига жим.
У рўй берди гаройиб бир енгиллик ила,
Худдики жасминнинг суви-ла ёзгандек
Ёки
Яшинаётган яшил кўклам мисоли.



ФЕДОР ДОСТОЕВСКИЙ

(1821–1881)

АКА-УКА КАРАМАЗОВЛАР¹

Тўрт қисмли, эпилогли роман

*Рус тилидан
Иброҳим ФАФУРОВ
таржимаси*

Иккинчи қисм

БЕШИНЧИ КИТОБ

VI

ХОЗИРЧА ЖУДА НОАЁН

Иван Федорович эса Алеша билан хайрлашгач, уйга, отаси Федор Павловичниги караб кетди. Лекин қизиқ, уни бирдан чидаб бўлмас ғашлик чулғаб олди ва ҳаммадан ҳам ортиғи, уйга яқинлашган сари, қадам сайин олдингидан бешбаттар зўрайиб борарди. Фалати томони ғашликнинг ўзида эмасди, гап шундаки, Иван Федорович бу ғашликнинг ўзи нимадан иборатлигини сира тушуниб етолмасди. Илгари ҳам кўнглини тез-тез ғаш босиб юрарди, аммо ажабланарлиси шундаки, у эртагаёқ ўзини бу ерга боғлаб турган барча ришталарни бирваракай батамом узиб ташлаб, қайтадан яна бошқа ёққа кескин бурилиб, мутлақо янги, бутунлай номаълум йўлни тутмоқчи бўлиб турган дамда яна юрагини қоронғилик босди ва бу йўлни яна аввалги чоғлардек, нималарга суюнишини ўзи ҳам билмаган ҳолда жуда кўп нарсаларга умид-илинж қилиб, ҳаётдан кўп, жуда ҳам кўп нарсаларни кутиб, аммо на орзу, на умид-илинжларини аниқ-тиник белгилай олмай борарди. Лекин ушбу сонияларда унинг кўксини ҳақиқатан ҳам янгилик ҳамда номаълумликнинг ғашлиги қоплаган бўлса-да, уни азоблаётган нарса бошқа эди. “Бу ота-онамнинг уйидан нафратланиш эмасмикин мабодо, – ўйланиб қолди у ўз ичидан. – Шунақага ўхшайди, шу қадар жонимга тегиб кетган, мен бугун бу ярамас оstonадан охирги маротаба ўтсам-да, барибир жуда ёқимсиз, бадимга уриб кетди...” Э, йўқ, бу ҳам эмас. Ё Алеша билан хайр-хўглашиш ва ораларида бўлиб ўтган гап-сўзлардамикин боиси:

¹ Давоми. Бошланиши ўтган 8, 9, 10, 11-сонларда.

“Шунча замонлардан буён ҳеч кимга ёрилмадинг, бир оғиз сўз айтишни лозим кўрмадинг ва бирдан шунча нарсаларни валдирадинг”. Ҳақиқатан, бу ғўр ёшликнинг ғўр тажрибасизлиги ва ғўр ўқинчлари эҳтимол ва ўз дилидагиларни тўла изҳор этолмаганлик ўқинчи, яна Алеша каби бир хилқат олдида-я, ахир унга қанчадан-қанча умидлар боғлаган эди-я кўнглида. Албатта, шу ғашлик ҳам ўзи йўқ эмасди, бўлмаслигининг ҳеч иложи ҳам йўқ эди, аммо барибир бу эмас, бу эмас, бу бутунлай бошқа. “Бехузур қилиб юборди бу ғашлик, нима истаётганимни ўзим ҳам билмайман, бундан ожизман. Балки ўйлаб ўтирумасаммикин...”

Иван Федорович ўйламасликка ҳаракат қилиб кўрди, аммо уддасидан чиколмади. Бас, бу ғашлик шуниси билан юракни сикар ва шуниси билан алам қиласдики, қандайдир тасодифий, мутлақо ташқи бир кўринишга эга эди у: бу сезилиб турарди. Мисолига, қаердадир қандайдир бир нарса ёхуд жонзот алланечук кўнқайганча турарди, баъзан нимадир кўз ўнгингда шундай қаққайб туриб қолади, уни ишга берилиб ёки қизғин гапга тушиб кетиб пайқамай ҳам қўясан, ҳолбуки, у ғашингга тегади, кўзингни хира қилиб, асабни ўйнатади, ниҳоят, охири ортиқча нарсани олиб ташлаш мумкинлиги эсингга тушади, бу, одатда, жуда ҳам арзимаган, кулгини қистатадиган унутиб қолдирилган, ўз жойида турмаган алланарса бўлади, майли-да, ерда ётган рўмолми ё жавонга жойига қўйилмаган китобми ва ҳоказо, ҳоказо. Ниҳоят, Иван Федорович жуда дикқати ошиб, куфри кўзиган ҳолда ота уйига етиб келди ва бирдан, уй эшигидан ўн беш одимча наридан дарвозага қараб туриб дарҳол ўзини бунчалар қийнаб, хавотирга солган нарсани фаҳмлаб етди.

Дарвоза ёнидаги ўриндиқда малай Смердяков ўтирап ва кечки салқинда хордик чикаарди. Иван Федорович унга кўзи тушибоқ ўзининг юраги тубида малай Смердяков ўтирганини англади ва баайни шу одамни кўргани кўзи йўқлигини билди. Ҳаммаси бирдан ёришиб, аён бўлди қолди. Боягина Алешанинг Смердяковни кўргани ҳақидаги ҳикоясини эшитгандаёқ бирдан унинг юрагига оғир, хунук бир нарса санчилгандай бўлди ва шу заҳоти хуноби ошди. Кейин гапга тушиб кетиб чақчақлашиб ўтирганларида Смердяков вақтинча хаёлдан кўтарили-ю, аммо юрагидан бутунлай чиқиб кетмади, Иван Федорович Алеша билан хайр-хўшлашиб, бир ўзи уйга қараб йўл оларкан, шу заҳоти вақтинча унутилган сезги яна бирдан тез юзага чиқа бошлади. “Э, наҳотки шу ярамас абллаҳ мени шу қадар ташвишга солиб қўйса!” – жиғибийрон бўлиб ўйлади у.

Гап шундаки, Иван Федорович охирги пайтлар ва айниқса, кейинги кунларда, ҳақиқатан, бу одамни жонидан ҳам ёмон кўриб қолганди. Бу кимсага нисбатан тобора кучайиб бораётган нафрлати ҳатто ўзига ҳам сезила бошлади. Иван Федорович биз томонларга қадам ранжида қилган дастлабки кунларда иш бутунлай бошқача эди, балки нафратнинг ортиб бориши айни мана шундан бошлангандир. Ўшанда Иван Федорович уни кутилмаганда ўзига ўзгача бир тарзда яқин олган, ҳатто кўзига у қизиқ одам бўлиб кўринганди. Уни ўзи билан гаплашиб туришга кўйниктирди-ю, бироқ доим унинг аклу идрокининг калтафаҳмлиги, яна ҳам яхшироқ айтиладиган бўлса, бирмунча телба-тескарилигидан ажабланиб юрди ва бу “хаёлпараст”ни нималар доим бунчалар қўймай безовта қиласверишини тушунолмади. Икковлари фалсафий мавзуларда ҳам гаплашар ва ҳатто ибтидо куни – қуёш, ой ва юлдузлар фақат дунё яратилишининг тўртинчи

кунигина ёқилганига қарамай – ёриб турганини қандай тушуниш керак дейишарди; бирок Иван Федорович тез орада гап умуман қүёш, ой, юлдузларда эмаслиги, қүёш, ой, юлдузлар гарчи қизиқарли нарсалар бўлса ҳам, аммо Смердяков учун мутлақо учинчи даражали экани, унга қандайдир тамомила бошқа бир нарса кераклигига тўла ишонч ҳосил қилди. Шу-шу, шундайми ё бошқачами, ҳар ҳолда, чексиз-интиҳосиз бир иззат-нафс ўзини қўрсатиб, фош килишга тушди, бу яна иззат-нафс бўлганда ҳам, таҳкирланган иззат-нафс эди. Иван Федорович буни жуда ҳам ёқтирамади. Ундаги нафрат мана шундан бошланди. Кейинчалик уйдан ғалвалар чиқди, Грушенька пайдо бўлди, биродар Дмитрийнинг низолари қўтарилиди, уй бесаранжомликда қолди – улар буларни ҳам гаплашишар, гарчи Смердяков булар ҳақида жуда қизишиб сўйласа ҳам, барибир унинг ўзи бу ҳолда нима исташини сира билиб бўлмасди. Унинг айрим хоҳиш-истакларининг тартибсизлиги ҳамда бемаънолиги ажабланарли эди, улар доим беихтиёр ташқарига чиқиб турага доим бир хилда мужмал бўларди. Смердяков нуқул сўраб-суринширилар, қандайдир ўсмоқчилаб, чамаси, ўйлаб топилган саволлар ёғдирап, лекин нимагалигини айтмас ва одатда, ўзининг сўраб-суринширилари энг қизиқ жойига келганда, кутилмагандан бирдан жимиб қолар ёки бошқа бир ёққа ўтиб кетарди. Аммо Иван Федоровичнинг тоқатини тоқ қилиб, аччиғини бўғзига келтирган ҳамда тамом нафратини қўзитган асосий нарса – Смердяков зўр бериб унга қўрсата бошлаган қандайдир ўта расво ва бошқача бир тарздаги такаллуфбозлик эдики, кун-кундан бунинг салмоғи ортиб бораарди. Бирок у одоб чизифидан асло ташқарига чиқмас, доимо ҳурмат-эътиборни ғоятда жойига қўйиб муомала қилас, аммо, чамаси, бу шундай бир йўлга қўйилган эдики, Смердяков, худо билади нима учундир, Иван Федорович билан бирга ўзини ҳамдаст ҳисоблар, худди ўрталарида илгаридан қандайдир шартлашилган, қандайдир маҳфий, аввалдан фақат икковлари томонидан ўзаро келишилган, теварак-атрофда ўралашиб, ўрмалашиб юрган бошқа кимсалар умуман билмайдиган, ақли етмайдиган бир нарсалар бордай тутар ва сўйларди. Бирок Иван Федорович шунда ҳам узоқ вақт кундан-кунга зўрайиб бораётган нафратининг ҳақиқий сабабини тушунмай юрди ва фақат энг охирги пайтларга келиб, нихоят гап нимада эканлигини англаб етди. У ижирғаниб, хуноби ошиб, Смердяковга қарамай, индамасдан эшикка қараб ўтиб кетмоқчи бўлди, аммо Смердяков ўтирган жойидан турди ва шунинг ўзиданоқ Иван Федорович унинг ўзига алоҳида бир гапи борлигини дарҳол фаҳмлади. Иван Федорович унга қаради-да, юришдан тўхтади, бир дакиқа олдинроқ у тўғри тўхтамасдан ўтиб кетмоқчи бўлганди, энди эса тўхтаб унга қараганидан бошидан тутуни чиқиб кетай деди. У Смердяковнинг ичкилиқдан бўртган, ахтамонанд, чакка соchlари қайрилма тараалган, манглайи чўққисида сочи тож қилиб мўъжаз кўпиртирилган башарасига нафрат ёғдириб, ўқрайиб тикилди. Смердяковнинг қисиқроқ чап кўзи қисилиб-қисилиб қўяр ва худди: “Нимага ўтиб кетаяпсан, ўтиб бўпсан, сен билан менга ўхшаган ақлли одамга сўйлашгани гап топилади”, деб кулимсираётганга ўхшарди. Иван Федорович зир титради.

“Қоч, абллаҳ, мен сенинг шеригинг эмасман, тентак!” – демоқчи бўлиб оғиз жуфтлади-ю, лекин тилидан тамомила бошқа сўзлар отилиб чиққанига ўзи ҳам ҳайрон қолди:

– Нима, отам ухляяптими ё үйғондими? – деди у кутилмагандан мулойим ва секин ўзига ўзи гапиргандай, сўнг бирдан, кутилмагандан ўриндиқча

ўтириди. Бир зум қўрқиб юраги қинидан чикиб кетай деди, бу кейин эсига тушди. Смердяков унинг рўпарасида қўлини орқасига қовуштириб турар, ишонч билан кўзига дадил тикиларди.

– Ҳали уйғонгандари йўқ-а, – деди у бамайлихотир. (“Мен эмас, ўзинг биринчи бўлиб оғиз очдинг”) – Сизга ҳайрон қоламан-да, жаноблари, – деб қўшиб қўйди у бироз сукут сақлагач, қўзларини алланечук сузуб ерга караб, у ўнг оёғини олдинга чиқариб, локланган ботинкасининг учи билан ердаги кўмни ўйнарди.

– Сен нимага менга ҳайрон бўласан? – бор кучи билан ўзини тутган ҳолда ҳиркираб жиддий сўради Иван Федорович ва бирдан ғижиниб бўлса ҳам ғоят қизиқиб қолганини тушунди, бу ердан барини билиб олмагунча кетмаслигини англади.

– Нима учун жаноблари Чермашняга бориб келмаяптилар? – бирдан қўзларини ўйнатиб сўради Смердяков ва такаллуфона табассум қилди. “Агар ақлли одам бўлса ўзи тушуниб олиши керак мен нега кулганимни ахир”, – дегандай бўлди унинг қисилган чап кўзи.

– Нега энди мен Чермашняга боришим керак? – ҳайрон бўлди Иван Федорович.

Смердяков сукут сақлади.

– Федор Павловичнинг ўzlари сиздан буни илтимос қилиб эдиларда, – ниҳоят шошилмасдан бамайлихотир тилга кирди у, худди ўзининг жавобига ўзи бовар қилмагандай: арзимаган сабабни эслатиб ўтаяпман, барибир нимадир дейишим керак-ку.

– Э, шайтон, аникроқ қилиб гапир, сенга нима керак ўзи? – қуфри қўзиб қичқирди ниҳоят Иван Федорович, мулойим бўлиб турган одам қўрсликка ўтиб.

Смердяков ўнг оёғини чап оёғи устига қўйди, қаддини андак ростлагандай бўлди, аммо у ҳамон ўша-ўша бамайлихотир ва ўша-ўша илжайиб боқарди.

– Арзидиган бир гап ҳам йўқ ўзи... шунчаки, омади гап...

Ўртага яна сукунат чўқди. Бир дақиқалар жим бўлиб қолишиди. Иван Федорович ҳозир ўрнидан туриб қаҳру ғазаб қилиши кераклигини биларди, Смердяков эса унинг қошида қўқкайиб буни кутарди: “Қани кўраман, жаҳлинг чиқадими, йўқми?” дегандай. Ҳар ҳолда Иван Федоровичга шундай туюлаётгандай эди. Ниҳоят, у ўрнидан туриш учун қимирлади. Смердяков ана шу лахзани пойлаётганди.

– Аҳволим жуда оғир, Иван Федорович, бундан қандоқ қутилишимни ҳам билмайман, – деди у бирдан катъият билан дона-дона қилиб ва охирги сўзини хўрсиниб айтди. Иван Федорович дарҳол яна жойига ўтириди.

– Иккенинг ҳам феъли айниган, иккovi ҳам худди ёш боладай бўлиб қолган-да, – давом этди Смердяков. – Мен отангиз билан акангиз Дмитрий Федоровични айтаяпман. Мана ҳозир Федор Павлович ўрнидан туради-ю, сўрайвериб қулоқ-миямни ейди: “Нима, келмадими? Нега келмади?” – ярим кечагача аҳвол шундай, ярим кеча ўтиб ҳам тугамайди. Агар Аграфена Александровна келмасалар (у кишим, чамаси, умуман, ҳеч қачон келмоқчи эмаслар), эртасига эрталаб яна менга ташланадилар: “Нега келмади? Нима учун? Қачон келади?” Худди мен у кишининг олдида келмагани учун гуноҳкордай. Бошқа томондан яна бир оҳанжама, қоронғи тушиши билан ва ҳатто ундан ҳам илгарироқ оғайнингиз кўлида курол кўтариб қўшни

тарафдан пайдо бўлади: “Кўзингга қара, масхарабоз ошпаз, уни кўздан қочириб, келди деб, менга хабарини бермасант, ҳаммасидан бурун сени ўлдираман”. Тун ўтиб, тонг отиб, у кишим ҳам худди Федор Павловичга ўхшаб мени қийнагани-қийнаган: “Нега келмади? Қачон келади, дараги борми?” ва яна мен ойимқизнинг келмагани учун айбдор бўлиб чиқаман. Ҳар икковлари дам сайин, соат сайин баттар жаҳллари чиқаётганини кўраман-да, баъзи вақтлар кўрққанимдан ўзимни ўзим ўлдириб қўяй дейман. Мен, жаноблари, улардан тўйдим-е.

– Нега ўзинг аралашдинг? Нега Дмитрий Федоровичга чақимчилик қилдинг? – энсаси қотиб деди Иван Федорович.

– Қандай қилиб аралашмай? Тўла анигини билмоқчи бўлсангиз, мен умуман аралашганим йўқ. Мен бошиданоқ бир оғиз сўз кўшишга кўркиб, аралашмадим. Улар мени бошданоқ ўзларининг Личардага¹ ўхшаган ма-лайлари қилиб олишди. Ўшандан бери фақат: “Агар шамғалат қилсанг, ўлдираман сен масхарабозни!” деганлари-деган. Жаноблари, ўзимча кўнглимга келтиряпманки, мени эртага узоқ тутқаноқ тутса керак.

– Узоқ тутқаноғинг нимаси?

– Шунақа узоқ тутқаноқ, кўп узоқ чўзиладиган тутқаноқ-да. Бир неча соат ёки балки, бир кун-икки кун чўзиладиган тутқаноқ. Бир марта у уч кун давом этди, ўшанда болохонадан йиқилгандим. Босилиб кетади-ю, кейин яна бошланади, ўшанда уч кун ҳушим ўзимга келмай ётдим. Бу ерда Герценштубе деган доктор бор, Федор Павлович ўшани чақиртиридилар, у энсамга муз қўйди ва яна бир дори қилди... Бўлмаса ўлиб қолардим.

– Бу ахир, айтишларича, тутқаноқни олдиндан билиб бўлмас эмиш, шундай соатда бўлади деб. Сен нимага эртага деб айтяпсан? – тажанглик билан қизиқиб сўради Иван Федорович.

– Рост, буни аниқ билиб бўлмайди.

– Бунинг устига сен ўшанда болохонадан йиқилгансан.

– Болохонага ҳар куни чиқаман, хоҳласам, эртагаёқ болохонадан йиқилиб тушаман. Болохона бўлмаса, ертўлага йиқиламан, ертўлага ҳам ҳар куни кираман, ишларим бор.

Иван Федорович унга узоқ тикилиб қолди.

– Лақиляпсанми дейман-а, гапларингга тушунолмай қолдим, – секин, лекин хиддат билан деди у, – сен эртага уч кунга ўзингни тутқаноқ тутганга солмоқчимисан, а?

Смердяков ерга қараб ўнг оёғининг учи билан қум чизиб турган эди, ўнг оёғини ўз ўрнига қўйиб, унинг ўрнига чап оёғини олдинга чиқарди, бошини кўтариб, илжайган қўйи деди:

– Мен ўзимни касал қилиб кўрсатганимда ҳам, бу тажрибали одамга қийин эмас, ўзимнинг ҳаётимни сақлаб қолиш учун шу чорани қўллашга тўла равишда ҳақлиман, зотан, мен касал бўлиб ётганимда Аграфена Александровна у кишимнинг отасининг олдига келганларида ҳам, у кишим касал одамдан: “Нега айтмадинг?” – деб сўраб ўтирмайдилар. Уялсалар керак.

– Э, шайтон! – юзи ғазабдан қийшайиб кетган Иван Федорович бирдан чирпинди. – Мунча жонинг учун қалтирайсан, лодон! Акам Дмитрийнинг барча бу сўзлари пўписалар, холос, бошқа ҳеч нарса. У сени ўлдирмайди, ўлдирса ҳам бошқани ўлдиради!

¹ Личарда – XVI асрда Россияда таржима қилиб чиқарилган Европа қиссаси қаҳрамони, қирол Гвидоннинг хизматкори. У қиролга ҳам, унинг ёвуз хотинига ҳам баравар хизмат қилади.

– Ҳаммадан бурун мени пашшадай ўлдиради. Мен бошқа нарсадан кўрқаман: ўз отасини бир нарса қилиб кўйса, ишқилиб, мени шерикка чиқармасалар бас.

– Нега энди сени шерикка чиқаришаркан?

– Чунки мен анов ишораларни жуда маҳфий равишда айтганман.

– Қанақа ишоралар? Кимга айтгансан? Жин чалсин сени, тушунтириброк гапир!

– Тўла тан олишим керакки, – дея олифтанамо чўзилди Смердяков, – Федор Павлович билан ўртамиизда битта яширин сиримиз бор. У киши агар билсангиз (билишни истасангиз), бир неча кунлардан бери, хоҳ кечда бўлсин, хоҳ тунда, дарҳол ичкаридан эшикни беркитиб оладилар. Сиз ҳар сафар кун охирида ўз хонангизга эрта қайтаяпсиз, кеча эса умуман ҳеч қаёққа чиқмадингиз, шунинг учун у киши тунда эшикларни маҳкам беркитиб олишларини билмаслигингиз мумкин. Григорий Васильевичнинг ўзи мабодо келса ҳам, фақат овозидан таниб очишлари мумкин. Аммо Григорий Васильевич келолмаяпти, шунинг учун ичкаридаги юмушларини мен ўзим қилиб турибман. Аграфена Александровна борасида машмашалар бошлангандан бери ўzlари шунга қарор қилдилар. Тунда мен ўзим ҳам, у кишининг бўйруқлари бўйича ҳовлидаги уйга бориб ётаман. Аммо яrim кечагача уйкуга ётмайман, навбатчилик қиласман, ўрнимдан туриб ҳовлини айланаман, Аграфена Александровна қачон келаркин деб кутаман, у кишим мана бир неча кундан бери унинг келишини эс-хушдан оғгудай бўлиб кутиб ётибдилар. У кишининг фикрича, ойимқиз Дмитрий Федоровичдан кўрқади (у киши уни Митька деб чақирадилар), шунинг учун кечаси орқадаги овлоқ йўллардан билинтиrmай олдимга келади дейдилар; менга айтадиларки, сен уни яrim кечагача, ҳатто ундан ҳам ортикроқ кутиб ўтири. У келиб қолса, чопиб эшигимга кел-да эшикни ёки боғ деразасини тиқирлат, биринчи марта астагина манавиндай тақ-тақ тақирлат, кейин эса уч маротаба тез-тез тақ-тақ-тақ ур. Ана шунда мен ойимқиз келганини биламан, кейин оҳиста сенга эшикни очаман. Фавқулодда бир ҳодиса бўлиб қолса, менга бошқа бир ишора билан хабар қилишни буюрганлар, аввал икки марта тез-тез чертаман: тақ-тақ, кейин яна бир сония кутиб, қаттикроқ чертаман. Ана шунда у киши фавқулодда бир ҳодиса рўй берганини биладилар ва мен билан дарҳол кўришиш зарурлигини тушунадилар, эшикни очадилар, мен ичкарига кириб ахволни маълум қиласман. Шуниси ҳам борки, Аграфена Александровнанинг ўзи келмаслиги ҳам мумкин, бирон хабар жўнатиши ҳам эҳтимолдан узоқмас, яна бундан ташкари, Дмитрий Федоровичнинг ўзи балки келиб қолар, у яқинлашиб қолди деб, буни ҳам билдириш керак. Хўжайин Дмитрий Федоровичдан ўлардай кўрқади, шунинг учун Аграфена Александровна келган бўлсалар, икковлари бирга яшириниб ётишган бўлса ва бу орада Дмитрий Федорович яқин ўртада пайдо бўлиб қолса, мен зудлик билан уларга уч марта чертиб шуни маълум қиласман: “Аграфена Александровна келдилар”; иккинчи марта уч бора тиқирлатсам – “Жуда ҳам зарур иш чиқиб қолди” деганим бўлади, хўжайнининг ўzlари мисол кўрсатиб буни менга ўргатиб, тушунтиридилар. Бутун дунёни олиб қарасангиз ҳам, бу ишораларни ёлғиз мену ўzlари билишларини ҳисобга олганда, улар ҳеч қандай иштибога бориб ўтирамай ва жиндак ҳам овоз чиқармай (овоз чиқариб жавоб беришдан ўлгудай кўрқадилар) эшикни очадилар. Мана шу ишоралар энди Дмитрий Федоровичга маълум бўлиб қолди.

– Нега маълум бўлади? Сен айтдингми? Бунга қандай журъат қилдинг?

– Азбаройи кўркқанимдан. Мен у кишининг олдида айтмасликка қандай ҳаддим сиғади? Дмитрий Федорович ҳар куни менга зуғум қиласилар: “Сен мени лақиллатаяпсан, мендан нималарни яширяпсан? Сенинг иккала оёғингни синдираман!” Ана ўшанда мен у кишига яширин ишораларни айтиб бердим, менинг қулдай хизматимни билсинглар ва лоақал алдамаётганимга ишонсинлар, ҳаммасини ипидан-игнасиғача билдириб турганимни қадрласинлар дедим.

– Мабодо бу ишоралардан фойдаланиб ичкарига кирмоқчи бўлса, уни киритма, ўйлаб кўр.

– Мен ўзим тутқаноқ тутиб ётган бўлсам, унда қандай қилиб киритмайман, унинг бу қадар ваҳшатини кўриб туриб, хоҳлаганимда ҳам қўлимдан нима келади ахир?

– Э, жин чалсин сени! Нега тутқаноғим тутади деб шунчалар ишоняпсан, эй, шайтон ургур? Менинг устимдан куляпсанми, нима бало?

– Устингиздан кулишга нима ҳаддим бор? Кўркиб ўлай деяпман, кулгига бало борми? Сезиб турибман, тутқаноқ тутади, юрагим сезяпти, кўркқанимдан тутади ҳали.

– Э, шайтон! Сен ётиб қолсанг, Григорий қўриқлайди. Григорийга олдиндан айтиб қўй, уни яқин йўлатмайди.

– Хўжайнинг буйруғисиз мен ишоралар ҳақида Григорий Васильевичга оғиз очолмайман. Григорий Васильевич қўриқлайди, йўл қўймайди деяпсиз, у кишим эса кечадан бери бетоб бўлиб ётиб қолдилар, Марфа Игнатьевна эртадан бошлаб уларни даволашга киришмоқчилар. Боя шуни гаплашишди. Уларнинг даволаши ҳам жуда қизиқ: Марфа Игнатьевна шунаقا бир суюқ дори тайёрлайдилар ўтлардан, жуда ўткир, доим қўл остиларида бўлади, унинг сирини фақат ўзлари биладилар. Мана шу дори билан Григорий Васильевични ҳар йили уч марта даволайдилар, у кишининг бели оғрийди, тахтадай бутун қотиб қолади худди шол бўлгандай, ҳар йили уч марта такрорланади. Касал қўзиганда Марфа Игнатьевна сочиқни олиб уни ўта суюқ дорига ҳўллайдилар-да, бутун бели, елкаларини ярим соат қуригунча ишқайдилар, орқалари қизариб, шишиб кетади, кейин идишда қолганини касалга ичиради, бу пайтда дуо ҳам ўқиб туради, аммо ҳаммасини ичирмайди, бирозгинасини ўзига ҳам қолдиради ва ўзи ҳам буни ичади. Сизга айтсан, икковлари ҳам ичкилик ичмайдиган одамлар, худди маст бўлиб қолгандай тўшакка қулашади ва узоқ вақт қаттиқ уйкуга кетишади; Григорий Васильевич шундан кейин уйқудан кўзини очганда, ўзини соғайиб кетгандай сезади, Марфа Игнатьевнанинг эса уйқудан турганда боши оғрийди. Шунинг учун эртага Марфа Игнатьевна даволашни бошласа, улар Дмитрий Федорович келганини эшитишармикин ва қандай қилиб уни уйга қўймасликлари мумкин. Донг қотиб ухлаб ётган бўлишади.

– Э, нима бу бош оғрифи! Шуларнинг ҳаммаси бирданига атай қилгандай рўй беради дейсанми: сени тутқаноқ тутади, улар донг қотиб ухлашадими!

– қичкириб юборди Иван Федорович, – э, сен ўзинг буларнинг ҳаммасини атай бир ерга тўпламоқчимасмисан? – Унинг оғзидан бу сўзлар бирдан отилиб чиқди ва у қошларини қаттиқ чимирди.

– Мен қандай қилиб буларни тўғри келтираман... ва нега энди тўғри келтиришим керак, бу ерда ҳаммаси ёлғиз Дмитрий Федоровичга, унинг фикрига боғлиқ... У кишим бир нима қилмоқчи бўлсалар – қилмай

кўймайдилар, бўлмаса, мен уларнинг қўлларидан ушлаб оталарининг олдига киритиб қўймайман-ку.

– Нима учун у отамнинг олдига кириши керак, яна оҳистагина, бунинг устига, гапингга қараганда, Аграфена Александровнанинг ўзи ҳам келмайдиган бўлса, – давом этди Иван Федорович ғазабланганидан ранги туси ўчиб, – сен ўзинг шундай деяпсан, мен ўзим ҳам бу ерда яшаб туриб, чол ўзича бичиб-тўкиб юрибди-да, деб ўйлардим, анов маҳлуқ унинг олдига ҳеч қачон келмайди дердим. Агарда ўша маҳлуқ келмайдиган бўлса, Дмитрий нима қиласи отамнинг олдига зўрлик қилиб кириб? Гапир! Мен сенинг фикрингни билишни истайман.

– Нимага кирмоқчи эканликларини ўзингиз биласиз, менинг фикрларимнинг бу ерда нима кераги бор? Келса, аччиғи чиққани учун келади, худди, мисол учун менинг касалимга ўхшаган, шубҳаларда ўртаниб хонама-хона кидириб чиқадилар худди кечагидай қилиб, мабодо менинг кўзимни шамғалат қилиб қандайдир секингнина ойимқиз кириб олмадимикин деб. У кишига яна Федор Павлович катта бир конверт тайёрлаб қўйганлиги ҳам маълум, унга уч минг рубль жойланган, уч ерига муҳр босилган, шойи ип билан боғланган ва ўз қўллари билан шу сўзлар ёзилган: “Фариштам Грушенькага, мабодо қадам ранжида қилса”. Кейин уч кун ўтиб яна кўшимча қилиб, “момиқ палапонимга” деб ёзиб қўйдилар. Ана шунаقا. Худди шуниси шубҳали-даргумон-да.

– Бекор! – деб қичқирди Иван Федорович худди кутуриб кетгандай бўлиб. – Дмитрий пул ўғирлаш учун ҳеч қачон бормайди, отасини ҳам ўлдирмайди. У қутурган тентакка ўхшаб кеча балки отасини ўлдириб қўйиши мумкин эди Грушенькани деб, аммо ҳеч қачон пул учун босқинчилик қилмайди!

– У кишимга ҳозир пул жуда керак, жуда ҳам керак, Иван Федорович. Сиз ҳозир тасаввур ҳам қилолмайсиз қанчалар кераклигини, – бениҳоя хотиржамлик билан аник-равшан қилиб тушунтириди Смердяков. – У кишим ўша уч мингни ўзларига тегишли деб ҳисоблайдилар ва ўз оғизлари билан менга шундай дедилар: “Менга, дедилар, падар яна уч минг бериши керак”. Бунинг устига ўзингиз ҳам ўйлаб кўринг, Иван Федорович, соф бир ҳақиқат бор бу ерда: бу ўзи асли шундай бўлса керак, айтиш жоизки, Аграфена Александровна фақат ўзлари хоҳласалар, хўжайинни, яъни Федор Павловични ўзларига уйланишга мажбур қиладилар, албатта, ха, фақат ўзлари хоҳласаларгина, ахир хоҳлаб қолишлари ҳам мумкин-да. Мен у келмади деб, шунчаки ўзим айтяпман, унинг эса ҳаммасидан бурун бегоийим бўлгиси келиб қолар. Мен ўзим эшитганман, ойимқизнинг савдогари Самсонов у кишимга очиқдан-очиқ қилиб бу ишни маъқуллаган ва боз устига кулиб-кулиб қўйган эди. Ойимқизнинг ақли ҳам ўзига етгунча. У кишига шир яланғоч Дмитрий Федоровичга турмушга чиқиш чикора. Мана энди шуларнинг ҳаммасини ақллаб кўринг-чи, Иван Федорович, ўшандок бўлган тақдирда, на Дмитрий Федорович, на сиз ва на укангиз Алексей Федоровичга отангиз ўлимидан сўнг бир тийин ҳам қолмайди. Чунки Аграфена Александровна хўжайинга турмушга чиқса ҳам, ҳаммасини ўз номига ёздириш ва қанча пули бўлмасин, ўз ҳисобига ўтказиш учун чиқади. Ҳолбуки, отангиз ҳозир – хали буларнинг ҳеч бири рўй бермасдан туриб қазо қилсалар, aka-ука ҳар бирингизга камида қирқ мингдан шу заҳоти тегади, ҳатто шу қадар ёмон кўрсалар ҳам. Дмитрий Федоровичга ҳам улуш тегади, чунки хўжайин ҳали васиятларини ёзган эмаслар... Буларнинг ҳаммаси Дмитрий Федоровичга жуда яхши маълум...

Иван Федоровичнинг башараси нечукдир қийшайиб, қинғайиб, титраб кетди. У бирдан қизарди.

– Унда нега сен, – деб Смердяковнинг гапини бўлди у бирдан, – шуларнинг ҳаммасидан кейин ҳам менга Чермашняга жўнашни айтяпсан? Бу билан нима демоқчи эдинг? Мен жўнаб кетаман-у сўнг воқеалар бошланадими сизда. – Иван Федоровичнинг бўғзига нафаси тикилди.

– Жуда ҳам тўғри, – аста мулоҳазакорлик билан деди Смердяков, бироқ у Иван Федоровични дикқат билан кузатиб турарди.

– Нимаси жуда ҳам тўғри? – қайталаб сўради Иван Федорович ўзини ушлашга ҳаракат қилиб кўзлари қаҳрли чақнаган ҳолда.

– Сизга ачинганим учун гапирдим. Сизнинг ўрнингизда мен бўлганимда, ҳаммасини шу заҳоти ташлаб кетардим... бунақа ишларнинг ичидаги ўтиргандан кўра-е... – жавоб берди Смердяков Иван Федоровичнинг ўтчақнаган кўзларига очиқчасига тикка қараб. Икковлари жим қолдилар.

– Сен, афтидан, ўлардай жиннисан, яна... ўта кетган абрахсан! – бирдан ўрнидан турди Иван Федорович. Кейин дарҳол эшикка қараб юрмоқчи бўлди-ю, сўнг тўхтаб, Смердяковга ўгирилиб қаради. Галати бир ҳол соодир бўлди: кутилмаганда Иван Федорович худди варажга тутгандай лабларини тишлади, муштларини тугди ва яна бир зум ичидаги Смердяковга ташланмоқчи бўлди. Смердяков ҳар қалай дарҳол буни фаҳмлади-да, бир силкинди-ю бутун гавдасини орқага тортди. Бироқ лахза Смердяков учун хайрли тугади ва Иван Федорович индамай, лекин қандайдир фаромуш ҳолда эшик томон юрди.

– Агар билгинг келса, мен эртага Московга жўнаб кетяпман, эртан эрталаб вақтли жўнайман, ана, тамом! – у қаҳр билан дона-дона қилиб овозини баланд қўйиб сўзлади, кейинчалик буни нега ўшанда Смердяковга шу тарзда айтгани ва бу унга нима учун керак бўлганига ўзи ўзидан ҳайрон бўлиб юрди.

– Энг яхшиси шу, – деб илиб кетди Смердяков худди шуни кутиб тургандай, – фақат бирон воқеа бўлиб қолса, сизни Московдан телеграф орқали чақириб қолишлари мумкин.

Иван Федорович яна тўхтади ва яна ялт этиб Смердяковга ўгирилиб қаради. Смердяков ҳам худди шундай ҳолга тушди. Унинг бутун такаллуфи ва беписандлиги бир зумда ғойиб бўлди; бутун қиёфасида ҳаддан ортиқ дикқат-эътибор ва мунтазирлик акс этди, аммо энди бунда ийманиш ва ялтоқилик ифодаланарди: “Мабодо, яна бир нарса демайсанми”, – унинг Иван Федоровичга ўқдай қадалган нигоҳида худди шу сўзларни уқиши мумкин эди.

– Э, ахир Чермашнядан ҳам чақириб олишмасми... мабодо шунақа бир воқеа содир бўлиб қолса? – бўкириб юборди бирдан Иван Федорович нима учундир овозини баланд кўтариб.

– Ҳа... Чермашнядан ҳам... чақириб олишарди... – худди эсанкирагандай овози чиқар-чиқмай ғўлдиради Смердяков, аммо у ҳамон Иван Федоровичнинг кўзига дикқат билан тикка қараб турарди.

– Фақат Москов узоқ, Чермашня эса яқин, сен, нима, узоқ йўлга пул кўп кетади деб ачиняпсанми, а, ё мени узоқ юриб саргардон бўлмасин дейсанми?

– Жуда ҳам тўғри, – хириллаб деди Смердяков ғўлдираб, у хунук илжайиб бир кори ҳол рўй бергудек бўлса, сапчиб ўзини орқага олишга

тайёр турарди. Бироқ Иван Федорович Смердяковни ҳайрон қолдириб, кулиб юборди-да, кулишдан тўхтамай эшикдан кириб кетди. Аммо унинг афт-ангорига дикқат билан қараган киши, афтидан, у хурсандчиликдан кулмаётганини пайқарди. Лекин унинг ўзи ҳам ўша дамларда бошидан нималар кечаетганини ҳеч бир тушунтириб бера олмасди. У худди варажга туваётгандай юриб бораради.

VII

“АҚЛЛИ ОДАМ БИЛАН ГАПЛАШСАНГ, ҲУЗУР ҚИЛАСАН”

Гаплашиб ҳам кўрди. Эндиғина ичкарига кириб, у залда Федор Павловични учратди ва дарҳол унга қўлларини силкитиб: “Мен тепага чиқаман, сизда эса ишим йўқ, ҳозирча хайр”, деб қичқирди-да, отасининг ёнидан қарамасдан ўтиб кетди. Балки ушбу дақиқаларда чолни кўргиси келмагандир, аммо бунчалар такаллуғизлиқ ва ёқтиромай қарашни ҳатто Федор Павлович ҳам кутмаганди. Афтидан, чол, ростдан ҳам, тезроқ ниманидир айтмоқчи бўлиб атай уни залда кутиб олишга чиқсанди; бундай муомалани кўргач, индамай тўхтаб қолди ва пиллапоядан кўтарилиб бораётган ўғлини то бўлмасига кириб кетгунича илжайганча кузатиб турди.

– Унга нима бўлган? – тезгина сўради у Иван Федорович билан изма-из кириб келган Смердяковдан.

– Нимадандир жаҳли чиқсанми, ким билсин, – ётиғи билан жавоб берди малай.

– Ҳай, майли, шайтон! Жаҳли чиқса чиқар! Самоварни келтир, ўзинг тезроқ жўна, тез. Янги гап йўқми?

Кейин боя Смердяков Иван Федоровичга нолиган гаплар, ойимқиз келдими, йўқми деб, сўраб-суроштиришлар бошландики, биз буни бу ерда ташлаб ўтамиз. Ярим соатдан сўнг уй тапа-так беркитилди, ёлғиз эс-хушини йўқотган қариянинг ўзи хонама-хона мунтазир бўлиб айланар, бешта шартлашилган тикирлашни кутар, қоронғи деразаларга кўз югуртирас ва унда қоронғилиқдан бошқа ҳеч нарсани кўрмасди.

Вақт алламаҳал бўлган, Иван Федорович ҳамон уйкуга ётмас, тинмай ўйларди. Бу кеча у жуда кеч, соат иккиларда ётди. Аммо биз унинг бутун фикрлари оқимини келтириб ўтирмаймиз, бу юракнинг ичига киришнинг вақти ҳам эмас: ўз вақти-соати келади бу юракнинг. Ҳаттоки бунга уриниб кўрганимизда ҳам, адо этиш у қадар осон бўлмас, чунки булар фикрлар эмас, балки қандайдир ғоят шубҳали нарсалар эди, асосийси – ичи жунбушга тўлган эди. Ўзини калавасининг учини йўқотиб қўйгандай сезарди. Уни яна ҳар турли ғалати ва бирмунча кутилмаган хоҳиш-истаклар қийнарди, мисол учун, тун ярим кечадан ўтгач, чидаб бўлмайдиган даражада пастга тушгиси келиб қолди, эшикни очиб, ҳовлидаги уйга ўтгиси ва Смердяковни калтаклагиси келди, аммо сиз ундан нима учун деб сўрасангиз, унинг ўзи лоақал биронта жўяли сабабни аниқ айтиб бера олмасди, фақатгина шуни айтиши мумкин эдики, бу малай дунёда мени ҳаммадан ҳам ёмон ҳақорат қилди, шунинг учун уни кўргани кўзим йўқ, ундан нафратланаман. Бунинг устига бу кеча унинг юраги ёмон пўкиллаб қолди, буни сира тушунтириб бўлмас, жуда аянчли эди, у сезиб турарди, шундан ҳатто бутун

жисмоний кучини бирдан йўқотаётгандай беҳол бўларди. Боши оғрир ва айланарди. Худди бирордан қасд олишга отлангандай юраги ёмон бир нарсадан сиқиларди. Ўрталарида боя бўлиб ўтган гап-сўзларни эслаб у ҳатто Алешадан ҳам хафа бўлиб кетарди, шундай дақиқалар бўлардики, ўзидан ҳам қуфри қўзиради. Катерина Ивановнани эса у деярли бутунлай эсидан чиқарганди ва кейинчалик бундан жуда ҳам ҳайрон бўлиб юрди, ҳолбуки, яхши эсида эдики, куни кечагина эрталаб Катерина Иванованинг уйида оғзининг таноби қочиб, эртан Московга кетяпман деб мақтанган ҳам эди, ҳолбуки, хали ўшандәёқ дилининг тубида ўзига ўзи: “Ахир, бу ҳаммаси бекор, сен ҳеч қаёққа жўнаб кетмайсан, сен бу ердан осон узилиб чиқолмайсан, мунча керилмасанг, мақтанчок”, – деб шипшиётгандай туюларди. Кейин узоқ вақтлар ўтиб мана шу кечани кўз ўнгидан ўтказаркан, яна шуни ҳам қаттиқ ижирғаниб, нафратланиб эсларди, у бирдан дивандан оҳиста турарди-да, худди бирор кўриб қоладигандай қаттиқ қўрқиб, секин эшикни очиб, зина саҳнига чикиб, пастдаги хоналарга қулоқ тутар, у ерда Федор Павловичнинг қандай шипирлаб юрганини эшитар, қандайдир жуда ғалати қизиқиб, нафаси бўғзига тиқилиб, юраги қинидан чиққудай гурсиллаб уриб, узоқ вақтлар – беш дақиқаларча тинглаб турар, лекин нима учун бундай қилаётгани, нимага тинглаётганини ўзи ҳам билмасди. Бу “қилиғини” у кейин “разиллик” деб юрди, бутун умр юрагининг қаърлари, энг теран пучмоқларидан энг тубан, пасткаш қилиғим деб юрди. Ўша дамларда Федор Павловичнинг ўзига нисбатан ҳеч қандай нафрати йўқ эди, лекин негадир жон-жаҳди билан билгиси келарди: пастда отаси қандай қилиб юрибди, мисол учун, у энди нима қилиши керак, отаси у ерда қоронги деразаларга қандай қараётганини кўз ўнгига келтирас, фикрларди, ана у бирдан хона ўртасида юришдан тўхтади ва муштоқ кутаяпти, кутаяпти – кимдир тақиллатиб қолармикин. Иван Федорович мана шу машғулот учун икки бора зинага чиқди. Охири жимжитлик чўкиб, соат иккilarда Федор Павлович тўшакка ётгач, энди ётиб ухлайман деб, Иван Федорович ҳам ўрнига чўзилди, у фоятда ҳолдан тойғанди. Ва ростига, бирдан қаттиқ уйқуга кетди, туш кўрмай ухлади, у соат еттиларда эрта уйғонди, тонг оқарган эди. Кўзларини очиб, вужудидан қандайдир куч ёғилаётганини ажабланиб ҳис қилди, дик ўрнидан турди, апил-тапил кийинди, кейин чамадонини олди ва шошилиб унга нарсаларини жойлади. Кеча эрталаб кийим-бошларини хизматкор тайёрлаб берганди. Иш ўнғайдан келганидан Иван Федорович табассум қилиб қўйди, жўнаб кетишлик учун ҳеч қандай монелик қолмаганди. Жўнаш эса ҳақиқатдан кутилмаган тарзда бўляпти. Гарчи Иван Федорович (Катерина Ивановна, Алеша ва кейин Смердяковга) эртага жўнайман деган бўлса-да, кеча уйқуга ётаркан, шуни жуда ҳам яхши эслардики, ўша дамда у жўнашни ҳатто хаёлига ҳам келтирмаган, хар ҳолда эртага эрталаб ўрнимдан туриб, дарҳол чамадонни йиғиширига бошлайман деб асло ўйламаганди. Нихоят, чамадон ва юк халта тайёр бўлди. Марфа Игнатьевна унинг олдига кириб, одатдагича: “Чойни қаерда ичасиз? Ўз хонангиздами ё пастга тушасизми?” – деб сўраганда, соат тўққизлар бўлиб қолганди. Иван Федорович пастга тушди, у хушхол кўринарди, аммо сўзлари ва ҳаракатлари алпонг-талпонг, шошилаётгани сезиларди. Отаси билан очиқ юз-ла ҳол-ахвол сўрашиб, соғликларини алоҳида суриштиргач, у отасининг жавобларини ҳам охиригача кутиб ўтирмай, бир соатдан сўнг бутунлай Московга кетяпман деб гапнинг пўст палласини айтди қўйди ва

отасидан отларни қўштиришни сўради. Қария бу хабарни асло ажабланмай қабул қилди, ҳатто ўғлиниң кетаётганидан таассуф билдириб қўйиш манзирати ҳам эсидан чиқди, бунинг ўрнига бирдан ўзининг бир зарур иши борлиги эсига тушиб, ғоятда питирлаб қолди.

– Вой сен-ей! Ана холос! Кеча айтмабсан-да... майли, барибир ҳали ҳам кеч эмас, ёпиштирамиз. Отагинам, сен менга каттакон бир яхшилик қил, Чермашняга бор. Сен Воловий бекатидан чапга бурилсанг бас, атиги ўн икки чақиримча келади, Чермашнядан чиқасан.

– Мени кечиринг, иложи йўқ, темир йўлгача саксон чакирим, поезд бекатдан Московга кеч соат еттида жўнайди – учма-уч етиб бораман.

– Эртан улгурасан, бўлмаса индинига, бугун Чермашняга кириб ўт, отангни кўнглини хотиржам қил! Агар бу ерда ишларим бўлмаса, аллақачон ўзим учиб бориб келардим, у ердаги иш қараб турмайди, жуда зарил, менинг бу ердаги вақтим йўл қўймаяпти... У ерда менинг икки ерда ўрмоним бор, Бегичев ва Дячкино ялангликларида. Савдогар ота-бала Масловлар ўрмонни кесиб олишни бор-йўғи саккиз мингга баҳолашяпти, ўтган йили сотиб оламан деган харидор эса ўн икки минг бераман деб чираниб турган эди, у бу ерлик эмас, фарқи мана шунда. Нега десанг бу ердагиларнинг бозори касод, ота-бала Масловларгина семиришяпти, юз мингдан ортиқ сармоялари бор: қанча берсалар, шунга рози бўласан, бу ердагиларнинг ҳеч бири улар билан беллашолмайди. Отахон Ильинский кутилмагандан ўтган хафта пайшанба куни бу ёққа мактуб жўнатди. Горсткин деган савдогарвачча келганмиш, унинг кимлигини биламан, авло жойи шуки, бу ерлик эмас, Погребовдан, инчунин у Масловлардан тафт тортмайди, чунки бошқа жойдан. Битта ўрмонга ўн бир минг бераман деяпти, эшитяпсанми? Отахоннинг ёзишича, у бу ерда яна бор-йўғи бир хафта турармиш. Шунинг учун сен борсанг, у билан келишиб келардинг...

– Сиз отахонга ёзib юборинг-да, у шартлашиб қўяди.

– Қўлидан келмайди, гап шунда. Отахоннинг чамаси етмайди. Тилла одам, мен ҳозир унга тилхат олмай йигирма мингни қўлига тутқазаман сақлаб туриш учун, лекин қараб туришга ярамайди, одам эмас, фаришта, чумчуқка ҳам алданади. Ҳолбуки, олим одам, ўзинг тасаввур қил. Анов Горсткин кўринишдан эркакка ўхшайди, кўк нимча кияди, аммо феъл-автори турган-битгани абллах, бу бизнинг умумий касалимиз, у фирт ёлғончи, ол-а шайтон. Баъзан ёлғонни ҳам шундай ҳаддан ошириб юборадики, бу унга нимага керак экан деб ажабланасан. Уч йил олдин хотиним ўлди, бошқасига уйланиб олдим деб гар таркатди, ҳолбуки, ҳеч бунақа гар йўқ экан, тасаввур қил, хотини ҳеч қафон ўлиб-нетмаган, ҳозир ҳам тирик, ҳозир ҳам уни ҳар уч кунда бир калтаклаб туради. Ана шунинг учун энди билиш керак, унинг гапи чинми, ёлғонми, сотиб олмоқчими, йўқми, ўн бир минг бераман дегани ростми, йўқми?

– Менинг ҳам бунга ақлим етмайди, хисоб-китобини чиқаролмайман.

– Тўхта, шошмай тур, сен ҳам ярайсан, мен сенга Горсткиннинг кимлигини айтиб бераман, у билан анчадан бери ҳамкорлик қиласанми, унинг соқолига қараб туриш керак: соқолгинасиmall-сарик, супта ва сийрак. Мабодо соқоли силкиниб қимирлаётган бўлса-ю ўзи жаҳл билан гапираётган бўлса демак, иш пишибди, рост сўзлаётган ва ишни битираётган бўлади; агарда соқолини чап қўли билан сийпаб, ўзи хихилаб кулса – унда, демак, чув туширмоқчи, муғомбирлик қиляпти. Ҳеч қафон унинг

кўзига қарама, кўзидан ҳеч нарса уқолмайсан, лойқа сув, айёр, соқолига боқ. Унга хат ёзиб бераман, ўзига кўрсат. Ўзи Горсткин бўлгани билан Горсткин эмас, Лягавий, лекин сен уни Лягавий¹ деб чақирма, хафа бўлади. У билан тил топишсанг, иш пишганини кўрсанг, дарҳол менга хат билан маълум қил. Бир оғиз сўз ёзсанг, бас: “Алдамаяпти” де. Ўн бир мингда оёқ тираб тур, бир мингга ўтсанг майли, аммо ортиқ ён босма. Ўзинг ўйлаб кўр, саккиз қайда-ю ўн бир қайда – уч минг фарқи бор. Шу уч мингни мен худди кўчадан топиб олгандайман, яна қачон харидор чиқади, пулга эса зориқиб турибман. Иш жиддийлитини билдиранг, унда ўзим учиб бораман-у охирига еткизаман, бир амаллаб вақт топарман. Мабодо бу отахоннинг ўйлаб топган гапи бўлса, унда ҳозир мен у ерга от чоптириб нима қилдим? Хўп, борасанми, йўқми?

– Э, вақт йўқ, қўйинг.

– Ох, отангга кўмаклаш, ҳеч эсимдан чиқармайман! Ҳаммаларингни юракларинг тош, ана! Бир ёки икки кун сенга нима бўлибди? Қаёққа кетяпсан, Венециягами? Икки кунда сенинг Венециянг ер юзидан кўчиб кетмас ахир. Мен Алешкани юборсаммикин девдим, лекин Алешка бу ишларни қандай эплайди? Сен эса эсли-хушли, ақлли одамсан, мен ахир кўриб турибман-ку. Ўрмон сотмасанг ҳам, фаросатинг бор. Бу ерда фақат разм солиши керак: ўша одамнинг гапи жиддийми ёки йўқми. Айтяпман-ку, соқолига боқ: соқоли силкинса – демак, иш пишган.

– Мени ўзингиз шу лаънати Чермашняга гумдон қилмоқчимисиз, а? – деб чинқирди Иван Федорович ғазаб билан лабини қийшайтириб.

Федор Павлович унинг ғазабини фаҳмламади ёки фаҳмлагиси келмади, лекин лабини қийшайтирганини пайқади:

– Демак, борасан, борасан-а? Сенга ҳозир хат ёзиб бераман.

– Бораманми, йўқми, билмадим, йўлда бир қарорга келарман.

– Йўлда нима қиласан, ҳозир айт. Бўталогим, ҳозир айт! Келишиб олсанг, менга бир оғиз ёзиб юбор, отахонга берсанг, менга хатингни бирпасда етказади. Ундан кейин сени тутиб турмайман, кетавер Венециянгга. Отахон сени кейин Воловий бекатига ташлаб кўяди ўзининг от-аравасида...

Қария фоятда хурсанд бўлди, хат ёзди, от-арава қўштириди, яна егуликлар, конъяқ келтиришди. Қария хурсанд бўлган чоғларида жуда талтайиб кетар, аммо у бу сафар ўзини тутарди. Мисол учун, Дмитрий Федорович ҳақида бир оғиз ҳам гапирмади. Ўғли кетаётганидан қайғурмасди. Ҳатто нимани гапиришни ҳам билмагандай эди, Иван Федорович бунга эътибор берди: “Унинг жуда жонига тегибман”, – деб ўйлади у ичида. Фақат ўғлини кузатиб бўсағага чиққанда у бироз типирчилаб қолди, кучоқлашиб, ўпишгани интилди. Аммо Иван Федорович, айтидан, бундан қочиб отасига шошиб кўлини чўзди. Қария буни дарров тушунди ва дарҳол ўзини босди.

– Хўп, худонинг паноҳига, худонинг паноҳига! – такрорларди у бўсағада туриб. – Лекин ҳали ҳаётда яна келарсан ахир? Келсанг, жуда хурсанд бўламан. Хўп, худо ёринг бўлсин!

Иван Федорович тараантас арава ичига кирди.

– Хайр энди, Иван, рози бўл! – охирги маротаба қичқирди отаси.

Үйдагилар барчалари хайрлашишга чиқиши: Смердяков, Марфа ва Григорий. Иван Федорович ҳаммаларига ўн рублдан ҳадя улашди. У аравага ўтириб олгач, Смердяков югуриб келиб оёқ остидаги гиламчани тўғрилади.

¹Лягавий – тепонгич.

– Кўрдингми... Чермашняга кетяпман.... – худди кечагидай тагин кўкрагидан чиқиб кетди Иван Федоровичнинг, яна худди бу ўз-ўзидан бўлгандай асабий кулиб кўйиб. Кейин у буни узоқ вақт эслаб юрди.

– Демак, одамлар тўғри айтишаркан-да, ақлли одам билан гаплашсанг, садағаси кетасан деб, – қатъият билан жавоб берди Смердяков Иван Федоровичга чукур тикилиб.

Тарантас йўлга тушди ва тез учеб кетди. Сайёҳатчининг юраги бўм-бўш эди, аммо у атроф далалар, адирлар, дараҳтлару баланд тиник осмонда ўз устидан учеб ўтаётган ғозлар галасига шодумон назар соларди. Бирдан у жуда ҳам енгил тортди. Шунда извошчи билан гаплашгиси келди, мужикнинг жавоблари ичida бир нарса уни қаттиқ қизиқтириб қўйди, аммо бир зумдан сўнг ҳаммаси қулоғидан чиқиб кетганлигини пайқади ва ростини айтганда, мужикнинг нима жавоб берганини тушунмади. У жимиб қолди, шунда ҳам жуда соз эди: ҳаво соф, мусаффо, сарин, осмон тиник. Хаёлидан Алеша билан Катерина Ивановнанинг сиймолари лип этиб ўтгандай бўлди, аммо у оҳиста кулимсаб қўйди ва оҳиста яқин шарпаларга уфурди, улар пўпанак каби ғойиб бўлдилар: “Хали уларнинг вақти келади”, – деб ўйлади у. Бекатга тез етиб боришди, отларни алмаштиришди-ю Воловийга қараб учишди. “Нега ақлли одам билан гаплашсанг, садағаси кетасан, деб айтди, бу билан нима демоқчи бўлди? – бирдан нафаси бўғзига тиқилди.

– Мен ўзим нега унга Чермашняга кетяпман дедим?” Воловий бекатига етишди. Иван Федорович тарантасдан тушди, уни ямшик аравакашлар қуршаб олишди. Чермашняга дала-туз йўллардан ўн икки чакиirimга олиб боришга ёлланишарди. У от қўшишни буюрди. Бекат биноси томон қадам ташлади, атрофига назар солди, бекатдаги назоратчи аёлга кўзи тушди-ю, бирдан орқага қайтиб бўсағага чиқди.

– Чермашняга керакмас. Оғайнилар, соат еттига темир йўлга кечикмай бораманми?

– Айни улгурамиз. Отни қўшайликми?

– Дарров қўш. Эртага кимдир шаҳарга бормайдими?

– Бўлади. Мана, Митрий боради.

– Митрий, бизга бир хизмат килмайсанми? Сен бориб, отам Федор Павлович Карамазовнинг олдига кирасан, унга менинг Чермашняга бора олмаганимни айтасан. Бу қўлингдан келадими, йўқми?

– Нега кирмай, кираман, Федор Павловични анчадан бери биламиз.

– Манави сенга чой-чақа, ҳойнаҳой отам сенга бермаслиги ҳам мумкин...

– кувноқ кулди Иван Федорович.

– Ростданам бермайдилар, – кулиб юборди Митрий ҳам. – Раҳмат, жаноблари. Албатта, бажарамиз...

Оқшом соат еттида Иван Федорович вагонга ўтирди ва Московга қараб учди. “Ҳаммаси орқада қолсин, ўтмиш олам абадул-абад тугади, ундан энди на сас, на хабар керак, энди янги дунё, янги жойлар керак, орқага аланглашнинг хожати йўқ!” Аммо шодумонлик ўрнига унинг юрагига бирдан тундай коронғилик чўқдики, жони-жаҳонидан шунчалар қайғу-алам оқдики, илгари ҳеч қачон, бутун умри бино бўлиб, бундайига дуч келмаганди. У тун бўйи ўйга ботди, вагон гўё учарди; фақат тонг коронғисида Московга кириб бораркан, кўзлари худди очилгандай бўлди.

– Э, абллаҳ! – пицирлади у ўзига ўзи.

Федор Павлович эса ўғлини йўлга кузатиб жуда мамнун бўлди. Бутун икки соат у ўзини жуда баҳтли сезди, конъяқдан тортиб турди, аммо уйда

юракни ёмон ғаш қиласынан хунук бир вөкеа содир бўлиб қолдики, бу Федор Павловични қаттиқ шошириб қўйди: Смердяков қай иш билан ертўла омборга борган экан, юқоридаги зинадан пастга йиқилиб тушибди. Яхшиямки, шу пайтда ҳовлида Марфа Игнатьевна юрган экан, дарров эши-тиби. У қандай йиқилганини кўрмабди-ю, қичқирган товушни эшитиби, бу бошқача, ғалати бир бақирик бўлиб, Марфа Игнатьевнага анчадан бери маълум эди – бу тутқаноқ тутган пайтда йиқилаётгандаги овоз эди. Смердяков омбор зиналаридан пастга тушаётганида тутқаноги бошланиб, сўнг дарҳол пастга караб бехуш қулладими ёки аксинча, йиқилиб тушганидан кейин ларза натижасида тутқаноқ тутдими, аниқлаб бўлмасди, бироқ уни омбор тагида оғзидан кўпик сочиб, қақшаб, чангак бўлиб ётган маҳалда топишиди. Аввалига у қўл-оёғини синдириб қўйдимикин, деб ўйлашди, бироқ Марфа Игнатьевнанинг тили билан айтганда, “худо сақлаб”, бундай кори ҳол рўй бермаган, фақат уни омбор тагидан юқорига олиб чиқиш анча мушкул кечганди. Қўни-қўшнилардан қўмак ўтиниб, амаллаб уни юқорига кўтариб чиқишиди. Федор Павловичнинг ўзи бу ишларда бош-қош бўлиб турди, ёрдам берди, чамаси, у қўрқиб кетган ва ўзини йўқотиб қўйганга ўхшарди. Аммо бемор ўзига кела қолмасди, тутқаноқ вақтинча тўхтаса ҳам, кейин яна қайталанар ва ҳамма бундан шундай хulosага келди, у бултур бехос болохонадан йиқилганида рўй берган ҳодиса энди яна такрорланади. Ўшанда унинг энсасига муз қўйганларини эслашди. Ҳартугул муз омборда ҳали бор экан ва Марфа Игнатьевна уни дарров малҳам қилиб қўйди, Федор Павлович эса кечга томон доктор Герценштубега одам жўнатди, у ҳаялламай етиб келди. У беморни диққат билан кўриб (у музофотдаги энг синчков ва эътиборли доктор бўлиб, кексайиб қолган, ҳурмат-эътиборга сазовор зот эди), тутқанокни фавқулодда ва “жуда хавфли” деб топди, аммо ўзи ҳали ҳаммасини охиригача тушуниб етмаганлиги, агар бугунги муолажалар фойда қилмаса, эртага эрталаб бошқа чоралар қилиб қўришини айтди. Беморни ҳовлидаги уйга, Григорий билан Марфа Игнатьевнанинг ёнидаги хонага ётқизишиди. Кейин кун бўйи Федор Павловичнинг бошига баҳтсизлик устига баҳтсизлик ёғилиб турди: тушлик таомни Марфа Игнатьевна хозирлади, шўрва Смердяков пиширадиган шўрвага ўхшамади, “ювинди”дан асло фарқ қилмади, товуқ эса шу қадар қоқланган эканки, уни чайнашнинг сира иложи бўлмади. Марфа Игнатьевна хўжайиннинг аччиқ, аммо тўғри таъналарига товуқнинг ўзи жуда қари эди, мен ҳам ошпазлика ўқимаганман, деб жавоб берди. Кечга яқин яна бир ташвиш чиқди: уч кундан бери сирқовланиб юрган Григорий бутунлай тўшакка ётиб қолди, белини кўтаролмаяпти, деб Федор Павловичга хабар беришиди. Федор Павлович кечки чойни апил-тапил ичди-да, бир ўзи уйни ичидан қулфлаб олди. У жуда ҳам қўрқкан ҳолда хавотирга тўлиб кутарди. Гап шундаки, у худди мана шу оқшом Грушеньканнинг келиб қолишидан умидвор эди, ҳар қалай, уни тонг сахарлаб Смердяков “ойимқиз бугун, албатта, келаман деб ваъда берганлар”, деб ишонтирганди. Тийиқсиз қарияннинг юраги хавотир ичида гурсиллаб урар, у бўм-бўш хоналарда у ёқдан-бу ёққа бориб келар, қулоғи динг тингларди. Ҳозир-нозир турмок керак эди: ойимқизни бирон ерда Дмитрий Федорович бикиниб пойлаб турган бўлса, эҳтимол, ойимқиз деразани тиқиллатса (Смердяков бундан уч кун бурун қизга қаерни қандай тақиллатишни тушунтириб айтганман, деб Федор Павловични хотиржам қилганди), унда эшикни зудлик билан очиш, бўсағада уни бир зум ҳам

күтдириб қўймаслик керак эди, худо кўрсатмасин, қиз бирон нарсадан ногаҳон қўрқиб, қочиб кетмагай. Федор Павлович жуда безовта эди, аммо унинг юраги ҳеч қачон бундай ширин умид ичиди чўмилмаганди, мана энди шу сафар дадил айтса бўларди: бугун у, албатта, келади!..

ОЛТИНЧИ КИТОБ

РУС ДАРВЕШИ

I

ОТА ЗОСИМА ВА УНИНГ МЕҲМОНЛАРИ

Алеша хавотирга тўлиб, юраги санчиб, қариянинг хужрасига кириб борди-ю, ҳайратдан ёқасини ушлаб тўхтаб қолди: у балки ҳозир ҳушсиз ётган касални кўраман деб қўрқкан эди, энди жон таслим қилиш талвасасида ётган касал ўрнига уни кутилмаганда креслода ўтирган ҳолда кўрди, унинг афт-ангори заифлиқдан аборг бўлса-да, аммо тетик ва қувноқ эди, у атрофини куршаган меҳмонлари билан оҳиста, мунаvvар сухбат тутарди. Дарвоке, у Алеша келмасдан чорак соат аввалроқ тўшакдан турганди, меҳмонлар то у уйғонгунча хужрасида жам бўлиб кутиб ўтиришарди, ота Паисийнинг қатъият ила ишонтириб айтишича, “устоз боя эрталабданоқ ўзи ўз тили билан ҳали яна, албатта, қадрдонларим ила сухбат кургани ўрнимдан тураман, деб ваъда қилган” эди. Ота Паисий уни ҳатто ҳушидан кетган, нафас олишдан тўхтаган ҳолда кўрганда ҳам, ҳолати размда ётган қариянинг бу ваъдасига ва умуман, унинг ҳар битта сўзига қатъий ишонар, мен ҳали ўрнимдан тураман, сен билан видолашаман деб ишонтиргач, бунинг таъсирида энди балки ўлимнинг ўзига ҳам бовар қилмас, ҳамон қария ўлим тўшагида кўзларини очади ҳамда ваъдасини бажо келтиради, дерди. Эрталабга яқин кўзи уйқуга кетаркан, қария Зосима унга ҳақиқатан шундай сўзларни айтганди: “Сиз азиз маҳбуларим билан яна бир тўйиб сухбатлашмагунча асло ўлмагайман, маҳбуб дилкушо чехраларингизга тўяйин, юрак изҳорларимни яна бир карра сизга нисор қилайин”. Бузрукворнинг мана шу, чамаси, охирги сухбатига жам бўлғанлар унинг узоқ йиллардан бери энг садоқатли дўст-биродарлари эдилар. Улар тўрт киши эди: иеромонахлар ота Иосиф ва ота Паисий, риёзатхона нозири ота Михаил – бу одам ҳали унча қариб қолмаган, уламоликда унчалик ҳам ном чиқармаган, одми ҳалқ ичидан чиққан, аммо иродаси мустаҳкам, аҳд-паймони содда, аммо қаттиқ, кўринишдан жуда қатъиятли, лекин кўнгли юмшоқ ва тийран бир зот эдики, ташқаридан қараганда ўз ҳалимлигини уят-андиша остига яширади. Тўртинчи меҳмон биродар Анфим бўлиб, камбағал-қашшоқ дехқонлардан чиққан, жуда ҳам қартайган, шумлик-қувликни билмайдиган жайдаригина роҳиб эди, илми-саводи ҳам чалароқ, индамас ва минғайган, ўта камгап, мулоимлар орасида энг мулоимими, қандайдир чексиз буюк ва даҳшатли ҳар нарсадан, ақлига ҳеч тўғри келмайдиган ва кўтаролмайдиган нарсадан бир умрга қўрқиб қолган одамга ўхшарди. Талпиниб-қалқиниб турадиган бу кимсани Зосима ота жуда яхши қўрар ва бутун умри бўйи унга беҳад хурмат-эътибор кўрсатар, бир маҳаллар у билан бирга кўп замонлар

Руснинг муқаддас ерларини зиёрат қилиб чиққанига қарамай, дунёда энг кам гаплашган одами ҳам шу эди. Бунга узоқ вақтлар, қирқ йиллар бўлди, ўшанда ота Зосима ўзининг илк жасоратли қаландарлик йўлини ҳеч ким билмайдиган, қашшоқ Кострома монастиридан бошлаганди ва ўшандан кейин сал ўтмай Анфим ота ҳамроҳлигида Костроманинг қашшоқ монастири фойдасига хайру эҳсон йиғиш учун йўлга тушган эдилар. Ҳаммалари, бузруквор ва унинг меҳмонлари қариянинг иккинчи хонасида жойлашиб ўтиришарди, бу ерда унинг тўшаги ҳам ўрнашганди, аввал кўрсатиб ўтганимиздай, у жуда тор бўлиб, шу важдан (тик оёқда турган толиб мурид Порфирийдан ташқари) тўртовлари бузрукворнинг креслоси теварагида биринчи ҳужрадан келтирилган курсиларда ўтиришардилар. Хуфтон кирган, хона катта чироқлар ва санамлар тагига ёқилган шамлардан ёруғ эди. Қисиниб кириб келган ва бўсаға олдида туриб қолган Алешани кўриб, бузрук уни шодон қарши олди ва қўлини узатди:

– Салом, эй ювош, салом, эй, азиз, мана сен келдинг. Билардим ахир келишингни.

Алеша унинг қошига борди, ергача бошини эгиб таъзим қилди ва йифлаб юборди. Унинг юрагидан бир нарса отилиб чиққандай бўлар, жони питирлар ва хўнграб йифлагиси келарди.

– Қўй, бўтам, йифлама, – табассум қилди бузрук ва ўнг қўлини унинг бошига қўйди, – мана, суҳбатлашиб ўтирибмиз, балки ҳали яна йигирма йил умр кўрарман, кеча Вишегоредан келган, кичкина қизчаси Лизаветани кўтариб олган меҳрибон, оққўнгил аёл шундай тилак билдириди. Худойим, онаси ва кичкина Лизаветага ўзинг раҳм қил! (У чўқинди.) Порфирий, унинг ҳадясини мен айтган жойга элтиб бердингми?

У шўх зиёратчи аёл ҳадя қилган олти тангани эслади, уни “мендан кўра ҳам камбағалроққа” олиб бориб беришни тайинлаганди. Бундай ҳадялар ихтиёрий суратда гуноҳларни ўз елкасига олиш ҳамда кафорат учун қилинади ва албатта, ўз меҳнати эвазига топилган танга-чақадан адо этилади. Бузрук Порфирийни яқинда уйи ёниб кетиб, болалари билан қолган, кейин тиланчилик қила бошлаган бева хотиннинг олдига жўнатганди. Порфирий дарров иш битганини маълум қилди, ўзига тайинлангандай, эҳсонни “номаълум аёл номидан” қилганини айтди.

– Қаддингни кўтар, қоқиндиқ, – давом этди бузрук Алешага қараб, – қани, бир юзингни кўрай. Қардошларингга бордингми, акангни кўрдингми?

Бузрук аниқ-таниқ қилиб катта акасини сўраётгани Алешага ғалати кўринди, аммо қайси бири: демак, мана шу акасининг олдига, афтидан, уни ўз ҳузуридан кечга ва бугун жўнатган экан-да.

- Акаларимдан бирисини кўрдим, – жавоб берди Алеша.
- Кечаги тўнғичини айтаман, унга бошимни ерга эгиб таъзим қилдим.
- Уни фақат кечга кўрдим, бугун эса тополмадим, – деди Алеша.
- Дарров топ, эртага яна бор, дарров топ, бошқа ишларингини қўй, тез бўл. Балки ҳали бирон ёмон кори ҳолнинг олдини оларсан. Мен кечга унинг олдида турган улкан азоб-уқубатларга бошимни эгдим.

У бирдан жим бўлиб қолди ва ўйга ботди. Сўзлар фоятда ажабланарли эди. Бузрукнинг кечаги таъзимидан хабардор ота Иосиф шу ерда ўтирган ота Паисийга қаради. Алеша чидолмади.

– Бузрук падарим, – деди у қаттиқ тўлқинланиб, – сўзларингизни тушунолмадим... Қандай азоб-уқубатни айтяпсиз?

– Ўсмоқчилама. Кеча менга қандайдир кўрқинчли бир нарса кўринди... кеча унинг нигоҳида ўзининг тақдирни кўрингандай бўлди. Шундай бир нигоҳ акс этди унда... шундан бир зумда юрагим орқага тортиб кетди бу одам ўзи учун тайёрлаётган нарсани кўриб. Ҳаётда бир-икки марта кўрганман айримларнинг шундай юзини... ўша одамларнинг бутун тақдирини ифодалаган, э воҳ, ўша толелар юзага чиқди. Мен сени унинг олдига юбордим, Алексей, сенинг қон-кардош чехранг унга ёрдам берар деб ўйладим. Аммо ҳаммаси худойимдан ва барча толеларимиз худойимда. “Магарким буғдой донаси ерга тушиб, у ўлмаса, бир ўзи қолажак, магарким, у ўлса унда кўп ҳосил беражак”. Шуни ёдингда тут. Сени эса, Алексей, ҳаётим давомида кўплаб марта дуо қилганман сенинг оразинг учун, шуни билиб кўй, – деди бузрук беозор кулиб. – Сенга фикрларим шундай, ушбу даргоҳдан чиққайсан, очик дунёда эса худди қаландар каби бўлгайсан. Рақибларинг жуда кўп бўлади, аммо ғанимларинг ҳам сени севадилар. Ҳаёт сени кўп баҳтсизликларга дучор қиласди, аммо сен худди шулар билан баҳтли бўласан, ҳаётни алқайсан – ҳаммасидан яхшиши шу. Сен ана шундайсан. Падарларим ва устозларим, – табассум билан меҳмонларига мурожаат қиласди у, – мен шу кунгача ҳатто унинг ўзига ҳам, не боисдан менинг юрагимга ушбу ўғлоннинг орази бунчалар яқин бўлганини сўйламаган эдим. Энди эса айтаман: унинг орази мен учун эслатма ва баҳорат бўлди. Ҳаётимнинг тонги отган чоғларда, сабий болалигимда менинг акам бор эди, у кўз ўнгимда ўсмир пайтим бор-йўғи ўн етти ёшида хазон бўлди. Кейин ҳаётим йўлларидан бир-бир ўтиб, мен аста шунга амин бўлдимки, шул акам толейимда юқоридан менга кўрсатма ва қадар бўлди, зеро, ҳаётимга у кириб келмаганда, умуман у бўлмаганда, эҳтимол, ҳеч қачон, назаримда, қаландарлик мартабасига эришмасдим ва ушбу бебаҳо йўлга кирмасдим. Ул баҳорат ҳали бола чоғимда рўй бериб эди, мана энди йўлум ниҳоясида менинг кўз ўнгимда туғишганим тақрорлангандай бўлди, менга баҳорат тушди. Ажабдур бу, падарларим ва устозларим, ки туғишганимга тархи орази гарчи ўхшамаса-да, факат андаккина, Алексей туғишганим билан шул қадар руҳан яқин эдики, мен кўп марталаб уни худди ўша ўсмир ўғлон деб қабул қилдим, акам дедим, акам ҳаёт поёнида қандайдир эслаш ва ўтиниш учун сирли равишда кириб келди дедим, ҳатто бундай ғалат ҳаёлим учун ажабланиб юрдим. Бу гапларни эшитяпсанми, Порфирий, – мурожаат қиласди у хизмат қилиб турган толибга қараб. – Алексейни сендан кўра кўпроқ суйганим учун ўқинганингни чехрангдан сезган ва кўп бора кўрганман. Нега бундай бўлганини энди биласан, лекин билиб кўй, сени ҳам суюман ва сен ўқиняпсан деб, кўп бора азият чекдим. Сизга эса, азиз қўноқларим, шу ўғлон ҳақида, биродарим ҳақида айтгим келди, зероки, менинг бутун ҳаётимда бундан кўра баҳоратлироқ, бундан кўра ғойибона ва таъсирилироқ бошқа нарса бўлмаган. Юрагим тўлиқиб-тошиб кетди, ушбу дамларда бутун ҳаётим кўз ўнгимдан ўтятти ва ҳаммаси қайта бошимдан кечяпти...

Мен бу ерда изоҳ бериб ўтишим керакки, бузрукнинг охирги куни уни кўриш учун келган ўз меҳмонлари билан қилган сўнгги сухбати қисман ёзиб олиниб, сақланган. Уни Алексей Федорович Карамазов бузрукнинг қазосидан сўнг бироз вакт ўтгач, эсадлик учун ёзиб кўйган. Аммо бу ўша пайтдаги сухбатнинг айни ўзими ёки бунда устозининг бурунги сухбатлари баёнини ҳам қўшганмиди, буни мен ҳал қилолмайман, бундан ташқари

ушбу баёнда бузрукнинг сўзи узлуксиз тўхтамай давом этади, ўз ҳаётини худди қиссадай сўзлайди, маҳбуб дўстларига мурожаат қилади, ҳолбуки, кетма-кет келган ҳикояларга қараганда, амалда бирмунча бошқачароқ бўлган, зеро, ўша кеча сухбат умумий тарзда кечган ва гарчи меҳмонлар мезбоннинг гапини кўпам бўлмаган эсалар-да, лекин орада барибир ўз мулоҳазаларини ҳам кўшиб турғанлар, зотан баёнда ундан узлуксизликнинг ўзи бўлиши мумкин эмасди, зеро, бузрук баъзан ҳарсиллаб қолар, овози чиқмай кўяр ва ҳатто нафас ростлаш учун ўрнига беҳол чўзилиб ётарди, аммо ухламасди, меҳмонлар эса ўринларидан жилишмасди. Бир-икки марта сухбат Инжил шариф ўқиши билан бўлиниб турди, ота Паисий қироат қилди. Ажойиб томони яна шундаки, улардан ҳеч ким қария худди ушбу кеча ўлади деб хаёлига ҳам келтирмасди, шу билан бирга ўз ҳаётининг шу охирги кечаси у кундузги теран уйқудан кейин худди бирдан яна янгидан куч-кувватга тўлгандай эди, бу биродарлари билан узундан-узоқ сухбатида унга мадор бўлди, бу ундаги ақл бовар қилмас жонланишни келтириб чиқарган ва кувватлантирган сўнгти таважжух эди, фақат муддати жуда қисқа, зеро, жон бирдан узилди... Аммо бу ҳақда кейин. Лекин ҳозир шуни эслатиб ўтмоқчиманки, мен сухбатнинг барча тафсилотларини баён қилиб ўтирамай, фақат Алексей Федорович Карамазовнинг қўлётзмасидаги қариянинг ҳикояси билан чекланишни лозим кўрдим. Бу қисқароқ бўлади, у қадар зерикарли ҳам туюлмайди ва яна қайтараман, Алеша ҳар қалай, албатта, кўп нарсаларни илгариги сухбатлардан олиб бир ерга жамлаган.

II

ХУДО РАҲМАТ ҚИЛГУР РОҲИБ ҚАРИЯ ЗОСИМА УМРИ БОҚИЯСИННИНГ САРДАФТАРИДАН, УНИНГ ЎЗ ОҒЗИДАН АЛЕКСЕЙ ФЕДОРОВИЧ КАРАМАЗОВНИНГ ЁЗИБ ОЛГАНЛАРИ

Таржимаи ҳол маълумотлари

a) қария Зосиманинг биродари бўлмиши ўглон ҳақида

Маҳбуб падарларим ва устозларим, мен шимолдаги узоқ музофотда, В. деган шаҳарда унча насабдор бўлмаган, амали ҳам кичикроқ дворян ота оиласида туғилдим. Ёшим иккига кирганда, у қазо қилди, уни ҳеч эслолмайман. У онамга ўртачароқ ёғоч уй ва болалар билан муҳтожлик билмай яшashi учун катта бўлмаган, аммо бирмунча етарли сармоя қолдирди. Онамнинг икки боласи: мен – Зиновий ва акам Маркел эдик. Акам мендан саккиз ёш катта бўлиб, феъл-атвори қизиққон ва тажант, аммо оққўнгил эди. У ҳадеганда кулавермас, қандайдир ғалати индамас, айниқса, ўз уйимизда – мен, онам, хизматкорлар билан гаплашавермас эди. Гимназияда яхши ўқир, ўртоқлари билан чиқишмаса-да улар билан жанжаллашмас, ҳар ҳолда онам уни шундай эслаб қолганди. Ёши ўн еттилардан ўтганда, ўлимига ярим йилча қолганда шахримизда ёлғиз яшайдиган, Московдан хур фикри учун ҳайдалиб, қандайдир сиёсий сургунда бўлган бир одамнинг олдига борадиган одат чиқарди. Бу одам катта олим ва университетда машҳур файласуф бўлган экан. У Маркелни негадир ёқтириб қолиб, уйига

чақириб турган. Ўғлон бутун қиши бўйи то кечгача унинг олдида ўтиради, кейин қувғиндини яна қайтадан Петербургга, давлат хизматига чақиришди, ўзи илтимос қилиби, у ерда ҳомийлари ва раҳнамолари бор экан. Катта рўза бошланди, Маркел эса рўза тутишни истамасди, куфри келади ва бундан кулади: “Ҳаммаси ёлғон-яшиқ гаплар, деди, ҳеч қандай худонинг ўзи ҳам йўқ”, – ҳаммамизни: онамни, мени, хизматкорларни ҳам қўрқитиб юборди, бор-йўғи тўққизга кирган бўлсан-да унинг сўзларидан ҳатто мен қаттиқ қўрқиб кетдим. Хизматчиларимиз крепостнойлар бўлиб, тўрталаси ҳам бизга таниш помешчик номига сотиб олинганди. Шу ҳам эсимда қолганки, онам шу тўрт кишидан бири – кекса ошпаз аёл, чўлоқ Афимъяни олтмиш рубль қофоз пулга сотиб, унинг ўрнига озод бўлган хизматкорни олганди. Рўзанинг олтинчи хафтасида акам оғриб қолди, ўзининг аввалдан соғлиги яхши эмас эди; бўйи ғоятда дароз, ингичка ва заиф, аммо юзи жуда нурли ва кўҳлик эди. У шамоллаб қолдимикин, доктор келди ва кўп ўтмай онамнинг қулоғига узоққа бормайди, баҳоргача етмайди, деб шипшиб кетди. Онам йиғига тушди, жуда эҳтиёткорлик билан (уни қўрқитиб юбор-маслик учун) рўза тутиш, худонинг муқаддас сирларига этиш учун покланишга ундей бошлади, акам ўшандаги ҳали оёқда юрганди. Буни эшишиб акам тутақиб кетди, худойимнинг ибодатхонасини қоралади, бироқ ўйланиб ҳам қолди: касали оғир эканлигини дарров сезди, шунинг учун ҳам онаси ҳали куч-қуввати борлигига рўза тутиш ва покланишга илтижо қиляпти. Анчадан бери касал эканлигини ўзи ҳам биларди, бир йил олдин стол атрофида ўтирганимизда мен билан онамга очиқ айтди: “Ёруғ дунёда сиз билан тирик юрадиганга ўхшамайман, балки бир йилга ҳам етмасман”, мана, худди башорат қилгандай бўлди. Уч кун ўтиб, муборак ҳафта бошланди. Акам сесланба куни эрталабдан рўза тутиш учун борди. “Онаジョン, мен буни, тўғриси, сиз учун қиляпман, сиз хотиржам бўлинг деяпман”, – деди у онамга. Онам хурсанд бўлганидан ва бир ёқаси аламидан йиғлаб юборди: “Шўрим курсин, унинг куни битганга ўхшайди, бирдан бундай ўзгарди-қўйди”. Аммо акам черковга узоқ ҳам қатнагани йўқ, ётиб қолди, покланиш дуоларини уйда ўқиб, маросимларини адо этишди. Ёруғ, чароғон, муаттар кунлар келди, ҳайит кеч бошланди. Эсимда, у тун бўйи йўталиб чиқди, уйқуси қочади, эрталаб туриб кийинади-да юмшоқ ўриндиқда ўтиришга ҳаракат қиласи. У шундай эсимда: жимгина мулойим ўтиради, жилмаяди, ўзи оғир касал, чехраси эса қувноқ, шодумон. У юракдан бошқача бўлиб қолди, унда ажиб бир ўзгариш рўй берди! Унинг хонасига қари энага киради-да: “Ижозат бер, қароғим, санам олдига чироқ ёқиб кўяй”, – дейди. У эса илгари бунга йўл кўймасди, ҳатто пуфлаб ўчириб кўярди. “Ёқавер, муштипарим, ёқавер, олдин ёқтирмасдим, мен ваҳший эканман. Сен санамга чироқ ёқиб, худога ибодат қиласан. Мен эса сендан хурсанд бўлиб, ибодат қиласан. Бундан чиқди, бир худога ибодат қиласиз”. Бизга бу сўзлар жуда ғалати туюларди, онам эса ўз хонасига кириб кетади да кўз ёши тўқаверади, фақат акамнинг ёнига кирганда ёшларини артар ва юзига қувноқ тус берарди. “Онаジョンим, йиғламанг, муштипарим, – дейди у гоҳо-гоҳо, – мен ҳали кўп яшайман, сизлар билан кўп шод-хуррам бўламан, қаранг ҳаётни, қандай яхши, шод-хуррам!” “Оҳ, болагинам, яна қандай шод-хуррамлик бўлсин, кечаси билан аллангаю оташ бўлиб ёниб чиқасан, кўкрагинг худди ёрилиб кетадигандай тинмай йўталасан”. “Ойижон, – деб жавоб беради унга, – йиғламанг, ҳаёт бу жаннат-ку, ҳаммамиз

жаннатдамиз, лекин буни билишни истамаймиз, агарда билганимизда эди, эртагаёқ бутун дунё жаннатга айланиб кетарди”. Ҳамма унинг сўзларидан ажабланарди, шунчалар буларни ишонч билан ғалати қилиб айтарди; ҳамманинг кўнгли бўшаб, ийғлашарди. Уйимизга таниш-билишлар келишарди: “Азизларим, қадрдонларим, мен нима қилибманки, сиз мени севасиз, мени нимамни яхши кўрасиз, нега буни аввалдан билмабман, аввалдан бунга сазовор бўлмабман”. Хизматкорлар дам-бадам кириб туришса, уларга дерди: “Азизларим, қадрдонларим, нега менга хизмат қиласиз, ахир мен бу хизматингизга арзийманми? Мабодо худойимнинг раҳми келиб мени тирик қолдирса, ўзим сизга хизмат қилардим, зеро, ҳамма бир-бирига хизмат қилиши керак”. Онажоним буларни эшлитиб, бошини чайқарди: “Болажоним, касал бўлганинг учун шундай деяпсан”. – “Ойижон, шодлигим, кувончим, хўжайинлар ва хизматкорлар бўлмасдан иложи йўқ, аммо майли мен ҳам хизматкоримнинг хизматкори бўлайин, улар менга қандоқ, мен ҳам уларга шундоқ бўлай. Сизга яна шуни ҳам айтайки, онажоним, бизнинг ҳар биримиз бошқа ҳамма олдида ҳаммаси учун айбдор, мен эса барчадан ортиқ айборман”. Шунда онажоним илжайиб қўяди, кўзларидан ёш қуиилиб ночор жилмаяди: “Хўп, сен нима учун бошқалар олдида ҳаммадан кўпроқ айбдорсан? Ана, қотиллар, одамкушлар, қароқчилар, сен эса ҳали нима ҳам гуноҳ қилиб улгурибсанки, ҳаммадан кўпроқ ўзингни айблайсан?” – “Онажоним, жигарим, жоним (у ўшанда шундай кутилмаган ширин сўзларни топиб айтарди), жону жаҳоним, жигаримсиз, кувончимсиз, билиб қўйингки, ҳақиқатан, ҳар бир кимса ҳамманинг олдида ҳамма учун ва ҳаммаси учун айбдор. Мен билмайман, буни сизга қандай тушунтиурсам экан, аммо сезиб турибманки, жуда аламли бўлса ҳам, бу шундай. Биз ахир қандоқ яшаган эканмиз, аччиқ-тиззик қилган эканмиз ва ҳеч нарсани билмаган эканмиз?” У худонинг берган куни уйқудан шундай бош қўтарар, ҳар кун юраги сувдай эриб оқар, қуонар, муҳаббатдан жонсарак талпинарди. Баъзи кунлар қари чол доктор Эйзеншмидт кириб келади: “Қани, муҳтарам доктор, айтинг, менга яна бир кун яшашга рухсат берасизми, йўқми?” – деб ҳазиллашарди. – “Бир кун эмас, ҳали яна неча минг кунлар яшайсиз, – деб жавоб қиласди доктор, – ойлар, йиллар яшайсиз ҳали”. – “Қандай йиллар, қандай ойлар бўлсин! – деб ёзгиради у, – кунларни санаб нима қиламиз, баҳт нималигини билиш учун бир куннинг ўзи ҳам етади. Менинг жондан азизларим, нега жанжаллашамиз, бир-биримизга мактанамиз, бир-биримиздан хафа бўлиб, буни эсимиздан чиқармаймиз, бўлди, тўғри боғчага борамиз, ўйнаймиз, шўхликлар қиламиз, бир-биримизни севиб алқаймиз, ўпиб эркалаймиз ва ҳаётга шукронга айтамиз”. – “Ўғлингиз бу дунёning одами эмас, – деб қўяди доктор уни эшикка кузатиб чиқкан онамга, – касалнинг зўридан мияси оғиб боряпти”. Акамнинг деразалари боққа қараган эди, боғимиз эса соя-салқин, унда қадим дараҳтлар бўй чўзган, кўклам куртаклари бўргта бошлаган, баҳор қушлари учиб келган, хув-хувлаб сайрашар, унга куйлаб беришарди. Бемор уларга қараб севиниб ўтиаркан, бир замон улардан ҳам узр сўрай бошларди: “Худойимнинг қушлари, эй қувноқ қушчалар, сиз ҳам мени кечирингиз, чунки сизнинг олдингизда ҳам гуноҳкорман”. Буни ўшанда ҳеч ким англаб етмас, у эса қувончдан кўзига ёш оларди: “Ҳа, – дерди у, – атрофим худойимнинг мўъжизасига тўла эди: қушлар, дараҳтлар, ўтлоқлар, кўк осмон, фақат мен шарманда яшардим, бир ўзим ҳаммасини булғардим, мўъжизалару

гўзалликларни асло фаҳмламасдим”. – “Ўз устингга кўп гуноҳларни юклаб оляпсан”, – деб йиғларди онажоним. “Онажоним, шодлигим, қувончим, мен аламимдан эмас, қувончимдан йиғлайман, мен ўзим уларнинг олдида айбдор бўлгим келади, фақат буни сизга тушунтириб беролмайман, чунки уларни қандай яхши кўришни ҳам билмайман. Майли, мен ҳамманинг олдида гуноҳкор бўлай, ўшанда мени ҳамма кечиради, ана шу жаннат. Мен ахир энди жаннатдаман-ку”.

Эслай десам, ёзай десам, яна кўп нарсалар бўлган. Эсимда, бир куни унинг олдига бир ўзим кирдим, ёнида ҳеч ким йўқ эди. Ҳаммаёқ тиник, оқшом чоғи эди, қуёш ботиб борар, унинг қиялаб тушган шуълалари хонани ёритарди. Менга кўзи тушгач, ёнига имлади, яқин бордим, у иккала қўли билан елкамдан тутди, юзимга майнин эриб, суюб тикилди, бир зум индамай шундай караб турди: “Бўпти, деди, бор энди, мен учун яша, мен учун ўйна!” Ўшанда олдидан чиқиб, ўйнагани кетдим. Кейин ҳаётимда кўп бора кўзимда ёшим билан унинг мен учун яша деган сўзларини эслаб юрдим. У яна кўплаб мана шундай ажойиб ва гўзал, ўша пайтда бизга тушунарли бўлмаган сўзларни айтарди. У пасхадан кейинги учинчи ҳафтада қазо қилди, хотирасини йўқотмади, гарчи энди гапирмай қўйган бўлса-да, аммо энг охирги дамгача ўзгармади: шод-хурсанд боқади, кўзлари қувноқ, нигоҳи билан бизни қидиради, табассум қиласди, бизни чорлайди. Ҳатто шаҳарда ҳам унинг ўлими устида кўп гап-сўзлар бўлди. Ўшанда булар мени ларзага солди, аммо жудаям қаттиқ эмас, барибир уни кўмишаётганда уввос солиб йиғладим. Ёш сабий болакай эдим, юрагимда ўчмас из қолди, туйғуларим кўнглимга чўқди. Вақти келиб ҳаммаси уйғонади ва акссадо беради. Шундай ҳам бўлди.

б) ота Зосима ҳаётидаги Муқаддас битик ҳақида

Ўшанда онам билан ёлғиз қолдик. Кўп ўтмай яхши таниш-билишлари онамга маслаҳат беришди, мана, ёлғиз ўғлингиз билан қолдингиз, давлатингиз етарли, сармоянгиз бўлса бор, шундоқ бўлгач, нима учун бошқалардан ўрнак олиб, ўғлингизни Петербургга жўнатмайсиз, бу ерда қолиб уни балки улуғ йўлдан маҳрум қилиб қўясиз. Улар онамга мени Петербургга кадетлар корпусига олиб боришни маслаҳат беришди, кейин император гвардиясига киради дейишиди. Онам узоқ вақт иккиланди: қандай қилиб ёлғиз ўғлимдан айриламан деди, аммо баҳт-иқболимни таъминлайман деб, кўп йиғи-сиғи, кўз ёшлардан сўнг бир қарорга келди. У мени Петербургга элтиб, жойлаштириди, мен уни ўшандан бери кўрмадим; уч йилдан сўнг онам ҳаётдан кўз юмди, икки ўғилнинг ҳажрида адойи тамом бўлди. Ота-онамнинг уйида мен фақат қимматбаҳо хотиралар орттиридим, одам боласининг илк болалик чоғлари ота-она уйида олган хотираларидан ҳам қимматлироқ ҳеч нарсаси йўқ, бу доим ўзи шундай, оилада жиндак муҳаббат ва аҳллик бўлса, бас. Агар сенинг қалбинг қимматли нарсаларни излаб топишга қодир бўлса, ҳатто энг нобоп оилаларда ҳам жуда қимматли хотиралар сақланиб қолади. Мен уйдаги хотираларга яна муқаддас тарих ҳақидаги хотираларни ҳам кўшаман, бола бўлсам ҳам, ота-онамнинг уйида мен буни билишга ғоятда қизиқардим. Менинг бир муқаддас тарих китобим бор эди, унга жуда чиройли расмлар чизилган, номи “Кўхна ва Янги Аҳднинг бир юз тўрт муқаддас тарихи” эди, мен ундан ўқишини ўргандим¹.

¹ Ф.М.Достоевский ўқишини шу китобдан ўрганган.

Ҳозир ҳам у токчамда шу ерда турибди, қимматли хотира каби сақлаб юраман. Ўқишни ўрганиб олгунимча ҳам, эсимда, саккиз ёшимда менинг юрагимга рухоний бир шуъла тушди. Онажоним мени (акам унда қаерда эди, ёдимдан кўтарилиган) муборак ҳафтанинг душанбасида худонинг уйига ибодат маросимиға олиб борди. Ҳаво тиниқ эди, эсласам, шундок кўз ўнгимда туради, бухурдан ҳовур кўтарилади ва оҳиста юқорига ўрлайди, тепада кубба остида тор туйнуқдан бизнинг устимизга – бутун ибодатхонага худойимнинг шуълалари қўйилади, бухур ҳовурлари шуълаларга қўшилиб ҳудди улар ичида эриб кетаётгандай бўлади. Мен мумдай эриб энтикиб қараб турардим ва ўшанда умримда биринчи марта худойимнинг қаломи маъносини юрагимда англаб қабул қилдим. Ибодатхона ўртасида катта китоб кўтариб бир ёш ўғлон чиқди, китоб шунчалар катта эдик, назаримда, уни зўрға кўтариб борди ва минбар устига қўйди, китобни очиб ўқишига тушди, мен ўшанда бирдан илк бора ниманидир тушундим, умримда биринчи марта худойимнинг ибодатхонасида китоб ўқилаётганини тушундим. Ус деган ерда бир ростгўй ва тақводор одам бор эди, унинг мислсиз бойликлари, тўда-тўда туялари, дашту биёбонга сифрас қўй-қулонлари бор эди, болалари шод-хуррам ўйнаб-кулиб юришар, уларни ота жонидан ортиқ яхши кўрар, балки ўйин-кулгига овора бўлиб кетиб, бирон гуноҳ иш қилиб қўйишгандир деб, худойимга истиғфор айтар, дуолар ўқириди¹. Мана, худойимнинг аршига унинг бандалари билан бирга иблис ҳам кўтарилади, худойимга бутун ер юзи ва ер остини кезиб чиқдим дейди. “Сен менинг Айюб деган бандамни кўрдингми?” – деб сўрайди худо ундан. Шунда худойим ўзининг авлиё бандасини кўрсатиб, иблисга мақтанди. Шунда иблис худойимнинг сўзларига тиржайди: “Сен уни менга бер, ана ўшанда банданг шикоят қилгани ва номингни лаънатлаганини кўргайсан”. Шунда худойим ўзининг шунчалар суюкли, порсо бандасини иблисга топширди ва шунда иблис унинг болаларини маҳв қилди, мол-кўй подаларини қирди, бутун чексиз давлатини совурди, ҳаммасини бирдан худойимнинг чақмоғига дучор қилгандай, барбод этди. Шунда Айюб лиbosларини парча-парча қилиб йиртди, ўзини урён ерга отди ва фарёд қилди: “Онам қорнидан яланғоч чиқдим, ерга ҳам яланғоч қайтурман, худо берганди, худо олди, худойимнинг номи ҳамиша, дунё тургунча азиз бўлгай!” Падарларим ва устозларим, менинг бу кўз ёшларимга карам қилгайсиз, зеро, менинг бутун сабий чоғларим кўз ўнгимда гавдаланиб турибди, ўшанда саккиз ёшимда мурғак кўксим билан қандай нафас олган бўлсам, ҳозир ҳудди ўшандагидай ҳайрат, ҳайбат ва шодмонлик сезаётирман. Ўшанда туялар бутун хаёлимни эгаллаб олдилар ва худойим билан шундай сўзлашаётган иблис, ўз порсо бандасини ҳалокат чангалига тутқизган худойим ва унинг: “Номинг мангу азиз бўлгай, парвардигорим, майлига, мени тамом барбод айласанг”, – деб фарёд қиласётган бандаси; кейин ибодатхонада оҳиста янграган лазиз оҳанг: “Дуоларимни қабул эт, худойим” ва яна бухурдан чиқкан ҳовурлар, тиз чўйкан банданинг дуо салламноси! Ўшандан буён шу муқаддасларнинг муқаддаси бўлмиш қиссани кўз ёшларимни тўқмасдан ўқиёлмайман – кеча яна уни қўлимга олдим. Қанчалар буюқ, сирли ва ақл бовар қилмас нарсалар булар! Кейин мазах қилувчилар ва қоралаб сўзловчиларнинг такаббур гапларини қанчалаб эшийтдим: ху-

¹ Айюб нидоси. Ўзбек тилидаги таржимаси. Қисса “Ус деган заминда бир одам бўларди”, деб бошланади. – Тошкент: “Янги аср авлоди”, – Б.14. Манбаларда кўрсатилишича, Айюб пайғамбар макон тутган бу жойлар Арабистоннинг шимолий қисмида жойлашган бўлиши мумкин.

дойим ўзининг суюкли бандаларидан бўлмиш авлиёни қандай қилиб иблисга хору зор қилиб қўйди, бола-бақрасини тортиб олди, ёмон касаллар, яра-чақа, моховга дучор қилди, сопол синиқлари билан яраларни, кўтиирларни қашиб, кўчириб ўтирадиган аҳволга солди ва булар билан нима демоқчи бўлди, нима, шайтон лайн олдида мақтангиси келдими: “Мени севган авлиё ҳар қанча қийинчилик, йўқчилик бўлса ҳам, сабр қиласди”, демоқчими? Аммо улуғлиги шундаки, бу ерда сир бор, бу ерда ўткинчи дунё ва мангу ҳақиқат бир-бирига яқинлашиб келди. Ердаги ҳаётнинг ҳақиқати қатида мангу ҳақиқатнинг ҳаракати бўй кўрсатади. Бу ерда яратган худди яратишнинг илк кунларидек, ҳар янги кунни барпо қилиб якунига етказаркан, “Мен яратган нарсалар қандай яхши”, деб мақтанади ва Айюб Сабборга қарамайди-да, яна ўз яратган нарсаси билан мақтанади. Айюби Саббор эса худойимга ҳамду сано ўқиб, фақат холикқагина эмас, унинг барча халқ қилганларига қавмлардан қавмларга, замонлардан замонларга хизмат қиласди, зероки, у шунга чорланмиш эди. Худойим, бу қандай китобу қандай ибратлар экан-а! Қанчалар куч-қудрат бор ушбу муқаддас битикларда ва қанча мўъжизалар ато этилмиш уларда инсонга! Бамисоли олам ва башар ва башарият феъл-атворининг мужассами, ҳаммаси айтилмиш ва ҳаммаси азалу абадга кўрсатилмиш. Ва қанчадан-қанча сирлар ечилди ва очилди: худойим яна Айюбни тиклади, яна унга дов-давлат ато этди, яна бисёр-бисёр йиллар ўтди, яна кўп бошқа янги фарзандлар кўрди, уларни жонидан ортиқ сужди – о, худойим, “Аввалги болаларидан айрилиб, ахир қандай у энди янгиларини сужди, маҳрум бўлган эди-ку ҳаммасидан? Олдинги фарзандларини эсласа, янгилари билан баҳтили бўлоладими булар қанчалар ширин ва азиз бўлган тақдирда ҳам?” Аммо мумкин, мумкин: эски қайфу-алам инсон ҳаётининг улуғ сир-синоатига кўра аста-секинлик билан осуда ҳам майин шодликка айланади, ёшликтинг жўшқин қони ўрнига мулоим, тиниқ кексалик келгай: ҳар кун тонгда қуёш чиқишини шод-хуррам қарши оламан, юрагим унга мадҳиялар куйлади, лекин энди кўпроқ унинг ботишини севаман, қиялаб тушаётган узун шуълалари ҳамда улар билан бирга сокин, майин, мулоим хотираларни севаман, узоқ муруватли ҳаётнинг жондан ортиқ сиймолари ва буларнинг бари узра худойимнинг кўнгилни мумдай эритадиган, муросага, кечиришга ундовчи ҳақиқати! Ҳаётим тугаб боряпти, буни биламан ва сезаман, аммо ҳар бир қолган куним учун ҳис қиласманки, менинг ер юзидағи ҳаётим энди янги, бепоён, ноаён, лекин елиб келаётган бўлажак ҳаёт билан тўқинади, уни сезиб юрагим шодумон талпинади, ақлим ярқирайди ва қалбим шодланиб йиглайди... Ошноларим ва муаллимларим, тез-тез қулогимга чалинади, кейинги пайтларда янада бот-бот эшитмоқдаманки, бизнинг ва айниқса, қишлоқдаги роҳибларимиз ҳамма ерда баравар йиғлаб таъминотлари камлигидан зорланишади, хўрликлари келади ва ҳатто матбуотларда чиқиб – ўзим ўқидим – шиква-шикоят қилишадики, биз муқаддас битикларимизни ҳозир халққа талқин этолмай қолдик, чунки яхши таъминланмаганмиз, шу сабаб билан бошқа мазҳаб кишилари келиб қавмни ўз томонларига тортиб кетмасмикнлар, майли, тортиб кетаверсинглар, зеро, бизнинг таъминотимиз жуда ночор. О, худойим! Яратган уларга таъминотларини мўл қилсин (зеро, уларнинг шикоятлари ҳам ўринли), аммо чин айтаман, бунга ким айбдор десак, кўпроқ ўзимиз бўлиб чиқамиз! Майли вақт бўлмасин, майли, у ишнинг кўплиги ва муҳтожлиқдан эзилаётгани ҳақида ҳақ гапларни

айтаётган бўлсин, лекин ахир ҳамма вақт шундай эмас-ку, ахир унинг бутун ҳафта давомида бир соатгина вақти бордир-ку худойимни эслаб, ёд этгали. Иш дегани ахир йил бўйи эмас-ку. У ҳафтада бир кун бўлса ҳам, кечки пайтлар олдинига факат жужуқларни ўз уйида йифса, буни оталар ҳам эшишиб, улар ҳам шояд қатнай бошласа. Э, бу иш учун қаср қуриш шарт эмас, шундок ўз ёғоч уйингда тўпла уларни, кўрқма, уйингни ифлос қилиб қўйишмайди, ахир йиғсанг, бор-йўғи бир соатга йиғасан. Мана шу китобни очиб, оҳанжама сўзлар қўшмай, кеккаймачоқлик қилмай, улардан ўзингни устун қўймай, майнин ва мулоим ўқиб бераётганингда улар ҳам сени тушиниб, эшитаётганидан ўзинг-да қувониб, ушбу калималарни севиб, гоҳо-гоҳо нафас ростлаб, оддий кишиларга тушунарли бўлмаган баъзи сўзларни изоҳлаб бер, ташвиш тортма, ҳаммаси, ҳаммасини тушунишади художўй юраклар! Уларга Иброҳим ва Сорани, Исҳоқ ва Робияни, Ёкуб қандай қилиб Лаван ҳузурига боргани ва тушида худойим билан олишиб чикқани-ю “Қандай қўрқинчли бу ер” деганларини ўқиб бер, шунда имонга ташна оддий кишиларнинг ақлини лол қилгайсан. Уларга ва айниқса, сабийларга суюкли ўғлон Юсуф хақида ўқи, у тушларни таъбир қиларди, буюк набий эди, биродарлари уни, туғишган укаларини кул қилиб сотиб юборишиди, отасига эса ваҳший ҳайвон ғажиб ташлади дея қонга булғанган қўйлагини кўрсатишиди. Кейин биродарлари нон сўраб Мисрга келганларини ўқи, улар вазири аъзам Юсуфни танишмади, Юсуф уларни қамади, айблади, укаси Ибнияминни олиб қолди: “Сизларни севаман, севиб қийналдим”, – деди. Зеро, у бутун умр ўзини кимсасиз даштда, кудук ёнида савдогарларга омонсиз сотиб юборишганини тинмай эсларди, акаларига мени бегона юртларга кул қилиб сотиб юборманглар деб зорланиб, қўллари қақшаб ёлворганлари, кўз ёшлари тинмай йиғлаганлари бот-бот эсига тушарди. Акаларини шунча йиллар ўтгандан кейин қўриб, яна уларга қўнглида чексиз муҳаббат уйғонди, уларни қийнади, аммо меҳрини дариф тутмади. Улар олдидан кетгач, юрагининг азобларига чидолмай, ўзини тўшагига отди ва тинмай йиғлади, кейин ўзини тутиб, юз-қўлларини тартибга солиб, чехраси ял-ял ёниб, порлаб, акаларига пешвоз чиқди: “Биродарларим, мен Юсуф-дирман, инингизман!” – деди. Кейин бу қиссанинг давомини ҳам ўқисин: Юсуфнинг отаси Ёкуб жондан азиз ўғли тирик эканлигини билиб, мислсиз шод бўлиб Мисрга қараб йўлга тушди, туғилган юртини ҳам ташлаб, бегона ерларда жон берди, замон-замонлар учун ўз васиятида улуғ бир башоратни айтиб қолдирди, бу сўз унинг худотарс ва мўмин кўксига бир умр сирли бир тарзда оруланмиш эди, у менинг наслимдан Яхудо чиқади, ер юзининг орзуси, булагоси ва халоскори бўлгай, деди! Падарларим ва муаллимларим, сиз аллақачон билган нарсаларни худди ёш боладек ҳикоя қилаётганим учун жаҳлингиз чиқмасин, мени кечиринг, уларни сиз аҳли имон менга ўргатинг, юз бора чиройлироқ, нафисроқ талқин қилинг. Буни факат юрагим тўлқин уриб айтиётирман, кўз ёшларимни кечиринг, зотан мен бу китобни севаман! Майли, ўша худойимнинг роҳиб бандаси ҳам йиғласин, унга қараб сомеларининг ҳам қалблари ларзага тушиб ўртаниб ёнгай. Заррадек бир тухум бўлса бас: уни оддий одамлар кўксига эксин ва тухум яшайди, ўлмагай, унинг кўксига қоронғи зулмат ичра яшириниб, барча журму гуноҳларининг уфунатида бир нурафшон нуқта, ўлмас эслатма бўлиб тирик яшайди. Кўп сўз, кўп талқин асло, асло керакмас, оддий инсон ҳаммасини шундай тушунгай. Сиз оддий одамлар тушунмайди деб ўйлайсизми? Ундан

кейин гўзал Эсфира (Сафира) ва такаббур Вастия ҳақидаги ҳаяжонли ва кўнгилга ҳузур бахш этадиган қиссани¹ унга ўқиб беришга ҳаракат қилиб кўринг ёхуд хут балиғи қорнига тушган набий Юнус ҳақидаги мўъжизакор битикни қироат қилинг. Ҳазратимизнинг масалларини ҳам унутмангиз, айниқса, Луканинг Янги Аҳдидаги (мен шундай қиласардим), ундан сўнг саҳобаларнинг мурожаатларидан Савлнинг² мурожаати (албатта, албатта!) ва ниҳоят, Четъи-Минеидан ҳазрат Алексейнинг бошидан кечирганлари, у худотарс одам эди; кейин улуғларнинг улуғи, шодумон азобкунанда, худойимни кўрган ва Масихони ўз батнида кўтарган модар Марям Мисрияни ҳам ўқигилки, ушбу ажиб латоифлар билан соменинг юрагига ёриб кириб боргайсан; хафтасига бир соатгина вакт ажратсанг, қорниг оч, таъминотинг етмаса ҳам, бир соатгина нима бўлибди. Ва ўзинг кўргайсан, ҳалқимиз раҳмдил ҳам меҳрибон, юз карра миннатдор бўлгай, ёдингда тут, роҳибнинг ғайрати, ширин қаломи унинг хизматида мададкор бўлгай, уйига ҳам кўмак етказгай ва обрўси аввалгидан ҳам кўтарилгай – ана ўшанда унинг фарогати ҳам кўпроқ, таъминоти ҳам бехроқ тузилгай. Булар шунчалар содда, одми ишларки, ҳатто гапиришга ҳам қўрқамиз, зоро, устингдан кулишади, ҳолбуки, жуда ҳам тўғри иш бу! Худога ишонмаган худонинг бандаларига ҳам ишонмайди. Худонинг бандаларига ишонганлари унинг муқаддаслигига ҳам ишонгайлар, аввал умуман ишонмаган бўлсалар, энди ишонгайлар. Фақат ҳалқ ва унинг келар руҳонияти она еримиздан узилиб қолган даҳрийларни ортларига қайтаргай. Масихонинг қаломи асло мисолсиз бўлгайми? Худойимнинг қаломисиз ҳалқ ҳалокатга учрагай, зоро, ҳалқнинг дили унинг қаломига ташна ва идрок гўзаллигини истар. Бунга узок вактлар бўлди, ёшлиқ чоғларимда, қирқ йиллар илгари мен ота Анфим билан бутун рус ерларини кезганмиз, монастирга хайру эҳсон йиғганмиз; бир куни кемалар қатнайдиган катта дарё бўйида балиқчилар билан бирга тунаб қолдик, биз билан кўринишдан ўн саккиз ёшлардаги, дехқонлардан чиққан, истараси иссиқ бир ўғлон ҳам ўтиради, у эртага савдогарлар кемасини дарё бўйида тортиб бориш учун шошилиб кетаётган экан. Унинг тиниқ кўзларида раҳм-шафқат акс этарди. Июлнинг ёруғ, осуда, илиқ бир кечаси, дарё бўлса жуда кенг, ундан ҳовур кўтарилади, бундан эт енгил жунжикади, балиқлар сув юзида чўлпиллайди, қушларнинг эса овози тингган, ҳамма ёқ жим-жит, фарофат, ҳаммаси худога сано ўқийди. Мену шу ўғлон иккимизнинг кўзимизга уйқу келмайди, биз худойимнинг шу ёруғ дунёси ва унинг улуғ сир-синоатлари ҳақида гаплашиб ўтирадик. Ҳар бир майса-қиёқ, ҳар бир зарра, чивин, чумоли, тилла ари – ҳаммалари ақллари бўлмаса ҳам, ўз йўлларини хайратомуз билишар, худойимнинг сир-асорига гувоҳ ва ўзлари шу асрорни бино қилишар, шунда кўрдим азиз ўғлоннинг юраги ёнди. У менга ўрмон, қушларни севишини айтди; у қуш овлар экан, уларнинг сайрашларини тушунар, ҳар бир қушни ўзига жалб қила биларкан; мен ўрмончалик яхши жойни билмайман, дейди у, аммо барибир ҳаммаси яхши. “Чин айтдинг, – дедим унга, – ҳаммаси яхши ва ажойиб, чунки ҳаммаси ҳақиқат. Қара, – дедим унга, – от ғаройиб маҳлук, одамга яқин туради ё кўр ана қўтосни, одамни боқади, хизматни қилади,

¹ Қиссада баён қилинишича, етим қиз Эсфира ҳусни-камоли билан такаббур форс маликаси Вастиядан устун келади ва ўз ҳалқи ҳалоскорига айланади.

² Библия ривоятларига кўра, Савл насронийлик динининг ашаддий душманларидан бўлган, Дамашк йўлида кетар экан, у Исо Масих билан юзма-юз келади ва унинг таълимоти тарғиботчисига айланади.

яна бошини эгиб, ўйланиб туради, кўргил уларнинг қиёфаларини: қанчалар маъсум, қанчалар вафодор одам зотига, қанчалар у муте, қанчалар ишонар одамга ва қанчалар чиройли унинг лицоси. Одам эса уни бераҳм уради. Унда эса ҳеч қандай гуноҳ йўқ, билиб қўй буни ва ҳаммаси бу қадар муқаммал, одамдан ташқари ҳаммаси бегуноҳ, улар билан Масихо бирга биздан ҳам бурун”. – “Наҳот шундай, – сўради ўғлон, – наҳот уларнинг ҳам Масихоси бор?” – “Қандай бошқача бўлсин, – дейман унга, – зеро, ҳамма учун калом, барча кавну маконлар, барча маҳлуқот, ҳар бир япроқча каломга интилади, худойимга ҳамду сано ўқийди, Масихога йиглайди, ўзи билмай ўзининг маъсум ҳаётининг сир-асорорини яратади. Ана, – дейман яна, – ўрмонда қаҳрли ва даҳшатли айиқ кўркув солиб кезиб юрибди, унинг ҳеч нарсада айби йўқ”. Кейин унга ўрмондаги хилват ҳужрада яшаб халос топган бузруквор валий ҳакида сўйлаб бердим. Айиқ унинг олдига келибди, валий унга раҳм қилиб пешвоз чиқибди, бир бўлак нон берибди ва: “Энди йўлингга бор, Масих йўлдошинг бўлсин”, дебди. Шундан сўнг ваҳший айиқ унга зиён етказмай ўз йўлига кетибди. Ўғлон айиқнинг ювош тортиб, зиён бермай кетгани ва Масихо унга ҳам йўлдош эканидан ҳаяжонга тушибди. “Ох, бу қандай яхши, – дебди, – худойимнинг ҳамма нарсаси яхши ва ажойиб!” У тўлиқиб, жимгина ўй сурисиб ўтиреди. Унинг гапимни тушунганини кўрдим. У ёнимда күшдай ётиб хафиф уйқуга чўмди. Ёшларга ўзинг раҳм қил, худойим! Мен қўзим уйқуга кетмай, унинг учун худога ёлвордим. Худойим, ўзинг шундай бандаларингга саломатлик ва рўшнолик ато эт!

*в) ота Зосиманинг ўсмирлик ва ёшлик чоғлари
хотиралари. Яккана-якка олишиув*

Петербургдаги кадет мактабида мен узоқ саккиз йил ўқидим, янги тарбия ўчоғида болаликдаги кўп таассуротларим ўчиб кетди, лекин ҳеч нарса эсимдан чиқмаганди. Улар ўрнига шунчалар кўп янги одатлар ва фикру қарашлар орттиридимки, натижада, бирмунча одамови, бераҳм, бемаъни энтак-тентак маҳлуққа айланиб қолдим. Француз тилини эгаллаш билан бирга назокатли ва киборларча силлиқ муомалага ўргандим, ўқув даргоҳида бизга хизмат қилиб турувчи аскарларни эса одам ўрнида кўрмас, уларга ҳаммамиз, жумладан, мен ҳам ҳайвонга қарагандай қаарардик. Балки бу борада мен бошқалардан кўра кўпроқ ошириб-тошириб юборгандирман, чунки мен барча ўртоқларимга қараганда таъсирчанроқ эдим. Биз зобит бўлиб чиққанимиздан кейин полкимизнинг шарафи учун ўз қонимизни тўкишга ҳам тайёр эдик, лекин ҳақиқий номус-орнинг ўзи нималигини ичимизда қарийб ҳеч ким билмас, мабодо билганда ҳам дарҳол унинг устидан биринчи бўлиб масхара қилиб кулган бўлардик. Бир чеккаси, ичкилиқбозлиқ, жанжалкашлик, чапанилигимиз билан мағрурланардик. Учига чиққан расво эдик деб айттолмайман, бу ёш-ёш йигитларнинг ҳаммаси яхши болалар эди, фақат ўзларини жуда расво тутишар, мен бўлсан уларнинг ҳаммасидан ўтиб тушардим. Муҳими, пулим кўп эди, шунинг учун ялло қилиб яшашга бошим билан шўнғидим, ёшлиқ шўхликларига берилдим, ўзимни ҳеч тўхтатолмасдим, тараллабедод, жонғанимат. Лекин ажойиби яна бундек, мен ўша пайтлар китоб ҳам ўқирдим ва бундан жуда роҳатланардим, ўша чоғларда Инжилни ҳеч ёнимдан кўймас ва доим ўзим билан олиб юардим, ўзим ҳам англамаган ҳолда бу китобни авайлаб, “кун сайин, соат сайин, ой сайин ва йил сайин” асрардим. Шу

тариقا тўрт йилча хизматни адо қилиб, ниҳоят, бизнинг полкимиз турган К. шаҳрига бориб қолдим. Шаҳар аҳли ранг-баранг, одам кўп ва қувноқ, меҳмондўст ҳамда бадавлат эди, мени ҳамма ерда яхши қабул қилишарди. Зеро, табиатан шўх-қувноқ, боз устига пулим кўп, бунинг эса жамоат ичидаги аҳамияти катта. Бу орада бир воқеа бўлиб қолдик, ҳаммаси шундан бошлианди. Мен бир ақлли ва муносиб, феъл-автори чиройли, олийжаноб, отонаси обрў-эътиборли гўзал бир қизга ошик-бекарор бўлиб қолдим. Булар бой-бадавлат, қурб-қудрати кўп нарсаларга етадиган одамлар бўлиб, мени очик юз ва меҳмоннавозлик билан қабул қилишарди. Қизгина мени ёқтириб қолганга ўхшаб кўринди-да, юрагимда орзу аллангаланди, кейин шунга ақлим етиб, ишонч ҳосил қилдимки, мен уни унчалар қаттиқ яхши кўрмаган бўлсам ҳам керак, факат унинг ақл-идрохи ва олийжаноб феъл-авторини эъзозлагандирман, булар эса унда тўла мужассам эди. Ўша пайтда мендаги кибру ҳаво унинг қўлини сўрашимга йўл қўймади, чўнтағимда шунча пулдунё бўла туриб, энг ўйнаб куладиган жуда ёш чоғимда, бўйдоқлик ва эринчоқликда давру даврон суриб яйраб яшашдан айрилиб қолиш менга жуда оғир ҳамда қўрқинчли бўлиб туюлди. Аммо барибир имо-ишоралар қилиб қўйдим. Ҳар қалай дадил қадам қўйишдан ўзимни бироз вақт тийдим. Шунда бирдан икки ойга бошқа вилоятга сафар чиқиб қолди. Икки ойдан сўнг қайтиб келсан, қизгина шаҳар чеккасида яшовчи бой-бадавлат помешчикка турмушга чиқиб кетибди, у кишининг ёши мендан каттарок бўлса-да, ҳали куч-кувватга тўла, пойтахтда эътиборли давралар билан алоқалари мустаҳкам, сертакаллуф, сермулозамат ва ниҳоятда маълумотли бир зот экан, менда буларнинг науиси ва на буниси бор эди. Бу кутилмаган воқеадан шунчалар лол бўлиб қилдимки, ақлу хушимни йўқотдим. Ўшанда, билишимча, асосий гап шунда эдикни, ушбу ёш помешчик анчадан буён қизгинанинг қаллиғи экан, мен уни қизнинг хонадонида кўплаб маротаба учратган, аммо ўзимга қаттиқ бино кўйғанлигим боисдан бунга ҳеч эътибор бермаган эканман. Мени кўпроқ худди мана шу нарса хафа қилди, ахир буниси қандоқ бўлди, ҳамма бундан хабардор экан-у, факат мен билмас эканман? Бирдан жуда аччиғим чиқди. Уятдан икки юзим қизариб, қизгинага неча-неча бор деярли севгимни изҳор қилганларим, қиз эса билиб туриб мени тўхтатмаганлари, огоҳлантириб кўймаганларини эсладим ва бундан, демак, қиз менинг устимдан қулган экан-да, деган хулоса чиқардим. Аммо кейинроқ қизгина асло қулмагани, буни хаёлига ҳам келтирмаганини эслаб фаҳмига етдим, аксинча, у бундай гапларни ҳазил-хузулга йўйиб тўхтатар ва гапни бошқа томонга буриб юборарди, лекин ўша пайтлар мен буни англамай ўч олиш иштиёқида ёндим. Бу ўч олиш иштиёқи ва қаҳруғазаб ўзимга ҳам жуда оғир ҳамда ўта жирканч туюларди, буни эсласам, ўзимдан ўзим ҳайрон бўламан, негаки, феъл-авторимдаги енгилтаклик туфайли ҳеч вақт бирордан узоқ хафа бўлиб юрмасдим, шунинг учун ўзимни ўзим атай қизитар ва тобора баднамо, бемаъни бўлиб борарадим. Пойлаб юриб вақтини топдим-у, катта давра жам бўлган ерда арзимаган чет бир нарсани баҳона қилиб бирдан “рақибим”ни тахқирладим, ўшанда – бу йигирма олтинчи йилда бўлганди – унинг қандайдир мухим воқеа ҳақидаги билдирган фикри устидан масхаралаб, боплаб кулган эдим, одамлар шундай дейишувди¹. Кейин уни тушунтириш беришга мажбур қилдим ва бунда шунчалар қўполликка бордимки, ўргамиздаги бениҳоя катта фарқ

¹ 1826 йилда бўлиб ўтган мухим воқеа шундан иборат эдикни, декабристлар иши бўйича хукм ўқилганди.

борлигига қарамасдан, зеро, мен ундан ёшроқ, мансабим пастроқ, аҳамиятсизроқ эдим, – у менинг чақириғимни қабул қилди. Кейинроқ аниқ билдимки, менинг чақириғимни у рашки келгани учун қабул қилган экан: у авваллари ҳам мени бўлажак хотинига бироз ғаш кўриб юаркан, энди хотиним ҳақоратланганимни билиб қолиб, унга жавоб беришга журъатим етмаганини эшитса, мендан беихтиёр нафратланиб юрмасин, ўртага совуқчилик тушмасин деб, иккиланган. Мен ўртада турадиган одамни дарров топдим, у ўзимнинг ўртоғим, полкимизнинг поручиги эди. Ўша пайтларда яккама-якка отишувлар қаттиқ таъқиб остида бўлса ҳам, лекин ҳарбийлар орасида расмдан қолмаган – ваҳшиёна хурофот ҳамон сақланиб, давом этиб келарди. Ёзинг июнь ойи охирлари, эртага шаҳар чеккасида, эрталаб соат еттида отишув – ана шунда менга бир нарса бало бўлди. Кечкурун уйга жаҳлим чикқан, дарғазаб ҳолда қайтиб, денцигим Афанасийга заҳримни сочдим, юзига икки марта қаттиқ мушт туширдим, қора қонга беланди. У яқиндан бери менинг хизматимни қилар, илгари ҳам баъзан уни калтаклаб турар, аммо ҳеч қачон бунчалар бераҳмлик билан қаттиқ урмагандим. Ишонасизми, азизларим, ўшандан бери қирқ йил вақт ўтди, эсласам, ҳамон уялиб қора терга тушаман. Уйқуга ётиб уч соатча ухладим, тонг ёришганда уйғондим. Уйқум учди, ўрнимдан туриб дераза олдига бордим. Боғ томонга қараган деразани очдим, қуёш чиқа бошлаган, ҳаво илиқ, чиройли, қушлар сайрашарди. Менга нима бўляпти ўзи, деб ўйладим, юрагимда аллақандай шармандали ва тубан хиссиётлар бош кўтардимикин? Қон тўқаман деб бораётганим учун эмасмикин? Йўқ, дедим, ундейга ўхшамайди. Ўлимдан қўрқанимдан, ўлиб кетишдан қўрқаётганимданмикин? Йўқ, ундей эмас, ҳечам ундеймас... Бирдан кечча Афанасийни урганим эсимга тушди. Ҳамма гап шунда экан-да! Бирдан яна ҳаммаси кўз ўнгимга келди, ҳаммаси яна тақрорланди: у рўпарамда турибди, мен қулочкашлаб унинг башарасига бор кучим билан туширяпман, у эса икки қўли ёнида, бошини тик тутиб, худди уруш пайтидай кўзлари шоҳкосасидан чиқиб турибди, ҳар урганимда қалтирайди, ҳатто зарбадан ўзини тўсиб қўлинни кўтаришга журъати етмайди – одам ҳам шунчалар муте бўладими, одам ҳам одамни шунчалар урадими! Бу жиноят-ку! Юрагимни ўткир бигиз санчиб ўтгандай бўлди. Шундай эс-хушим оғиб туриб қолдим, қуёш эса мўл-кўл нур сочар, япроқлар шодумон қарс чалар, қушчалар эса, қушчалар худойимга ҳамду сано айтишиб сайрашарди... Мен кафтларимни юзимга босдим-да, ўзимни тўшакка отиб, хўнграб йиғлаб юбордим. Шунда акам – биродарим Маркелни, унинг ўлими олдидан хизматкорларга айтган сўзларини эсладим: “Азизларим, қадрдонларим, нега менга хизмат қиласиз, нега мени севасиз, ахир мен сизнинг бу хизматингизга арзийманми?” – “Ха, арзийманми?” – деган сўз бошимга михдай қокилди. Ростдан ҳам, бошқа, худди менинг ўзимга ўхшаган, худди мендек худойимнинг бир бандаси менга хизмат қилишига арзийманми, бунга муносибманми? Умримда биринчи маротаба шундай савол миямга ўқдай санчилди. “Онажоним, жигарпорам, чиндан ҳар биримиз ҳамманинг олдида барча учун гунохкор, фақат одамлар буни билмайдилар, агар билганларида эди – ер юзи жаннат бўларди!” “Оҳ, худойим-ей, наҳотки шу нарса ҳам нотўғри бўлса, – деб йиғлаб ўйлардим, – мен чиндан балки ҳамма учун ҳаммадан кўра гунохкорроқдирман, оламдаги бошқа ҳамма одамлардан кўра ёмонроқдирман! Шунда бор ҳақиқат бутун бўй-басти билан кўз

ўнгимда намоён бўлди: нима қилгани кетяпман ўзи? Менинг олдимда ҳеч қандай айби бўлмаган, яхши, олийжаноб, ақлли одамни ўлдиргани бора-япман, хотини эса ўз баҳти-икболидан абадулабад жудо бўлади, азобуқубатда ўлиб кетади. Тўшакда шундай юзимни ёстиққа босиб ётавердим. Вақт қандай ўтганини ҳам билмай қолдим. Шу вақт поручик ўртоғим тўўппончаларни кўтариб кириб келди: “Э, яхши, ўрнингдан турибсан, вақт бўлди, кетдик”. Эсанкираб, довдираб қолдим, коляскага ўтириш учун ташқарига чиқдик. “Бир зумга тўхта, – дедим унга, – дарров кириб чиқай, ҳамёнимни унутибман”. Бир ўзим уйга чопиб қайтиб кирдим, тўғри Афанасийнинг ҳужрасига ўтдим: “Афанасий, мен кеча икки марта юзингга урдим, сен мени кечир”, – дедим. У шундок титраб кетди, жуда кўрқди, қараб турибди – кўрдимки, бунинг ўзи етмайди, кам ва бирдан эполетларда бўлишимга қарамай унинг оёғига ўзимни ташладим, пешонамни ерга урдим: “Мени кечир!” – дедим. Унинг хуши бошидан учиб, анграйиб қолди: “Жаноби олийлари, хўжам, отагинам, бу нима қилганингиз... мен бунга арзиманми...” – шунда у худди боя менга ўхшаб кафтлари билан юзини яшириб, ойнага ўгирилганча силкиниб йифлаб юборди, мен эса югуриб коляскага чиқдим, ўртоғимга “бошла” деб қичкирдим. “Мана, ўзинг кўр, – деб бақирдим унга, – олдинга ғолиб аканг қарагай!” Ўпкам жуда тўлиб кетди, нуқул куламан, оғзим тинмайди, йўл бўйи гапириб бордим, нима деганим хозир эсимда йўқ. Ўртоғим менга қараб: “Э, оғайни, азamat бола экансан-ку, бўш келмайсан” – дейди. Мўлжалланган жойга етиб бордик, у ерда бизни кутиб туришган экан. Орамизда ўн икки қадам қолдириб, бизни ўз маррамизга қўйишиди, у биринчи бўлиб отадиган бўлди – рўпарасида қувноқ бир алфозда юзма-юз турибман, ундан кўзимни узмайман, хушчақчақ тикиламан, нима қилишимни билмайман. У ўқ узди, ўқ бир юзимни тирнаб қулоғимга тегиб ўтди. “Худога шукур, – деб қичкирдим, – одам ўлдирмадингиз! – ўзимнинг тўўппончам қўлимда, орқага ўгирилдим ва уни осмонга отиб ўрмонга улоқтирдим, – сенинг жойинг ўша ёқда!” – деб яна қичкирдим. Рақибимга қарадим: “Марҳаматли жаноб, – дедим, – мен тентак ёш йигитни кечиринг, сизни хафа қилиб қўйдим, менга қараб отишга мажбур қилдим. Мен сиздан кўра ўн бора ёмонроқман, балки ундан ҳам ортиқ бўлса ажабмас. Буни сизга ҳаммадан ҳам азизроқ бўлган кимсага айтиб қўйинг”. Мен шу гапимни тамом қилишим билан учовлари бақириб юборишиди: “Бизни бағишлиңг, – деди менинг рақибим, унинг ҳатто жаҳли чиқди, – уришмоқчи эмас экансиз, нега бизни овора қилдингиз?” – “Кеча, – дедим унга, – тентак эдим, бугун эса ақлим кирди”, – хушчақчақ жавоб бердим. “Кечагисига ишончим комил, – деди, – аммо бугунгисини сизнинг фикрингизга қараб тушуниш қийин”. – “Қойил, – деб қичкирдим унга, ҳатто қарсак чалиб юбордим, – мен бунда ҳам гапингизга қўшиламан, айб ўзимда!” – “Марҳаматли жаноб, отасизми, йўқми?” – “Отмайман, – дедим. – Сиз эса агар истасангиз, яна отинг, фақат энди отмаганингиз маъқул”. Секундантлар ҳам бақир-чақир қилишиди, айниқса, менинг одамим ошиб тушди: “Полк шарманда бўлди, маррада туриб ҳам кечирим сўрайдими, афсус, буни олдинроқ билмабман!” Уларнинг олдиларида туриб, энди кулмай, жиддийлашдим: “Жаноблар, – дедим, – наҳотки бизнинг кунларимизда ўз қилиб қўйган ножӯя иши учун тавба қилиб, кечирим сўраса, бу энди ғалати кўринадими, айбини бўйнига олса ёмонми?” – “Маррага тургандан кейин эмас-да”, – деб қичкирди яна менинг одамим. “Худди ана

шунақа-да, – жавоб қиласын унга, – худди мана шуниси қизик-да, мен шунинг учун ҳам улар ҳали ўқ узмасдин бурун айбимни бўйнимга олишим керак эди, биз энди бу ерга келгач, уларни оғир гуноҳга ботирмаслигимиз лозим эди, аммо биз дунёда ўзимизни ўзимиз шунчалар ноқулай ахволга солиб қўйганмизки, олдин кечирим сўрашнинг ҳеч иложи йўқ эди, зеро, мен ўн икки қадам нарида туриб ўқ узишларига чидаб берганимдан ке-йингина сўзларим улар назарида эътиборли бўларди, агарда ўқ узилмасдан олдин бу ерга келганимиздаёқ бу сўзларни айтсам, о, қўрқоқ, тўппончадан кўрқиб ўтирибди, кулоқ солманлар унга, дейишарди. Жаноблар, – деб мурожаат қиласы мен бирдан чин юракдан чиқариб, – гир атрофга қаранг худойимнинг тухфаларига: осмон мусаффо, ҳаво тоза, ўт-ўлан барра, қушлар, табиат гўзал ва бокира, фақат биз худони танимаймиз, аҳмоқмиз, ҳаёт жаннат эканлигини тушунмаймиз, агар биз уни тушунишни истасак, ўша ондаёқ у бор гўзаллиги билан намоён бўлади, келинг қучоқлашайлик ва дардларимизни кўз ёши билан ювайлик...” Мен яна шу тарзда давом эттиromoқчи эдим, қурбим етмади, дамим қайтиб кетди, ёш бошимдан завқим тошди, юрагим баҳт-иқболга тўлди, илгари ҳеч бундай ҳолга тушмагандим. “Ақлли, диёнатли одамнинг иши бу, – деди рақибим, – нима бўлганда ҳам сиз топилмас одам экансиз...” – “Кулинг, кулаверинг, дейман унга кулиб қараб, – кейин ўзингиз мақтасиз”. – “Э, мен ҳозирнинг ўзида, – дейди, – мақташга тайёрман, ижозат этинг, мен сизга қўлимни узатай, чунки сиз, чамаси, ҳакиқатан самимий инсон экансиз”. – “Йўқ, – дедим, – ҳозир керакмас, кейин, мен яхши бола бўлганимдан кейин сизнинг ҳурматингизга сазовор бўлсан, ўшанда қўлингизни беринг – яхши қиласиз”. Биз уйга қайтдик, секундантим йўл бўйи тинмай сўкиб келди, мен эса уни ҳадеб ўпид қўявердим. Барча ўртоқларим бўлган гапдан дарҳол хабар топишди, ўша куниёқ устимдан ҳукм чиқармоқчи бўлишди: “Мундириини булғади, истеъфога чиқсан”. Мени ҳимоя қилувчилар ҳам бўлди: “Хар қалай ўққа ўзини тутиб берибди-ку”. – “Шундайку-я, лекин бошқа отишмадан кўрккан ва маррада туриб кечирим сўрабди”. – “Агар яна отишмадан кўркканда, – деб эътиroz билдиришган мени ёқловчилар, – кечирим сўрашдан аввал ўзи тўппончасидан отарди, у эса қуролни ўқлаган ҳолда ўрмонга улоқтирибди, йўқ, бу ерда бошқа бир ўзгача нарса бор”. Уларни эшитиб завқим тошди. “Илтифотли азиз дўйстларим, – дейман, – ошноларим ва ўртоқларим, мени истеъфога чиқсан деб, безовта бўлманг, чунки буни қилиб қўйдим, шу бугуноқ идорага истеъфони топширдим, эрталаб истеъфога чиқсан, дарҳол монастирга бораман, шунинг учун истеъфога чиқяпман”. Мен бу сўзларимни айтиб бўлишим биланоқ битта қолмай ҳаммалари қах-қах уриб кулиб юборишди: “Э, сен ҳаммасини олдиндан билдириб қўймабсан-да, энди ҳаммаси равшан бўлди, дарвешни суд қилиб бўлмайди”, – деб ҳеч қўймай кулишгани-кулишган, яна мазах қилиб эмас, суюб, эркалатиб. Бирдан мени ҳаммалари, ҳатто ашаддий қарши бўлганлар ҳам яхши қўриб қолишиди, ундан сўнг то истеъфо қофози чиққунча бир ой мени бамисоли қўлларида қўтариб юришиди: “Вой, сен дарвеш-ей”, – дейишади. Ҳаммалари менга ширин сўзлар айтишади, ҳатто бу йўлдан қайтаришмоқчи бўлишади, менга иchlари ачиди: “Ўз бошингга нима кунларни соляпсан?” “Йўқ, – дейишади яна, – у мард йигит, бошини ўққа тутиб берди, тўппончасидан отса ҳам бўларди, у ўша куни туш қўрган экан монастирга боришни, шунинг учун қилаётиби бу ишларни”. Шаҳар жа-

моати ўртасида ҳам худди мана шундай бўлди. Илгари унчалар ҳам эътибор беришмасди, фақат очик юз билан қарши олишарди, энди эса ҳаммалари баравар билиб қолишиб, бир-бирларига гал бермай уйларига чақиришар, устимдан кулишар, ўзлари эса мени яхши қўришарди. Шуни ҳам айтиб ўтай, бизнинг отишувимиз ҳакида ўшанда ҳамма гапириб юрган бўлса-да, бироқ бошлиқлар бу ишга чек қўйишди, зеро, рақибим бизнинг генерали-мизнинг яқин қариндоши экан, низо қон тўкилмай тугагач, уни гўё ҳазил-хузулга йўйишди, мен ҳам истеъфога чиқадиган бўлганимдан кейин, ҳакиқатан ҳам ҳазилга айлантириб қўя қолишиб. Улар қанча кулмасинлар, мен ўшанда қўрқмасдан бемалол гапираверардим, чунки уларнинг кулги-ларида бир ёмонлик кўрмасдим, беозор кулишарди. Ушбу гап-сўзларнинг ҳаммаси оқшомлари хонимлар давраларида бўлиб ўтар, кўпроқ аёллар мени тинглашни яхши қўришар, эркакларни ҳам сухбатларига кўндиришарди. “Мен ҳамма учун қандай айбдор бўлишим мумкин, – деб кулишарди ҳар бирлари кўзимга қараб, – масалан, мана мен – сиз учун айбдор бўлишим мумкинми?” “Сиз буни қаердан ҳам билардингиз, – деб жавоб қиласдим уларга, – ҳолбуки, бутун дунё аллақачонлар бошқа бир йўлга чиқди, фирт ёлғон нарсани ҳакиқат ўрнида қабул қиласиз, бошқа одамлардан ҳам шундай ёлғонни талаб қиласиз. Мана мен умримда бир марта шартта самимий иш қилдим, оқибатда, ҳаммаларингиз менга худди телба тентак деб қарайпиз, гарчи мени яхши қўрсангиз ҳам, барибир устимдан кулиб юрибсизлар”, дедим. – “Сиздай бир йигитни севмай бўладими?” – юзимга қараб кулади уй бекаси, уйида эса тумонат одам тўпланган. Кейин бундоқ қарасам, хонимлар орасидан ўша отишув сабаб-чиси бўлган ёш хоним ойим ўрнидан туриб келяпти, куни кеча уни ўз қайлиғим деб ҳисоблаб юргандим, мен унинг оқшом зиёфатига келганини пайқамай ҳам қолибман. У қошимга келиб, менга қўлинни узатди: “Менга изн беринг, – дейди, – сизнинг устингиздан кулишни хаёлимга ҳам келтирамдим, аксинча, кўзда ёш им билан сизга миннатдорлик билдирай ва ўшандаги олийжаноблигингиз учун хурматимни изҳор этай!” Шу пайт унинг эри ҳам келди, кейин ҳамма мени ўраб олди, қучоқлашиб, худди ўпид олгудай бўлишиб. Қувониб кетдим, бошим осмонга етди, шунда улар орасида бир жаноб ҳаммадан кўра кўпроқ диққатимни тортди, у ўрта ёшларда бўлиб, у ҳам менинг ёнимга келганди, унинг исми шарифини билсамда, ўзи билан таниш эмасдим, ҳозиргача бир оғиз ҳам гаплашмагандим.

2) сирли меҳмон

У анчадан буён шахримизда хизматда эди, кўзга кўринган мансабни эгаллаганди, ҳамманинг ҳурмат-иззатига сазовор, бой-бадавлат, хайру эҳсонлари билан ном қозонган, доруложизин ва етимхонага катта маблағ эҳсон қилиб ўтказган, булардан ташқари яна қанчадан-қанча эҳсонларни ҳеч кимга билдирамай, овоза қилмай хуфия адо этиши эди, буларнинг ҳаммаси у оламдан ўтгандан сўнг маълум бўлди. Ёши элликларга борган, ўзини ғоятда жиддий ва сипо тутар, камгап эди; уйланганига чамаси ўн йилча бўлган, хотини ёш, ундан учта гўдак фарзандлари бор эди. Эртаси кечки пайт уйимда ўтирсам, бирдан эшигим очилиб, ҳузуримга шу жаноб кириб келди.

Шуни ҳам айтиб ўтишим жоизки, ўшанда мен олдинги уйимда турмасдим, истеъфога чиқиши ҳакида ариза бергач, ижарага бошқа уй топгандим,

у хизматчининг беваси, кексароқ бир аёлга қарашли бўлиб, хизматкорлари ҳам бор эди; менинг ушбу ижара уйга ўтишим шундоқ бўлди: отишувдан қайтиб келганимдаёқ Афанасийни ротага қайтариб юбордим, ундан анави қилиғим учун жуда уялар, кўзига қараашга ботинмасдим, зеро, олдиндан ҳозирлиги бўлмаган баъзи бир одми одамлар ўзининг энг адолатли ишидан ҳам кези келса, уялиб юришга мойил бўлади.

“Мен, – деди хонамга кириб келган жаноб, – сизни бир неча кундан бери турли давраларда жуда қизиқиб эшитиб юрибман, сиз билан бафуржа батафсилроқ гаплашиб олгим келяпти. Марҳаматли жанобим, каминага шундай изн бероласизми?” – “Жоним билан бу таклифингизга розиман, бош устига”, – деб жавоб бердим-у ўзим қўрқиб кетдим, зеро, уни ўшанда илк бора қўрганимдаёқ ҳайратга тушгандим. Зотан, мени давраларда тинглашаётган, қизиқишаётган бўлсалар-да, ҳеч ким бундай жиддийлик ва ички бир ихлос ҳамда сиполик билан менга мурожаат қилмаган эди. Бу одам эса ўзи кулбамга қадам ранжида қилди. У ўтириди. “Сизнинг феълатворингизда, – деб давом этди у, – улуғ бир куч борлигини кўраман, шундай бир ишда ҳақиқатни очишдан қўрқмадингиз, ҳолбуки, бу ҳақиқат учун ҳамманинг нафратига учрашингиз ҳам мумкин эди”. – “Сиз мени бу қадар мақтаб муболаға қилаётгандирсиз”, – дедим унга. “Йўқ, муболаға қилмаяпман, – деб жавоб берди у менга, – ишонинг, бундай ишга жазм этиш сиз ўйлагандан кўра анча қийин. Мен ўзим худди шундан, – давом этти у, – қаттиқ ҳайратландим ва шунинг учун олдингизга келдим. Менинг бу сурбетларча талабим сизга мабодо малол келмаса, ўшанда, отишувга борган пайтингизда сизни кечирим сўрашга нима ундали, бошингиздан нима хаёллар кечди, агар эсингизда бўлса, менга айтиб беролмайсизми? Бу саволимни, илтимос, енгилтаклиkkа йўйманг, аксинча, борингки, шунга қизиқаётган бўлсан, бунда ўз яширин бир мақсадим ҳам йўқ эмас, уни мен сизга кейинроқ, худойим бизни бир-биrimiziga яқинроқ қилишни хоҳласа, айтиб бергайман”.

Буларни менга сўзлаб бераркан, унинг юзидан кўз узмадим, бирдан унга нисбатан ўзимда кучли ишонч туйдим ва ҳаддан ташқари бунга қизиқиб қолдим. Зеро, унинг юрагида аллақандай бошқача бир сир ётганини сездим.

– Сиз мен рақибимдан кечирим сўраган пайтда айни нималарни бошдан кечирганимни сўраяпсиз, – жавоб бердим унга, – сизга бошдан айтиб берай, буни бошқаларга ҳали айтган эмасман, – деб Афанасий билан бўлган воқеани, ерга бош уриб таъзим қилганимни сўйладим. “Бундан ўзингиз ҳам кўриб турибсизки, – деб унга хulosамни айтдим, – менга отишув пайтида анча енгил бўлди, чунки уйдаёқ тайёргарлик кўргандим, ҳамонки мен шу йўлга кирдимми, ундан кейинги ҳаммаси ҳеч қийин бўлмайди, аксинча, роса шоду хуррамлик келтиради”.

Ҳаммасига қулоқ солиб ўтириб, бирдан у менга яхши кўз билан қаради: “Буларнинг бари, – деди, – ҳаддан ортиқ қизиқ, мен сизнинг олдингизга яна ва яна келаман”. Ўшандан бери деярли ҳар кеч менинига келадиган бўлди. Агар у ўзи ҳақида ҳам гапирганда эди, биз жуда дўстлашиб кетган бўлардик. Бироқ у ўзи ҳақида бир оғиз ҳам гапирмас, доим мендан ўзим ҳақимда ҳикоя қилиб беришимни сўради. Шунга қарамай уни ортиқ яхши кўриб қолдим, бутун ҳиссиётларимни унга ишондим ва буни шундоқ фикрладим, менга унинг сирлари нимага керак, шусиз ҳам одил одам эканлигини кўриб турибман. Бунинг устига нақадар сипо, ёши мендан анча катта одам. Ёш

демай ёнимга келади, тенг кўриб гаплашади. Мен ундан кўп фойдали нарсаларни ўргандим, ақли ҳар нарсага етадиган киши эди. “Ҳаёт жаннат эканлиги ҳақида, – деди у менга, – кўпдан бери ўйлайман, – кейин бирдан кўшиб қўйди, – фақат шуни ўйлайман”. Менга қараб кулимсирайди. “Бунга сиздан кўра кўпроқ ишонаман, – дейди, – негалигини кейин биласиз”. Мен бу гапларни эшитаяпман-у, ўзимча хаёл сурман: “Менга юрагини бир очмоқчи бўлса керак”. – “Жаннат, – дейди, – бизнинг ҳар биримизда яширинган, мана, у ҳозир менда ҳам беркиниб ётиби, агар хоҳласам, у эртагаёқ менда ҳақиқатан юзага чиқади, кейин умрим борича менга етади”. Қарасам, юраги шундай эриб гапиряпти, худди мени сўроқлагандай юзимга сирли боқади. “Ҳар бир одам, – деб давом этади у, – ҳамма учун ва ҳаммаси учун ўзининг гуноҳларидан ташқари айбордor деганингизда, сиз тамомила ҳақсиз ва ўзингизнинг бу фикрингизни ҳайратомуз тарзда тўла қамраб олгансиз. Алалҳақ, шундай, одамлар бу фикрни тушуниб етганларида, улар учун осмон шоҳлиги фақат орзулада эмас, чиндан ҳам рўёбга чиқади”. – “Қачон бўлади бу, – дейман аламимдан мунграйиб, – қачонлардир бу орзу юзага чиқармикин? Фақат орзулигича қолиб кетмасмикин?” – “Мана, кўринг, сиз ишонмаяпсиз, тарғиб қиласиз-у, аммо ўзингиз ишонмайсиз. Шуни билиб қўйингки, сиз орзу деб айтган бу нарса, албатта, рўёбга чиқади, бунга имонингиз комил бўлсин, бироқ ҳозир эмас. Зоро, ҳар бир ишнинг ўз қонуни бор. Бу юрак иши, руҳоният иши. Оламни янгидан куриш учун одамларнинг ўзи руҳониятлари билан янги йўлга ўтишлари зарур. Ҳақиқатан ҳам, аввало, ҳар кимга биродар бўлмай туриб, биродарлик юзага келмайди. Одамлар ҳеч қачон ҳеч қандай илм ва ҳеч қандай манфаат билан ўз хусусий мулклари, ўз ҳақ-хукуқларини осонлик билан беозоргина бериб қўймайдилар. Қанча бўлса ҳам ҳар бирига оз кўринади ва ҳаммалари ғалаён кўтарурлар, кўролмайдилар, бир-бирларини қирғин қилурлар. Сиз бу орзу қачон ушалади, дейсиз. Албат, ушалгай, аммо олдин инсонларнинг бирлашии даври бошланиши даркор”. – “У қандай бирлашиш”, – деб сўрайман ундан. “У ҳозир ҳамма ёқда хукм суряпти, – дейди у, – айниқса, бизнинг асримизда, лекин ҳали тугаллангани йўқ ва ҳали фурсати етмади. Ҳозир ҳар бир кимса ўз қиёфасини ҳаммадан ортиқ ажратишга интиляпти, ўзида ҳаётнинг бутун тўлалигини ҳис қилмоқчи, ҳолбуки, унинг барча уринишлари пировардида ҳаётнинг бутун тўлалигига эришиш эмас, фақат ўз-ўзини ўлдиришгагина қояпти, зоро, ўз борлиқларини тўлалигича аниқлаб олиш ўрнига мутлак ажралишди, ҳаммаси ўз уясида холи бўлишди, ҳар бири бошқасидан ажралади, яширинади, мол-мулкини беркитади ва охирида ўзи одамлардан қочади ҳам одамларни ўзидан қочиради. У танҳо бойлик йигиб, шундай ўйлайди: мен энди жуда қудратлимсан, ҳаммадан кўпроқ таъминланганман, аммо бу телба билмайдики, қанча кўп йигса, шунча ўз-ўзини ҳалок қилишга яқинлашади ва ожиз тортади. Зоро, фақат ўзига ишонишга одатланди, бутундан яккаланиб ажралиб чиқди, ўзини бошқаларнинг ёрдамидан умидвор бўлмасликка ўргатди, у одамларга, инсониятга ишонмайди ва фақат топган пулларим нест-нобуд бўлади, ҳақ-хукуқларим топталади, деб қайғуради. Ҳозирда инсон ақли ёппасига кулгили бир тарзда шуни тушунмай қўйдики, шахснинг ҳақиқий таъминоти унинг интилишларининг ёлғизликда кечишида эмас, балки бошқа одамлар билан бир бутунлигидадир. Аммо шубҳасиз шундай бир фурсат

келадики, бу даҳшатли ёлғизланиш ҳам барҳам топади, ўшанда ҳаммалари бирдан бараварига бир-бирларидан қанчалар нотабийй равишда ажралиб қолганларини тушуниб етадилар. Замоннинг нишонаси шундай бўлади, шунда узоқ вақт зулматда ўтирган эканмиз, ёруғлик кўрмаган эканмиз деб, ҳайрон қолишади. Ана ўшанда одам ўғлининг кўкларда башорати пайдо бўлади... Аммо унгача ҳар қалай байроқни сақлаб бормоқ лозим ва гоҳ-гоҳ яккам-дуккам бўлса-да, инсон ибрат кўрсатиб турмоғи жоиз ва юракни ёлғизликдан биродарпарварлик жасоратига олиб чиқмок фарзди, майли бу ҳатто девоналил даражасида бўлса ҳам. Бу улуғвор ғоя йўқолиб кетмаслиги учун керак..."

Бизнинг оқшомларимиз бирин-кетин мана шундай алангали ва кўтаринки руҳдаги сухбатларда ўтарди. Мен ҳатто давралардан ҳам четлашдим, меҳмондорчиликларга унда-мунда борардим, ундан ташқари менга бўлган қизиқишилар ҳам анча совиди. Мен буни таъна қилиб айттаётганим йўқ, илло, мени ҳамон яхши кўришар ва шод-хуррам қаршилашарди. Умуман, киборлар жамиятида менга қизиқиш анча кучли бўлган, буни тан олмай илож йўқ. Аммо ўзимнинг сирли меҳмонимга мен энди ҳайрат тўла кўзларим билан бокардим, зеро, унинг аклу ҳушидан ҳайратим ортиб бориши баробарида, аниқ идрок қила бошладимки, унинг қандайдир бир нияти бор ва қандайдир улуғ бир жасорат кўрсатишга ҳозирланарди. Мен ташқи томондан унинг сир-асорини билишга қизиқаётганлигимни билдирамасдим, на тўғридан-тўғри сўрар, на имо-ишоралар қилардим, бу эҳтимол, унга маъқул келгандир ҳам. Аммо бора-бора мен пайқаб қолдимки, у менга юрагини қандайдир очиш иштиёқида ўртанарди. У ҳузуримга кела бошлаганидан тахминан бир ойлар ўтгач бу ҳар ҳолда анча аён кўзга ташланиб қолди. "Биласизми, – деб қолди у бир кун, – шаҳарда икковимизга жуда қизиқиб қолишган, сизнинг олдингизга тез-тез келаётганимдан ажабланишади, майли, худо ҳайрларини берсин, зеро, *тез орада ҳаммаси тушунарли бўлади*". Баъзан у бирдан қаттиқ ҳаяжонга тушарди, бундай пайтларда дарров ўрнидан туриб кетиб қоларди. Баъзан эса менга узоқ қаттиқ тикилиб қолар, шунда ўйлардимки, ҳозир бир нарса дейди, у эса бирдан гапни бошқа ёққа буриб, одми ва жўн нарсаларни сўйлай бошларди. Тез-тез боши оғриётганидан нолирди. Нихоят, бир куни узоқ жўшиб гапирганидан сўнг, кутилмагандан бирдан ранг-туси оқарди, башараси қийшайиб кетди, кўзларини тешиб юборгудай менга тикди.

– Сизга нима бўлди, – дедим, – мазангиз қочдими?

У эса айнан боши оғриётганидан шикоят қилиб турганди.

– Мен... биласизми... мен... одам ўлдирганман.

Айтди-ю жилмайиб туриб бўздай оқариб кетди. У нега жилмаяди, – бу фикр юрагимни тешиб ўтди, бошимга бошқа ҳеч нарса келмади. Ўзимнинг ҳам рангим оқарди, шекилли.

– Сиз нима деяпсиз ўзи? – деб қичқираман унга.

– Кўряпсизми, – деб жавоб қилди у туси ўчиб кулимсираб, – биринчи сўзни айтишим қанчалар оғир бўлди. Мана алоҳа айтдим, чофи йўлга тушдим. Кетаман.

Анчагача унга ишонмадим, фақат олдимга уч кун кетма-кет келиб ҳаммасини батафсил ҳикоя қилиб бергандан кейингина бир эмас, бир неча марта ишондим ҳам. Уни савдойи бўлиб қолган деб ўйлардим, аммо охири оғир қайғу ва ҳайратга ботиб у ҳақни айттаётганига ишонч ҳосил

килдим. Бундан ўн тўрт йил илгари у ёш ва бениҳоя гўзал, жуда бадавлат бир хоним бека, бева қолган помешчик аёл устидан ўта оғир ва даҳшатли жиноят содир этган эди, ул хоним беканинг бизнинг шаҳарда ҳам ўз муқим уй-жойлари бор эди. Ҳалиги одам бу аёлни жуда қаттиқ севиб қолади, усиз яшолмаслигини билиб, севги изҳор қиласи ва уни ўзига турмушга чиқиш учун кўндириш пайига тушади. Аммо аёлнинг кўнгли бошқа одамда бўлади, ҳозир хизмат сафарига кетган аслзода бир катта ҳарбий амалдор билан аҳду паймон қилган ва уни тўрт кўз тугал кутаётган экан. Хоним унинг таклифини рад этган ва қайта уникига келмасликни сўраган. У хонимнинг уйидан оёғини узган, аммо бир куни тунда хоним уйининг қандай жойлашганидан хабардор бўлгани учун, боғ орқали томга чиқиб, кўлга тушишдан ҳам кўрқмай, таваккал қилиб ичкарига кирган. Аммо фавқулодда жасорат билан дангал қўл урилган шундай ишлар, одатда, бошқалардан фарқли равишда амалга ошади. Тепадаги дарчадан у болохонага, болохонадан пастдаги қаватларга тушадиган пиллапоя зина орқали уй эгаси яшайдиган хоналарга ўтган, пиллапоя охиридаги эшик хизматкорларнинг фаросатсизлиги туфайли ҳар доим ҳам ёпиб кўйилавермаслигини билган, мана шу хатодан фойдаланмоқчи бўлган ва бу сафар бунинг уҳдасидан чиқсан. Қоронғида чироқ ёниб турган аёлнинг ётоғига кирган. Қарангки, худди атай қилгандай, хонимнинг икки қиз канизаги сўрамай-нетмай шу кўчадаги кўшниникида бўлаётган ақиқа зиёфатига чиқиб кетишган. Бошқа эркак ва аёл хизматкор, ходималар эса пастки қаватларда ўз бўлмаларида ухлаб қолишган. Уйкуда ётган хонимни кўриб унинг ҳирси жўш урган, кейин юрагида қасд ва рашк ўти аланга олган, худди мастдай ақлу ҳушини йўқотиб яқин борган-да, пичоқни хонимнинг кўксига санчган, аёл шўрлик қичкиришга ҳам улгурмаган. Кейин дўзахий жинояткорлардек ҳисобитоб қилган, қотиллик нишобини хизматкорларга тўғрилаган: хонимнинг ҳамёнини олган, ёстиқ тагидан топилган калитлар билан жавонни очган, ундан атай нодон хизматкордай бўлиб, қимматбаҳо қофозларни қолдириб, барча пулларни, бир қанча йирикроқ тилла буюмларни олган, ўн карра қимматроқ, аммо майда нарсаларга тегмаган. Яна ўзига хотира учун бир қанча нарсаларни ҳам олган, аммо буни сал кейинроқ айтамиз. Ушбу мудҳиш ишларни қилиб бўлгач яна аввалги йўл билан чиқиб кетган. На эртасига қий-чув кўтарилиганда ва на шунча узоқ йиллар ўтиб, бирор кимса ҳақиқий бадкорни шубҳа остига олишни хаёлига келтирган! Унинг хонимга муҳаббатини ҳам ҳеч кимса билмаган, чунки бу феъл-автори индамас одам ҳеч ким билан борди-кељди қилмаган, юрагини очишга яқин дўсти ҳам бўлмаган. Уни хонимнинг шунчаки, унчалик яқин бўлмаган бир таниши деб билишган, зеро, охирги икки ҳафта ичидан у хонимнига ҳам бормаган. Дарҳол хонимнинг крепостной хизматкори Петрдан кўришган, барча ҳол-аҳволлар шубҳаларнинг барини тасдиқлагандай тўғри келган, хоним бу хизматкорини дехқонларидан олинадиган рекрутлик мажбуриятини қоплаш ҳисобига аскарликка жўнатмоқчи бўлиб юрган, хизматкор эса бундан хабардор бўлган, ўзи эса сўққабош ва бундан ташқари бевошроқ юрган. У қовоқхонада ичиб, маст-аласт бўлиб, бекасини ўлдираман дея дўқ-пўписа қилиб юрганини одамлар эшитган. Хоним ўлмасидан икки кун бурун қочиб кетган, шаҳарда номаълум жойларда беркиниб юрган. Қотиллик юз берганининг эртасига ёки уни шаҳардан чиқаверишдаги йўлда, ўлардай маст ҳолда топишган, кўйнида пичоқ бўлган, негадир ўнг кўлининг

кафти қонга беланган. Бурним қонаган эди, деб ишонтирмоқчи бўлган, аммо ҳеч ким ишонмаган. Оқсоқ қизлар эса зиёфатга чиқкан эдик, уйга кирадиган эшик то қайтгунимизча очик эди, деб бўйниларига олишган. Бундан бошқа яна кўпгина далолатлар маълум бўлдики, охири гуноҳсиз хизматкорни айбдорга чиқаришди. Уни қамаб, суд қилишди, аммо роса бир ҳафтадан сўнг у оғир иситмага чалиниб, касалхонада ҳушига келмай жони узилди. Иш шунинг билан якун топди, барини худонинг иродасидан кўрдилар ва ҳамма – судъялар, бошлиқлар, бутун жамият қотилликни хизматкор малай амалга оширган деган холосага келди. Ундан кейин жазо навбати етиб келди.

Сирли меҳмоним, эндиликда эса менинг биродарим, олдинига виждоним ҳеч қандай қийналгани йўқ деб айтди. Узоқ азоб чекиби, аммо сабаби бу эмас экан, суюкли аёлни ўлдириб қўйдим деб ачинаркан, энди ўша аёл йўқ, уни ўлдириб, ўз муҳаббатини ўлдиргандай бўлибди, аммо эҳтирос олови юрагида учмабди. Бироқ у ўша пайтда бегуноҳ тўкилган қон, одам ўлдирганилик ҳақида ўйлаб ҳам ўтиргаган. Ўзининг қурбони бошқа кимсанинг хотини бўлишини ақлига ҳам сифдирмаган, шунинг учун узок вақт виждони қийналмаган, бошқа йўлим йўқ эди деган ишончда юрган. Хизматкор малайнинг қамоққа олинганидан аввал анча сиқилиб юрган, лекин унинг касалга чалиниб, кейин ўлиб қолгани уни тинчлантирган, қамоққа олингани ёки қўрқанидан ўлмаган-ку (деб фикрлаган ўшанда), зотилжам бўлиб жони узилган, қочиб юрган чоғларида, маст-аласт заҳ тупроқда ётиб шу кори ҳолга учраган-да, деб ўзига-ўзи тасалли берган. Ўзи билан олиб чиқиб кетган нарсалар ва пуллар уни ташвишга солмаган, зеро (яна ўша тарзда фикрлаган у), ўғрилик, талончилик мақсадида эмас, балки шубҳа-гумонларни бошқа томонга буриш учун қилинган. Ўғрилик пул унча катта бўлмаган, кейин у ҳамма пулларни, яна ёнига анча-мунча қўшиб шахримизда ташкил этилган дориложизинга хайрия тарзида ўтказган. Буни ўғрилик борасидаги виждон азобидан қутулиш учун қилган, ҳақиқатан ҳам бироз вақтлар кўнгли хотиржам тортган – буларни менга унинг ўзи айтиб берганди. Ўша пайтларда у ўзини жуда катта хизмат ишларига урган. Ўзи сўраб жуда қийин, сермашаққат бир ишни зиммасига олган ва икки йил бутун куч-қувват, ғайратини шунга сарфлаган, иродаси жуда кучли инсон бўлгани учун ўтган ишларни унутгандай бўлар, эслаган чоғларида ҳам бу ҳақда бутунлай ўйламасликка тиришарди. Хайру эҳсон ишларига боши билан шўнғиб кетди, шахримизда кўп ионалар қилди, пойтахтларимизда ҳам танилди, Масков ва Петербургда кўп хайрия жамиятларининг аъзоси бўлиб сайланди. Лекин охири барibir азобли ўйларга берила бошлади, улар елкаларини зилдай босди. Бу орада жуда ақлли, олийжаноб ва гўзал қиз унга ёкиб қолди, тезда унга уйланди, уйлансан юрагимни тошдай эзид ётган алам-андухни бироз бўлса ҳам ўзимдан қуварман дея орзу қилди, янги турмуш йўлига кирсам, оилам, болаларим олдидағи бурчимни сидқидилдан бажарсам, эски эзгин хаёллардан қутуларман деди. Аммо кутганларининг акси бўлди. Никоҳига бир ой бўлганда бир фикр бошига кириб олиб ми-ясини пармалай бошлади: “Мана, хотиним мени севади, э, билиб қолса, унда нима бўлади?” Хотини илк фарзандига ҳомилали бўлиб, буни унга айтганди, у бирдан ғалати бўлиб кетди: “Ҳаёт бахш этдим боламга, ўзим эса бироннинг ҳаётига зомин бўлдим”. Бирин-кетин фарзандлар дунёга келди: “Уларни севиш, эркалаш, ўқитиш ва тарбиялашга сазоворманми,

уларга одамларга яхшилик қилиш ҳакида қандай оғиз очаман: мен ахир қон тўкканманд". Бири-биридан ширин болалар ўсиб келишяпти, уларни эркалагим келади: "Мен уларнинг маъсум, тиник чехраларига қаролмайман: бунга нолойиқман". Ниҳоят, қурбоннинг қони уни безовта қилиб, оғир ва қўрқинчли васвасага сола бошлади, бегуноҳ тўкилган қон, завол бўлган жон қасос тиларди. Қўрқинч тўла тушлар кўрарди уйқусида. Аммо матонатли юраги бунга чидади, узоқ бардош берди: "Гизли азобим билан гуноҳларимни ювгайман". Лекин бу умиди ҳам ушалмади: вақт ўтган сари азоби баттар ортиб борди. У жамият ичида хайрли ишлари учун ҳурмат-эътибор топди, аммо сиполиги ва одамовилигидан ҳайиқиб туришарди, бироқ иззат-эътибори қанча ортса, бундан шунчалар қийналарди. Менга ўзини ўлдирмокчи бўлганини ҳам тан олиб айтганди. Аммо бунинг ўрнига юрагини бошқа бир орзу эгаллади – бу орзу олдинига ақлга сифмайдиган, қилиб бўлмайдиган бир иш бўлиб туюлди, бироқ у юрагига шунчалар қаттиқ ўрнашди, уни энди узиб ташлашнинг иложи йўқ эди. Унинг орзуси шундай эди: шахд билан ҳалқ олдига чиқиб, мен одам ўлдирганман деб айтиш. Уч йилгача у шу орзу билан юрди, бу ранг-баранг алфозларда кўз ўнгига гавдаланаарди. Ниҳоят, жиноятимни ошкор этсам, юрагим ҳеч шубҳасиз, тинчланиб, биратўла ором олади, деб бунга жон-дилдан ишонди. Аммо, ишонди-ю, бирдан даҳшатга тушди: буни қандай адо этади? Шунда кутилмаганда менинг ҳаётимда отишув воқеаси рўй бериб қолди. "Сизга қараб туриб мен бир қарорга келдим". Мен унга тикилдим.

– Наҳотки, – дедим унга қўлимни-қўлимга қарс уриб, – арзимаган бир ходисадан шундай қарорга келган бўлсангиз?

– Мен қароримни уч йилдан бери ўйлайман, – жавоб берди у, – сизнинг воқеангиз унга туртки бўлди, холос. Сизга қараб ўзимга дашном бердим ва сизга ҳавасим келди, – деди у менга хўмрайиб.

– Э, сизга ишонишмайди, – дедим унга, – орадан ўн тўрт йил ўтган-а.

– Жуда зўр далилларим бор. Кўрсатаман.

Ўшанда мен йифлаб юбордим, уни қучоқлаб ўпдим.

– Бир нарсани ҳал қилиб беринг менга, бир нарсани! – деди у менга (худди энди ҳаммаси менга боғлиқдай), – хотиним, болаларим! Хотиним куя-куя ўлиб кетса керак, болаларим эса дворянлик наасаби ва мол-мулкларидан жудо бўлмасалар-да, аммо мангу қотил ва қочоқнинг болалари бўлиб маломатга қолурлар. Юраклари, юракларида қандай ёмон асоратлар қолур!

Жим турдим.

– Уларни қандай ташлаб кетаман мангуга? Ахир бу мангу-ку, мангу!

Ўтириб ичимда тинмай дуо ўқидим. Ўрнимдан турдим, даҳшатга тушдим.

– Нима қилай? – у менга қарайди.

– Боринг, – дейман, – одамларга айтинг. Ҳаммаси ўтиб кетади. Факат ҳақиқат қолади. Катта бўлишгач болалар сизнинг бу қарорингиз қанчалар олийжаноб бўлганини англаб етишади.

Ўшанда у менинг олдимдан ростдан ҳам бир қарорга келгандай бўлиб кетди. Аммо барибир кейин икки ҳафтадан ортиқ ҳар оқшом менинг олдимга канда қилмай келиб турди, ҳамон иккиланар, ҳамон бир қарорга келолмай қийналарди. Унга қараб жоним ўртаниб кетди. Гоҳи бир қарорга келгандай бўлиб, кўнгли эриб шундай дерди:

– Буни маълум қилишим билан жаннатий бўламан, жаннатга кираман.

Ўн тўрт йил умрим жаҳаннамда кечди. Азобини чекиши истайман. Азобини бўйнимга олиб, яшай бошлайман. Ёлғон билан умр ўткарсанг, ортга қайтмайсан. Эндиликда яқинларимнигина эмас, ҳатто болаларимни ҳам яхши кўришга ботинмайман. Оҳ, худойим, балким болаларим бу азобуқубатлар мен учун қандок бўлганини охир англаб етишар ва мендан юз ўгиришмас! Худо кучда эмас, адолатда!

– Бу жасоратингизни тушуниб етишади, – дейман унга, – ҳозир бўлмаса, кейин тушунишади, зеро, адолат учун, олий, юксак адолат учун интилдингиз...

Менинг олдимдан у худди таскин-тасалли топгандай бўлиб кетади, эртасига эса аччиқ аламга тўлиб, ранг-рўйи бўздай оқариб кириб келади-да, исхтеззоли кулиб дейди:

– Ҳар сафар сизнинг қошингизга келганимда, сиз: “Ҳалиям маълум қилмабдими?” – деб ажабсиниб қарайсиз. Шошмай туринг, нафратингизни босинг. Буни қилиш сиз ўйлагандек осон эмас. Мен балки буни ҳали умуман қилмаслигим ҳам мумкин. Унда бориб менинг устимдан хабар бермассиз, а?

Мен эса унга бунақа аҳмоқона қизиқиш билан қарамасдим, ҳатто кўзимни кўтариб башарасига қарашга журъат этмасдим. Тобим қочиб абор бўлгандим, юрагим йифидан қонга тўлганди. Кечалари уйқум қочиб ётардим.

– Мен, – дейди у давом этиб, – ҳозир хотиним олдидан келяпман. Сиз хотин нималигини биласизми? Кетаётганимда болакайлар қичқириб қолишиди: “Хайр, дада, биз билан “Болалар китоби”ни бирга ўқигани тезроқ келинг”. Йўқ, буни сиз тушунмайсиз! Бирорнинг кулфатига ақлинг етмас.

Кўзларида ўт чақнади, лаблари пир-пир титрайди. Бирдан столни гур силлатиб мушт урди, нарсалар шарақлаб кетди – шундай мулоийим киши, бунақасини биринчи марта кўришим.

– Шу керакми ўзи? – хитоб қилди у, – зарурми шу? Ҳеч ким қамалгани йўқ, мени деб ҳеч кимни сургун қилишмади, малай ўзи касалга чалиниб ўлди. Тўкилган қон учун мен туганмас азоб-уқубатларга гирифтор бўлдим. Бунинг устига менга ўла қолса ишонишмайди, ҳеч қандай далилларимни инобатга олишмайди. Айтиш керакми, керакми? Бирорнинг қони учун яна бир умр азоб чекишига тайёрман, фақат хотин, бола-чақам қон қақшаб қолмасалар, бас. Уларни ўзим билан бирга ҳалок қилишим адолатданми? Хато қилмаяпмизми? Қани бу ерда ҳақиқат? Умуман, бу одамлар ҳақиқатни билишармикин, баҳосини билишармикин, қадрига етишармикин?

“Оҳ, худойим! – дейман ўзимга ўзим, – шундай пайтда қадр ҳақида ўйлаб ўтириби-я!” Ўшанда унга шу қадар ачиниб кетдимки, қисматини енгиллатиш учун бирга азоб тортишга ҳам ҳозир эдим. У қутириб кетгандай эди. Бир қарорга келиш бундай ҳолда қанчалар даҳшатли эканини ақлим билан бўлмаса ҳам, юрагим билан англадим.

– Қисматни ҳал қилинг! – қичқирди.

– Боринг, маълум қилинг, – шивирладим унга, овозим базўр чиқди, лекин адл-дадил дедим. Шунда мен столда турган Юҳанно Инжилини олдим, рус тилига таржимаси, XII боб, 24-оят.

“Рост, рост айтаман сизга: магарким буғдой донаси ерга тушиб, у ўлмаса, бир ўзи қолажак, магарамким, у ўлса унда кўп ҳосил беражак”. Мен бу оятни айнан унинг келиши олдидан ўқиган эдим.

У ўқиди. “Рост, – деди аламли киноя билан кулиб. – Бу китобларда, – дейди бироз тўхтаб, – не ваҳшатларга дуч келмайсан. Бурнингни тагига тиқиши осон. Уларни ким ёзган ўзи, одамларми?”

– Муқаддас рух битган, – дейман.

– Сизга валдираш осон, – деди у ва яна иршайди, нафрати жунбушга келди. Мен китобни яна қўлимга олдим, бошқа саҳифасини очдим ва “Ибронийларга мактуб”нинг X боб, 31-оятини кўрсатдим. У ўқиди:

“Барҳаёт худонинг қўлига тушиб қолиш даҳшатлидир!”

Ўқиди-ю, китобни отиб юборди. Бутун вужуди қалт-қалт қалтиради.

– Даҳшатли сўз¹, – дея ўдағайлари, – танлаб олганингизни қаранг. – Ўрнидан турди. – Хўп, – дейди, – хайрлашамиз, балки бошқа келмасман... жаннатда кўришармиз. Бундан чиқди, ўн тўрт йил “барҳаёт худонинг қўлига тушган эканман”. Бу ўн тўрт йил, демак, шундай аталар экан-да. Эртага ўша қўлдан мени халос қилишини сўрайман...

Мен уни қучоқлаб ўпиб қўймоқчи бўлдим-у яна журъатим етмади – унинг башараси шундай қийшайиб кетган, кўзи оғир бокарди. У чиқди. “Ох, худойим-ей, – дейман, – қайга кетди бу одам!” Шунда мен санам тагига ўзимни таппа ташладим-да, химоя қилувчи ва мададкор, муқаддас она Биби Марямга кўз ёшларимни тўкиб, уни ўз паноҳида асранини сўрадим. Яrim соатлар шундай дуолар қилиб ўтиридим. Вақт яrim кечадан ўтган, соат ўн иккилар эди. Бундок қарасам, эшик очилиб яна у кириб келяпти. Ҳайрон қолдим.

– Қаерда эдингиз? – деб сўрадим.

– Мен, – дейди, – мен бир нарсамни унутиб қолдирибман... рўмолчамни балки... Хўп, ҳеч нарса эмас, бир зум ўтирсам бўладими?..

Курсига ўтириди. Тепасида қаққайиб турибман. “Сиз ҳам ўтиринг”, – дейди. Мен ўтиридим. Икки дақиқача шундаёқ ўтирдик, менга қаттиқ тикилиб карайди ва бирдан иршайди, бу эсимда қолди, мени қаттиқ қучоқлаб ўпиб қўйди...

– Эсингда бўлсин, – дейди, – шу охирги марта олдингга келганим эсингда бўлсин. Эшитяпсанми, эсингда сақла!

Биринчи марта мени *сенлади*. Кейин кетди. “Эртага”, – деб ўйладим.

Худди шундок бўлди. Мен шу кеча эртага унинг туғилган куни эканлигини билмагандим. Ўзим охирги пайтлар ҳеч қаёққа чиқмас, шунинг учун ҳеч кимдан ҳам эшитмагандим. Мана шу куни ҳар йили унинг уйида жуда кўп меҳмонлар йиғилар, бутун шаҳар кўчиб келарди. Бу сафар ҳам ҳамма келди. Мана, ниҳоят тушлик зиёфатдан сўнг у қўлида бир варак қоғоз – раҳбариятнинг ўзи ҳам шу ерда жам эди, барча йиғилганларга қофозни ўқиб берди: унда бутун жиноят тафсилоти тўла ёзилганди. “Одамлар орасидан ўзимни ваҳший ҳайвон каби мосуво этаман, мен худони кўрдим, – деб якунлади у, – азобини тортаман!” Шу ернинг ўзида барча далил-ашёлар, ўлдирилган аёлнинг тилла буюмларини ўртага қўйди, уларни ўн тўрт йил яшириб сақлаган, улар воситасида ўзини шубҳадан нари қилишни қўзлаганди, аёлнинг бўйнига тақадиган тақинчоқлари, медальон ҳамда унинг ичидаги қайлиғининг сурати, ён дафтарчаси ва ниҳоят, иккита хат: қайлиғининг тезда етиб бораман деб, унга ёзган мактуби ва аёлнинг унга жавоби – бу мактуб тугалланмай, эртага жўнатиш учун мўлжаллаб столда

¹ Янги Аҳдинг таркибий қисми бўлган ҳаворий Павел мактублари назарда тутилмоқда. Унда гуноҳкорлар учун ҳозирланган дўзах олови ва Даҳшатли суд ҳақида сўз боради.

қолдирилганди. Шу иккала ҳатни ҳам у ўзи билан ола кетган эди – нимага? Уларни ашёвий далил сифатида йўқотиб юбормай негадир ўн тўрт йилдан бери сақлаб келган – нега? Ана энди нима бўлди? Ҳамма ҳайратдан ёқа ушлади ва даҳшатга тушди, ҳамма фавқулодда қизиқиб тинглаган бўлса ҳам, ҳеч ким ишонишни истамади, уни касал деб ўйлашди, бир неча кун ўтгандан сўнг эса барча хонадонларда бечора бу одам ақлдан озиб қолибди деган қарорга келишди. Раҳбарият ва суд буни текширмасликлари мумкин эмасди, аммо улар ҳам тўхтаб қолишди: кўрсатилган ашёвий далиллар ва ҳатлар ўйлашга мажбур қилаётган эса-да, лекин шундай бир қарорга келиндики, мабодо ушбу ҳужжатлар тўғри бўлган тақдирда ҳам, лекин барибир шугина ҳужжатлар тўқис-тугал айблов хulosасини чиқариш учун етарли эмас. Бунинг устига бу нарсаларни унга аёлнинг ўзи танишим деб, ишончнома асосида бериб қўйган бўлиши ҳам мумкин эди. Ҳар холда, қулоғимга шу нарса чалинган эдики, ашёларнинг ҳақиқийлиги аёлнинг кўп танишибилиш, қариндошлари орқали аниқланган, бунда шак-шубҳага асло ўрин қолмаганди. Аммо бу иш барибир охирига етмай қолди. Чамаси беш кунлар ўтгач, азобкунанда касал бўлиб қолгани ва касал хавфли эканини ҳамма эшилди. Бу қанақа касаллик эканини мен тушунтириб беролмайман, лекин юрак уриши издан чиқиби дейишарди, яна шу нарса ҳам маълум бўлдики, рафиқасининг талабига кўра докторлар ҳайъати унинг руҳий аҳволи ҳақида ҳам хulosча чиқариб, ақлдан озиш бошланганини қайд этган. Мендан бирон нарсани билгани ёпирилиб келишди, аммо мен ҳеч нарсани айтмадим, лекин уни бориб кўрмоқчи бўлганимда, анчагача менга, айниқса, рафиқаси таъна-дашном ёғдирди. “Сиз уни йўлдан урдингиз, – деди рафиқаси, – у авваллари ҳам ҳеч қовоғини очмасди, охирги йили жуда қаттиқ ҳаяжонга тушиб ғалати қилиқлар қиласидан бўлиб қолди, буни ҳамма сезди, ана шу пайтда сиз уни ҳалок қилдингиз, бир ой сизнинг олдингиздан қадамини узмади”. Бу ҳали ҳолва, рафиқаси бўлса ҳам майли, бутун шаҳар менга ёпишди, мени айбордога чиқарди: “Ҳаммасини сиз қилдингиз”, – дейишади. Мен индамайман. Юрагимда севиниб қўяман ва ўз-ўзига ғалаён қилган, ўзини ит азобига соглан кимсага худойимнинг раҳми келганини кўрдим. Унинг ақлдан озганига ишонгим келмасди. Нихоят, мени ҳам унинг олдига қўйишиди, мен билан хайрлашиш учун ўзи буни қаттиқ талаб қилди. Олдига кирдим-у унинг кунларигина эмас, соатлари ҳам саноқли қолганини кўрдим. У жуда ҳолдан тойган, сарғайиб кетган, қўллари қалтирас, нафаси етмасди, аммо мулојим ва хушвақт боқарди.

– Бўлди! – деб гапирди менга, – анчадан бери сени кўргим келади, нега келмадинг?

Унга мени олдига қўйишмаганини айтиб ўтирамадим.

– Менга худонинг раҳми келди, мени чақиряпти. Ўлаётганимни биламан, аммо хушвақтман, узоқ замонлардан бери энди тинчимни топгандайман биринчи марта. Аҳдимни адо этганимдан бери юрагимда жаннат фароғатини ҳис этдим. Энди болаларимни суюб бағримга олишга журъат қилдим. Менга ҳеч ким ишонмайди: на хотиним ва на судъяларим, болаларим ҳам ҳеч қаҷон ишонмайди. Болаларимга худо раҳм қилди. Ўлсам болаларим учун номида доғ қолмас. Ҳозир худойимни олдиндан ҳис қиляпман, юрагимда жаннат фароғати... бурчимни адо этдим...

Гаплари оғиздан зўрға чиқади, нафаси бўғилади, қўлимни маҳкам қисади, менга ўт-алангали кўзлар билан боқади. Бироқ биз узоқ гапла-

шолмадик, рафиқаси эшикни очиб тинмай қараб турди. Аммо менинг қулоғимга у пичирлаб улгурди:

– Эсингдами, олдингга ўша ярим кечада борганим? Эсингда турсин, дегандим? Биласанми нега борганимни? Мен сени ўлдирмоқчи бўлиб борувдим!

Мен шундок сесканиб кетдим.

– Сенинг олдингдан зулмат қоронғига чиқдим, кўчаларда тентираб юрдим ва ўз-ўзим билан олишдим. Бирдан сени шунчалар ёмон кўриб кетдимки, юрагим ёрилай деди. “Эндиликда, дейман, у бир ўзи мени боғлаб олди, у ҳукм чиқаради, энди эртанги ўз қатлимдан сира қутуломмайман. Зеро, у барини билади”. Мен бориб айтасан, деб қўрққаним йўқ (буни ҳатто хаёлимга келтирмадим), аммо ўзимча ўйладим: “Агар ўз-ўзимни маълум қилмасам, қандай қилиб унинг кўзига қарайман?” Гарчи сен неча минг чақирим нарида бўлсанг ҳам, тирик экансан, барибир, бунга чидаш қийин, ки сен тириксан, ҳаммасини биласан ва менга ҳукм ўқийсан. Гўёки ҳаммасига сен сабабчи ва сен айбордай қаттиқ ёмон кўриб қолдим сени. Ўшанда сеникига қайтиб бордим, столинг устида ханжар ётгани эсимда қолганди. Мен ўтиридим, сени ўтиришга таклиф қилдим ва бир дақиқа ўйладим. Мабодо сени ўлдирганимда ҳам, барибир бу қотиллик учун жавоб берардим, аммо олдинги жиноятим ёпиқлигича қоларди. Лекин ўша дамда буни мутлақо ўйламас, ўйлагим ҳам келмасди асло. Мен фақат сени жонимдан ортиқ ёмон кўрар ва ҳаммаси учун тандаги бор кучим билан сендан интиқом олишни истардим. Аммо худойим юрагимдаги иблисни енгди. Билиб қўй, сен ҳеч қачон бу қадар ўлимингга яқин бўлмаган эдинг.

Бир ҳафтадан сўнг у ўлди. Унинг тобутини бутун шаҳар қўтариб борди. Рухоний барчанинг кўнглини ўртаган марсия сўзини айтди. Ҳамма йиғлади. Уни ерга кўйиб қайтгач, бутун шаҳар менга қарши бош қўтарди, ҳатто уйларида қабул қилмай қўйишиди. Кейин аввалига айримлар, сўнг борган сайин кўпчилик унинг кўрсатмаларига ишонч билан қарай бошлашди ва тез-тез менинг олдимга келиб қизиқиб, шўхлик қилиб суриштириб юрди, зотан, одамлар диёнат эгасининг қулаши ва шарманда бўлишини ғоят яхши кўрадилар. Аммо оғзимга тош солдим, сўнг кўп ўтмай шаҳардан жўнаб кетдим, беш ойдан кейин эса худованднинг хоҳиш-иродаси билан хирадманд ва инобатли йўлга кирдим, менга бу йўлни аниқ-равшан кўрсатган ғойиб қўлига миннатдорлик билан шукrona ҳам ҳамду санолар ўқидим. Парвардигоримнинг азобкунанда қули Михайлни эса ибодатларимда то шу кунга қадар тинмай дуо қиламан ва худодан мағфират тилайман.

III

БУЗРУК ЗОСИМАНИНГ СУҲБАТЛАРИ ВА ҲИҚМАТЛАРИ

д) рус дарвеши борасинда ва баҳаққи имкон унинг аҳамияти

Падарларим ва муаллимларим, дарвеш ўзи ким? Бизнинг кунларимизда маърифатли дунёда баъзилар уни киноя билан тилга оладилар, баъзи бировлар эса масхара ҳам қиладилар. Бу борган сари авж оляпти. Рост, ҳақиқатан ҳам рост, роҳиблар орасида танбал-текинхўрлар, нафс бандалари, лаззатпараст ва сурбет дайдилар ҳам оз эмас. Дунёвий саводхон кишилар буни

таъна ҳам қиласилар: “Сиз, – дейишади улар, – танбалсизлар, жамиятга ҳеч қандай фойдаларинг тегмайди, бошқалар ҳисобига яшайсиз, бетамиз гадолар”. Ҳолбуки, роҳиблар орасида мўмин-қобил кишилар, узлатни хоҳловчилар, ёлғизликда эрта-ю кеч ибодат қилишни истовчилар бисёр. Аммо буларни асло кўргилари келмайди, назар-писанд ҳам қилмайдилар, агарда мен мана шу мўмин-қобил ва узлатда ибодатга берилганлардан яна бир карра рус заминининг халоскорлари чиқгай! – десам, эҳтимол, бундан қанчалар ажабланган бўлурдилар. Зеро, ҳақиқатан ҳам улар узлат мақомида “куну соат, ойу йил” ҳозирлик кўрмишлар. Ҳозирча хилват-нишинликда Масиҳо сиймосини асло ўзгартирмай, худойимнинг соф ҳақиқатини бузмай, мўътабар ҳамда пок сақлаб келмоқдалар, кўхна, қадим бузрукворлар, саҳобаи киромлар, азобкунандаларнинг йўлларини адл давом эттироқдалар ва вакти-соати етганда уни яна сарсилиб қолмиш дунёга тўла намоён қилурлар. Ушбу маъно азиз ва улуғdir! Бу юлдуз шарқдан порлаб чиқажак.

Дарвешнинг шундай маъносини айтаман, наҳот бу ёлғон, наҳот бу та-каббурлик бўлса? Фақиру фуқаролару ва бошқа худойимнинг маҳлуклари устига чиқиб олганларни кўрингиз, бу оламда парвардигорим лиқоси ҳамда унинг ҳақиқати айнимадими? Уларнинг кўллари ва илм-фанлари бор, илм-фан эса ҳис-ҳаяжонларга тобе ва шунга гирифтор. Инсон борлигининг олий ярми бўлмиш руҳий дунё эса буткул рад этилмиш, алланечук тан-тана ва ҳатто нафрат билан кувилмиш. Дунё эркинликни эълон қилди, бу, айниқса, охирги пайтлар авж олди, уларнинг ушбу эркинликларида биз нималарни кўряпмиз: фақат қуллик ва худкушлик! Зеро, дунёнинг гапи шундай: “Эҳтиёжларинг бор, уларни қондир, зеро, энг бадавлат, энг машхур одамлар қандай бўлса, сенинг ҳам худди шундай хукуқларнинг бор. Эҳтиёжларингни қондиришдан кўрқма, уларни ҳатто кўпайтири” – мана ҳозирги дунёнинг таълимоти. Эркинликни мана шунда қўрадилар. Мана шу эҳтиёжларни кўпайтириш ҳақ-хукуқидан нима келиб чиқади? Бой-бадавлатлар биқиниб олишади ва руҳий худкушликка гирифтор бўлишади, камбағаллар эса ҳasad ҳамда одам ўлдиришга берилишади, зеро, ҳақ-хукуқни-ку беришди, эҳтиёжларни қондириш учун эса воситаларни ҳали кўрсатишмади. Дунё илгарилаган сайин шунчалар бирлашади, биродарона алоқалар кучаяди, масофалар қисқариб яқинлашади, фикрларини ҳаво орқали узоқларга узатишади. Аммо афсус, одамларнинг бундай тарзда бирлашишига ишонманг. Эркинликни – эҳтиёжларни кўпайтириш ва тезда қондириш дея тушуниш билан ўз табиатларини бузадилар, ўзларида кўплаб бемаъни ва аҳмоқона хоҳиш-истаклар, одатлар ва ақлга сифмайдиган яса-маликларни урчитадилар. Бир-бирларига фақат ҳasad қилиб, нафсхўрлик ва манманликка бериладилар. Зиёфатдорлик, меҳмондорлик, от-аравалар, мансабу унвонлар, қул-хизматкорларга эга бўлиш улар учун шунчалар заруратга айланадики, буларга эга бўлиш, нафсни қондириш учун ҳатто ҳаётларини қурбон қилишади, номус-ордан, одамийликдан кечишиади, агар қондиролмасалар ўзларини ўлдиришади ҳам. Бой бўлмаганларда ҳам шу ҳол, қашшоқлар эса эҳтиёжларини қондиролмай ҳasad ётида ёниб ичкилиkbозликка ружу қўйгайлар. Аммо тез орада май ўрнига биродар қонини ичадилар, ҳаммаси шунга қараб боряпти. Энди сиздан сўрай, шундай киши эркинми? Мен бир “гоявий” курашчини билардим, менга ўзи ҳикоя қилиб бермишди, унга қамоқхонада тамаки бермай қўйишган

экан, бундан шунчалар қаттиқ қийналибдики, яна тамаки олиш учун сал қолибди бориб “ғоясини” сотишига. Ҳолбуки, мана шунақа одам, одатда: “Инсоният учун курашга боряпман”, – дейди. Айтинг-чи, қаёққача боради бундай одам ва қўлидан унинг нима келади? Шоша-пиша бир нарса қилмаса, узоққа чидамайди. Ажабланмаса ҳам бўлади, эркинлик ўрнига кулликка тушишди, биродарпарварлик ҳамда инсоний бирлик ўрнига, аксинча, *ажралиш* ҳам бикинишга эришдилар, ёшлигимда буни менга бир сирли меҳмоним ва устозим айтган. Шунинг учун ҳам дунёда инсониятга хизмат қилиш, биродарлик ва одамларнинг бир бутунлиги ҳакидаги фикр тобора омонсиз сўниб бораётir, энди бу ғоялар кулгига олинмоқда, илло энди у ўз одатларидан қаерга ҳам қочиб борсин, қайдан паноҳ топсин бу тутқун, ахир у ўзи тўқиб чиқарган сон-саноқсиз эҳтиёжларини бундай қондиришга ўрганганд бўлса? У бикиниб ётмоқда, бир бутуннинг ҳоли билан унинг нима иши бор? Ниҳоят, шунга эришдиларки, кўплаб нарса-ашёларни йиғишиди, қувонч эса йўқолди.

Дарвешлик йўли эса бошқача. Мўмин-қобиллик, рўза ва ибодат устидан ҳатто кулиб юришади, аслида, фақат мана шуларда ҳақиқий, чин эркинлик йўли мавжуд: ортиқча ва зарурати бўлмаган эҳтиёжларни ўзимдан нари сураман, шахсиятпарастлигим ҳамда такаббурликни итоат билан ўзимга бўйсундираман ва ана шулар билан худойимнинг мададида руҳий эркинлик топаман, шунинг баробарида руҳоний шодумонликка эришаман! Ўз пўстига бикиниб олган давлатмандми ёки нарса-ашёлару одатларнинг зўравонлигидан халос бўлган инсонми – буларнинг қайси бири улуғвор ғояни кўтариб боришга қодир ва ким унга хизмат қиласди? Дарвешни узлатга чекингани учун таъна қилишади: “Сен ўзингни қутқариш учун монастирга яшириндинг, инсониятга биродарона хизматни эса унутдинг”. Аммо биродарпарварлик учун ким кўпроқ ғайрат қилишини ҳали кўрамиз. Зотан, узлат бизда эмас, уларда, аммо буни кўрмайдилар. Бизнинг орамиздан эса энг қадимлардан бери ҳалқ намояндалари чиққан, нега энди ҳам чиқмас экан? Ана ўша итоатгўйлару мўмин-қобил рўзадорлар ва индамаслар оёққа туриб, улуғ ишга киришажаклар. Руснинг халоскори ҳалқ. Рус монастири қадимдан ҳалқ билан бирга бўлган. Агар ҳалқ узлатда бўлса, биз ҳам узлатдамиз. Ҳалқ бизнинг диёнатимизда, Россиямизда эса диёнати бўлмаган намоянда, юраги самимий ва ақли зўрабор бўлса ҳам, хеч нарса қилолмайди. Бу эсингизда турсин. Ҳалқ дахрийни қарши олади-да, уни енгиб чиқади, ана ўшандга ягона рус бўлгай. Ҳалқни сақланг ва унинг қалбини авайланг. Сокинликда уни тарбият айланг. Сизнинг дарвешлик жасоратингиз шунда, зеро, бу ҳалқ – художўй.

e) хўжалар ва хизматкорлар ҳақида, хўжалар ва хизматкорлар ўзаро руҳан биродар бўла оладиларми?

О, худойим, ким айтади ҳалқ гуноҳкор деб. Бузилиш алангаси тобора, соат сайин каттайиб бораётir, у юкоридан келаётir. Ҳалқ ичida ҳам узлат бошланаётir: қулоқлар ва моли-мардумхўрлар чиқаётir; энди тожир-савдогар борган сари кўпроқ обрў-эътибор талаб қилаётir, сарик чақалик маълумоти бўлмаган ҳолда ўзини олий маълумотли қилиб кўрсатаётir, бунинг учун қадим удумларимизни топтаётir, ҳатто ота-боболар диёнатидан юз ўгираётir. Князларга ташрифи қудум айлашади, аммо ўzlари, суриштириб келсангиз, айниганд одамлар. Ҳалқ ичкиликбозликка берилиб,

чирияпти, энди бу ярамас одатини қўядиган эмас. Оилада хотин, болачақага тинмай шафқатсизлик қилишади, ҳаммаси ичкилиkbозлиқдан. Мен фабрикаларда ҳатто ўн яшар болаларни кўрганман: нимжон, ориқ, елкалари букилган ва шу ёшдан бузукликларга берилган болалар. Бўғик ҳаво, машиналар тарак-туруки, эрталабдан-кечгача оғир меҳнат, бузук алжиган сўзлар ва бунинг устига шароб, шароб, ҳали сабий боланинг мурғак юрагига шу керакми? Унга қуёш керак, болалар ўйинлари керак, олийжаноб ёркин ибратлар ва бир томчигина бўлса ҳам меҳрибонлик керак. Бўлмасин бундай ножоиз ишлар, дарвешларим, бўлмагай, сабийлар қийноқ-азобларга солинмагай, кўзгалингиз ва тезроқ, тезроқ қаломи жонфизо айтингиз. Аммо худойим Россияни кутқаргай, чунки авом бузилган ва ўзини манфур уфунат гуноҳлардан тиёлмаса-да, лекин барибир унинг сассиқ гуноҳларини худойим лаънатлаганини билади, ёмон гуноҳлар, ношойиста ишлар қилаётганини тушунади. Шундайки, бизнинг қора халқимиз тинмай адолатга ишонади, худойимни танийди ва мунграб йифлайди. Зодагонларда ундеймас. Улар илм-фан изидан бориб, фақат ўз ақлларига ишониб ҳамда Масиҳони четга суриб қўйиб, худди илгаригидек адолатли ҳаёт курмоқчилар ва ҳозирдан жиноят йўқ, демак, гуноҳ ҳам йўқ деб эълон қилмишлар. Уларнинг ўzlарича бу балки тўғридир, зотан, сен ҳамон худосиз экансан, унда жиноятнинг ўзи қандоқ бўлгай? Европада ҳозир авом бойларга қарши кўзғалган, куч ишлатишмоқчи, авом бошида турганлар уни ялпи қон тўкишга ундумоқда ва қаҳру ғазабингда ҳақсан деб таълим беришмоқда. Аммо “мальун уларнинг ғазаби, зоро, раҳмсиз”. Россияни эса парвардигорим кутқаргай, негаки, кўп бора кутқармиш. Авомдан, унинг диёнати ва тоат-ибодатидан Россияга ҳалоскорлик етгай. Падарларим ва муаллимларим, авомнинг диёнатини сақлангиз, сўзим қуруқ орзу бўлиб кўринмасин; мени улуғ ҳалқимизнинг кўркам, чин қадр-қиммати ҳамиша ҳайратлантириб келади, ўзим кўрганман, ўзим гувоҳлик бераман, ҳатто унинг қўланса гуноҳлари ва гадо-қашшоқ кўринишига қарамасдан қадр-қимматини кўриб ҳайратга тушганман. Икки аср қулликда яшаган бўлсада, у қуллукчи эмас. Кўриниши ва муомаласи эркин, хафагарчиликдан холи. Ҳасад ва қасос нималигини билмайди. “Сен нажиб, сен бой, сен ақлли ва истеъдодлисан – худо сени ярлақасин. Сени эъзозлайман, аммо биламанки, мен ҳам инсонман. Сени ҳасадсиз, рашксиз эъзозлайман ва шу билан сенинг қаршингда ўз қадру қимматим, обрў-эътиборимни намоён айлагайман”. Агарда буни айтмаганларида ҳам (зоро, буни ҳали баён қилиб беролмайдилар), лекин шундай йўл тутадилар, ўзим кўрганман, бошимдан ўтказганман, ишонасизми: бизнинг рус кишиси қанча қашшоқ, қанча тубан бўлса, унда шу кўркам адолат яхшироқ кўзга ташланади, ахир улар ичидан чиқкан бой қулоқлару моли-мардумхўрларнинг кўплари айниб, разиллашиб кетган ва бу нарсаларнинг аксари бизнинг танбаллигимиз, хафсаласизлигимиз орқасида келиб чиқмиш. Бироқ худойим ўз одамларини кутқаргай, зотан, Россия ўзининг тоат-итоати билан буюк. Кўргим келади ва орзу қиласан, кўз ўнгимда келажагимиз равshan гавдаланади: шундай бўладики, бизнинг энг булғанч бойимиз ҳам камбағал-чиғой олдида ўз бойлигидан номус қиласди, камбағал-чиғой эса ушбу матонат-бардошни кўргач, тушуниб етади ва унга шоду хуррамлик билан йўл бўшатади ҳамда унинг савлат тўкиб уялиб турганини кўриб жонини тасаддуқ этади. Ишонинг, охири шундай бўлади, шунга қараб боряпти. Тенглик фақат инсоний

рухий қадр-қимматда, буни эса факат бизда англаб етгайлар. Биродарлар бўлса бас, биродарлик ҳам бўлгай, биродарликдан олдин эса ҳеч қачон бўлинмаслар. Масиҳо сиймоси қўргалмиш ва ушбу бебаҳо олмос бутун оламга порлагай... Бўлгай, бўлгай!

Падарларим ва муаллимларим, бир куни қизик бир воқеага дуч келдим. Зиёрат қилиб юриб, К. вилоят шахрида илгари менга хизмат қилган Афанасийни учратиб қолдим, у билан кўришмай кетганимизга ҳам саккиз йил бўлганди. Кутилмагандан бозорда учрашиб қолдик, таниб, олдимга чопиб келди, ўзида йўқ хурсанд бўлди, қучоқлаб олди: “Отагинам, хўжам, шу ўзингизмисиз? Наҳотки сизни кўриб турган бўлсам?” – деб, мени уйига олиб борди. У ҳарбий хизматдан истеъфога чиқибди, уйланибди, иккита жужуқ боласи бор экан. Хотини билан бозорда ўз дўкончасида савдо-сотик қиларкан. Унинг уйи кўримсизгина, аммо жуда озода ва саранжом-саришта экан. Мени ўтқизиб, дастурхон ёзди, хотинига одам жўнатди, самовар қайнатди, отасини кўргандай қувончдан боши осмонга етди. Олдимга болаларини олиб келиб: “Отагинамсиз, дуо қилинг”, – деди. – “Мен дуо қилайми, – дедим, – худонинг оддий, итоатгўй дарвешиман, худодан улар ҳаққига дуо қиласман, Афанасий Павлович, сени эса ўша кун, ўша соатдан бери худонинг марҳаматини илтижо қилиб, дуода йўқлайман. Чунки ҳаммаси сендан бошланди”. Унга қўлимдан келганча тушунтиридим. Вой бу одамни кўринг, мендан қўзини узмайди, олдида ўзининг илгариғи хўжаси, офицер мана шундай ахвол, шунаقا усти-бошда турганига ишонгиси келмайди: йиғлаб юборди. “Нега йиғлайсан, эй яхши одам, – дейман, – ундан кўра мени учратганингдан шод-хуррам бўл, зеро, мен баҳтиёрман, ўз ёруғ йўлимни топганман”. У кўп гапирмас, факат оҳ-воҳ қилиб хушвакт бўлиб бошини чайқарди. “Шунча давлатингизни нима қилдингиз?” – деб сўради. “Монастирга бердим, ўзим ётоқда тураман”, – деб жавоб бердим. Чой ичиб бўлгач, мен улар билан хайрлашдим, у бирдан менга эллик тийин танга олиб чиқди, монастирга хайр-эҳсон деб, бошқа эллик тийин тангани шоша-пиша қўлимга сунди: “Буниси сизга, зиёратчисиз, худонинг ерларини тавоф қилиб юрибсиз, бир нарсага яратарсиз, отахоним”, – деди. Мен унинг эллик тийинини олдим, ўзига, хотинига таъзим қилдим, хурсанд бўлиб чиқдим ва йўлда шуларни ўйлаб бордим: “Худойим бизни яна умр йўлларида учратганидан у уйида ўтириб, мен йўлда йўл босиб, балки оҳ-воҳ қилаётгандирмиз, хурсанд бўлиб, эслаб, бошимизни чайқаб, кўнглимиз тўлиб эслаётгандирмиз”. Ўшандан кейин мен уни бошқа ҳеч қачон кўрмадим. Мен унинг хўжаси, у менинг хизматкорим эди, мана энди бир-биримизга меҳру муҳаббатимиз тўлиб-тошиб, биродар бўлишиб, ўртамиизда улуг инсоний бирдамлик туғилди. Мен буни кўп ўйладим, энди шундай фикрга келдим: наҳотки мана шундай улуғвор ҳам содда бирдамлик ўз навбатида барча рус кишилари ўртасида ялписига қарор топиши шунчалар душвор бўлса ва бунга одамнинг ақли етмаса? Аминманки, бу, албатта, рўй беражак ва яқин ҳам қолди.

Хизматкорлар борасида яна шуни ҳам қўшимча қилиб қўяй, илгари ёшлиқ чоғларимда хизматкор малайлардан кўп жаҳлим чиқарди: “Ошпаз овқатни қайноқ олиб келди, оғиз куяди, малай кийим-бошни яхши тозаламади”, – дердим. Аммо ўшандан бирдан азиз акажонимдан болалигимда эшитган бир гап кўнглимни чароғон қилди: “Мен ўзи бошқа бир кимса менга хизмат қилиб туришига арзийманми? Нега унинг қашшоқлиги

ва омилиги учун уни уриб-сўкиб ўтиришим керак?” Мен ўшанда жуда ҳайрон қолганман: энг оддий, энг равшан-рост фикрлар ақл-идрокимизда бунчалар кеч туғиларкан. Хизматкорларсиз дунёда яшаб бўлмайди, аммо сен шундай қилки, хизматкорларингнинг руҳи эркин бўлсин, ўзини сенга худди хизматкор бўлмагандай тутсин. Ва нега энди мен ўз хизматкоримнинг хизматчиси бўлолмас эканман, майли, у буни аниқ кўриб-билиб турсин, мен томонимдан ҳеч қандай кибру ҳаво рўй бермасин ва у ҳам бу ҳолдан асло гумонсирамасин? Нима учун хизматкорим менга туғишганимдек бўлолмас экан, нега уни ўз оиласи аъзосидек қабул қилиб, бундан қувонмас эканман? Ҳатто ҳозирнинг ўзида бунга эришмоқ мумкин ва бу одамлар ўртасида келажакда улуғвор бирдамлик пайдо бўлишига асос бўлади, ўшанда инсон ўзига хизматкор қидирмайди, ўзига ўхшаш маҳлуқларни ҳозиргидай хизматкорга айлантиrmайди, аксинча, Инжили шариф тақозо этмишдай, жони борича ўзи ҳаммага хизматкор бўлишни истайди. Наҳотки бу бир орзу, наҳот охир-оқибат инсон ўз қувонч-оромини маърифат ҳамда раҳм-шафқат йўлида жасорат кўрсатибгина топа олмаса ва худди ҳозиргидай умри шафқатсиз хурсандчиликларда – нафс туғёнлари, бузуқчилик, кекка-йишлар, мактанчоқликлар, бирининг бошқаси устидан ҳасад тўла устунликларида ўтиб кетса? Қаттиқ инонаман, бундай бўлмагай, ўша кунлар яқин қолди. Қулиб-кулиб сўрашади ўша кунлар қачон келади ва умуман, ҳеч қачон келармикин деб? Мен шундай ўйлайманки, биз Исо Маҳиҳо бирлан биргаликда бу улуғ юмушни адо этгаймиз. Инсоният тарихида ер юзида қанчадан-қанча фикрлар, ғоялар юзага келди, ўн йиллар олдин уларни ҳатто тасаввурга ҳам келтириб бўлмасди ва бирдан ўз сирли фурсати етиб келгач, гуриллаб пайдо бўлди-ю бутун дунёни эгаллади! Бизда ҳам ана шундоқ бўлажак, ҳалқимиз жаҳонга порлаб чиқажак ва ҳалойиқ тилга киражак: “Баннолар рад этган тош метин асосга айланди”. Шундоқ масхарабозлардан сўраб қўйсакмикин: сизнинг ўз орзу-аъмолингиз борми ва бор бўлса, сиз қачон ўз иморатингизни қурасиз, Маҳиҳони қаторингизга қўшмай, қачон ўз ақл-идрокингиз билан адолатли бир тарзда нашъу-намо топгайсиз? Улар ўзлари биз, аксинча, айни бирдамлик сари бораётирмиз деб уқдирсаларда, бунга фақат уларнинг ўз ичларидаги энг лақмаларигина ишонгайлар ва бунақангি лақмаликка ҳайрон қолмай сира иложимиз йўқ. Ҳақиқатан уларнинг хомхаёли биздагидан кўп ортиқ. Адолат билан ҳаёт қурамиз деб ўйлашади, бироқ Маҳиҳони рад этиб, охири дунёни қонга ботиришади, негаки қон қонни чақиради, қилич билан келган қиличдан ҳалок бўлади. Агарда Маҳиҳонинг аҳду иршодлари бўлмасайди бир-бировларини охирги иккита одам қолгунча қириб, ўлдириб битирадар эдилар. Мана шу қолган иккитаси ҳам такаббурлик қилиб бир-бирларини кўролмаган ва охирги одам ўзидан олдинда турганни ўлдириган, кейин ўзини ўзи ҳалок айлаган бўлурди. Магарким, Маҳиҳо иршоди бўлмасайди, мўмин-маъсумлар учун бу ишнинг қисқаришини кўрардик. Мен ўша олишувдан сўнг, ҳали ҳарбий либосларимни ечмай туриб, жамиятда хизматкорлар борасида сўз юрита бошладим, эсимда бор, ўшанда ҳамма менга ажабланиб қараган эди: “Нима, энди биз хизматкорни диванга ўтқизиб, унга чой ташишимиз керакми?” Шунда уларга: “Нима қилибди, баъзи-баъзида шундоқ ҳам бўлса”, – деб жавоб бергандим. Ҳаммалари кулишган эди. Уларнинг гаплари енгил-елпи, менинг жавобим эса мубҳам бўлиб туюлганди, аммо ўйлашимча, унда жиндак ҳақиқат ҳам йўқ эмасди.

ж) дуо ва муҳаббат ва ўзга дунёларга тегишили нарсалар ҳақида

Эй ўғлон, ибодатни унутма. Агар ибодатинг сидқидилдан самимий бўлса, хар сафар унда янги бир туйғу жилваланади, унда сен илгари билмаган янги фикр бош кўтарур ва сени жўштирур, ўшанда ибодат тарбия эканлигини англарсан. Ва яна шуни ҳам ёдингда тут ва ҳар куни имкон борича: “Худойим, барча ўтганларни ўз раҳматингга ол”, – деб такрор-такрор айт. Ахир бу еру заминда ҳар бир сонияда минглаб одамлар ҳаётдан кўз юмади, жонлари худо қошида сўрокқа туради – уларнинг қанчадан-қанчалари ер юзидан ҳеч ким билмаган ҳолда ёлғизлик, ғам-ҳасратда ўтиб кетишиди ва ҳеч ким уларга ачинмайди, кўз ёши тўқмайди, ҳатто уларнинг бор-йўклигини, яшаган-яшамаганини билмайди. Ана шунда, балким, еру заминнинг аллақайси бурчидан худоё, уни ўз раҳматингга ол, деган дуо-йинг етиб боргай, ҳолбуки, сен уни ҳеч қачон кўрмаган, танимаган эдинг, у ҳам сени сира кўрмаган, билмаганди. Худойим қошида қўрқиб, қалтираб турган унинг жонига сенинг дуо-йинг нақадар ором бағишлиди, мени ҳам ёруғ дунёда дуо қилгувчи кимса бор экан, севар экан мени деб, хаёлидан ўткизди. Раҳими раҳмон ўшанда иккингизга ҳам раҳм кўзи билан бокур, зеро, сен унга қанчалар ачиниб қараган бўлсанг, у ҳам энди сендан-да юз карра ортиқроқ раҳм ва шафқат бирла бокур сен томонга. Ва сен учун уни мағфират қилур.

Биродарларим, ёронларим, одамларнинг гуноҳларидан қўрқманг, одамни унинг гуноҳи бирла севингиз, бинобарин, бу худовандо каримнинг севгиси кабидир ва еру заминда энг олий севгидир. Худойимнинг барча хилқатларини севингиз, яхлитлигича ва ҳар бир заррасини севгайсиз. Худойимнинг ҳар бир япроғи, ҳар бир тола шуъласини севингиз. Ҳайвону маҳлуқот, набототу жамодотни – барини севгайсиз. Ҳар бир нарсани севсангиз, нарсалардаги худойимнинг сир-асрорларини англаб етурсиз. Бир бора англаб етдингизми, сўнг доимо ва борган сари қўпроқ, кундан-кунга беҳроқ англаб борурсиз. Ва ниҳоят, бутун оламни бир бутунлигича жаҳоний муҳаббат ила сева билурсиз. Маҳлуқларни севгайсиз: худойим уларга азал савқи табия ва сокин хуррамлик ато этмиш. Уни таъқиб этмангиз, азоб-қийноқларга солмангиз, масарратини бузмангиз, худойимнинг яратганига қарши бормангиз. Эй бани одам, жонзот маҳлуқлардан устун бўламан деб ўйлама: улар маъсум гуноҳсиздирлар; сен ўзинг ер юзида пайдо бўлиб, тақаббурлигинг бирла уни чиритмоқдасан, ўзингдан чириқ, чиркин излар қолдирмоқдасан – э воҳ. Ҳаммангиз ҳам, ҳаммамиз ҳам шундаймиз! Болакайларни севингиз, зеро, улар фаришталар янглиғ маъсумдирлар, улар юрагимизнинг эрка малаклари, бизнинг мусаффолигимиз ва биз учун кўкнинг кароматидирлар. Сабийни таҳқирлаганни худо урди. Мени Анфим ота болаларни севишга ўргатди. Зиёратларимиз чоғида фоятда мўмин-қобил ва камгап бу яхши одам садақа танга-чақаларга улар учун ширинликлар, обакилар сотиб олиб улашарди: болалар ёнидан юраги тўлқинланмай ўтмасди, шунаقا болапарвар инсон эди.

Одам боласининг гуноҳ-маъсиятларини кўрганда, хаёлингга бир фикрлар келиб ҳайрон туриб қоласан, ўз-ўзингга саволлар ёғдирасан: “Куч ишлатайми ё тавозе билан олайми?” Ҳамиша шундай қил: “Тавозе билан ол”. Бир сафар шундай қилгил, сўнг то абад дунёни олгайсан. Тавозе ва муҳаббат – улуғ куч, ҳаммасидан ҳам кучлироқ, бошқа унга ўхшагани йўқ. Уззукун, соатма-соат, дам-бадам ўзингни фикр қил ва ўзингга қара,

қиёфанг басавлат, кўркам бўлсин. Бир қара, анави болакай олдидан қаҳрингни сочиб, жаҳл отига миниб ўтдинг, оғзингдан сўқинчлар ёғилди; сен балки болакайни пайқамагандирсан, лекин у сени кўрди, манхус, бадбашара қиёфангга кўзи тушди, норасиданинг юрагида сен шундай хунук башаранг билан из қолдирдинг. Эҳтимол, сен буни ҳаёлингга ҳам келтиргмагандирсан, аммо бадкор кўринишинг билан унинг дилига ёвузлик уруғини эккандирсан ва энди бу уруғ униб ҳам чиқар, сабаби, сен болакай қошида ўзингни эҳтиёт тутмадинг, сақланмадинг, зеро, ўзингни хушёр ва фойдали қалб меҳнатига ўргатмагансан. Ёронлар, муҳаббат – муаллим, аммо унга эришмоқни билмоқ керак. Зотан, унга эришмоқ душвор, узок меҳнат қилиб, машаққат чекиб, жуда кимматга сотиб олинади, тасодифий бир нарсани бир зумга эмас, охирги дамгача севилади. Тасодифан ҳар ким севмоғи мумкин, бадкирдор ҳам севади. Менинг навраста акам қушлар, қушчалардан кечирим сўрарди: бир қарасангми, бунинг ҳеч қандай маъноси йўқка ўхшайди, аммо ҳақ рост, ҳаммаси худди океанга ўхшаш, ҳаммаси оқади ва бир-бирига қўшилади, бир жойига тегсанг, дунёнинг бошқа бир ерида акссадо беради. Қушчалардан кечирим сўраш майли телбалик бўла қолсин, агар сен ўзинг кўркам, ўқтам бўлсанг, ҳозиргига қараганда майли бир томчи қадар яхшироқ бўлсанг эдинг, ахир қушчаларга ҳам, болакайларга ҳам, ёнингдаги ҳар қандай жониворга осонроқ бўлурди. Ҳаммаси океанга ўхшайди дейман сизга. Ўшанда ҳайрат-ҳаяжонга чулғаниб, бор жону жаҳоним муҳаббат ўтида ўртаниб, қушчаларга ибодат қиласдим, улар сенинг гуноҳингдан ўтишларини ялиниб-ёлворардим. Одамларга қанчалар бемаъни туюлмасин, мана шу ҳайрат-ҳаяжонингни эъзозла.

Менинг ёронларим, худойимдан шоду хуррамлик тиланг. Худди сабий болалардек, худди қушчалардек шод-хуррам бўлгайсиз. Сизнинг заҳматларингизда одамларнинг гуноҳлари кўнглингизни хира қилмасин, у гуноҳлар ишингизни чиппакка чиқаради, якунига етказишга халал беради, деб асло қўрқманг. “Журму гуноҳ кучли, имонсизлик, диёнатсизлик кучли, ифлос муҳит кучли, биз эса ёлғизмиз ва ожизмиз, бизни ифлос муҳит аборг қилиб ташлайди ва яхши иш-юмушларимизни барбод қиласди”, – деб гапирманг. Палапонларим, бундай тушкунликдан қочинг! Бунда сенга бир халос йўли бор: ўзингни қўлга ол ва жамики одамларнинг журму гуноҳлари учун ўзингни жавобгар деб бил. Оғайним, бу асли ўзи ҳам шундай, зеро, сен ўзингни самимият-ла ҳаммаси ва ҳамма учун жавобгар деб билганинг ҳамон шуни кўрасанки, сен ҳақиқатан ҳам шундай ҳамма ва ҳаммаси учун айбдор экансан. Ўзингнинг танбаллигинг ва ожизлигини бошқаларга ағдариб эса шайтон кибру ҳавосига берилиб кетасан ва худога куфр келтирасан. Шайтон кибру ҳавоси ҳақида бўлса шундай фикрдаман: ер юзида биз буни тушуниб етишимиз мушкул, шунинг учун хатога йўл қўйиш ва унга берилиб кетиш жуда осон, боз устига, улуғ ҳамда гўзал иш қилаётибман, деб ўйлашинг ҳам мумкин. Шуниси ҳам борки, биз табиатимизга хос бўлган энг кучли интилишлар ва хиссийтларимизни ҳали ер юзида тагига етиб борган эмасмиз, бу сенга баҳона бўлмасин, у сени ҳеч бир томондан оқлашга хизмат қилмайди, зеро, мангу ҳакам сендан эришолмаган нарсаларингни эмас, эришганларингни сўрайди, сен ўзинг бунга амин бўлурсан, зотан, ўшанда ҳаммасини тўғри кўз билан кўрурсан ва бошқа муноқаша қилмассан. Ер юзида биз адашиб юргандаймиз ва агарда кўз ўнгимизда бебаҳо Масихо сиймоси турмагандан эди, худди одам-

зот тўфон олдида бўлгандай адашган ва ҳалокатга учраган бўлурдик. Ер юзида қўп нарсалар бизга яширин, аммо унинг ўрнига бизга бошқа бир олам билан тирик боғланишнинг муқаддас туйфуси ато этилган, у энг юксак ва олий оламдир, умуман, бизнинг хаёлларимиз ва туйгуларимизнинг илдизлари бу ерда эмас, бошқа оламлардадир. Мана шунинг учун ҳам файласуфлар ер юзида нарсаларнинг моҳиятига етиб бўлмайди дейдилар. Худойим уруғларни бошқа оламлардан келтириб, мана шу ер юзига сочди ва ўз боғларини кўкартирди, сўнг неки унган бўлса, ҳаммаси унди, аммо кўкарғанлар бошқа сирли олам билан туташлиги боисидан ва шу туйғу билангина тириқдир; магарким, сенда ушбу туйғу заифлашса ёхуд барҳам топса, унда сенда кўкармиш нарса ҳам нобуд бўлгай. У чоғда ҳаётинг лоқайд ва ундан нафрат қилурсан. Фикримча, шундай.

3) ўзингга ўхшаганларга ҳакам бўлоласанми? Тугал диёнат ҳақида

Яна шуни қаттиқ эсингда тут, сен ҳеч кимга қози бўлолмайсан. Қозининг ўзи хузурида турган кимса каби бир жиноятчи эканлигини англаб билмагунча, ер юзида жиноятчининг қозиси бўлмайди, қози олдидағи одамнинг жинояти учун ҳаммадан бурун ўзи айбордлигини тушунмаса, ҳакамлик қилолмайди. Ана шуни билгач, у, эҳтимол, қозиликка лойикдир. Кўринишдан қанча телбанамо бўлмасин, аммо бор ҳақиқат шудир. Зеро, ўзим ҳақгўй бўлганимда, олдимда турган киши жиноятчи бўлмасди. Агар қаршингда турган, сен қозилик қилаётган кишининг жиноятини ўз устингта ололсанг, унда тўхтовсиз шундай қил, унинг азобини ўзинг чек, уни эса таъна-дашном бермай дарҳол қўйиб юбор. Магарким, агар қонуннинг ўзи сени унга қози қилган бўлса, сен имконинг қадар худди мана шу руҳда ишни адо эт, зеро, у қошингдан кетгач, ўзини ўзи сенинг ҳукмингдан кўра ҳам оғирроқ ҳукмга дучор қиласди. Агар сен қучоғингни очсанг-у у бунга бефарқ қараб устингдан кулиб кетса, унда бунга ҳам парво қилма, демак, унинг фурсати ҳали келмаган, аммо ўз вақтида бу фурсат етади, етмаса, барибир, у бўлмаса бошқа одам унинг юкини олади, азобини торгади, қоралайди, ўзини ўзи айблайди ва ҳақиқат ўз ўрнида қарор топади. Бунга ишон, қаттиқ ишон, зеро, худди мана шунда барча муқаддас авлиёларнинг умид-ишончи мужассамдир.

Чарчаш нима билмай заҳмат чек. Агарда кеча уйкуга ётишдан аввал: “Мен зарур бир ишни адо этолмадим”, – деб эсласанг, дарҳол туриб ўша ишни адо эт. Агар атрофингда бадкирдор, тўқим табиат одамлар кўп бўлса, сенга қулоқ солмасалар, унда уларга тиз чўқ ва кечирим сўра, ахир улар сенга қулоқ солмаётганлари учун чиндан ҳам сен ўзинг айборсан. Агар сен жаҳлдорлар билан муомала қилолмасанг, унда уларга индамай, бўйнингни эгиб, ҳеч қачон ноумид бўлмай хизмат қил. Агарда ҳамма сени ташлаб кетса ёки сени зўравонлик қилиб ҳайдасалар, унда ёлғиз қолиб, ўзингни ерга от, уни бўсаларга кўм, унга кўз ёшларингни ёғдир, шунда ер кўз ёшларингдан самара бергай, ҳолбуки, ҳеч ким сени бундоқ ёлғизлик ва ҳаросонликда кўргани ҳам, эшитгани ҳам йўқ. Ҳатто ер юзида ҳамма бузилиб бўлди ва сен ёлғиз қолдинг деганда ҳам, ўзинг охиригача ишон: худойимга қурбонлик қил, унга ҳамду сано айт, ахир сен ёлғиз қолдинг. Агар сенга ўхшагани иккита бўлса, унда бутун дунё дегани мана шу-да, шунда бир-бирингизни суюб бағрингизга босингиз ва худойимга тасбеҳ айтингиз, чунки сиз иккингизда бўлса-да, худонинг ҳақиқати қарор топди.

Агар ўзинг гуноҳ қилган бўлсанг, то ўла-ўлгунингча бундан ё кутилмаганда рўй берган гуноҳингдан қайфуга ботиб юрасан, унда бошқа биронга – порсо, пархезкорга қараб қувон, мен баногоҳ гуноҳ қилган бўлсам, мана, бегуноҳ, тамиз инсон ҳам бор, деб астойдил қувон.

Агар одамлар бераҳм, шафқатсиз, енгиб бўлмас ғам-аламга ботирса ва ҳатто ушбу бадкирдор балоҳўрлардан ўч олиш истагида ёнсанг, унда ҳаммадан ортиқ шу истакдан қўрқ, дархол ўзингни аямай қистов-қийноққа сол, ўзингни шу ёвуз бадкирдорлик рўй берганида айбдор деб бил. Шу азоб-уқубатларни қабул айла, чида, охири юрагинг таскин топар ва тушуниб етарсан, ўзинг ҳам айборман дерсан: бир гуноҳи йўқ сифатида ёвуздарга ҳам ёруғлигим тушса бўларди, аммо ёруғлик туширмадим; агар ёруғлигим бўлганда, ёруғлигим билан бошқаларнинг йўлларини ёритардим ва ўша ёвузилик қилган одам балки ёвуслигини менинг ёруғлигим тушиб турганда қилмаган бўларди. Ва агарда сен ёруғлик қиласман деганда ҳам, одамлар сенинг ёруғлигингда рўшнолик топмаётгандарини кўрсанг, сарсилмагин, қаттиқ тур, илохий ёруғликнинг қудратига ишон, ҳозир улар халоскорлик ва рўшнолик топмаган бўлсалар, кейин халоскорлик топурлар. Кейин ҳам халоскорлик топмасалар, уларнинг фарзандлари халос бўлурлар. Зеро, гарчи сен ўзинг ўлган бўлсанг ҳам, ёруғлигинг ҳеч қачон ўлмайди. Порсо одам ўтади, унинг ёруғлиги қолади. Халоскорнинг ўлимидан кейин ҳам доим халоскорлик топгайлар. Бани одам ўз пайғамбарларини қувғин қиласди, уларни азоб-уқубатга солади, бироқ одамзот ўз азобкунандаларини севади ва қийноққа солингланларга сифинади. Сен эса ялпи умум учун ишлайсан, келажак учун тер тўқасан. Ҳеч қачон мукофот излама, ахир ушбу заминда шусиз ҳам сенинг мукофотинг улуғдир: сенинг қувончинг руҳонийдир, уни фақат порсо одам топгай. На аслзодалар, на қурби қудратлилардан қўрқ, ҳамиша оқил ва ориф, кўркам ва ўқтам бўлгил. Меъёрни бил, фурсатни англа, буларни яхши ўрганиб ол. Ёлғиз қолсанг, доим ибодатга машғул бўл. Ерни мудом тавоғ қил, унга пешонангни қўй, тупроқни ўп. Тинмай ўп тупроқни, тўймай уни ўп, ҳаммани сев, ҳаммасини сев, шодмонликни тутғёнлари билан изла. Тупроқни шодумон кўз ёшларинг ила суғор ва шу кўз ёшларни ардоқла. Шу тутғёнлардан ҳижолатга тушма, уларни қадрла, зеро, худонинг атияси бор, у жуда улуғ, у кўпга берилмайди, фақат сайланганлар эга бўлади.

и) дўзах ва дўзах олови, асрорий хаёл

Падарларим ва устозларим, шундай фикр қиласман: “Дўзах ўзи нима?” Ўйлашимча бундай: “Бу бошқа севолмасликнинг азоби”. Иттифоқо, на замон ва на макон билан ўлчанадиган охири йўқ чексиз борлиқда ер юзида руҳоний бир зот пайдо бўлиб, у ўзига: “Менким, мен муҳаббатман”, демоклик қудратига эга бўлсин. Унга бир марта, фақат бир марта ғайратли, *тирик* муҳаббатнинг лаҳзалари тортиқ этилмишди, бунинг учун унга ер юзида ҳаёт, шу билан бирга давру даврон ҳамда муҳлат берилмишди ва сўнг не бўлди: ушбу баҳтиёр хилқат бебаҳо атияни рад этди, қадрига етмади, муҳаббат қўймади, мазах қилиб қаради, ҳиссиз, тош-метиндек тураверди. Ва шундоқ ҳолда, қора тупроққа кириб ҳам, Иброҳимнинг маъвосини қўради, Иброҳим билан суҳбат тутади, бизга бу бой билан Лазар

ҳақидаги ривоятдан маълум¹. У жаннатни томоша қиласи, худойимнинг хузурига ҳам ета олади, лекин у худди мана шундан, яъни худойимнинг хузурига, гарчи уни севмаса ҳам, чиқа олишидан азоб чекади, севгандарнинг севгисини менсимай рад этгани учун қийналади. Зоро, унинг кўзлари равшан кўриб туради ва ўз-ўзига шундай дейди: “Энди менинг билимим бор ва гарчи муҳаббатга ташна бўлсан-да, аммо менинг бу муҳаббатимда жасорат бўлмагай, курбонлик ҳам бўлмагай, ер юзидағи ҳаётим охирига етди, Иброҳим халиуллоҳ ҳам лоақал бир томчи тирик сув каби (яъни аввалги ер юзидағи тирик ҳаётнинг муждаси ва тортиғи бўлиб) келмагай, руҳоний муҳаббат ташналиги аллангаларига саринлик баҳш этмагай, мен ер юзида тирик эканимда бунга беписанд қарагандим, энди алангаси ўртаб бораяпти; энди эса тириклик қайда ва энди вақтнинг ўзи ҳам йўқ! Гарчи ўз ҳаётим, жонимни бошқалар учун бағишиласам, шоду хуррам бўлардим, аммо энди бунинг иложи йўқ, чунки муҳаббатга курбон қилиш мумкин бўлган ўша ҳаётнинг ўзи ўтиб кетган ва энди ўшал ҳаёт бирла манов борлик ўртасида тубсизлик ётади”. Дўзах алангаси ҳақида худди у моддийдек гапиришади, бу сиру асрорни билмоқдан ожизман ва қўрқаман, магарким алана моддий бўлган тақдирда ҳам, ҳақиқатан, унда ҳайратга тушишарди, зоро, шундок орзу қиламанки, шу моддий, жисмоний азоб-қийноқда улар даҳшатли руҳоний азоб-уқубатларни лоақал заррача бўлсин унуглан бўлармидилар. Шуниси ҳам борки, ушбу руҳоний азоб-қийноқни улардан тортиб олиб бўлмагай, ахир бу қийноқ ташқарида эмас, уларнинг ичларидадир. Мабодо, тортиб олиш мумкин бўлганда ҳам, фикримча, улар бундан-да бешбаттар баҳтсиз бўлур эдилар. Жаннатдаги тақводорлар, порсолар уларнинг қийноқларига қараб, кечирганларида ҳам ва чексиз суюб ўз хузурларига чорлаганларида ҳам, бу билан уларнинг азоб-уқубатларини янада орттирган, зоро, уларда бунга жавобан ғайратли ва шукрони муҳаббатнинг оловини баландроқ аллангалатган бўлурдилар, ҳолбуки, энди бундай муҳаббатнинг имкони йўқ. Бу журъатсиз юрагим шундай талқин этадирким, худди мана шу имконсизликни англаш уларга қандайдир бир енгиллик бағишилаши мумкин, ахир улар тақводорлар, порсолар муҳаббатини қабул қилиб, аммо уларга жавоб беролмай ва шунга тобе бўлиб, итоат қилиб, ниҳоят ғайрат-шижоатли муҳаббат шабадаларидан баҳраманд бўлурлар, ҳолбуки, ер юзида тирик экан, бу муҳаббатдан юз ўғирмиш ва шундоқ бир ҳаракатларга йўл қўймиш эдилар... Азиз биродарларим ва оғайниларим, буларни очикроқ қилиб айтишдан ожизу нотавонман, бундан афсусдаман. Вовайлато, ер юзида ўз жонларига ўзлари қасд қилганларга, вовайлато барча худкуш жонларга! Фикримча, дунёда улардан кўра бошқа баҳтсизроқ йўқ. Улар учун худодан мағфират сўраш бизга гуноҳ дейдилар, ташқаридан қараганда, черков ҳам уларни рад этади, бироқ юрагимнинг қаърларида шундок хуфиёна фикр қиламанки, уларга худойимдан мағфират сўраш балки жоиздир. Мағфират учун балки иддао қилмас Масихо. Шундай бечоралар учун мен бир умр ичимда дуо ўқидим, падарларим ва устозларим, сизга буни энди изҳори дил айляпман, ҳозир ҳам кун узун улар учун дуо-ибодат қилгайман.

О, дўзахда ҳам такаббурлар ва шафқатсизлар бор, ҳолбуки, уларга билим ва инкор этиб бўлмас ҳақиқатни кўриш савияси берилганди; шайтонга ва

¹ Инжил шарифда Лазар исмли гадо қазо қилгач, фаришталар уни Иброҳим пайғамбарнинг ёнига олиб борадилар. “Иброҳимнинг мъъвоси”, “Иброҳимнинг бағри” дейилганда, насронийлар киши ўлимидан сўнг тақводорлар мангу тасалли, роҳат-фароғат топадиган жойни (маъво) тушунгандар (Лука Инжили, 19-46-б).

унинг манман феъли-атворига ўзини тўла-тўкис бағишлаган даҳшатли маҳлуклар бор эди. Ўшалар юҳо дўзахга ўз инон-ихтиёрлари билан тушмишлар, улар дўзах қийноқларини ўз хоҳишлирига кўра танлагандирлар. Зотан, худо ва ҳаётни қарғаб, улар ўз-ўзларини қарғамишлар. Улар ўз ёвуз манманликларидан озукланурлар, худди сахрода қолган оч маҳлук ўз вужудидан қонини сўриб ичгандай бўлурлар. Аммо то абад тўймаслар ва кечирим сўрамаслар, уларни чорлаган худойимни қарғарлар. Тирик худойимга қаҳру ғазабсиз тик боқомаслар ва ҳаётда худо бўлмасин деб, талаб қилурлар, худо ўзини ва барча яратган нарсаларини барбод қилсин дерлар. Улар ўз қаҳру ғазаблари оловида мангү ёнгайлар, ўлим ва йўқликка ташнаком бўлгайлар. Аммо ўлим уларни олмас...

Алексей Федорович Карамазовнинг қўлёзмаси шу ерда тугайди. Тақрор айтаман, у тўла эмас ва узуқ-юлуқ. Мисол учун, таржима ҳолга оид маълумотлар авлиёнинг факат илк ёшлиқ чоғларини камраб олади. Унинг ҳаётий ҳикматлари ҳамда танбеҳлари жамлаб, бир бутун яхлит ҳолга келтирилган, улар, афтидан, турли вақтлар ва ранг-баранг майлу истаклар натижасида танлаб олинган. Ҳар қалай бузрукнинг ушбу охирги ҳаёт дақиқаларида айтган танбеҳлари аниқ белгиланмаган, балки улар сухбатнинг руҳи ва йўналишига кўра берилган, бу Алексей Федоровичнинг қўлёзмасида келтирилган илгариги танбеҳлар билан қиёслаганда равшанроқ кўринади. Бузрукнинг ўлими ҳақиқатан ҳам жуда кутилмаганда рўй берди. Бинобарин, ўша охирги оқшом унинг ҳузурида жамулжам бўлганлар ўлим соати яқин эканлигини англаб туришар, аммо у шу қадар кутилмаганда рўй беришини ҳар қалай тасаввурларига келтиролмаган эдилар; аксинча, юқорида мен таъкидлаб ўтганимдай, унинг дўсту ёронлари ўша оқшом кечаси уни тетик ва ғоятда сўзамол кўриб, соғлиги, ахволи тузалиб, яхшилана бошлаганига ишонч ҳосил қилгандилар, аммо бу фақат қисқа вақт давом этди. Ҳатто ҳайрон бўлиб кейин айтишларича, ўлимига беш дақиқача қолганда ҳам, ҳали ҳеч нарса маълум эмасди. У бирдан қўкрагида қандайдир жуда қаттиқ оғриқ туйди, ранги оқариб, қўлларини юраги устига маҳкам босди. Шунда ҳамма дарҳол ўрнидан қўзғалиб, унинг устига ёпирилиб боришди, аммо у ўлим талвасаси оғушида ҳамон уларга жилмайиб боқсанча, креслодан аста ерга сирғалиб тушди, тиз чўқди, кейин юзи билан ерга эгилди, қўлларини узатди ва шодумон ҳаяжонда ерни ўпид, дуо ўқиб (ўзи таълим бергандай), осуда бир суур ила жон таслим қилди. Унинг жони узилгани хилватгоҳу монастир томонларга тез тарқалди. Марҳумнинг яқинлари ва шу иш билан шуғулланадиган ходимлар қадим расм-русум бўйича майитнинг юмушларига уриниб кетдилар, барча аҳли биродарлар жоме черковига йиғилдилар. Кейин эшитилган шов-шуввларга қараганда, ҳали тонг қоронғисидиёқ марҳумнинг хабари шаҳарга етиб борди. Эрталабга бориб хабар бутун шаҳарга тарқалди ва кўп шаҳарликлар монастирга йўл олишди. Бироқ буни кейинги китобда ҳикоя қиласиз. Энди эса фақат шунигина олдиндан қайд этиб ўтамизки, орадан ҳали бир кун ўтмай, ҳаммани ҳангуманг қилиб кутилмаган бошқа воқеа содир бўлди, у монастирда ҳам, шаҳарда ҳам жуда ғалати таассурот қолдирди, одамларни қаттиқ хавотир ва ташвишга солиб қўйди, то ҳануз хозиргача, шунча йиллар ўтса ҳам, одамлар худди кечагина бўлгандай ўша куннинг чалкаш воқеаларини ҳаяжонланиб эслаб юришади...

(Давоми келгуси сонларда)



НЕЪМАТ АРСЛОНОВ

ЁЗУВЧИ УЧУН АТИР

Новелла

Чекка соchlари оқариб қолган Григоровичнинг қандай атир суртиб юрганлигини билмайман (қадимда атир суртиларди, ҳозирда тизиллатиб сепилади), аммо Бунин тасвирлаган шу ёзувчининг, яъни Григоровичнинг олдидан ўтгим келади, ва ундан анқиб турган ифорнинг қанақалигини билгим келади. Афсуски, энди Бунин ҳам, Григорович ҳам ва Жемчужников ҳам йўқ. Шунга қарамай, ўша даврга хос айrim ҳолатлару манзараларни тафаккур ёрдамида тасаввур қилиш мумкин.

Бизнинг болалигимиз ва ўсмилик пайтимида “Сирень”, “Ландиш” “Кармен” деган атиrlар бўларди, ўсмилик пайтимда биринчи марта “Қори наво” деган атиrdан суртиб кўрганман. Австралияда чайлачи деган бир қуш бор. Қанотли бу жонивор урғочисини жалб қилиш учун қарийб одам бўйи келадиган чайла қуради ва ўзи бунёд этган иншоотни турли туман ялтироқ нарсалар билан безайди-да, чайла атрофида айланиб қўшиқ куйлади. Инсонга ҳам хос бундай бачкана ҳолат. Ясан-тусан қилсам унга яхши кўринаман, деб ўйлади севган қизининг олдига бораётган йигит. Садафни узоқдан бўлса ҳам бир кўриш ниятида йўлга тушарканман, икки кун аввал қишлоқ дўконидан сотиб олган атиrimдан сепиб олдим. Китоб жавонимнинг орқасида яширин сақлардим уни. Жуда ўткир эди “Қори наво”нинг ҳиди. Атиr бўйини шамол олиб кетмасин деб пана-пастқам йўлдан борардим. Кистамда носкашларнинг носковоғидай дўмпайиб туриби дағал шиша идиш. Унинг сиртида рақс тушаётган аёл сурати бор. Ярим йўлга етгач, яна бироз сепиб олсаммикин деган хаёлга бордим. Чўнтакдан учбурчак шаклидаги шишани оларканман, унга ёпиштирилган расмга яна бир карра қарадим. Ҳа, ҳақиқатан ҳам рақс тушаётган аёл суврати... Аёлларники эмасмикин бу одекалон деган шубҳа оралади кўнглимга. Йўл бўйида кимдир кўринди ва катта ёшли бир киши мен томон келаверди. Девор тагига тикилиб бордим. Ёнимдан ўтаётиб бурнини жийирди ҳалиги одам ва “такадай сасибсан” деди, мендан ҳазар қилгандай ўзини нарироқ олиб. Уялиб кетдим. Аммо атиr ҳидига бўлган ўчлигим босилмади. Бирор нарса ёзишга ўтирсам, ҳозир ҳам албатта юзимга атиr пуркайман.

Жонзотларга ҳид билиш хусусиятини ато этаркан, бу ноёб ҳиссиётнинг бошқа барча сезгилардан ва ҳаттоки кўришдан, таъм билишдан ва эшишидан ҳам аъло даражада бўлишини таъминлаган табиат. Бошқа ҳар қандай сезги миядаги: таламус, ҳипоталамус, стреатум каби марказлардан ўтади, аксонлар ва дендритларнинг кўлига тушиб, турли ўзгаришларга учрайди, буйруқлар макони бўлган бош мия пўстига етиб боргунга қадар неча марта ўлиб тирилади. Тадқиқотчи олимларнинг айтишича, биз кўз билан кўриб турган нарсалар аслида кўринганидай эмас, бутунлай бошқача эмиш, факат ҳид билишгина бундан мустасно, мия пўстлогига тўғридан тўғри, яъни бевосита, ҳеч қандай ўзгаришга учрамасдан етиб боради.

Атирга ўчлик менинг жиддий нуксоним. Шундайлигини биламан ва имкони борича атири харид қилмасликка интиlamан. Атирга бўлган тийиксиз интилишни жиловлаш учун шундай қиламан. Бахтга қарши йўлда бир қанча атири-упа дўконлари бор, Чилонзордан Фарҳод бозоригача ва бозордан метрогача пиёда бораман. Йўлда бир аёл атири сотиб ўтиради. Яхши хушбўй атиrlари бор унинг “Смокинг”, “Шанель” “Матфикс ман” ва ҳоказо. Ҳар доим унинг ёнидан ўтарканман, кўк, яшил ёки заъфарон рангли суюклик тўлдирилган турли шаклдаги шишачаларга қарайман, сўнгра улардан бирини қўлга олиб қопқоқчасидан сал қуириққа, шишачанинг бўйнига бурнимни маҳкам босиб ҳидлайман. Менинг ҳаракатларимни кузатиб туради албатта сотувчи аёл. “Олинг” дейди. Атири нархи киммат, ҳиди менга ёқса-да, пулни ўйлайман. Сирасини айтганда, дўконлардагидан арzon унинг атиrlари, йигирма беш мингдан зиёд эмас, худди шундай атири дўконларда анчагина қиммат туради. Ҳатто юз минг сўмлик, икки юз ва ҳатто уч юз минг сўмлик атиrlар ҳам бор. Бир дўстимнинг айтишича, “Клив Христиан № 1” деган атири 2.350 доллар турармиш. Менга “Suave” ҳам бўлаверади. Кўкимтир шишачали, қопқоғи савсани бу атиrlинг ҳиди менга жуда ёқади. Албатта, масалан, “Смокинг” даражасида эмас, шундай бўлса ҳам жуда олгим келарди уни ... Гўё “Қишлоқ”романининг муаллифи Григорович ана шу атиrdан суртиб юрадигандай. Дарвоқе, ўз даврида анчайин ном қозонган ва ҳатто ана шу романи билан Белинскийнинг назарига тушган эди бу ёзувчи. Унинг олдига бориш, унга яқинроқдан қарап ва ундан тараляётган ифордан ҳидлаш... узун бўйли, жуда тоза ва ёқимли кийинган кишига хадисираганча қараб турар ва мириқиб атири ҳидларди. Аммо Бунин нафас олаётганини, ҳаводан атири ҳидини ўғирлаётганини Григоровичдан, яъни атири эгасидан пинхон тутарди. Адабиёт майдонида ҳали ном қозониб улгурмаган, образли қилиб айтганда, эндиғина тетапоя бўла бошлаган журъатсиз ва хуркак ёзувчи учун табиий ҳол эди албатта бу. Французча тарбия кўрган Григорович эса парфюмерияга эътиборсиз эмасди. Ва Никольский кўчасида очилган номдор атири-упа магазини олдида вақт- бевақт учратиб қолиш мумкин эди уни. Нафақат Григорович ёки Жемчужников, балки ўзига қараб юрадиган барча эркакларнинг дикқатини тортарди бу дўкон. Хусусан, “Шанель №5” одекалонидан суртиб хонимларнинг ёнидан ўтиш олифта эркакларнинг орзуси эди. Брокар кашф этган “Цветочний” деган афсонавий атири ҳам сотиларди бу ерда.

...Ўзимни чалғитишига ва Григорович билан Буниннинг учрашувини бирон бир машхур ёзувчининг хонадонида ташкил этишига қай даражада уринмай, кўз олдимда энг қимматбаҳо ифорли атиrlар билан савдо қиладиган ўша магазин ва унинг пештахтаси олдида турган Григорович

ва узокроқдан уни кузатиб турган Бунин кўринаверарди. Афсуски, мутлақо хато эди менинг бу тасаввурим: биринчидан, турли ҳидлар анқиб турган атирупа дўйконининг ичида Григоровичдан тараалаётган ифорни пайқамасди, иккинчидан, кўл учидаги кун кўраётган Бунин қимматбаҳо атирлар билан савдо қиласиган бундай дўйконларга беҳудага кирмасди деб ўйлайман. Уларнинг учрашуви ҳақиқатан ҳам Бунин хотини Варвара Пашенкодан ажрашгандан кейин, Москвада рўй берган экан. Аммо Бунин атир билан боғлиқ ҳолатни анча кейинга сурган. “Ой чиқди ложувард ой ёнидан” деган мақоласида Григоровичнинг ўлимидан бироз олдинги ҳолатни беради. Демак, 1899 йил куз фаслида бўлган эди бу учрашув. Орадан кўп ўтмай, ўша йилнинг 22 декабрида Григорович вафот этди.

... Ана шу манзара бор тиниқлиги ва тафсилотлари билан кўз ўнгимни қоплаб оларкан, атир шишасини эҳтиёткорлик билан ушлаб турган ҳолатда, юзимга ёқимли тус бериви сотувчи аёлдан сўрадим:

- Қанча дейсиз?
- Йигирма беш.
- Йигирма бераман.
- Нималар деяпсиз, ахир бу “Suave!”

Яна шишача бўғзини бурнимга тақаб ҳидлайман. Ва қайтариб жойига кўяман.

- Ёқмадими?

– Менга Григорович суртадиганидан топиб беринг, оламан, – дейман атайлаб, сотувчини гангитиб ташлаш ва шу йўл билан ўзимни бу соҳада саводсиз эмаслигимни кўрсатиш, ҳам хасислик қилаётганимни хаспўшлаш мақсадида.

Юзини тескари ўгиради сотувчи ва мен узоклашаман унинг олдидан. Кистамдаги пул атир олишга етади албатта, аммо ўйловим кўп, рўзгор, дори-дармон ва кутилмаган бошқа харажатлар. Ҳаммасидан кўпроқ ўйловга соладигани коммунал тўловлар, кам эмас, ўн икки хил тўлов...


Қандайдир тетиклик бағишлайди менга хушбўй атири. Кейинги йилларда сотилаётган фаранг одекалонларида атиргул ҳидидан тортиб каппарис спиноза гулининг ҳидигача бор ва улар ниҳоятда дилтортар. Каппарис спиноза оқ гуллайди, лотинча номдаги бу ўсимликни биз оддийгина қилиб ковул деймиз. Бу антиқа ўсимликнинг гули бутун бошли мўъжиза ва унда танноз аёлларга хос нимадир бор. Гулининг ҳиди жуда нафис, жуда ёқимли... қандайдир хаёлчан ва романтик ифор. Албатта, масалан илиқликтини эслатувчи ҳидларни ёки карамель ҳидига монанд одекалонларни ёқтирадиган кишиларга ковул гули таратадиган ҳид ёқмаслиги мумкин. Буниннинг ёзишига қараганда, Григоровичдан анқиб турадиган атири жуда хушбўй бўлишига шубҳам йўқ. Нега Григорович ёки Жемчужников деган рус ёзувчилари шундай атирлар сепиб юришади-ю, мен бундай қилолмайман, ахир мен ҳам ёзувчиман. “Мавхумот” деб номланган романнимнинг ўзи агар чет тилларга таржима қилинса, долларнинг тагида қолиб кетишимга шубҳам йўқ. Чунки унда эфтоназия тасвирланган. Романинг учинчи китоби шу ном билан аталади. Агар янгилишмасам, ўлим салтанатига хизмат қилувчилар тўғрисида ёзилган биринчи роман бу. Эфтоназия, яъни ҳузурбахш ўлим деб номланган корхона ҳозирча факат Недрландияда, Австралиянинг қайсиридир бир шимолий минтақасида ва яна

бир-иккитагина давлатда мавжуд. “Адам водийси” ҳам ундан қолишмайди. Аммо мени юксакликка кўтарадигани – новеллаларим. Майли, бу тўғрида гапирадиган бўлсам, мени нотўғри тушунишлари ва мақтандоққа чиқарип қўйишилари турган гап. Лекин Бунин мени тушуниши мумкин эди, чунки иккаламиз ҳам Григоровичнинг ва Жемчужниковнинг атирига мафтунимиз. Мени безовта қилаётган ва атири олишга ундаётган куч Буниннинг бир мақоласи бўлди.

Ёзниң жазирама кунларидан бирида айвончада ўтириб олиб қайнок чой хўплардим ва “Китоб дунёси” газетасини вараглардим. Ногоҳ атирга ишқибоз Буниннинг “Ой чиқди ложувард ой ёнидан” деган мақоласига кўзим тушди, (юкорида айтиб ўтгандим). Азбаройи Нобель совриндори бўлганилигини хисобга олиб мақолага кўз югуртирдим ва мана бу сатрлар эътиборимни тортди: “Бир маҳал шундоққина ёнимдан бурнимга ёқимли одеколон ифори урилди, бошимни кўтарсам, не кўз билан кўрайки, Григорович! Бу учрашув унинг ўлимидан бироз олдинроқ содир бўлганди,

анчагина қартайиб қолганди. Лекин худди ўзидан келиб турган ифор каби тоза ва тетик эди”. Атири ҳидидаги тозалик ва тетиклик... албатта жуда қизиқ бу, “ифор” ҳам оддий таъриф эмас. Шу сўзларни ўқидиму дарҳол ўрнимдан туриб Фарҳод бозори сари йўл олдим. Энди атирга икки баробар қиммат баҳо қўйса ҳам оламан деган қарор дилимда қатъий. “Олурман икки жаҳон мулкига баҳо қўйсанг” деган мисра майин куйга қоришиб бош чаногим ичиди қовоқ аридай ғунғиллаб айланади. Хаёлимнинг чуқур бир жойида эса “Қари наво”дан сепиб, Садафнинг олдига борган ҳолатим.

... Биз учрашдик. Бадавлат оиладан эди қиз. Қайраоч дарахти тагига қўйилган ёғоч скамейка олдига борараканмиз, атайлаб шамол эсаётган тарафда ўтирдим. Енгилгина шабада “Қари наво”ни менинг қизил алвон кўйлагимдан супуриб олиб қизнинг нозиккина бурунчасига урарди. Бир пайт қарасам, оғиздан нафас оляпти Садаф. Баъзан йўл бўйида ўлиб қолган мушук ёки бошқа бир жонивор олдидан ўтаётиб мен ҳам анча жойгача оғзимдан нафас олганча, қадамларимни тезлатиб бадбўй хидни шу йўл билан бартараф этардим. Садафга қараб ҳаммасини тушундим. Аммо қиз ҳолатини ошкор этмади, кўп андишали эдилар-да, бизнинг ёшлик давримизнинг қизлари. Хуллас, шундан кейин биз узоқ вақт учрашмадик. Уялиб юрдим. Ўта нокулай-да бундай ҳолатлар. “Дид тўғрисида баҳслашмайдилар” дейишади руслар, шундай бўлса ҳам... Тўғрироғи, бу



бир тарафлама фикр. Ҳар қандай таёқнинг икки учи бор. Григорович билан Жемчужниковнинг тоза ва тетик атири Бунинга ёқди, балки бошқа бирорвга ёқмаслиги ҳам мумкин эди, аммо бу ерда бошқа бир жиҳат ҳам бор. Бунин ёзувчи бўлишни орзу қилиб юрган даврларда Григорович ёки Жемчужников каби улуғлар билан учрашиш катта баҳт эди ва бундай баҳтга мушарраф бўлган тетапоя ёзувчи учун улардан уфуриб турган ифор ҳам улуғ эди ва кўп нарсани белгиларди.

... Хуллас, шошқин қадамлар билан Фарход бозори томон йўл олдим. “Э худо, атир сотувчи бугун ҳам савдога чиққан бўлсин, ўша атирни сотиб юбормаган бўлсин” деган “дуо”ларни такрорлаганча борардим. Ўз жойида эди сотувчи аёл, мени кўрди, таниди ва юзини четга бурди. Атирни олдим-да, йигирма беш минг сўм узатдим. Кошларини кериб қаради аёл ва “Suave”нинг нархи юз минг сўм” деди жиддий қиёфада. Иккilanmadim, чўнтағимдан бор пулимни олдим ва санаб юз минг узатдим. Узун бўйли, тоза кийинган ва хушбўй ифор анқиб турган Григоровичга ёки тозалигу тетикликда ундан қолишмайдиган шоир Жемчужниковга ўхшашни жуда истардим шу лаҳзада. Жуда кўп манзаралар, ҳолатлару орзу умидлар, ўтмиш салафларимизнинг ҳаёт тарзини қўмсаш ва яна нималардир мужассам эди бу истакда. Ажабланиб қаради аёл ва йигирма беш минг олиб қолганини қайтарди.

Уйга келишим билан ёзув столига ўтирдим. Шишачани қўлга олдим. Нак бурнимга қаратиб унинг қорагина қалпоқчасини босдим. Тизиллаган товуш ва зарраларга тўйинган салқин ҳаводан энтикиб-энтикиб нафас олдим, “Suave”нинг дилрабо ифори! Бунин таърифлаганидай тоза ва тетик ифор! Кўзларимни юмиб чуқур нафас олдиму яна “пижиллатдим” ва ушбу новеллани ёзишга журъат этдим. Ёзувчи учун атир қанчалар катта куч эканлигини ҳис этиб турардим. Балки “катта куч” демай бошқачароқ ифодалашим керақдир... Айтмоқчиманки, кишининг тетик юриши ва ўзини яхши ҳис этиши учун ва ҳаттоқи ана шундай кайфият таъсирида бадиий асарнинг дунёга келиши учун нафақат хушбўй ифор, баъзан оддийгина нарсалар ҳам, айтайлик, ботинкангизнинг ечилиб кетган бобичи ҳам, ёки чўнтағингизда дастрўмолчангизнинг йўқлиги ҳам сабаб бўлиши мумкин. Бас, шундай экан, Григорович билан Жемчужниковнинг тетиклиги яхши одекалоннинг хизмати эди, десам мени маломат қилманг, бу бир лаҳзалик онг остида яшириниб қолган ўйнинг ёки фикр моддасининг хизмати, албатта. Ана шу хизмат, яъни онг остидаги фикр моддаси қутқуси билан ўз-ўзимдан сўрайман: Григорович ва Жемчужниковдан таралган ифорни ҳидлаган Буниннинг улуғ ёзувчи бўлиб шаклланиши ва ҳаттоқи Нобель мукофотини олишига ўша ифор сабабчи бўлмадимикин? (Хеч кимдан жавоб талаб қилмайди бу риторик савол). Барibir мен ўз фикримга ён босаман. Ҳамма нарса, барча разиллик ва барча буюклиқ, дунёдаги бор қашфиёт миянинг иши. Неки қилсак, ҳиссиётлар таъсирида, уларнинг қутқуси билан қиламиз. Ҳид билиш эса табиат ардоқлаган энг ноёб ҳиссиёт. Григорович тўғрисида гапирапкан: “Димоғимга ёқимли атир ифори урилди” дейди Бунин. Энг аввало шунга ургу беради. Модомики, шундай экан, мендан таралаётган “Suave” ифорини ким пайқаркин, ким бош кўтариб кўяркин мени, балки бош кўтариб эмас, юкоридан пастга томон қараб кўришар ва нихоят, қаерларгача олиб бораркин мени бу ифор?..



ЛУИШ ДЕ СТАУ МОНТЕЙРУ

(1926–1993)

МАЙИЗХҮР ЭРКАК¹

Роман

*Рус тилидан
Аҳмаджон МЕЛИБОЕВ
таржимаси*

Xар куни, ҳаво очиқми, ёмғир ёғяптими, бундан қатыи назар, эрталаб соат саккизда ўрнимдан тураман. Бу – ҳаётимдаги энг тартибли ишларимдан бири. Тураётиб, оёқ кийимимни қидирман, шу яқин жойда, тунги стулчам ёнида бўлиши керак.

Куним ваннахонадан бошланади. Соқолимни оламан.

Эшик тақиллади.

Фернанда.

– Киравер.

– Бугун қандай кунлигини биласанми?

– Бугунми, шанба.

– Тўйимизга бир йил бўлди.

Унга нима дейишни билмайман. Аммо бу кун байрам деб ҳисобланиши аниқ. Фернанда нишонлашимизни хохлаётган бўлса керак.

– Тўғриси, бу ҳақда ўйламабман ҳам. Сен нима қилмоқчисан?

– Тушдан кейин уйда бўлмайман. Аммо сени кечки овқатга кутаман. Ота-онам, яна бир-икки киши бўлади. Келасанми?

– Шунга хурсанд бўлсанг келаман.

– Келишдик. Соат саккиздан кеч қолма.

Уйдан чиқиб кўча бўйлаб идора томонга юраман. Банкка кириб чиқишим керак. Таътилда бўлсам-да, бу визитни қолдира олмайман. Байшедаги кафеда бир финжон қаҳва ичиб, Оуру кўчасига буриламан. Фернандага совға олишим керак. У бундай мулозиматларга амал қилиш лозим деб ҳисоблайди. Кечки овқатга қайнонам ҳам келадиган бўлса, совға олишим шарт. Олмасам, қайнонам қайнотамни бурчакка тортади-да, икковлари мен томонга қараб, бир нималарни шивирлашади. Ҳозироқ нақд кўриб турибман: ўтган йили малла рангга бўялган соchlари сийраклашиб қолган, осилган кўқраклари шу қадар каттаки, афтидан, маҳаллий слесар тайёрлаб берган бюзгалтер уларни аранг ушлаб турибди. Мени айблаётган ёқимсиз нигоҳини ҳис этаман, совуқ сўзларини эшитгандай бўламан. Куриб кеттур.

¹ Давоми. Бошланиши ўтган сонда.

Заргарлик магазини ёнида тўхтайман. Дарвоқе, Фернанданинг қўл соати борми, йўқми? Ҳар сафар мен билан ваннахонада бир вақтда учрашиб қоладими, демак, бор. Унга тилла билакузук олсам-чи? Балким марварид ипли тўғнағич олганим дуруст бўлар? Қанча тураркин? Ипак рўмол ёки тунги кўйлак ҳам бўлаверар? Ишқий совға бўларди-да.

Магазинга кириб, пештахтага яқинлашаман. Ёшлиги юз-кўзидан балқиб турган сотувчи қиз менга нима кераклигини сўрайди.

– Хотинимга совға олишим керак, Аммо нима олишни билмайман. Менга ёрдам бера олмайсизми?

– Албатта, Бу – бизнинг ишимиз.

Магазинда у ва Худо. Иккалалари менга ёрдам беришади.

– Хотинингизга нима маъқул келишини билсангиз керак?

– Йўқ, буни билмайман.

– Хонимнинг ёшлари нечада?

Бу қиз ё кимнидир қаттиқ севиб қолган ёки унаштириб қўйилган. Чунки менинг ёшимдаги эркак хотинига совға олаётганини кўриб, ҳаяжонланиб кетди. У менинг бу ҳаракатимдан ўзининг “ўлимга қадар севги” деган орзузи нақадар тўғрилигига ишонч ҳосил қилди. Юз ифодасидан менга ёрдам беришга тайёрлигини сезиб турибман. Ва яна шуни билиб турибманки, кечқурун, магазин ёпилганидан сўнг бу қиз ошиғининг елкасига бошини қўйиб, бугун бўлган воқеани унга гапириб беради: “Азизим, биласанми, бугун магазинимизга ажойиб бир сенъор кириб келди. Сен тасаввур ҳам қила олмайсан, ўрта ёшлардаги эркак хотинига совға излаб юрибди... ҳаяжонланганидан нима харид қилишни билмайди... мен бўлсан бизнинг севгимиз ҳақида ўйлаб кетдим... бир кун келиб... орадан қанча йиллар ўтгач, сен ҳам магазинга кириб, менга совға харид қилмоқчи бўласан-у, баҳтиёргингдан нима олишни билмай туриб қоласан...”

Шу нарса жаҳлимни чиқариб юборди. Қизни бехудага лақиллатишнинг нима кераги бор?

– Хотинимнинг ёши нечадалигини аниқ билмайман, билишни ҳам истамайман. Бугун тўйимиз бўлганига роса бир йил тўлгани учун совға олмоқчиман, холос. Агар олмасам, қайнонам бутун оқшом асабимни ўйнатади. У мени қизининг муҳаббатига муносиб бўлмаган бир пасткаш ёки бундан-да ёмони – ўзини катта олиб, қизи менга турмушга чиқиб, аёллик ва оналик баҳтига мұяссар бўлмаганидан афсусланади. Тушуна-япсизми? Шунинг учун ҳам совға олмоқчиман. Хотинимга тоқатим йўқ, агарки сиз бор ҳақиқатни билмоқчи бўлсангиз, шундайлигимни аниқ айта олмайман ҳам. Энди тушунгандирсиз?

Сотувчи қиз кўзларини катта-катта очиб менга қарап экан, қўллари бе-ихтиёр пештахта устидаги молларни йиғиширига бошлади.

– Бу тўғрида менга гапиришингиз ўринисиз... Менинг бу ишга мутлақо даҳлим йўқ. Бир дақиқа сабр қилинг, шеригимни чақираман...

Кулган бўламан. Қизнинг юзида табассум пайдо бўлади.

– Сиз шундай оҳангда гапирдингизки, мен бор ҳақиқатни айтаяпсиз деб ўйладим. Чиппа-чин ишониб ўтирибман-а. Кулиб юбормаганингизда, мен ҳеч қачон бунинг ҳазиллигини билмасдим. Хўп, майли, ишга ўтайлик. Биз Италиядан чиройли кўйлаклар олдик... Бир дақиқа... Зўр атиларимиз ҳам бор. Нима дейсиз?

– Ёмон таклиф эмас.

- Хотинингиз қандай атиrlарни ёқтиришини билсангиз керак?
- Тўғриси, билмайман.
- Хотинингизни бироз бўлса-да билганимда менга осон бўларди...
- Сизга “Femme” ёқадими?
- Ёқмаганида уйланмас эдим.
- Яна ҳазил қиляпсиз-а. “Femme” жуда яхши, аммо қиммат атир.
- Бир флаконини оламан.
- Совғага қанча пул сарфламоқчисиз?
- Иложи борича кам сарфлаганим маъқул.
- “Femme” минг эскудога яқин туради. Тўғри келадими?
- Келади.

Бу қизча билан нега энди ади-бади айтишиб ўтирибман? Бошқаларга ўзимнинг туриш-турмушимни тиқиширишга нима ҳаққим бор? Ҳар ким ҳаётда нималарга эришишда, у ёки бу нарсага ижобий муносабатда бўлишда эркинликка эга. Бошқаларнинг тажрибаси фойда бермаслиги мумкин. Бу ҳам майли, магазинда ўзимни тарбиясиз кишидек тутдим. Одоб қоидаларига риоя қилиш керак. Фернанда шундай дейди. Аммо... нега энди риоя қилиш керак? Мен қаёқдан ҳам билай... Эҳтимол, бундай қилиш ҳаётнинг муҳим қоидаси ёки ер юзида яшашнинг зарур шартидир. Нима бўлгандা ҳам, моҳияти битта. Буни, тўғрисини айтсам, мен яхши биламан.

Байшедаги марказий савдо расталаридан олган майизим ёмон эмас экан. Кечгача етадиганини ғамлаб қўйдим.

Инглизлар “charity begins home” – муруват уйдан бошланади дейишади. Бу мақолни, менингча, шахар четидаги хароб кулбаларда яшайдиган аёллар эрлари рўзгорга кам пул берганларида айтишарди, аммо саксофон ихтиро қилинганидан кейин, хукумат тепасига лейбористлар келишгач, истеъмолдан бутунлай чиқиб кетган. Бугун уни Англияда ҳеч ким эсламайди. Эслашга ҳожат йўқ. Эндиликда черковнинг ризаҳоналари ва турмуш қурмай ўтириб қолган қизларгина хайрия қилишади. Якшанба кунлари бу қизлар оч-наҳорларга бир нималарни тарқатишаётганини кўрганман. Уларнинг олдига кимлар келишига ҳам аҳамият берганман. Бу бечоралар уларга ким хайрия килаётганини кўриб, арзимас ҳадяларни енгил табассум билан қабул қилишади.

Мен инглизларнинг бу мақолини бироз таҳрир қиласман: “муруват” сўзини “одоб сақлаш”га ўзгартираман. Аминманки, ўзимнинг олдимдаки одоб сақлай олмас эканман, бу ишни бошқалар олдида мутлақо бажара олмайман.

Чуқурроқ мушоҳада юритилса, мен худди Фернандадан қаёққадир қочиб кутулишнинг иложини топа олмаётганимдек, ўзимдан ҳам қочиб кутула олмайман. Буниси энди ўта оғир иш.

Банкка кириб, зиналардан юқорига кўтарилеман. Ҳар галгидек, одамлар тўпига дуч келаман. Улар аккредитив йўли билан пул, ёзган аризалирига жавоб олишга, қарз кўтариш ёки кредитни расмийлаштириш учун келишган. Ҳаммаларида мақсад шу.

Мени кутиб туришибди. Сўров аризаларини мен ёзib берсам, уларга ижобий жавоб олишларини яхши билишади. Мен уларсиз ҳам яшай оламан, аммо уларнинг менсиз яшашлари қийин.

Учрашган пайларимиз ҳамма бир-бирига кулимсираб қарайди. Иш кабинетининг ҳеч ким кўрмайдиган жойига пухта яшириб қўйилган виски ичилмаган бўлса ҳам...

Оғзимдаги майизни чайнаб, уйимга кираман. Қайнота-қайнонам келиб бўлишибди. Машиналари эшик олдидан сал пастрокда турибди.

Фернанда эшикни очиб, мени қўлтиғимдан олади. Бир оғиз гап айтишга ҳам қўймай, меҳмонхонага бошлайди. Меҳмонлар диванга астойдил жойлашиб олишибди.

Қайнотам менга қўлини узатади.

– Табриклиман. Сизларга совға олувдик... Маъқул келади, деб ўйлайман.

Қайнонамга ўгириламан. У менга яхши маънода, аммо тушунарсиз бир нималар демоқчи бўлади.

Фернанда тарафдудланиб турибди. Чунки бундай учрашувлар менинг бир оғиз сўзим билан остин-устун бўлиб, ота-онаси ўртамиздаги совуқ муносабатдан хабар топиб колиши ҳеч гап эмас. Буни у яхши билади. Шу боис тиним билмайди.

– Ота-онам бизга нима совға қилишганини кўрдингми? Бу ўша – биз орзу қилган нарса. Хурсандмисан?

– Йўқ.

Фернанда кулиб, ота-онасига тушлик пайти биз совға қандай бўлса ҳам, мен уни ёқмади демаслигимга келишиб қўйганимизни тушунтиради. Сўнг менга ўгирилади.

– Сен ютдинг. Шундай совғани ёқмади деб айта олишингни ҳатто тасаввур ҳам қилмагандим.

Унинг овозидан мендан хафа бўлганини сезиб турибман.

Кийимларимни алмаштириш учун хонамга кираман. Ёстиқ устида Фернанданинг йирик-йирик ҳарфлар билан менга ёзган эслатма хати турибди: “Сендан илтимос, бугун кечкурун менга эътиборлироқ бўл. Ҳар куни изтиробдан қанчалар эзилаётганимни ёлғиз Худо билади. Раҳм-шафқат юзасидан мени одамлар олдида камситма. Сендан бошқа ҳеч нарса илтимос қилишга қодир эмасман”.

Раҳм-шафқат қолмади деб ким айтди?

Бечора Фернанда... Қанчалар тубанлашиб кетганман-а.

У ёш боладек, мендан ранжитмаслигимни илтимос қилмоқда.

Қанчалар пасткашман.

Болалигимда йиқилиб тушиб йиғлай бошласам, отам доим: “Тур ўрнингдан, ўғлим, эркак киши йиғламайди!”, дер эди.

Ойнага караб, галстугимни тўғрилайман-да, ўзимга ўзим такрор-такрор уқдираман: эркаклар йиғламайди. Эркаклар йиғламайди. Эркаклар йиғламайди.

Мен эса йиғлайман.

Қўлимга совғани ушлаганча меҳмонхонага кираман.

– Фернанда, мен сенга муносиб совға қидирдим. Совға қилишни билмаслигимдан яхши хабардорсан. Мана шу атирни сенга олдим. Ёқади деган умиддаман.

Фернанда совғани очиб кўради. Қўлини узатиб мени ўпади.

Худо хайрингни берсин, Фернанда... Юрагингга яқин олма... Мени ранжита. Сен туфайли менда мавжуд бўлган фазилатлар билан ўйнашма. Мен сен учун чин дилдан харакат қилмоқдаман...

– Совға учун раҳмат. Минг бор раҳмат. Ўзим ўйлаган нарсани олибсан.

– Жуда соз. Мен сенга ёқмайди, дея қўрқкан эдим.

Қайнотам ёнимга келади.

– Таътил қандай ўтмоқда?

– Деярли тамом бўлди.

– Сизнинг ўрнингизда бўлганимда, ишбилармон бирорта одамни топиб қўйиб, ўзим умримнинг охиригача мазза қилиб дам олардим.

– Бундай қилолмайман. Хоҳламайман ҳам. Ишни ўзим назорат қилмасам, ҳаммасини йўқотаман. Иккинчидан, менга ишлаш ёқади.

– Нималар деяпсиз. Сизнинг ўрнингизда бўлсан бутун Европани кезиб чиқардим... Мадрид, Бургос, Севилья, Париж...

– Бу шаҳарларни кўриш сизга ёқса, нега энди саёҳат қилмайсиз?

– Ёшим ўтиб қолди-да. Дўстларимни, кафени ва қарилик одатларимни бу ерда қолдириб кетишни истамайман.

– Қариликни бўйнингизга олганингизга кўп бўлдими?

Қайнотам жавоб қайтармайди. Елкаларини қисиб, кексалик ҳамманинг ҳам бошида борлиги, бундан қочиб қутулиб бўлмаслиги ва буни мен яхши билишимни менга сўзсиз уқдиromoқчи бўлади.

Қайнонам менга худди зоопаркдаги ҳайвонга мўралагандай қарайди. У мени аввал бошдан ёмон кўради. Унинг учун мен ўрта тоифанинг қизини яхши кўриб қолишга журъат қилолган оддий вакилиман. Тўйимиздан кейиноқ, қайнонам менга ҳеч бўлмаганда Фернанда даражасига етишим зарурлигини кўп бор писанда қилган. Бу иш амалга ошмаганидан кейин, унинг мени кўрарга кўзи қолмади, унингча мен сенъорлик ниқоби остига яшириниб олган оддий ҳайдовчиман. Буни унинг кўзидан яқол билса бўлади.

Қайнонам менга қандай жавоб қайтаришни билмай қолган эрига ёрдамлашиб мақсадида сухбатимизга қўшилади.

– Фернандага совға қилган атирнинг номи нима экан?

– “Femme”.

– Жуда яхши атир. Менда ҳам бор. Сизлар ҳозир гаплашганингиздай, нега энди Мадридга бориб дам олмайсизлар? Фернанда ҳаво алмаштиради, бир неча қишлоқ қўйлак сотиб олиши ҳам мумкин эди. Бизнинг даврамиздаги одамларнинг маълум мажбуриятлари бор. Ҳозирги авлод бўлса, уларни аллақачон ёдидан чиқариб бўлган...

– Noblesse oblige?¹

Қайнонам мен ҳазиллашаяпманми ё жиддий атаяпманми – билмай, менга таажжубланиб қарайди.

– Эҳтимол сиз ҳақдирсиз. Аммо ҳақиқат шундаки, биз бу ҳаётда факат ўзимизга ёккан нарсалар билангина шуғулана олмаймиз. Намунали классик қайнона сифатида гапираётганим йўқ, шу важдан ҳам сизларнинг ишингизга ҳеч қачон аралашган эмасман. Баъзан, бир нималар менга ёқмай қолганида ҳам, ўзимни ҳеч нима бўлмагандай, ҳеч нарсани сезмагандай тутаман. Фақат... буни энди айтишим керак, Фернанданинг кийиниши мени қониқтирмайди.

– Бу унинг иши.

– Фикрингизга қўшилмасликнинг иложи йўқ. Аммо сиз Фернанда билан бу тўғрида гаплашишингиз керак. Фернанда қандайдир тикувчи аёл каби кийинишини ҳатто тасаввуримга ҳам келтирмаганман. Яқинда биз Эшторилга² бордик. Замонавий қизларнинг чўмилиш кийимларини

¹ Вазиятнинг тақозосими? (французыча).

² Лиссабон чеккасидаги курорт шаҳар.

кўриб ҳайрон қолдим. Қайнонамнинг оғзи очилиб қопти, деб ўйламанг. Мени таажжубга солган нарса шуки, оналар қизларини худди хорда ашула айтадиган солисткалар каби кийинишларига монелик қилмайдилар. Мана энди, сенъорни актисадан ажратиб бўлмай қолди... Сизни ишонтириб айтаманки, Фернанда яхши тарбия кўрган... Мадридга боришингизга астойдил ҳаракат қилаётганимнинг боисини тушунгандирсиз?

- Мен ҳам, Фернанда ҳам Мадридга боришини хоҳламаймиз.
- Нега энди?
- Биринчидан, имкониятимиз йўқ. Иккинчидан, агар бизда хорижга бориш иштиёқи туғилганида ҳам, Мадридга бормас эдик.
- Сабаби?
- Биз саёҳат учун Европани танлаган бўлар эдик.
- Сизнингча, Мадрид Европада эмасми?
- Европада. Аммо Мадрид Лиссабон учун мисоли Порту каби хориж.
- Билиб қўйинг: Мадриддаги бугунги дўконлар Париж ёки Лондондаги магазинлардан асло қолишмайди. Менга кўпни кўрган кишилар айтишган: Мадрид эндиликда Европанинг йирик шаҳарларидан бири...

Ҳар гал қайнонам билан гаплашар эканман, ўртамизда “совук уруш” ҳолати юзага келади. Буни аллақачон тушуниб етганман, аммо кўпинча майда-чуйда гапларга аралашиб, худди бундан бирор фойда чиқадигандай, кичик тўқнашувлар юзага келишига сабаб бўламан. Мен ҳам, қайнонам ҳам ўзгармаймиз.

Хайрият, Фернанда олдимизга келиб, бизни чалғитди-да, навбатдаги фалокатнинг олдини олди.

Эшик тақиллади. Ҳамма янги меҳмонларни кутиб, эшикка қаради. Родригешлар келишди. Хушсурат ажойиб оила. Қайнотам ва қайнонамнинг эски танишлари. Уларни тўйимииздан бери биламан. Ичимлик қўйилган қадаҳларни қўлларига тутқазаман. Ўзим виски ичаман. Родригеш мени четроққа буради.

- Хўш, қария, ишларинг қалай? Ўзи ҳам минг йил бўлди-ёв сени кўрганимга. Жуда афсусланарли. Яқинда сизлар тўғрингизда гапирдим.
 - Наҳотки?
 - Бизга маҳаллий жунта¹ учун номзодлар керак. Дўстим, биз ҳаммамиз бирор иш билан машғул бўлишимиз керак. Бунга нима дейсиз?
 - Бу таклифингизни қўя қолинг, жаноб инженер. Ҳатто илтимос қилсалар ҳам бу иш билан шуғулланмайман. Мен ўзим билган иш билан бандман: шляпалар, кепкалар, қалпоклар.
 - Афсусдаман, дўстим. Сизлар танқид қилишни биласизлар, холос. Бирор ишни бошлаш пайти келганда эса, ўзингизни четга оласиз...
 - Мен яхши ҳам, ёмон ҳам гапирганим йўқ, жаноб инженер. Бу иш мени қизиқтирумайди, ўзига тортмайди ҳам. Сизларни танқид қилганим тўғри, аммо нима бўлганда ҳам, маҳаллий жунтами, бошқасими, барibir бормайман.
 - Мен ҳам шу хақда гапиряпман-да: танқид деса – марҳамат, иш деса...
- Кулиб юборишдан ўзимни зўрга тияман. Мен учун ғоят кулгили ҳолат. Родригеш бўлса, нима учун кулаётганимни тушунмайди.
- Ўлай агар, нимага кулаётганингизни тушунган бўлсан. Нимаси кулгили? Вақтимга ҳам, одамларга ҳам ачиниб кетаман-да...

¹ Жунта – уюшма.

– Менга қаранг, жаноб Родригеш, мен сиз айтган нарсаларга кулаётганим йўқ, сизнинг соддалигингиз қулгимни қистатяпти.

– Соддалигим?

– Тасаввур қилинг, жаноб инженер: сиз мени айбсиз бўлсам-да, ўлимга хукм қилдингиз. Мен эса эргадан-кечгача бу ноҳақликни ва шундай қилишингизга асос бўлган нарсаларни танқид қиласман. Тасаввур қилдингизми? Гапларим жонига теккан қамоқхона ходими бўлса, бўйнимга солиб мени осадиган сиртмоқни яхшироқ боғлашига қарашворишимни илтимос қиласди. Илтимосини рад қиласман. Шунда у: “Маҳбуслар хукмдан доимо норози бўладилар, менга ўхшаган бир инсофли одам уларнинг аҳволини яхшиламоқчи бўлса, илтимосини ерда қолдирадилар”, деб мендан қаттиқ ранжиди. Мени тушунаяпсизми? Менинг бу ҳикоям сизнинг соддалигингизни тасдиқлаётганини пайқагандирсиз?

– Дўстим, бироз оширвормадингизми?

– Албатта, оширвордин. Мен келтирган мисолнинг маҳаллий жунтага мутлақо алоқаси йўқ. Мен уни сиз бу гапларга менинг муносабатимни тушунишингиз учун келтирдим, жаноб инженер.

– Сизларни тушуниш қийин. Майли, нима бўлса ҳам, таклифим кучида қолади. Фикрингиз ўзгарадиган бўлса, менга хабар қиласиз...

Меҳмонхона эшиги очилиб, эр-хотин Виейралар кириб келади. Ўрта ёшли, бой-бакувват, анча йиллардан бери жамиятнинг илғор қисмига мансубликларини тан олдириш учун самарасиз курашиб келаётган оила. Ўзларининг фикрича, улар бундай мартабага тўла ҳақли.

Доктор Виейра Фернанданинг қўлини ўпиб, менинг олдимга келади. Саломлашамиз. Меҳмонларга мадери ичимлигини таклиф этаман. Бу иш жонимга тегди. Ўзимни босиш учун виски ичаман. Оғзимга майиз соламан, кейин яна, яна майиз ейман. Мени узоқдан кузатиб турган қайнонам олдига боришимга ишора қиласди.

– Сиз ҳали ҳам одамлар олдида майиз ейдиган одатингизни ташламабсиз-да? Бу жуда ярамас одат. Ишонинг менга. Сизни танимаган одамлар руҳий касал деб ўйлашлари мумкин. Кўзи тушган кишига худди тирногингизни ғажиётгандай кўринасиз. Иши юришмай қолган ёки асаби чатоқ одам шундай қиласди. Мен сизга фақат яхшиликни раво кўраман. Мени тўғри тушунинг, биз ўз даражамиздан пастлашиб кетмаслигимиз керак. Хаёлимизга келган нарсани қилаверсак нима бўлишини, қандай аҳволга тушишимизни тасаввур қиласизми? Ўйлаб кўринг-а.

Ажойиб фикр. Одамлар ҳамёнларини майизга тўлдириб, кўчада сайр қилиб юришларини хаёлимга келтираман.

– Худога шукур, ҳамма ҳам майизхўр эмас. Шундай бўлганида, унинг баҳоси, биласизми...

Чўнтагимдан Байшедаги магазиндан сотиб олган бир ўрам майизни олиб, қайнонамга узатаман. У елкасини қисиб рад этади. Бир дона йирик майизни оғзига соламан.

– Жуда ширин.

– Бу сизнингча ширин, ишончингиз комил бўлсин – сизнингча ширин.

Омадим келди: хизматкор аёл кечки таом тортилганини маълум қилди. Ҳаммамиз ошхонага юрамиз. Фернанда меҳмонларга жойларини кўрсатади.

Ҳаммага кулиб қарашга харакат қиласман, берилиб сухбатлашаман.

Қайнонамнинг ҳазилларига қотиб-қотиб куламан, қайнотам нима деса, фикрига тўла қўшиламан. Сенъора Виейра яхши хизматкор аёл топиш қийинлигидан гап очади.

– Фабрикалар иш бошлаганидан кейин, аёллар саноат соҳасида ишлашга ўтиб кетишиди. У ерда кўпроқ пул топишади-да, кўнгилларига келган ишни қилишади. Даҳшат. Кейин эса бу йўлни танлаганларидан афсуланишади. Улар кўп, жуда ҳам кўп нарсалар мавжуд бўлган уйларимизни ташлаб кетишишмоқда, ҳайҳотдай фабриканинг ҳаракатдаги бир мурватига айланишшишмоқда. Бетоб бўлиб қолганларида ёки бирор ташвиш бошларига тушганида билишади бизларнинг уйларимизда хизматкор бўлиб, қандай яхши яшашганини.

Қайнонам унинг гапларини маъқуллайди.

– Бугун ҳеч жойда тартиб қолмади. Ҳамма ўзим бўлсан, кўпроқ нарсага эришсам дейди. Авваллари хизматкор аёллар тикиш-бичишни, тўқишини билишарди. Энди-чи? Ҳеч нарсани билишмайди. Дазмол қилишни ҳам. Буларнинг ҳаммаси қўлларидан келганида бугунгидан кўра кўпроқ пул топишлари мумкинлиги тўғрисида ўйлаб ҳам кўришмайди. Бор гапни айтаяпман. Дам олиш куни берсангиз, кунни шунаقا бемаъни ишлар билан ўтказишадики... Бир вақтлар хизматкорларимиз рақсга тушишни билишмасди, аммо қўлларидан кўп нарса келарди. Энди бўлса, шунчаки оддий таом тайёрлашни ва самбу рақсига тушишни билишади, холос. Шу боисдан ҳам улар фабрикаларда ишлашни хоҳлашади: у ерда ҳеч ким улардан бир нима талаб қиласиди, бемалол бузуқчилик қилишлари мумкин.

Доктор Виейра кулимсираб, аёлларга ижтимоий муаммоларнинг моҳиятини меҳрибонлик билан тушунтиради:

– Гап сизлар айтотган нарсаларда эмас, йўқ, уларда эмас. Биз даҳшатли бир замонда, ўтиш даврида яшамоқдамиз. Ҳамма нарса ўзгариб бормоқда. Бизнинг ўзимиз ҳам буви ва буваларимизга ўхшаб қолдик. Бўлаётган ўзгаришлардан қўрқмаслигимиз керак.

Баҳсга қайнонам қўшилади:

– Бу айтган гапларингиз шунчаки эртак, дўстим, ха, ишонаверинг, эртак. Ҳаммасига сизга ўхшаган одамлар айбдор. Одамларга улар ҳазм қилишга тайёр бўлмаган мавҳум ғояларни сингдиришга ҳаракат қиласизлар. Бу дунёга, биласизми, катъий интизом керак. Сизни ишонтириб айтаманки, авваллари хизматкор аёллар бугунги ишчи ва хизматчилардан кўра баҳтироқ эди (Қайнонам ўзининг бу монологидаги “ишчи” ва “хизматчилар” деган сўзларни талаффуз қилганида афтини буриштириб, уларнинг устидан ошкора кулаётганини яшириб ўтирмади). Авваллари хизматкор аёллар уйларимизни қолган умрларига бемалол етадиган тилла сеп билан тарк этардилар. Энди бўлса, фабрикаларда ишлаб бўлганларидан кейин бўйинларида қарз, мияларида ахлат чиқиндидан бошқа ҳеч нарса бўлмайди.

Қизиқарли сухбатга ҳисса қўшмоқчи бўламан.

– Сиз мутлақо ҳақсиз. Улар бирмунча баҳтли, бирмунча эркин ва инсон деб аталишга бугунгидан кўра муносиброқ эдилар.

Қайнонам менга тикилиб қараб турибди, сўзларимни тинглаб, юз ифодамдан мен уни мазах қилаяпманми ёки жиддий гапирайпманми, шуни билмоқчи. Жиддий фикр билдираётганимга ишонч ҳосил қилгач, кулиб давом этади:

– Фикрингизга қўшиламан. Уларда авваллари бўлган эркинликни бугунги эркинлик билан мутлақо солиштириб бўлмайди. Аммо, ёддан чиқармаслик керакки, эркинлик ҳаётда одамларга зарур бўладиган ҳамма нарса дегани эмас. Эркинлик бу ҳаётнинг инсонни ўзига ром қилувчи нарсаларидан бири.

– Биз яқинда, аникроғи, кече хизматкор аёлни зинапояда бир йигитнинг бошини айлантириб тургани учун бўшатиб юбордик. Бор-йўғи бошини айлантираётгани учун. Биз тўғри қарор қилдик, деб ўйлайсизми, дейман.

Қайнонам яна менга қарайди, кипригимни ҳам қоқмай гапираётганимни кўриб, хотиржам бўлади.

– Фернанда шундай қилган бўлса, демакки, унинг бундай қилишга етарли асоси бор. Нима бўлганда ҳам, сизларга айтишим керакки, принцип нуқтаи назаридан мен сизларнинг бу қарорингизни маъқуллайман. Биз уйда соғлом муҳит бўлишини таъминлашимиз керак, ўзимиз учун ҳам, хизматкорлар учун ҳам. Борди-ю, Фернанда зинапояда беҳаёлик қилаётган хизматкор аёлни кўриб, ўзини кўрмаганга олганида, ўша юзсизнинг шеригига айланган, ўзининг оддий мажбуриятини бажармаган бўларди.

Хизматкор аёл қаҳва олиб келди. Қайнонам менга ўтирилиб, французча шивирлади:

– On ne doit parler de ces choses devant le bonnes. Prennez garde.¹

Мехмонхонанинг ўзидаёқ доктор Виеира раксга тушишни таклиф этди. Таклиф ҳаммага маъқул келди. Ҳаммамиз шу яқин-орадаги меҳмонхонага йўл оламиз. Энг юқори қаватга кўтарилемиз. У ердаги стол атрофида учта француз аёл худди юз йилдан бери кимdir келиб уларни кулдиришини кутишаётгандай маҳзун ўтиришибди.

Оркестр уйқусираган тўрт мусиқачидан иборат. Улар бизга табассум қилганча, бир вақтлар қайсиdir мусиқачи хушчақчақ одамлар учун ёзган кўшикни ижро эта бошлашади. Учта қария ва биз унинг тугашини кутамиз. Гоҳ-гоҳ оркестрга қараб кулиб қўямиз.

Уйқусизликдан кўзлари киртайган хизматкор, иши кўплиги шундоққина кўриниб турибди, олдимизга келди.

Ҳар сафар португалияликлар вақтичоғлик қиласиган жойларга борганимда, мени бир нарса ҳайратга солади. Бутун дунёда кабарелар кечқурунлари мижозлар билан тўлиб кетади, томоша залларида бирорта бўш ўриндиқ қолмайди. Одамлар мириқиб дам олишади, bemalol хурсандчилик қилишади. Португалияда бўлса бундай жойлардаги кечки ҳаёт кундузги ҳаётнинг давоми: зерикарли ва бир хил. Одамлар раксга тушишмайди, дурустроқ кулишмайди ҳам. Қаҳқаҳа ўз умрини яшаб бўлгандай. Кулишдан кўрқишиади – кимdir кўриб қолиши мумкин-да.

Наҳотки мен ҳам шундайлар қаторига қўшилиб қолган бўлсам?

Наҳотки кулишни унугтан бўлсам?

Наҳотки бутун мамлакат кулмай қўйган бўлса?

Наҳотки португалияликларни ҳамиша жиддий бўлишга, ўзларини худди ёш болалар катталарга тақлид қиласигандай ҳамма жойда расмий қиёфада кўрсатишга, шундай юриш-туришга мажбурловчи қонун мавжуд бўлса?

Наҳотки менинг мамлакатимда ёшлар қолмаган бўлса? Эҳ, улар қанча эди-я!

¹ Хизматкорларнинг олдида бундай гапларни гапирмаслик керак.

Наҳотки биз ҳаммамиз дунё елкамизга жуда мухим бир мажбуриятни юклаб қўйди, деб ўйласак?

Қўлимдаги вискини ичиб, газакка майиз ейман. Инженер Родригеш менга қараб кулими сирайди.

– Дўстим, ўттиз йил аввал бундай меҳмонхоналар йўқ эди, уларнинг пайдо бўлиши... ҳар ҳолда ёмон эмас.

Атрофга қараб, француз аёлларини кўраман, Фернанданинг меҳмонлариға назар соламан. Жиддий жанжалли тўфон яқинлашиб келаётгани аниқ: инженер Родригеш, қайнонам ва уйкусираб ўтирган оркестр жонимга тегди. Бу ердан тез чиқиб кетгим, кўчага чиқиб, узоқ-узоқларга, масалан, Хитойга кетворгим келиб кетди. У ерда бир нималарга ишониб яшайдиган одамлар бор.

Кўп ичиб қўйдим. Бунга ўрганган эмасман. Бутун вужудимни асабий бир ҳолат чулғаб олмоқда. Ичим қизиб турибди.

Кўйлагим ёқалари остида бироз уриниб колган эски қадрдоним – йўл-йўл гулли галстугимни тақаман.

Йиғлагим келади. Бундан нима фойда? Аммо, барибир, йиғласам дейман. Шунчаки бўлса ҳам.

Бўйнида йўл-йўл гулли галстуғи бор эркакка айланаман ва Фернандадан мен билан рақсга тушишини сўрайман. У ўрнидан туради ва менга чирмашади.

– Сендан жуда хурсандман, онамнинг гапларига ғашинг келмаганига. Бу осон бўлмагандир?

– Йўғ-е, Фернанда, қийин бўлгани йўқ.

– Иккимиз тўғримизда жуда кўп ўйладим. Бир жиҳатдан, мен ютқазибман. Бир жиҳатдан олганда, албатта.

– Нимани қўзда тутаяпсан?

– Никоҳимизни.

– Биз одоб қоидаларига амал қиласар эканмиз, бу ҳеч кимни қизиқтирумайди. Бу дунёда мухим деб ҳисобланган ҳамма нарсаларнинг замирида одоб қоидаларига амал қилиш ётади. Қадим замонлардан бери одамлар айни шундай яшашади.

– Жуда кўп ичибсан...

– Нега буни айтаяпсан?

– Яхши кайфиятинг мени алдай олмайди. Кўп ичсанг хурсанд бўласан. Биз анчадан бери эр-хотинмиз. Буни унутма.

Бўйнида йўл-йўл гулли галстуғи бор эркак чекиниб, Фернандани қўйнидан озод қиласди. Залнинг ўртасига бориб ҳаммага эгилиб, кўримли қуллуқ қиласди. АлмирANTE Рейш театрининг расмий маросимларни бошловчи ходими ҳаваскорлик театрининг ўртамиёна актёрини томошабинларга тақдим этаётib ёки буниси энди аниқроқ ва энг ёмони – қишлоқ сиёсатдони Лиссабондан келган таниқли сиёсатшуносни у қишлоқ ахолисининг ютуқ ва муаммолари мавзусидаги маърузаси олдидан уни тингловчиларга таништирганидагина шундай қуллуқ қилиши мумкин.

– Ўзимни таништиришга ижозат бергайсиз. Мен Фернанданинг эри бўламан. Кўпроқ исча куладиган, аммо бундай қилишига етарли асослари бор эрман. Шундай эрманки, ўз даврамнинг типик вакилиман, ўзимни бемалол “*civis Iusitanus sum*”¹ деб таништиришим ҳам мумкин. Ўз ҳаётидан

¹ Мен Лузитания фуқаросиман (лом).

мамнун, омади келиб учраган меҳрибон хотинидан бағоят хурсанд, аммо ундан қутулишни жуда-жуда истайдиган, шундай бўлса-да, ҳаёт лаззатларидан баҳраманд бўлишда давом этаётган эрман. Бунинг сабаби... бунинг сабаби... шундай дейишади-да...

Фернанда бўйнида йўл-йўл гулли галстути бор эркакка хавотир билан қарайди.

– Ўлай агар, жуда кўп ичибсан. Ишқилиб, буни бошқалар сезишимасин-да.

Бўйнида йўл-йўл гулли галстути бор эркак яна бир бор таъзим қилади.

– Эй Худо, Худо яратган одамлар, инсон бўлиб вояга етишлари мумкин бўлган одамлар бугун қандай аҳволга тушишганини, қандай қиёфаларга кириб олишганини Худо ҳам, бошқа ҳам – ҳеч ким кўрмасин, билмасинда. Яратган эгам билмаслиги мумкин эмас, аммо... бугун одамлар шу қадар тубанлашганки, билмаса яхши эди-да. Фернанда, сен тушундингми? Бугунги аҳволимиз ҳақида қандай қўшиқ кўйлаш лозимлигини биласанми? Бу қўшиқ: “Эҳ, бизга Худонинг раҳми келсин, қаҳри келмасин...” деган сўзлар билан бошланиши керак.

Иккимиз инженер Родригеш ўтирган стол ёнидан ўтамиз. У бизга мамнун қарайди ва Фернанда билан чиройли рақсга тушганимизни айтади.

– Ёшим бўйича отангиз тенги одамман, шу маънода айтишим керакки, сизларни мамнун ҳолда қўриш жуда ёқимли. Ишонинг, чиндан ҳам рақсга тушишни қойил қилдингиз.

Бўйнида йўл-йўл гулли галстути бор эркак кулимсираб жавоб қилади:

– Бизга ўхшаган бахтли жуфтликни ўттиз йиллар чамаси кўрмаган бўлсангиз керак?

Инженер ажабланиб елкасини қисади, бизнинг соғлиғимиз учун қадаҳ кўтаради. Айни пайтда у ножоиз сўзлари учун бўйнида йўл-йўл гулли галстути бор эркакни унинг ёшлиги ва атрофда одамлар борлиги учун кечирганини билдириб қўйишини ҳам унутмайди...

Ётоқхонамдаман. Бу ерга киришим билан хонани олов ўраб олаёт-гандай бўлади. Кўчанинг нариги бетига ҳайхотдай реклама тахтасини ўрнатишган, унинг неон чироқлари ҳар саккиз дақиқада ўчиб-ёнади. Ҳар саккиз дақиқада хонам дўзахнинг оловидай қизил рангга бўялади. Гардеробнинг ойнасида, лакланган полда рекламанинг сўзлари тескари тарзда шуълаланади: “акетопИ”, “акетопИ”...

Ойнадан қараб, реклама сўзларини тўғри ўқиши мумкин: “Ипотека. Кредитга автомобиль сотиб олиш”.

Ётоқхонам кора, қизил рангларга тўлиб, ажабтовур манзара ҳосил бўлади. Костюмимни стол устига ташлайман. Кроватнинг четига ўтириб, ботинкамни ечаман. Ойнада аксимини кўраман: танам ерга эгилган, ботинкамнинг пошнасидан ушлаб турибман.

Ўзларини ўта муҳим шахс, алоҳида зот деб ҳисоблайдиган, бошқаларникидан тамомила ажралиб турадиган шим киядиган одамлар ҳам кечкурун кроватнинг бир четига ўтириб, ботинкалари, шимлари, пайпоқларини ечишармикин? Бу ишни ўzlари қилишармикин? Агар, шундай бўлса, нега энди димоғдорлик қилишади?

Эшик тақиллади. Жавоб беришга улгурмай хонага Фернанда ичкийимда кириб келади. Ундан атир ҳиди анқийди. Юзи помидордай қипқизил.

– Кирсам бўладими?

- Кириб бўлганингни ҳисобга оладиган бўлсак, саволинг ўринсиз.
- Сен билан гаплашмоқчиман.
- Гапир.
- Сен ҳамма нарсани чигаллаштириб юборасан, фойдаси йўқ. Мен сен билан гаплашиб, қандай аҳволда эканлигимни сенга тушунтироқчиман, ўзингнинг аҳволинг эса ўзингга маълум.
- Қулғим сенда.
- Мен яна бир бор иқрор бўлдимки, сен оила аъзоларимни ва оилам билан боғлиқ ҳамма нарсаларни ёмон кўрасан.
- Шундай деб ўйлаётган бўлсанг, хато қиласан. Мен оила аъзоларингни ёмон кўрмайман.
- Фикримни тугатишга имкон бер. Илтимос, умрингда бирор марта бўлсин, гапимни бўлма. Охиригача айтиб олай. Мен сенга севгим туфайли турмушга чиққанман. Буни яхши биласан. Сени севганман, ҳозир ҳам севаман. Умид қиласанки, бу масалада сен алданаётганинг йўқ. Такрор айтаман: сени севганман ва севаман ҳам. Сен яна шуни биласанки, мен сенга ота-онамнинг раъига қарши туриб бўлса-да текканман. Улар бу никоҳ яхшиликка олиб бормайди, дейишганди. Ҳақ бўлиб чиқишиди.
- “East is east and west is west and never...”¹
- Фикримни бўлма деб илтимос қилдим. Мен сен билан танишганимда ёш эдим, ҳаётнинг нималигини тушунмасдим. Биласан, сен ҳозир кулиб, бу ибора кўк муқовали романда бор, дейсан.
- Ҳамма нарсалар қандай бошланган бўлса, шундай тугайди.
- Яна фикримни бўляпсан. Майли, билганингдан қолма. Мен қандай тарбия олганимни ҳам яхши биласан. Иккаламиз ҳам биламизки, мендаги ижобий нарсалар, шубҳасиз, менинг ота-онамдан олган тарбиям, келинлик давримда мен амал қилган қоидалар, кўп эркаклар ўз хотинларида кўришни хоҳлашган фазилатларга эга бўлиш учун қилган ҳаракатларим маҳсули. Шундайми? Буни сен билмаслигинг мумкин эмас. Сендан яширмоқчи эмасман: сен ўшанда ўзингни тутишинг билан мени ром, кўзларимни кўр қилиб қўйгандинг. Сендаги барча нарсалар мен учун янгилик эди. Суҳбатларимиздаги бошқаларникига мутлақо ўхшамайдиган гояларинг, кувноқлигинг, самимилигинг ва... бугун энди тамомила бошқача одам бўлиб қолганинг. Буни ўзинг ҳам тасаввур қилолмайсан...
- Реклама шуъласида Фернанда ётоқхонам хоналари каби гоҳ қизил, гоҳ қора ранг тусини олади. Мен хонанинг доимо қора рангга буркаладиган бурчагида ўтирибман. Қизил шуъла оёқларимнинг учигагина тушади. Фернанда кроватда, худди рангли фильмлардаги кадрдай ўтирибди. Нега энди у менга ваъз ўқиди?
- Мен сен билан бирга бўлишни, сендан қолиб кетмасликни хоҳладим. Имконим борича ҳаракат қилдим. Менга ишон, бу ишнинг уддасидан чиқа олмадим, чоги... Сенинг қандай одамга айланиб қолганингни кўрганимда бунинг учун худди мен айбордрай ҳис қиласан ўзимни. Негалигини билмайман. Сенинг маҳзунлигингда ҳам айбим бордай. Ҳаммасига бир ўзим айбордрай... Сен билан нималар бўлаётганинг ҳаммасига... Аммо, бу ҳали энг ёмони эмас.
- Фернанда паст овозда йифлай бошлайди.
- Агар билсанг, биз бутунлай бошқача яшашимиз, бошқача бўлишимиз мумкин эди. Сен мени севишингга, севгингда барқарор туришингга умид

¹ Шарқ бу – Шарқ, Фарб – Фарб, улар ҳеч қачон... (инел).

қилса бўларди. Сен аёл кишининг тун кечалари кроватда ёлғиз ўзи ётиши нималигини тушунмайсан. Бу ҳолатни кўриб, сезиб турган хизматкор аёллар нигоҳидаги ажабланишни ҳаёлингга ҳам келтира олмайсан. Уларнинг ҳамма нарсадан хабардорлигини-чи? Нима бўлишига қарамай, мен ҳаракат қилдим, умид қилдим, уриндим...

Реклама шуъласи кроватда титраб, тўлғониб йиглаётган Фернанданинг гавдасига тушади. Деворда “Ипотека” сўзи тескари бўлиб кўринади. Бечора Фернанда, бечора ўзим. Ўрнимдан туриб, унинг ёнига ўтираман. У бошини ёстиққа буркаганча давом этади:

– Ажрашишимиз мумкин эмас, аммо сен шуни хоҳлайсан. Иккимиз икки томонга бурилиб кетайликми? Мен нима қилишим, қаерга боришим керак? Ота-онамнинг олдига борайми? Сен менинг шунча йил бирга яшаганимиздан кейин уйимга қайтишимни хоҳлайсанми? Шу хақда ўйлаганмисан? Сен, ўзинг нима қиласан, нима қилмоқчисан? Яхши биласанки, мен бошқа бирор билан турмуш қуришни, янги ҳаёт бошлишни мутлақо хоҳламайман. Сен бўлса мени жаҳаннамга раво қилмоқчисан. Аммо... бу ҳам муҳим эмас. Агар менда...менда... қолганида борми, бу азобларга ҳам рози бўлардим, йўқ, йўқ...

Фернанданинг соchlарини силайман. Унда ҳам, менда ҳам бирор тўхтам йўқ. У ҳам, мен ҳам бирор нарсада айборд ёки гуноҳкор эмасмиз. Ҳар иккимизда келажак ҳам йўқ. Аминманки, бугунги кунимиз ҳам йўқ хисоби.

Фернанда азоб билан давом этади:

– Менинг диним ажралишга изн бермайди, буни сен яхши биласан. Изн берганида ҳам мен... ҳеч қачон... Энди эса... қонун изн бериши учун, agar шундан бошқа йўл қолмаса, керакли ишни қилишим мумкин. Мен учун қайси йўл тўғрилигини билмайман: шундоқ ҳам йўқотиб бўлган кишимни йўқотишми ёки сен мен билан ажраша олмаслигинг учун ҳам яшаётганингни билган ҳолда бир умр хўрланишми? Мени шу нарса – мен сенинг бор-йўғи қонунда қўзда тутилган хотининг эканлигим, бошқа ҳеч ким эмаслигимни билганим, agar биз қонун исканжасига тушиб қолмаганимизда бошқалар каби яхши яшшимиз мумкинлиги қийнайди. Сен нима деб ўйлайсан – бошқача яшшимиз мумкинми? Иккаламизнинг аҳволимиз нақадар аянчли эканини тасаввур қиласанми? Мен фақат ва фақат бир нарса ҳақида ўйлайман: биз баҳтли бўлишимиз мумкин эди. Ўтмишимиздан ҳеч нарса қолмади. Ҳаммаси сароб бўлиб чиқди.

Реклама шуъласида қизил рангга бўялган кроватнинг бир четида ўтириб, деворда “Ипотека” сўзини тескари ўқиганча Фернанданинг бошини силайман.

Майли, кўнглини бир ёзиб олсин.

Изтироб яна хуруж қиласди. Фернанда бошини чойшабга уриб хўнграйди.

– Тушунмайман, тушуна олмайман. Ҳеч нарсага ақлим етмай қолди. Сен ва мен, agar билсанг, шунчаки икки кишимиз. Икки киши... бошқа ҳеч нарса эмас. Бир-бири билан боғланмаган, бир-бирига даъвоси йўқ, меҳр-оқибати ҳам йўқ, биргаликда амал қилиши лозим бўлган қоидалари, ҳаётлари учун зарур бўладиган foялари ҳам йўқ одамлармиз. Қонун эмиш... сенинг принципларинг, менинг тарбиям... Айт-чи, буларнинг ҳаммаси... тасаввур қилайлик – бўлмаганида, биз яхши яшармидик? Мен нимани хоҳлайман? Нима хоҳлашимни билганимда эди. Онам ҳамиша тарбияли

бўлиш, белгиланган тартибларга риоя қилиш лозимлигини уқдиради. Бу тартиб-қоидаларни ким жорий қилган ўзи. Қонунми? Ёки қонун даражасидаги принциплардан келиб чиқадими бу талаб? Агар кимдир аввалдан белгилаб қўйган таомилларга қатъий амал қилиш шарт бўлса, нега энди ўша қоида ва таомилларнинг ўзи бизда, масалан, сену менда йўқ? Йўқ нарсага қандай қилиб амал қилиш мумкин?

Фернандага нима жавоб қайтаришни билмайман, аммо... нималардир дейишим керак-ку...

– Ҳаммаси сен ўйлаганингдан кўра мураккаброқ, Фернанда. Ўта мураккаб. Чуқурроқ ўйлаб кўрилса, қонун ва принциплар хушхулқиликнинг ўзига хос формаси эканлигини тушуниш мумкин. Одамлар қонун ва принциплар яшириб турган нарсаларнинг ҳаммасига амал қилиш лозим, деб ҳисоблайдилар. Уларни принциплар қизиктирмайди. Принциплар муаммонинг юзида, холос. Мен сендан бир нарсани сўрамоқчи эдим. Сен менинг бугунги аҳволимни кўриб, мен билан бирга ўтган умрингга ачинишингни, тазарру қилишингни айтаяпсан. Бунга ҳожат йўқ. “Сендаги ўзгаришлар мени шу аҳволга солди”, дея ўйлашинг ҳам керак эмас. Бу фикрга қўшила олмайман. Бундай эмас, бундай бўлмаган. Биз ўйлаганимиздан ҳам мураккаброқ...

Фернанда мени тузоққа туширмоқчи бўлади.

– Хўш, унда нима. Э Худо, нима учун шу ҳолга тушдик?

Чойшаб ёпиб, Фернанданинг ёнига ётаман. Ётоқхона деворлари қизил рангга бурканади.

Эркаклар йиғлашмайди. Эркаклар йиғлашмайди...

* * *

Ҳар куни, ҳатто якшанбада ҳам эрталаб соат саккизда турман. Но-таниш одамлар олдида майиз емайман. Одам деган шунака “коидали” бўлиши ҳам керак-да. Ўрнимдан турман-да, ойнани ҳам очмай, Фернанда уйгониб кетмаслиги учун, оёқ учида юриб, ваннахонага йўл оламан.

Ҳар кунгидан кўра кўпроқ ювинаман. Бунга сабаб бор.

Мен бугун Фернанда билан ётдим.

Ўзимга ўзим хиёнат қилдим.

Ўзимни ўзим кечира оламанми?

Ётоғингга аёл киши кириб келса, ўзида бор нарсанинг ҳаммасини сенга бахшида этиб турса, бундай саҳоват, бундай умумжаҳоний совғани рад қилиш қийин.

Бундай қилмай, Фернандани ўзининг ётоғига чиқариб юборганимда нима бўларди? У ўзининг гулли ички кийимида, бўйини эгиб, аёллик шаъни қандай таҳқирланаётганидан тўкилаётган кўз ёшлирини мендан яширганча хонамдан жимгина чиқиб кетарди.

Мен-чи?

Тонггача эгилган қадди кўз олдимдан кетмас, уни тушунмаганим, озгина бўлса-да, меҳрибончилик қилмаганим учун азобланиб чиққан бўлардим.

Фернанда уйғонмасидан аввал, уйдан кўчага чиқаман. Мизерикордъя кўчасидан пастлиқ томонга юра бошлайман. “Флор ду Мунду” магазинидан майиз сотиб оламан.

Қизиқ, бирга ўтказган тунимиз ҳақида Фернанда нималарни ўйлаши мумкин?

Мен у билан муносабатимни яхшилашим мумкинлигиними? Эҳтимол, эрим, Худога шукур, инсофга кела бошлабди, дер ўзича.

Бугун яна ётоқхонамга кириб келса-я.

Учтўртта майизни оғзимга соламан.

Бугунги тунни бошқа бир жойда ўзказганим маъқул бўлса керак. Кечроқ унга қўнғироқ қилиб, Португа хизмат сафарига кетаётганимни айтаман. Бирорта тинишимни учратиб, у билан сухбат асносида бир муддат Фернанда ва у билан боғлиқ ҳамма нарсани унтиши илинжида “Бразилейра” кафесига кираман. Ичкарида бирорта ҳам таниш қиёфа йўқ. Ташқарига чиқиб, Нова-ду-Алмада кўчаси бўйлаб юраман. Чорраҳадан Муқаддас Николай кўчасига буриламан. “Мерриндинья” кафесига кириб, бир финжон қаҳва буюраман. Пештахта ёнига жойлашиб олгач, кулогимга қаҳва ичиб ўтирган икки кишининг овози эшитилади.

– Бу ишни яна айлантиrsa бўларди. Аммо векселимнинг муддати тугаб қолди-да. Улар кафолатчини сўраб қолишли.

– Нима, топа олмадингми?

Бу савол ориқ, қўлда ўралган сигарани буркситиб чекаётган пакана кишига берилиди. У жавоб беришга шошилмади, елкаларини қисиб, оғзидан паға-паға тутун чиқаради, бу дунёда кафолатчилар кўчаларда тўда-тўда бўлиб юрмаслигини уқдирмоқчидай бўлди.

– Йўқ, топа олмадим. Сенингча, қаердан топишим мумкин эди ўша кафолатчини?

– Родригешни танийсанми?

– Иккита таксиси бор Родригешними?

– Унинг акаси, Рибейреда дўкони бор.

– Йўқ, таниш эмасман.

– Бу одам векселларнинг муддатини узайтириш билан шуғулланади. Бекорга эмас, албатта. Ишингни битириб берса, комиссияга эмас, унга бирор нарса берарсан?

Қаҳванинг ҳақини тўлаб, кўчага чиқаман. Бу ерда тасодифий одамларни учратиш қийин: асосан эски пойабзалларини ялтиллатиб тозалаган олифтанамо нусхалар, улар бу ерда банк қоғозларини тўлдиришни билмайдиган ёки бутунлай саводсиз одамларни учратиб, ўзларича ҳожатбарорлик қилмоқчи бўладилар.

Кимдир елкамга қўлини кўяди. Ёш йигит, қўлида эски ёзув машинкаси.

– Сизга қriminal регистрнинг сертификати керак эмасми?

– Йўқ, керак эмас.

У бир сўз ҳам демай мендан узоқлашади ва кўчани кесиб ўтади.

Бошқа бир нусха менга илашади. Ўрта ўшларда, костюми алламбало, эски кўк кўйлагига янги ёқа қадалган. Шундай қилса, кўйлагининг умри узаяди, деб ўйлади.

– Мабодо нотариус керак эмасми? Балким гувоҳларга эҳтиёжингиз бордир? Жиддий айтаяпман, бу ерда анча йиллардан бери ишлайман...

Кўчанинг нариги бетида ёзув машинкали йигит топган мижози билан гаплашиб турибди. У бошига шолрўмол ўраган бир неча аёлларни ўзи билан эргаштириб, кўчанинг паст томонига юради-да, бир зумда кўздан фойиб бўлади.

Мен ҳам кўчани кесиб ўтиб, бурчакдаги Лузалита дўконнинг пештахаси ёнида тўхтайман.

Нова-ду-Алмада ва Муқаддас Николай кўчалари кесишган бу чорраҳа жуда чиройли. Бу ердан бирор марта ҳам уч-тўрт дақиқа тўхтаб ўтмаган эканман.

Атрофга боқаман. Одамларни кузатаман, улар қандай яшайдиганларини тасаввур килишга ҳаракат қиласман. Кўзим янги адвокатимга тушади.

У Муқаддас Николай кўчаси бўйлаб юқорига кўтарилиб келмоқда эди. Қўлида мантия – роҳиблар ридоси, худди бир чақирик масофани чопиб ўтгандай, оғир нафас олади. Орқасидан чиройли бир қиз келмоқда. Адвокатнинг портфелини кўтариб олган.

Юқоридан туриб, уларни кузатаман.

Адвокат бошини қуёй солганча аста юриб келмоқда. Қорни гоҳ ўнгга, гоҳ чапга селкиллайди. Вақти-вақти билан тўхтаб дам олади. Ёнидан одамлар ўтиб боришмоқда. Улар қайрилиб, адвокатга салом беришади, у бўлса дарҳол бошидан шляпасини олади, нотаниш одамларни учратгандек, шляпасини кўлга олишининг ўзи саломга алик дегандай, бошини сал қимирлатиб қўяди, холос.

Ёнимдан худди мени кўрмагандек, кўрса ҳам, ўзини иши бошидан ошиб ётган, ҳатто кўчада ҳам бир дақиқа бўлсин чалғишига вақти йўқ кишидек кўрсатиш учун бепарво ўтиб кетади.

Бу одамда ўзини бошқаларга таъсирини ўтказа оладиган, қўли узунлигини кўрсатиш учун зарур бўладиган ҳамма нарсалар бор. Бунга шубха қилмаса ҳам бўлади.

– Жаноб адвокат...

У тўхтайди. Атрофига қараб, менга қўзи тушади. Танийди. Жиддий нигоҳи билан менга ўхашаш мижозлари қўплиги, уларни бир-биридан ажратиш мушкул ишлигини намоён этмоқчи бўлади.

Менга ажиб табассум билан қарайди. Бу билан ёдида қолганимни, аммо кимлигимни аниқ айта олмаслигини билдиради. Икки қадам юргач, кутилмаганда мен томонга ўгирилади ва дарҳол таний олмаганига узр сўрайди. Беш-олти дақиқа сўзлашганимиздан кейин у мендан фабрикаларим тўғрисида сўраб қолиши мумкин. Шундан қўрқиб турибман.

Йўлнинг ўртасида тўхтаб, менга яна кулимсираб қарайди ва мен томонга юради.

– Маъзур тутгайсиз, ишонишингиз қийин, аммо мен сизни бирданига танимабман. Иш қўплигидан миям ачиб ётибди. Кўчада кетаётib ҳам, бир муаммо хусусида ўйлаб келаётган эдим. Сизга яқинлашганимдагина ёдимга тушдингиз. Дарвоқе, фабрикаларингиз ишлаб турибдими?

Туриш-турмушнинг кундалик эҳтиёжлари ичига ғарқ бўлган бундай нусхаларнинг ҳаммаси бир гўр...

У қўлимдан ушлаб, юқори томонга юра бошлайди. Афтидан, шу ҳолда кўчани кесиб ўтиб, суд биносига етиб олмоқчи. Аммо... бирданига фикри ўзгаради. Бу пайтда судларда полиция билан боғлиқ ҳар хил майда-чуйда ишлар кўрилади. Шундай ишлардан бирида қатнашиш учун келганини билишимни хоҳламади чоғи.

– Сиз бу ерга суд мажлисида нутқ сўзлаш учун келдингизми?

– Мен қатнашишим лозим бўлган ишни суд мажлиси дейиш унча тўғри бўлмайди. Бу биз жиддий шуғулланишимиз зарур бўлган муҳим ишлардан бири, тушунгандирсиз?

– Тўғриси, тушунганим йўқ.

– Уйимиз эшик оғасининг ўғли билан боғлиқ муаммолар пайдо бўлган. Сиз, дўстим бундай ҳолларда ёрдам беришни истамасам мен ҳакимда қандай гаплар тарқалишини яхши биласиз: гўё мен нафси ҳакалак отган наҳангман, катта пулли ишларни қўлга оламан, холос. Хуллас, дўстим, мен скautлар тили билан айтганда, савобли иш билан бандман...

Суд биноси эшигига етиб келамиз. Тўхтамиз. У менга ўгирилиб, қўлинни узатади.

– Мана, етиб ҳам келдик, дўстим. Сизнинг вақтингизни олмоқчи эмасман. Қачон учрашишимиз мумкин. Балким эртага...

Атайн ғашига тегмоқчи бўламан.

– Ижозат берсангиз, сизни ичкарига кузатиб қўйсам. Қиладиган ишим йўқ. Суд йиғилишида қатнашсам дегандим...

Бу сўзларимдан, сезиб турибманки, у безовта бўла бошлайди. Менинг йиғилишда қатнашишимни мутлақо истамайди. Ажабтовур баҳоналарни ўйлаб топади. Қўлидаги портфелида ўта муҳим хужжатлар борлигини айтиб, мен билан гаплашишга бошқа вақти қолмаганини писанда қиласди.

Мен қайсарлик қилиб, сўзимда туриб оламан.

Биз деворлари кўк рангли расмлар билан безатилган йўлак бўйлаб борамиз. Зинадан аста юқорига кўтарилимиз. Адвокат зина майдончасида тўхтаб, менга тушунтира кетади:

– Агар билсангиз, дўстим, бу кичик, арзимас бўлиб кўринган ишларнинг биз учун аҳамияти жуда катта. Шу ишлар боис, биз appellация берганда ёки Олий судда учрашиб қолишимиз мумкин бўлган судьялар билан алоқа ўрнатамиз... Мен жиноий ишлар билан мутлақо шуғулланган эмасман. Аммо... баъзан айрим арзимас “дело”ларни қўлга олишимга тўғри келади, ўшанда ҳам ҳаётий ҳақиқатлардан узоқлашиб кетмаслик, бунинг учун эса осмондан сал пастроққа тушиш учун шундай қиласман... Иккинчидан, шу ишлар сабабли янги судьялар билан танишиб оламан.

Зинадан кўтарилишда давом этамиз. Кенг вестибуолга кирамиз. Бирданига қилаётган ишимдан ўзим уялиб кетаман. Шу жойнинг ўзида, вестибуолда адвокат билан хайрлашиб кетворгим келади.

Одамнинг бирор камчилигини сезиб, уни юзига солиш – шахсий ҳаётига аралашиш, гарчи бу иш анча қизиқарли бўлса ҳам, ёпик қозоннинг қопқонини кўтариб, ичida нима борлигини кўришдек уятли иш. Кимнингдир сирини билиб олиб, буни унга сездириш эса ўта пасткашлик. Бунинг ўрнига, мен ўзимни қанча сўраса шунча тўлашга қодир бой-бадавлат мижоз қилиб кўрсатиш имтимони тўғрирок бўлади. Нима бўлганда ҳам, адвокатларга ҳурмат билан қараганим маъқул.

Мен унга маълум принципларга амал қиласлик даражасига етмасдан ҳам кўзланган мақсадга эришиш мумкинлигини англишиш керак, холос.

Нозик жиҳатлар кўп-да.

Чўнтагимдан майиз олиб, оғзимга соламан.

Умуман олганда, инсоний фазилатларни сақлаб қолишдан ташқари биз яна нима қилишимиз керак?

Уйга қўнғироқ қиласман. Гўшакни Фернанда кўтаради.

– Сенмисан?

– Ҳа, менман. Кечки овқатга келасанми?

– Кечки овқатга ҳам, уйга ҳам келолмайман, азизам. Портудаги агентлик билан боғлиқ муаммолар чиқиб қолди. Ўша ерда бўлишим керак. Ҳозирнинг ўзида йўлга чиқаман. Машинада бориб, эртага қайтаман. Бу ҳақда сенга аввалроқ айтмоқчи эдим, аммо иложи бўлмади.

– Жомадонингни нарсаларинг билан жўннатайми?

– Йўқ, азизам, менга ҳеч нарса керак эмас.

– Ишончинг комилми?

– Албатта.

* * *

Уйда тунамаган эркак нима қиласди? Табиийки, меҳмонхонага йўл олади. Машғул бўладиган бирор иши йўқ одам, бошқалар аллақачон уйига қайтиб, газеталарга кўз югуртириб бўлган, уйкуга ётишга хозирлик кўраётган пайтда қандай йўл тутади?

Мен шаҳарнинг ўртасида архитектура санъатининг ўта ноchor кўриниши сифатида қад ростлаган “Эдем” кинотеатрига бораман. Қандай фильм намойиш қилинишининг аҳамияти йўқ, вақтни ўтказсам бўлди.

Авенида бўйлаб юқорига кўтарилеман. Уйқум келаётгани йўқ, қайси меҳмонхонада қолишимни ҳам билмайман. Майер парки ёнига яқинлашганимда бир финжон каҳва ичгим келади. Бу ерда қаерга жойлашишда эҳтиёт бўлганим дуруст.

Тўхтаб атрофга назар соламан.

Қаҳвахонанинг олдида баҳоси анча баланд бўлган эски мотоцикл ва автомобиллар турибди. Аммо улар эскилик сарқити сифатида куладиган даражада эски эмас.

Усти очиладиган “зингер”лар, олти-етти йиллик “MG”лар, ўриндиклари леопарднинг терисини эслатувчи мато билан безатилган янги “ламбретто”лар кўзга ташланади.

Бундай машиналар Майер истироҳат боғига туташ кварталларда ва қаҳвахона ёнида одамларнинг диққатини ўзига жалб этади. Ўз вақтида улар кўча-кўйда кайфичнолик қилиб юрадиган болаларга тегишли эди. Уларнинг бугунги эгалари ҳам шундай бўлишга интилишади.

Бу ердаги ҳар бир машинанинг саккиз юз ёки тўққиз юз эскудолик ойлик, аммо тўхтовсиз ошиб борадиган, ҳар ойнинг сўнгги куни, охирги дақиқасида тўланадиган харажат бадаллари бор: Кипарик ва Сан-Жулианда-Барра пляжларига бориш, Алентежунинг семиз аҳолиси – улар учун яна бир шиша “Байрада” шампан виноси, паст сифатли яна бир-икки қадаҳ виски, Арейруда яна бир квартира, яна бир-икки жуфт пошнаси баланд, бурни учли туфли учун пул тўлашга ҳам тайёр.

Атрофга назар солар эканман, кундалик ҳаёт тарзига айланиб қолган бу юмушларга нафратим ошади. Кимнидир бирор гуноҳи ёки номақбул иши учун аниқ айблай олмасам-да, кўнглим айнийди, деворга қараб қусворай деб турибман.

Кабарега кириб, бирор нарса ичмоқчи бўлдим. Менга мақбул келмаётган бу дунёни, у қандай бўлса, шундайлигича қабул қилишим учун ўз устимда ишламоқчиман.

Мен ўзимни ким деб биламан?

Наҳотки мен бошқалардан кўра яхшироқ бўлсам? Бошқалар уларни кўлидан ҳеч вақо келмайдиган содда-сўтак деб ўйламасликлари учун маъшуқаларини Сан-Жулиан-да-Барра пляжига олиб борадиган, қўл панжалари билан тик турга оладиган, футбол ўйнайдиган, олдига ва орқасига бир хил тезлиқда югурадиган, бўлар-бўлмас баланд овозда гапирадиганлардан ҳам-а?

Қаҳвахонага кираверишда турган “зингер”ларнинг эгаларидан ҳам-а?

Залнинг ўртасида эр-хотин рақсга тушишмоқда. Хотини ўзига яхшироқ қараса, бундан-да чиройли кўриниши мумкин эди. Мўйловли эри португалиянинг тунги кўнгилхушликларни ёқтирувчи ёшлари орасида урфга айланган, деярли расмий кийиниши формаси бўлиб қолган кулранг “ried de pioLe” костюмда. Улар рақснинг анча машаққат билан ўрганган мураккаб ҳаракатларини ижро этишмоқда. Ҳар иккиси бу ернинг доимий мижозларига ўхшайди. Назаримда, улар ўзларини юқори табақага мансуб деб биладилар.

Вужудимни чарчоқ қоплаб олади. Сабабини тушуна олмайман.

Виски буюраман.

Зинадан бир гурух йигит-қизлар тушиб келишади. Йигитлар олинда – улар бу ерда қизларнинг ростмана дам олиши учун шароит бор-йўқлигини билишлари керак. Қизлар бўлса атайлаб, бошқаларнинг эътиборини тортиш учун ҳам хандон отиб кулиб келишмоқда. Қизлардан бири, яхшиси йигитнинг ўйига борсак, у ерда яхши мусиқа тинглаш мумкин бўларди, деган гапи ҳам қулгига сабаб бўлади.

Янги келганлар жойлашишмоқда. Ўида яхши мусиқаси бор йигит ҳам уларнинг орасида. Ҳаммалари бу ерга шунчаки спортча қизиқиш билан киришганини яширишмайди. Аслида улар, агарки ўзларида хоҳиши бўлса, мириқиб дам оладиган жойларни яхши билишади. Шундайку-я, лекин бундай жойларга асло боришмайди.

Менинг ўзим билан ўзим ўйнайдиган ўйинга ўхшаш бугунги ҳолатим – одамларнинг бир нималар тўғрисида қандай фикр билдиришларини, қаҷон бир-бирларига кулимсираб қараашларини аввалдан билиш, тахмин қилиш сира ёқмайди.

Ҳаммадан ажраб, якка-ёлғиз бўлиб қолишимдан қўрқаман, аммо, не-гадир, бу ўйинда асло ютқизмайман. Нега энди одамлар мен аввалдан биладиган ишларни қилишади, менга аниқ бўлиб турган гапларни гапиришади? Нега шундай?..

Яна виски буюраман.

Ёнимга ташқаридан ҳозиргина кириб келган икки жуфт эр-хотинлар келиб ўтиришади.

Мен уларнинг суҳбатларини тинглашни мутлақо хоҳламайман. Аммо бунинг иложи йўқ.

Эркак ҳамроҳларим бу ердаги жинсдошларидан фарқ қиласди: улар мўйлов қўйишмаган, кулранг костюм ҳам кийишмаган. Шеригидан сал қаттарори иккинчисига тушунтиради:

– Шунаقا жойларни жиним сўймайди. Нега энди бу ерга келдик?

Иккинчиси жавоб қайтаради: – Сен ўзи нимани хоҳлайсан? Аёл кишининг калласига бир нима ўрнашиб олса, минг уринганинг билан ундан қутула олмайсан. Агар хотинларимиз бу кабарени келиб қўришмаса, бизни тинч қўймасликларини ҳам яхши биласан. Бу ер ёмон жой эмас...

— Майли, сенингча бўлақолсин, аммо бу ерга бирорта танишимиз кириб қолса-чи?

— Биз ҳозиргина кирдик. Ярим соат ўтирамиз-да, кетамиз. Бу ерда бундан ортиқ қолиш мумкин эмас.

— Менга қолса, бу ердан ҳозироқ кетардим. Кимдир мени кўриб қолса, эртага қўчада ёнимдан кўзини қисиб ўтади, деган хавотирдан сочим тикка бўлиб кетяпти.

Бундай одамлар йўқ жойдан муаммо қидиришади. Ўзларини эркин тутишади, уларга кимликларини айтиб ўтиришнинг ҳожати йўқ. Кўнглимга бир фикр келди: уларнинг ғашига тегиб, ҳовурларини сал пасайтириб қўйсам-чи?

Бу ерда бирор танишини кўриб қолишдан ҳадиксираб турган кишига ўтириламан-да, кулимсирайман. У ҳам менга қараб кулимсирайди. Мен худди уни анча вақтдан бери биладигандек, кўзимни қисаман. У қўрқиб кетади. Тескарига ўтирилиб, худди хеч нима бўлмагандай тутмоқчи бўлади ўзини.

Орадан ярим соат ўтиб, улар кетишади.

Мен виски буюраман. Бир дона майиз ейман.

Ёнимга қора юбка, сарик блузка кийган қиз келиб ўтиради. Бу кийим унинг ошқовокқа ўхшаш бўлиқ кўкракларини янада викорли қилиб қўрсатади.

Ўрнимдан туриб, зинадан юқорига кўтариламан. Официантлар таъзим қилиб мен билан жуда жозибали хайрлашишади.

Кўча совук.

Театр эшикларидан, яқинроқ бориб тикилсангиз, вужудларига витамин етишмаётгани шундоққина кўриниб турган хор қўшиқчилари чиқиб келишади. Уларни паст бўйли, ориқ, тор почали шим, бурни учли туфли кийган йигитлар олиб кетишади. Нимада денг, “зингер”, MG ва пулининг эндингина учдан ёки тўртдан бир қисмигина тўланган, ўриндиқларига леопарднинг териси ёпиштирилган “ламбретт”ларда.

Қаҳвахона эшиги олдида иккита машина қолди. Улардан бири қора “кадиллак” тротуарда турибди. Ичкаридан иккита хор қўшиқчилари чиқишишади. Ҳайдовчи эшикни очади. Кўшиқчилар ўтиришади. Улардан бири ўтиришдан олдин ҳайдовчининг юзидан ўпиб қўяди. У хурсанд бўлиб, аёлга бир нималар дейди, нималар деганини тушунмайман. Улар ўртасида шунчаки, худди яхши хизматкор аёл билан хўжайнин ўртасидагидек дўстона алока мавжудлиги кўриниб турибди.

Тун совук. Осмонда бир парча ҳам булут йўқ.

Осмонга қараб, милтиллаётган юлдузларга қарайман.

* * *

Мехмонхонада ҳам соат саккизда уйғонаман. Ўрнимдан турман, аммо оғисга боришга шошилмайман: у ерга Фернанда келиб қолса, менинг Лиссабонда эканимни билиб қолади, деган хавотирим бор.

Оуру кўчасидан пастга қараб юриб, сартарошонага кираман. Ёнимга хўппасемиз, соchlарини бўяган маникюрчи аёл келади-да, кўлимдан ушлаб ётаклайди. Унинг айтишича, тирноқларимни парваришилаш лозим эмиш. Йўқ, керак эмас, дея креслога чўкаман. Сартарош соқолимни олгучиша ҳамкасби билан Мадридга боргани тўғрисида бетўхтов гаплашади.

“Мана буни шаҳар деса бўлади”.

Креслога асойдил суяниб, кўзларимни юмаман. Аммо ҳамкасларнинг сўзлари барибир эшитилиб турибди. Энди улар бу ердан бир ой олдин бўшаб кетган маникюрчи аёл хақида сўзлашишмоқда.

– Эҳ, аёл бўлганимда борми... Сен Линдага бир қара. Мен у билан кинога борғанман. Унда сен хоҳлаган нарсаларнинг ҳаммаси бор: квартираси бинойидек, телевизор, хизматкор аёл, йўлакда машина... Афтидан, жаноб доктор унга “карманн-гиа”¹ совға қиласди. Ҳаётдан яна нима кутиш мумкин?

– Буларнинг ҳаёти қандай тугаши, келажакда уларни нималар кутаётгани маълум.

– Келажаги дейсизми? Қанақа келажак? Ўша сиз айтган келажак со-дир бўлганида, бу капалакларнинг банқдаги ҳисоб рақамида беш марта-лик пул реформасига ҳам бас кела оладиган маблағ бўлади. Аммо у доктор билан узоқ вақт бирга бўлади, деган ҳаёлга бормант... Ҳали кўрасан, бу танноз узоққа боради. Эҳ, аёл бўлганимда борми? Ҳозирнинг ўзида “карманн-гия”м бўларди-я...

* * *

Терройро-ду-Пасуда

Дон Жозе хўжайнларини идораларга олиб келадиган автомобилларни кутиб турибди.

Соҳилда дарёнинг нариги қирғоидан келган кемалардан тушаётган одамлар тўлқини кўзга ташланади. Улар кўчани кесиб ўтадилар-да, Аугуста деган жойдаги тор кўчаларга сингиб кетадилар.

Ортиқ тоқат қила олмайман. Фернанда билан гаплашишим керак. Мен бир қарорга келишим, аникроғи, шундай ечим топишим керакки, у ҳар иккимизга ҳам маъқул келсин. Нега энди биз бирга яшашимиз керак? Адвокат билан яна бир марта гаплашиб олсан, яхши бўларди. Иккимизга тегишли муаммонинг бирон-бир хуқукий ечими бўлиши керак-ку.

Балким Римга борарман? Аммо... нима мақсадда бораман? Орқамга қайтиб, Байшедаги “Марказий” қаҳвахонага кираман. Адвокатга қўнғироқ қилиб, учрашувимиз вақтини келишиб оламан. У энди менинг саноат соҳасида ишлашимни, фабрикаларим борлигини билади. Демак, мен буёғига у билан бемалол, ҳеч бир қийинчиликсиз, бош директор хонасидаги йиғилиш тугашини кутмай ҳам учрашув белгилай оламан.

Ҳаётнинг бунақангидек икир-чикир ўйинлари одамни ўлдиради, ичичидан емиради, ўзи билан ўзи колишига йўл қўймайди. Аммо... кўнизишдан бошқа чора йўқ.

Агар бу “ўйин”ларда иштирок этмасам, мени жарликка улоқтириб юборишиди.

“Флорешта ду Жингал”да тушлик қиласман. Иштаҳа йўқ. Аммо қаттиқ бифштекс ва яхши пиширилмаган картошкани чайнаб, қонхўр одамлардай роҳатланаман. Йўл-йўл гули галстук тақадиган эркак бор-ку, ўша менинг иккинчи бўлагим, мени таҳқирлашни яхши кўради. Бифштекс қаттиқ. Олдингми, ейсан энди, хомкалла! Ўзингча “Мен бошқачаман, бошқаларга ўҳшамайман, менда қалб бор, ғуур бор”, дея олифтагарчилик қиласан. Баъзи қилиқларинг лицейни янги тугаллаган ўқувчининг

¹ “Фольксваген” маркали автомобилнинг спортча модели.

хом-хатала қилиқларига ўхшаб кетади. Муросага кел, шундайлигингни тан ол, бифштексингни бошқалар каби мақтаб-мақтаб тановул қил, гердайма, ҳамма ўйинчилик қиляптими, сен ҳам кўшил... Дунё “ўйин”ни биладиган, тушундиганларга тегишли, содда-сўтакларга, ўзини покиза деб кўрсатадиган муғомбирларга эмас. Ўйинга кўшил, хумпар. Сен, хеч бўлмаганда, бу ишларнинг ўйинлигини, ҳамма жойда гап ўйиндан бошланиб, ўйин билан тугашини биласан, бу хусусда ўзингга ўзинг ҳисоб бера оласан-ку. Аммо...

Агар мен ўзимга ўзим ҳисоб бера оладиган бўлсан, у ҳолда ўйин деганларига ўзимда бор ва қадрлайдиган нарсаларимни, ўзимнинг бир қисмимни йўқотмай туриб, кира олмайман.

Бу ҳаёлларингни йўқот, тентак...

Бўйнимда галстук, зинадан кўтарилиб, адвокатлар идорасига кираман. У мени дарҳол қабул қиласди.

Адвокат: Марҳамат, ўтиринг дўстим. Жойлашинг. Сизнинг муаммолингиз тўғрисида кўп ўйладим ва фикримча, уни ҳал қилишнинг яккаю ягона йўли – никоҳингизни ҳақиқий эмас деб ҳисобловчи қарорга эга бўлишимиз керак. Бу жуда оғир иш, аммо мақсадга эришилган ишлар ҳам бўлган...

Йўл-йўл гулли галстук таққан киши: Бу тўғрида мен ҳам ўйлаганман, аммо менда уни амалга ошириш учун етарли бўладиган асос йўқ.

Адвокат: Бу иш билан жиддий шуғулланишимиз керак, ўйлашмича, етарли асосни топса бўлади. Табиийки, ҳақиқий асосни. Сиз аллақачон тушунган бўлишингиз керак эдики, мен ноахлоқий,adolatciz қарорларни сизга тавсия қиласди одам эмасман.

Йўл-йўл гулли галстук таққан киши: Худо хайрингизни берсин, Сизнинг кимлигингиз ҳаммага аён, жаноб адвокат. Бу хусусда гаплашмаганимиз маъқул. Мен ҳам бирор кишига нотўғри йўл кўрсатишни ҳеч қаҷон ҳаёлимга ҳам келтирган эмасман...

Адвокат: Табиий. Сиз, ҳарқалай, ўша, биз топмоқчи бўлган асос тўғрисида ўйлаб кўришингиз керак. Бирор қарорга келишингиз билан, олдимга келинг, нима иш килиш кераклигини мухокама килиб оламиз. Сизга тўғрисини айтиб қўйишим зарур: мен, тушунган бўлсангиз, бундай ишлар кўриладиган суд йиғилишларида қатнашмайман. Шу боис, бир ҳамқасбимни ёрдамга чақиришга мажбурман.

Йўл-йўл гулли галстук таққан киши: Нимани лозим кўрсангиз, марҳамат, мен қарши эмасман.

Адвокат: Кеча мен сизга фойдаси тегиши мумкин бўлган асослар рўҳатини тузиб қўйгандим. Аммо... табиийки, қарорни ўзингиз қабул қиласиз. Чунки, бу ишнинг жамики тафсилотларини фақат сиз биласиз...

У менга конверт узатади.

Зинадан жадал пастга тушаман. Бундай бўлишини мутлақо хоҳлаган эмасман. Мутлақо. Бўйнимдаги галстугимни ечиб отиб юбораман.

* * *

Чўнтағимда қолган бир дона майизни еб, кечкурун ётоғимга кираман. Майиз тугади. Тамом бўлди. Мен чарчадим. Бориб яна майиз сотиб олишни хоҳламайман.

Ётоқхонамнинг эшигини очаман. Фернанда шу ерда. У менинг кроватимда ётиибди.

Ухлайпти шекилли.

Балким, унинг хонасига бориб ётганим маъқулдир. Аста орқамга қайтиб, энди эшик олдига келгандим, Фернанда чақириб қолди.

– Сенмисан?

– Ҳа, менман, Ҳозиргина келдим. Жуда чарчаганман.

– Унда ёт.

Кроватнинг чеккасига ўтираман.

Хайриятки, дераза пардалари ёпиқ, “Ипотека”, “Автомобил сотиб олиш учун кредит” деган ёзувлар ташқарида қолиб кетган. Фернанда билан жиддий гаплашиб оладиган пайт!

– Менинг тўшагимда нима қиляпсан?

– Ўтган галгидек... ўзим харакат қилишим керак, деб ўйладим...

– Нега тушунмайсан, Фернанда. Сен қилаётган иш, агар билсанг – фоҳишаликнинг бир тури. Ҳар гал менинг хонамга кириб, тўшагимга ётар экансан, шу иш билан шуғулланаётган бўласан.

– Фоҳишалик билан? Менми? Нима бало, ақлдан оздингми? Эрхотинлигимизни унутганга ўхтайсан.

– Эрхотинликни? Ўртамизда бўлаётган ишларни сен эрхотинлик деб тушунасанми? Йўқ, бундай эмас. Хонамга ўзинг кириб келиб, ёнимга ётдингми, демак, бу – фоҳишалик. Бошқа ҳеч нарса эмас.

– Ҳув ўтган куни кирганим-чи? Сен айтмоқчи, у ҳам фоҳишалик эдими?

– Фернанда, ўтган сафарги иш – иккимиз учун ҳам шармандалик. Ёш бола эмасмиз, муҳаббат билан раҳм-шафқатнинг, ёлғон билан ростнинг фарқини биладиган ёшдамиз, ахир.

– Демак сен... мен билан... менга шунчаки... раҳминг келгани учун ётган экансан-да?

Фернанда кроватда ўтириб, менга тик қарайди. Суҳбатимиз ўзининг кўз илғамас чўққисига етган бундай пайтда бор гапни борлигича айтиш олий раҳм-шафқат хисобланади.

– Ҳа, Фернанда, мен сенга раҳмим келгани учун ёки дўстлигимиз боис шу ишни қилдим. Нима десанг де, майли. Бу иш ҳеч нимани ўзгартирмайди.

Биз бир-биримизга қараб тош қотиб турибмиз.

Фернандага ачинаман. Жуда ҳам ачинаман. Унинг соchlарини силагим, чақалоқдай бағримга босгим, кўлларига конфет тутгим келиб кетди.

Сукунатни Фернанда бузади.

– Бугунги суҳбатимиздан кейин ҳеч нарсага ҳожат қолмади. Айтган гапларинг билан менинг сўнгги умидимни ҳам йўқ қилдинг. Мени нима қилишимни истайсан?

– Билмайман, Фернанда, сенга ёмонлик келтирадиган бирор иш қилиш ниятидан йироқман. Сен ота-онангнинг ёнига қайтишни хоҳламайсан. Буни биламан. Фикримча, биз ҳар иккимизни ҳам қониктирадиган ечим топа олишимиз мумкин. Бу тўғрида қанча ўйламайнин, бирор қарорга кеполмаяпман.

– Сен билан расман ажрашишни хоҳламайман, буни биласан. Сабаби, биринчидан, мен ажрашишга асос бўладиган бирор ножӯя иш ёки гуноҳ қилганим йўқ. Иккинчидан, мен ҳамон сенинг муҳаббатингга қайта сазо-

вор бўлиш ниятидаман. Лекин мен ҳам, сен каби нима қилиш лозимлигини билмайман. Сен билан яшаб кўрганимдан кейин онамнинг дунёсига – валақлашиб ўтириб, чойхўрлик қилиш, карта ўйнаш, кийим-кечак мавзуси, димоғдорлик оламига қайтишни хоҳламайман. Бошқа сабаби, мен ўзим учун ўзим пул топишими зарурлиги руҳида тарбия топмаганман.

– Сенга ўзинг учун пул топишнинг ҳожати йўқ, Фернанда...

– Янглишяпсан. Мен сенинг ҳисобингга яшамаслигим керак. Агар... борди-ю мен кўчадаги... ҳалигиндай қизлардан бири бўлганимда бошқа гап эди. Биргаликда ўтказган кунларимиз менга энди ҳеч қачон, билиб қўй, ҳеч қачон ўзимга келишимга йўл қўймайди. Мен энди онам яшайдиган дунёга ҳам, бошқа ҳеч бир кишининг дунёсига ҳам тааллуқли эмасман.

– Эҳтимол биз, Фернанда, никоҳимиз Римда қонунга тўғри келмайди, деб ҳисоблармиз? Бугун адвокат менга айтдики...

– Буни ҳаёлингга ҳам келтирма. Ёлғон гапиришни хоҳламайман. Ўзимга қарши боролмайман, билдингми! Менинг эътиқодим сўзгина эмас.

– Бу масалани эртага, иккимиз ҳам ҳовримиздан тушгандан кейин муҳокама қилсак дейман.

– Яхши. Эртага гаплашамиз. Биласанми, онам мени кўчада юриб пул топишими учун эмас, оила учун тарбия қилган. Аёл кишининг ёзиғи никоҳ. Мен ўзимга ўзим савол бераман: чиндан ҳам мен никоҳ учун тарбияланганманми? Сенингча, орамиздаги можарода мен мағлубиятга учрадими?

– Йўқ, сен ҳам, мен ҳам айбдор эмасмиз, Фернанда. Аммо... бу ишда мен мағлубиятга учраганим аниққа ўхшайди. Агар мен “ўйин”га мослашиб кетганимда, ҳаммаси бошқача бўлармиди. Менга турмушга чиққанинг сенинг хатойинг бўлди.

– Сен қандай ўйин ҳақида гапиряпсан?

– Биз ҳаммамиз ўйнаётган, аммо менинг жиним сўймайдиган чигал ўйин ҳақида.

Фернанда ёқоқхонамдан чиқади. Унинг кўзларига қараб, хозиргина қотиллик қи лганимни сезиб турибман. Мен ниманидир ўлдирдим. уни энди тирилтириб бўлмайди. Ўлдириш – оғир жиноят.

Ўрнимга ётаман, аммо кўзимга уйқу келмайди. Фернанданинг нигоҳи мени бир умр таъқиб қиласди.

Эртага катта пакетда майиз сотиб олиб, ётоқхонамга яшириб қўяман...

* * *

Соат саккизда даст ўрнимдан тураман. Соқолимни ҳам олмай, зинадан пастга сакраб-сакраб тушаман. Майиз сотиб олишим керак, кейин бироз дам оламан. Фернанда билан яна бир бор гаплашиб олишга тайёрланишим зарур.

Унга қандай таклиф айтишим мумкин? Муҳими шундаки, у мен билан бирга иккимиз учун ҳам маъқул келадиган ечимни топишга рози бўлди.

Адолатли ва муносиб ечим бормикин?

– Менга 250 грамм майиз тортиб беринг.

– Шарқнииданми?

– Йўқ, шарқникини хоҳлаганимда, ўзим айтар эдим.
Қаерга борганим маъкул?
Ўйлаб кўришим керак.

Пастга тушиб, Содре қирғонигача деярли югуриб бораман. Ичимда нимадир мени янада тезроқ югуришга даъват этади. Жуда тез, жуда ҳам тез ечим топишимиз керак.

“Роял” қаҳвахонасига кириб, стол ёнига ўтираман. Қаҳва буюраман, газета сотиб оламан. Ўзимни ўқимишли киши қилиб қўрсатаётгандай вараклай бошлайман. Асабимни тинчлантириш учун аста ўқийман. Тинчланмасам, ечим топишим қийин.

“Диариу дэ Нотисиаш”нинг биринчи сахифаси Ой ва унга томон учишга ҳозирлик кўраётган (ўзлари шундай дейишади) одамларга бағишиланган.

Кулгим кистайди. Болалик йилларимизда газеталар нуқул сайёрапаро саёҳатлар тўғрисида ёзишарди. Бугун бу иш билан катталарга мўлжалланган газеталар шуғулланишмоқда.

Одамларга Ойда нима бор экан-а?

Шу чоққача Ерда одамга ўхшаб яшашни йўлга қўя олмаганлар Ойда бир нимага эришармидилар?

Официант қаҳва олиб келади. Қаҳва идишидаги қандни қошиқча билан эзиз, қаҳва аралаштиргунимча бир дона майизни еб бўламан.

Сахифа четидаги мақола диққатимни ўзига тортади.

Кечқурун мен Фернанда билан гаплашаётган пайтимда Ердан турив бошқариладиган аппарат Ойга етиб борибди.

Мен ўз ҳаётимни сақлаб қолиш учун жиддий кураш олиб бораётган бир пайтда инсоният космос учун курашда биринчи ғалабани қўлга киритибди.

Нима деб ўйлашни ҳам билмайман.

Чиндан ҳам билмайман.

Қаҳвани ичиб бўлдим.

Одамлар ҳаёт бундан кейин ҳам шундай тарзда давом этишини билишмайдими?

Лекин... Наҳотки ҳаёт шундай давом этаверса?

Наҳотки йўл қўяётган хатоларимизнинг салбий оқибатларини тасаввур этишга қодир бўлмасак?

Ўз ҳаёти учун курашда мағлуб бўлган одам космос учун курашда ғолиб бўлиши мумкинми?

Оддий инсоний ҳаёт учун мингларча курашларда-я?

Корним очгани йўқ, аммо тушлик пайти бўлди.

Моллюскалардан таёrlанган бир бало таомга буюртма бераман. Жуда bemaza, аммо вақтни ўтказиш учун аста кавшанаман.

Ўйга толаман, аммо канча кўп ўйлаганим сари, мен ва Фернанда учун мақбул ечимни топишининг иложи йўқлигига амин бўла бошлайман.

Чарчадим.

Адвокатнинг олдига боришга ҳожат йўқ. Ечимни ўзим топмасам, бошқа бирор мен учун топиб бермайди.

Ҳисоб-китоб қилиб, ташқарига чиқаман.

Кун бўйи ўйладим, бошимни қотирдим, аммо ҳеч нарса топа олганим йўқ. Мизерикордъя қўчасидан юқорига кўтарилеман.

Бошимга оғриқ туради.

Ёнимдан одамлар, автомобиллар ўтиб боради. Тўхтовсиз оқим бошимни янада қаттиқ оғритади.

Уйга бориб, ўзимни ўриндиққа ташлайман. Дам олишим керак. Фернанда билан гаплашмайман. Нимани ҳам гаплашар эдик.

Балким эртага...

Худойим, ўзинг йўл бер... Шундай ниятни қаердадир эшитганман.

Беихтиёр осмонга қарайман. Юқорида Ой, одамлар унга томон биринчи қадамни қўйишиди. У ерда ерликлар ўз қўллари билан яратган, ниманингдир устидан голиб чиқиши ниятида ўйлаб топилган нималардир бор.

Янги уйга кўчиб ўтаётганимизда эски уйнинг поли ва деворларини тозалаб кетамиз. Мана энди, бошқа сайдёра томон интилаётган эканмиз, Ерга сал бошқачароқ муносабатда бўлишимиз, уни ювиб, тозалаб, тартибга келтириб, одамлигимизни унутмай, яшаш учун яроқли ҳолга келтириб қўйишимиз лозимдир?

Шундай қилишимиз керак.

Худойим, ўзинг инсоф бер.

Аммо бунга менинг ҳаётлигим пайти эришиш қийин. Биздан кейин фарзандларимиз биз саронжом-саришта қилиб қўйган Ерда бемалол яшади, демоқчи бўламан, аммо менда фарзанд ҳам йўқ.

Ўзим яшайдиган қўчага буриламан.

Худди байрам бўлаётгандай, эшигимиз олдида турган қўплаб машиналарга қўзим тушади.

Жуда ҳам чарчаганман.

Тақдиримга тан берганим ҳам аниқ.

Бир иш қолмади.

Мен ва Фернанданинг муаммосини ечиб бўлмайди, чунки у бошқа муаммолар билан боғланган.

Балким, ечимни бугун, менинг ҳаётлигимда топиб бўлмас, кейинчалик эса...

Ким билади дейсиз...

Зинадан аста кўтарилиб, уй эшигини очаман.

Үйимиз тўла меҳмон.

Бу – Фернанданинг найрангги бўлиши мумкин, чунки меҳмонларнинг олдида кечаги мавзуни кўтариб бўлмайди.

Меҳмонхонага кираман. Диванда қайнотам ва қайнотам мотам либосида ўтиришибди. Юзлари бирор яқинини йўқотган кишиларникидай сўлғин.

Уларга яқинлашаман. Қайнотам хўнграб йиғлаганча ўзини қўксимга ташлайди.

Нималар бўляпти ўзи?

Эҳтимол, улар Ойни ўзлаштириш қандай салбий оқибатларга олиб келишини билиб... Шунинг учун йиғлашаётгандир? Шунинг учун ўзларича мотам тутишаётгандир?

Йўқ, бундай эмасга ўхшайди. Ишқилиб, тинчлик бўлсин-да.

Ўзини қўксимга ташлаб увиллаб йиғлаётган қайнотамнинг елкаси оша менга яқинлашиб келаётган қайнотамга кўзим тушади. Юзи шу қадар қаҳрлики, у мен унинг қизига уйланган бўлсан ҳам, сеньорларга ўхшаб кийиниб юрсам ҳам уни ҳеч қачон алдай олмаслигимни, аслида икки пулга қиммат ипирисқилигимни юзимга очиқ айтишга чоғланган кезлари шундай ҳолга тушарди.

Чиндан ҳам, бу ерда нималар бўляпти ўзи?

Бирор кор-ҳол юз берганга ўхшайди, деган ҳаёл келди кўнглимга. Бирданига шундай бўлса керак, дея ўйланана бошладим.

Фернанда қаерда?

Қайнотам мени қўйвориб, ёнимда изиллаб йиғлаб турибди.

Нихоят, қайнонам тилга киради.

– Келганингиз яхши бўлди, биз сизни тўрт соатдан бери қидирамиз.

– Нега энди? Тинчликми? Фернанда қаерда?

Қайнотам муштларини янада қаттиқ тугиб, дод солиб йиғлай бошлайди.

– Фернанда нега кўринмаяпти? Қаерда у?

Қайнонамнинг қиши қаҳридай совуқ овози эшитилади:

– Фернанда энди сиз уни бошқа безовта қиломайдиган жойда.

Бир зумда ҳаммаси равшан бўлди.

Фернанда оламдан ўтибди.

Нима бўлганини билмайман, аммо мен уни ҳеч қачон қўра олмасам керак.

Қайнонам азабаройи ғазабга тўлиб, дараҳтларни қўпоргудай, ҳосилни нобуд қилгудай овозда давом этади:

– Эшиздингизми ўзи? Эшиитмаган бўлсангиз, билиб қўйинг: Фернанда яхши одамлар сафиға бориб қўшилди. Сиз уни энди ҳеч қачон безовта қила олмайсиз.

Кўзимни катта очиб, менга қаҳр билан қараб турган мотам либосидаги аёлни кўраман. У менга яқинлашиб, кичик тугунчани узатади.

– Бу Фернанданинг сизга сўнгги совғаси. Олинг. Сизга экан. Машина уриб кетганида қаерга бораётганини биласиз. Билмасангиз... билиб қўйинг...

У тугунчани менга узатади, аммо қўли қалтираб тугунча тушиб кетади. Ерга энгашганча янада баттар йиғлай бошлайди. Тугунча столнинг оёғига урилиб очилиб кетади.

Майиз полга сочилади.

Бир неча доналари ботинкамнинг ёнигача етиб келди.

Шахд билан ўтирилиб, коридорга чикаман. Одамлар саф бўлиб туришибди.

Ётоқхонамга кираман. Деразани очаман.

Фернанда ҳалок бўлибди.

Эҳ, Худога ишонмайдиган одамлар ҳам бор-а.

Худо ёдимга тушади. Ҳозир нималар ҳакида ўйлаётман? Наҳотки шу фожиа сабаб эркинликка эришганим учун ундан миннатдор бўлаётган бўлсам?

Одам дегани шунчалар ҳам тубанлашиши мумкинми?

Ҳаёт бизни не қўйларга солади-я!

Фернанда менга майиз сотиб олмоқчи бўлган. У сотиб олган майиз доналари ботинкамнинг олдигача етиб келди.

Ўзимни кроватга ташлайман. Ҳеч қачон ўзимдан ўзим бу қадар нафраланган эмасдим.

Эркаклар йиғламайди.

Улар йиғламайдилар.



SHE'RIYAT MINTAQALARI



РОБЕРТ РОЖДЕСТВЕНСКИЙ

(1932–1994)

*Рус тилидан
Музаттифархон МАМАТХОНОВ
таржимаси*

* * *

Кичик бир
бешафқат заминда
Яшаб ўтар эди
кичик бир одам,
Кичик эди унинг
ши лавозими
Ихчамгина эди
портфели, ҳатто
Маоши ҳам
шунга яраша.
Күнларнинг бирида –
Сокин саҳарда –
Деразасин чертиб
чорлади, ногоҳ
Кичикдай кўринган
даҳшатли уруши...

Кичик бир автомат
берилди унга.
Кичик бир этик ва
кичик бир каска
Кичиккина шинел
бўйига мослаб...

Аммо у йиқилгач бехос,
тўсатдан,
Хужумга ташланиб
хайқирган чоги,
Ёвга гижинганча
бўлиб қолгач жисим
Етмади ер юзин
мармар тошлиари
Бўй- бастига ҳайкал
ўймоқлик учун!

ЖОКОНДА

Қанчалар кўп
 билар мен ҳақда
бу аёл!..
Сезаман:
Пистирма
гижирлар
ҳар ён!
Таралгай шамолнинг хушибўй ифори.
Ранг олар қорамтири шарбатдек дарё.
У менинг беҳаёғ фикримга,
Ёнрилар хаёлий, қиров мисоли.

У жойда – имкон йўқ ўтмоқлик учун,
 Жонсиз ўт-ўланлар, чакалакзор гиж.
 У жойда изгири гунг шафқатсиз қўрқинч.
 У жойлар гўёки ярим тундан сўнг
 Хувиллаб қолгандай суронли вокзал.
 У келиб урилар кўзга тиг каби,
 бехосдан кўрининган шарна галма-гал!..
 Буларнинг ҳаммаси айтилган унга.
 Пичирлаб,
 бўрттириб,
 ҳайрат шавқида...
 Қанчалар кўп билар бу аёл
 менинг ҳақимда!..
 Шаббода кўтаргай боғ қадларини,
 Кутура бошлагай мушуклар...
 Ва биз яна росладик, мана
 Товусларнинг нозик патларини.
 Гоҳ тўю томоша, гоҳида аза
 Узилиб, узилиб ўтгайдир йиллар...
 Биз эса у ҳақда – кўз қисиб ҳамон
 Дегаймиз: эй гўзал!
Юр!
 Юргин! – шарқироқ оқимлар томон.
Юр! – елвизак сари.
 Шошил! – тунги майхоналар
 ланг очиқ, ахир!
 Бизнинг измимизда уларнинг бари
 Чириб кетмагунга қадар бу аср!..
 У эса хоҳламас сўзлашни.
 Боқар юксакдан.
 Чорасиз.
 Киборли ...
 Тақдир ўти аччиқ,
 аримайдир, бас.
 Қанчалар кўп билар бу аёл,
 фақат индамас.

ВАҚТ НИСБАТИ

Юлдузлар сочилар тўсатдан
 Гўёки бебоибоқ оломон,
 Ёзингми, қишининг қоқ белида
 Куз пайдо бўлгандай ногаҳон.
 Гарчандки икки пок юракнинг
 Беозор уриши муҳимдир,
 Ундан-да муҳимроқ, сабаби
 Муқаррап бу – вақт нисбати.

Мен оддий яшадим, жўнгина
 Ва бефарқ бўлмадим севгига,
 Шеър ёздим сен учун беминнат
 Юборгум яна ўн саккиз хат.
 Сен бирдан олмайсан уларни
 Боиси бу – вақт нисбати.

Югургим иўл бўйлаб тонг саҳар
Гар нафас олсам-да оғирроқ,
Ўзимни ишончга тўлдириб,
Тошириб боргайман мен бироқ.
“Севаман” деб қандай қичқирай,
“Севаман” дейшишинг маҳолдир,
Олисдир туйгулар, сабаби
Шубҳасиз бу – вақт нисбати.

Йўлимни тўсадир кун нури,
Тўсадир бетинум шамоллар.
Қўрқитмоқ бўладир, йўлимга
Ғов бўлиб баҳайбат гунг тоғлар.
Кўз туттма, қўнгироқ қилмайман,
Сабр қил, бу тақдир қисмати,
Мен четлаб ўтаман говларни
Беилож қолар вақт нисбати.

* * *

О, шоирлик иши!
На мисралар тўқис,
На сатрлар соз...
Кўнинкан ўқувчи,
Чидар оқ қогоз.
Истаса ўтказар
галвирдан сувни,
Истаса ёзайми
Уними, буни,
дека беҳафсала
ўтказар кунни.
Қофия баҳсини
ўйнар истаса,
Ё қилиши мумкин
унинг аксини.

Шундай телбаликлар
қиласки, ҳатто
Ҳайратдан танқидчи
оғзини очиб,
Унутар юмишини,
Эс-хуши қочиб.
Насиб этган унга
шундайин амал.
Мен-чи, қандай ростгўй
бўлай ҳар маҳал?
Қандай кирсам бўлар
Эшикни қоқмай
Уйларингизга.
Қандай кирсам экан
Қитмирликларсиз
Юрагингизга?!

—



БЕРТОЛЬД БРЕХТ

(1898–1956)

СИЧУАНДАН ЧИҚҚАН МЕҲРИБОН¹

(пьеса-парабола)

*Рус тилидан
Жамол КАМОЛ
таржимаси*

VI

Шаҳар чеккасидаги арzon ресторанинг алоҳида хонаси. Официант тўйга келган меҳмонларга шароб қуяди. Шен Де ёнида қария, келинчак, қиз жсиян, Шин ва ишисиз киши туришибди. Бурчакда ёлгиз Бонза кутиб ўтирибди. Олдинги планда Сун онаси Ян хоним билан гаплашмоқда. У қора смокингда.

СУН. Ойи, бир оз нохушлик юз берди. У ўзига хос соддалик билан, дўёнини сотолмайман, деди. Қандайдир кишилар у қарзга олиб, сенга берган икки юз кумуш долларни талаб қилишибди. Амакиваччаси қарз учун орада тилхат йўқ, деб ўзи менга икрор бўлган эди.

ЯН ХОНИМ. Сен унга нима дединг? Сен, албатта, унга уйлана олмайсан.

СУН. Бу гапларни унга гапириш фойдасиз. У жудаям тўмтоқ. Мен амакиваччасига киши юбордим.

ЯН ХОНИМ. Амакиваччиаси уни сартарошга бермоқчи-ку.

СУН. Мен бу гапларга барҳам бердим. Сартарошнинг ҳам қораси ўчди. Энди амакиваччиаси ҳам ўйлаб кўради, бас, икки юз кумуш доллар менинг қўлимдада экан, дўёнининг ҳам куни битди, у берилган қарз учун гаровга олинади. (Лекин у яна ўйлайди) Тағин уч юз олмасам, мен учолмайман.

ЯН ХОНИМ. Чиқиб, мен уни кўчада пойлаб тураман. Сен келиннинг ёнига бор, Сун!

ШЕН ДЕ (*томушибинларга*). Мен унга ишониб, адашмадим. У кайфиятини сира бузмади. Албатта унга учишдан воз кечиш оғир. Лекин у ўзини тетик тутаяпти. Мен уни севаман. (*Бошишораси билан Сунни ўз ёнига чақиради*) Сун! Сен келин билан ҳали қадаҳ уриштирмадинг.

СУН. Хўш, нима учун ичамиз?

ШЕН ДЕ. Келажак учун.

Ичадилар.

¹ Давоми. Бошланиши ўтган сонда.

СУН. Күёв костюмни ижарага олиб юрмасин.

ШЕН ДЕ. Келин гоҳи ёмғирда қолиб, кўйлаги ивиса ҳам майли...

СУН. Энг яхши орзулар учун!

ШЕН ДЕ. Улар тезроқ рўёбга чиқсин!

ЯН ХОНИМ (*ташқарига чиқаётib, Шинга*). Мен ўғлимдан беҳад хурсандман. Мен унга ҳамиша, истаган қизингга уйланасан, деб айтар эдим. Нега дейсизми? Ахир, у механик ва учувчи. У ҳозир менга нима дейди денг? Ойи, мен севиб уйланаяпман. Пул бу ҳали ҳамма нарса эмас. Бу – севгига суянган никоҳ! (*Келинчакка*) Бир кун эмас, бир кун шундоқ бўлиши керак-ку.

Шундоқ эмасми? Аммо онага осон тутманг. Ҳа, осон эмас. (*Бонзага, баланд овозда*) Жоним, жудаям шошилаверманг. Маросимни ўтказишга кетган вактингиз қадар вақт сарфлаб, ҳақингиз учун талашсангиз, шубҳасиз, у анча ортган бўларди. (*Шен Дега*) Биз бироз кутамиз, азизам. Мўътабар меҳмонлардан бири ҳали келмаган. (*Ҳаммага*) Узр. (*Кетади*)

КЕЛИНЧАК. Май бор экан, кутаверамиз.

ИШСИЗ. Шошилиб, қаёққа ҳам борамиз.

СУН (*баланд овозда, ҳазиломуз*). Никоҳ олдидан сени бир имтиҳон қилиб кўрмоқчиман. Никоҳлар яшин тезлигида ўтказилаётган ҳозирги замонда бу иш фойдадан холи эмас. (*Меҳмонларга*) Хотиним қанақа одам ўзи, мен билмайман. Мана шу нарса мени ташвишлантиради. Ҳўш, айтичи, уч дона чой баргидан беш пиёла чой тайёрлай оласанми?

ШЕН ДЕ. Йўқ.

СУН. Демак, мен чойсиз қолар эканман. Ҳўш, кафтдек курсига чиқиб, ёта оласанми?

ШЕН ДЕ. Иккимизми?

СУН. Ёлғиз ўзинг.

ШЕН ДЕ. У ҳолда – йўқ.

СУН. Мана, пешонамга қандай хотин битганини кўриб қўйинг.

Ҳамма кулади. *Шен Денинг елкаси оша, эшикда Ян хоним кўринади. У кутилаётган меҳмондан дарак йўқ, деб Сунга елкасини қисади.*

ЯН ХОНИМ (*соатини кўрсатаётган Бонзага қараб*). Намунча шошиласиз? Яна жиндак кутамиз, холос. Қаранг, ҳамма ичиб, чекиб ўтирибди, ҳеч ким шошилаётгани йўқ. (*Меҳмонлар ёнига келиб ўтиради*)

ШЕН ДЕ. Ишни саронжомлашни бир гаплашиб олсакмикин?

ЯН ХОНИМ. О, марҳамат қилиб, бугун ишдан оғиз очманг. Тўй совиб қолади, шундоқ эмасми?

Кўнгироқ чалинади. Ҳамма ўғирилиб эшикка қарайди, аммо ҳеч кимдан дарак йўқ.

ШЕН ДЕ. Ойинг кимни кутаяпти, Сун?

СУН. Бу ҳозирча сир. Айтмоқчи, амакиваччанг Шой Да қайларда юрибди? Биз у билан чиқишиб қолдик. Жуда ақлли йигит! Калласи ишлайди! Нега индамайсан?

ШЕН ДЕ. Билмадим. Мен у ҳақда ўйлашни истамайман.

СУН. Нега энди.

ШЕН ДЕ. Сен у билан чиқиши маслигинг керак. Мени севсанг, уни севомайсан.

СУН. Унда амакиваччангни жин урсин. Қани, ич! (*Зўрлаб ичиради*)

КЕЛИНЧАК (*Шинга*). Тўйга ўхшамаяпти.

ШИН. Сиз нима деб ўйловдингиз?

БОНЗА (*шартта ўрнидан туриб, Ян хонимга яқинлашиб, унга соатини кўрсатиб*). Мен кетишга мажбурман, Ян хоним. Бугун яна битта тўй бор, эртага эрталаб дафн маросими.

ЯН ХОНИМ. Пайсалга солиб ўтириш менга хуш ёқади деб ўйлайсизми? Биз бир кўза шароб етади, деб ўйлагандик. Қаранг, кўза бўм-бўш. (*Баланд овозда Шен Дега*) Ҳайронман, азизим Шен Де, амакиваччанг нега бизни шунча куттириб қўйди?

ШЕН ДЕ. Амакиваччам?

ЯН ХОНИМ. Азизим, биз ўшани кутаяпмиз. Мен эски расм-русумлар тарафдориман, шундоқ яқин қариндошинг тўйда бўлиши шарт.

ШЕН ДЕ. О, Сун, бу ҳалиги уч юз кумуш доллар учун!

СУН (*унга қарамай*). Нима учунлигини эшитиб турибсан. У эски расм-русумларни севади. Мен буни ҳисобга олишим керак. Яна чорак соат кутамиз, келмаса, жин урсин, ўзимиз бошлайверамиз!

ЯН ХОНИМ. Албатта, ҳамма эшитган бўлса керак, ўғлим почта самолёти учувчиси бўлиб ишга жойлашяпти. Бу мени кувонтиради. Бу замонда ишлаб, кўпроқ пул топиш керак.

КЕЛИНЧАК. У Пекинда яшайдими?

ЯН ХОНИМ. Ҳа, Пекинда.

ШЕН ДЕ. Сун, энди Пекинга боролмайман деб ойингга айтишинг керак.

СУН. Агар гапларинг бир жойдан чиқса, буни унга амакиваччанг айтади. Менимча, у бошқача фикрда бўлса керак.

ШЕН ДЕ (*кўрқиб*). Сун!

СУН. Сичуанин кўрарга кўзим йўқ! Кўз киримни ташласам, бу ердагилар, биласанми, менга нима бўлиб кўринади? Қирчанги от бўлиб. Улар бошларини у ёқдан-бу ёққа силтагани-силтаган: вой, устимизда нима тарақлаяпти? Йўғ-ей? Биз энди керак бўлмай қолдикми? Бу қанақаси? Вактимиз битдими? Майли, улар бу ўлакса шаҳарда бир-бирини гажийверсинг! Биз бу ердан чиқиб олсак, бас!

ШЕН ДЕ. Аммо мен пулни қайтариб бераман, деб ваъда қилдим.

СУН. Буни боя айтдинг. Шундоқ нодонликка борасанми, а? Яхшиям, амакиваччанг келади. Ич ва ишни қандай битиришни бизга қўйиб бер! Биз ҳаммасини тинчтамиз.

ШЕН ДЕ (*жигигибайрон бўлиб*). Ахир, амакиваччам келолмайди!

СУН. Нега келолмас экан?

ШЕН ДЕ. У ҳозир бу ерда йўқ.

СУН. Хўш, унда айт-чи, энди қандоқ яшаймиз?

ШЕН ДЕ. Ўйлайманки, сенда анави икки юз кумуш доллар турибди. Уни эртагаёқ эгасига қайтариб, тамакини сақлаб қоламиз, тамаки қиммат, уни цемент заводи дарвозаси олдида пуллаймиз. Йўқса, ярим йиллик ижара ҳақини тўлаб бўлмайди.

СУН. Буни каллангдан чиқар! Тамом, унут! Мен, учувчи Ян Сун, кўчада, цемент заводи ишчиларига тамаки сотаманми? Ундан кўра ўша икки юз кумуш долларни бир кечада совуришим ёки сувга оқизишим афзал эмасми! Амакиваччанг менинг кимлигимни билади. Мен у билан келишганман, у тўйга деб яна уч юз келтиради.

ШЕН ДЕ. Амакиваччам келмайди.

СУН. Келади, келмай иложи йўқ.

ШЕН ДЕ. Мен бор жойга у оёқ босмайди.

СУН. Фалати-ку!

ШЕН ДЕ. Сун, қулоғингга қуйиб ол: у сенга дўст эмас. Сени мен севаман. Амакиваччам Шой Да ҳеч кимни севмайди. У менга дўст, аммо дўстларимга дўст эмас. У учувчи бўлиб жойлашарсан, деб чол-кампирнинг пулинин олишингга рози бўлди. Лекин тўйга деб у уч юз кумуш доллар келтирмайди.

СУН. Нега келтирмас экан?

ШЕН ДЕ (унинг кўзларига тикка боқиб). Унинг айтишича, Пекинга ёлғиз битта чипта олганмишсан.

СУН. Кечча шундоқ бўлган эди, аммо бугун мен унга кўрсатишмумкин! (Кўкрак чўнтағидан иккита қоғозни чала-ярим чиқазади). Кампир кўриб қолмасин. Пекинга бир жуфт чипта, иккимизга. Сен ҳали амакиваччанг бизнинг никоҳимизга қарши деб ўйлайсанми?

ШЕН ДЕ. Йўқ, учувчилик – яхши касб. Менинг энди дўконим йўқ.

СУН. Сени деб мебелни сотдим.

ШЕН ДЕ. Бас, бошқа гапирма! Билетларни кўрсатма! Ҳозир шундоқки, ҳамма нарсадан кечиб, сен билан кетиб қолишим ҳеч гапмас. Оҳ, Сун, сенга уч юз доллар беролмайман, чол-кампирни ўйласанг-чи!

СУН. Сен мени ўйласанг-чи!

Пауза

Яхиси, ич! Ёки сен эсли-хушли хотинларданмисан? Менга ақлли хотин керак эмас. Мен ичсам, гўё яна учаман. Сен ҳам ич, балки шунда тушунарсан мени.

ШЕН ДЕ. Мени тушунмайди деб ўйлама, сен учмоқчисан, мен эса ёрдам беролмайман, мана шуни тушунмайсан.

СУН. “Мана, самолёт, севгилим, лекин битта қаноти бор!”

ШЕН ДЕ. Ҳалол йўл билан Пекиндаги ўша жойга жойлашиб бўлмайди. Шунинг учун мен ҳалиги икки юз кумуш долларни қайтариб олишим керак. Ҳозироқ пулни бер, Сун!

СУН. “Ҳозироқ пулни бер, Сун!” Нималар деяпсан? Менга хотинмисан ёки йўқ? Мени сотаяпсан-ку, наҳотки тушунмасанг? Ҳайриятки, баҳти-мизга, бу ёғи сенга боғлиқ эмас, ҳаммаси аллақачон ҳал қилиб қўйилган.

ЯН ХОНИМ (совуқ оҳангда). Сун, келиннинг амакиваччаси келади деб ишонасанми? У бу никоҳни истамайди, шунинг учун ҳам келиши даргумон.

СУН. Нималар деяпсиз, ойи! Биз у билан шундоқ қалинмизки, орадан қил ўтмайди. Мен эшикни ланг очиб қўяман, токи у дўстининг тўйига келиб, бизни дарҳол топиб олсин. (Эшикка бориб, уни тепиб очади. У кўп ичиб қўйган, енгил чайқалиб изига қайтади, Шен Денинг ёнига ўлтиради) Кутамиз. Амакиваччанг сендан ақллироқ. Севгини ҳаётдан ажратиб бўлмайди, деб жуда тўғри айтди. Энг муҳими, бу ишлар оқибатида ҳам эрсизу ҳам дўконсиз қолишингни у яхши билади.

Ҳамма кутади.

ЯН ХОНИМ. Келаяпти!

Оёқ товушлари эшишилади, ҳамма эшикка тикилади, оёқ товушлари узоқлашиади.

ШИН. Жанжал бўлади. Сезаяпсизми? Келин тўйни, куёв унинг амаки-вачасини кутаяпти.

СУН. Амакивачча жаноблари шошилмайдилар.

ШЕН ДЕ (*секин*). Оҳ, Сун!

СУН. Чўнтағимга бир жуфт чиптани солиб, саноқни ҳам билмайдиган бир нодон билан қаққайиб ёнма-ён ўтиришимни қаранг! Бир кун эмас, бир кун полицияни уйимга бошлаб келиб, мендан икки юз долларни талаб қилишингни олдиндан кўриб турибман.

ШЕН ДЕ (*томошибинларга*). У яхши одам эмас, менинг ҳам шундок бўлишимни истайди. Уни севадиган мен ёнида ўтирибман, у эса амакиваччамни кутади. Аммо менинг атрофимда аламзадалар – касалманд чолу кампир, эртага дўкон эшигига бир коса гуручга қўз тикиб турувчи камбағаллар, иш жойим қўлдан кетмаса эди, деб қўркиб-қалтираб юрувчи пекинлик нотаниш учувчи ўлтиришибди. Улар ҳаммаси менга суюнади, шунинг учун мени муҳофаза этади.

СУН (*ишиша қўзага тикилиб қарайди, қўзада шароб қолмаган*). Шароб солинган қўза – бизнинг соатимиз. Биз камбағал кишилармиз, меҳмонлар шаробни ичиб тугатишибди, демак, соатимиз энди бутунлай тўхтаб қолибди.

Ян хоним унга “жим бўл” деб ишора қиласди, яна оёқ товушлари эши-тила бошлайди.

ОФИЦИАНТ (*киради*). Яна шароб келтирайми, Ян хоним?

ЯН ХОНИМ. Йўқ, менимча етади. Шароб кишини бўшаштириб юбо-ради, шундоқ эмасми?

ШИН. Пули ҳам озмунча эмасдир.

ЯН ХОНИМ. Мен шароб иссан, нуқул терлайман.

ОФИЦИАНТ. Унда ҳисоб-китоб қила қолайлик?

ЯН ХОНИМ (*унга қулоқ солмай*). Жаноблар, яна жиндак сабр. Келин-нинг қариндоши ҳозир йўлда бўлса керак. (*Официантга*) Халал берма!

ОФИЦИАНТ. То ҳисоб-китоб қилинмас экан, мен ҳеч кимни қўйиб юбора олмайман.

ЯН ХОНИМ. Мени бу ерда ҳамма танийди.

ОФИЦИАНТ. Шунинг учун ҳам қўйиб юбора олмайман.

ЯН ХОНИМ. Тавба! Бугунги хизматкорлар шунаقا! Сен нима дейсан, Сун?

БОНЗА. Яхши қолинглар! (*Виқор билан юриб, чиқиб кетади*)

ЯН ХОНИМ (*жисигибийрон бўлиб*). Қимирламанглар! Руҳоний ҳозир қайтиб келади.

СУН. Ойи, бўлди, бас қилинг энди. Жаноблар, руҳоний кетиб қолга, сизларни ортиқ тутиб туролмаймиз.

КЕЛИНЧАК. Юринг, бобожон!

ҚАРИЯ (*стаканни бўшатиб, жисиддий*). Келиннинг соғлиги учун!

ҚИЗ ЖИЯН (*Шен Дега*). Ундан ранжиманг. Юракдан чиқазиб айтди. У сизни яхши кўради.

ШИН. Ана шармандалик!

Барча меҳмонлар кетади.

ШЕН ДЕ. Мен ҳам кетсаммикин, Сун?

СУН. Йўқ, сен кутиб турасан. (*Унинг рўмолидан силтаб тортади, рўмол бир тарафга қийшайиб қолади*) Ёки бу сенинг тўйинг эмасми? Мен

кутаяпман, кампир кутаяпти. Чамамда, у ҳали ҳам қўқда учган лочинни кўрмоқда. Рост, мен ишонаман, бу муқаддас Ҳафшанба куни рўй беради: унда онам эшикка қараб юради, шу пайт унинг томи устидан ўғлиниңг самолёти гумбурлаб учиб ўтади. (Бўм-бўш стулларга қараб, гўё уларда ҳали ҳам меҳмонлар ўтиргандай) Хонимлар ва жаноблар, нега ширин сухбатни давом эттирмајапсиз? Ёки бу ер сизга ёқмаяптими? Тўйни бироз кечикитирдик, сабаби, бир мўътабар меҳмон ҳаяллаб қолди, бунинг устига – келин ҳали муҳаббат нималигидан бехабар. Сизларни бироз овунтириб туриш учун мен – куёв ҳиргойи қилиб бераман. (Кўйлайди)

МУҚАДДАС ҲАФШАНБА ҲАҚИДА ҚЎШИҚ

*Кимда ким камбагал бешикка ётмиши,
Шу сирли алланинг завқини тотмиши.
Соҳиби таҳт бўлар камбагал бир кун,
Деган қўшиқча у ишонмии бутун.
Бу қўтлуғ Ҳафшанба куни рўй берар,
Ўша кун камбагал таҳтга ўтирап.*

*Ўша кун қабоҳат бўғилар буткул,
Ўша кун эзгулик очилар гул-гул.
Қўлни қўлга бериб хўжайин, қарор,
Шаробхона сари боришар хушҳол.
Муқаддас Ҳафшанба куни муқаррар
Қилтириқ семизнинг меҳмони бўлар.*

*Анҳор суви оқар ортига равон,
Ёмонлар кўринмас, ҳамма меҳрибон.
Ўша кун барчага роҳат бўлар, бас,
“Ҳа, бўл!” деб бирорни бирор никтамас.
Муқаддас Ҳафшанба куни муқаррар
Ер юзи жаннатдек яшина-ярқирап.*

*Ўша кун генерал бўларсан тайин,
Мен эсам, кўклирга учардим лекин.
Ванинг оғриқ қўли тузалиб тамом,
Сен ҳам тиниб-тинчиб, олардинг ором.
Муқаддас Ҳафшанба куни эҳтимол,
Сен ҳам тиниб-тинчиб қолардинг, аёл.*

*Ортқ кутолмаймиз, тугади бардош,
Заҳматкаши инсонлар, барча қари-ёши
Қўтлуғ Ҳафшанбани талааб қиласиз,
Қўтлуғ Ҳафшанба кун келақолсин тез,
Токи дам олайлик биз ҳам бемалол!*

ЯН ХОНИМ. У энди келмайди.
Учови ўтирибди, иккисининг кўзи эшикда.

ИНТЕРМЕДИЯ

Мешкобнинг тушига яна фаришталар киради. У катта бир китобни очиб, шу кўйи ухлаб қолган. Мусиқа.

ВАН. Ҳайриятки, келдингиз, оқилу донолар! Бошимни қотирган бир саволга жавоб берсангиз. Руҳоний руҳонийликни тарқ этиб, цемент заводига ишчи бўлиб кетди. Унинг ташландик, хароба кулбасидан бир китоб топиб олиб, унда ғалати бир жумлага дуч келиб қолдим. Сизга ўқиб бермоқчиман. Мана эшитинг. (*Тушида кўринаётган китобни ўнг қўлида тутиб, чап қўли билан уни варактайди. Ҳақиқий китоб тиззасида турибди. У ўқий бошлийди*) “Сунг вилоятида Чанглазор деган жой бор. У ерда қактуслар, сарвлар ва тут дараҳтлари ўсади. Билакдек келадиган ниҳолларни одамлар кесиб, итларига катак ясашади. Ундан уч-тўрт карра йўғонроқ дараҳтларни бой ва кибор оиласлар кесиб, тобут учун тахта йўнишади. Танасига қулоч етмайдиган дараҳтларни эса айрим одамлар ҳашаматли ёзлик иморатларига ғула ўрнида ишлатишади. Шундай қилиб, бу дараҳтларнинг ҳаммаси ўзининг ярим умрини аранг яшаб, арра ва болтага ем бўлади. Ким кўпроқ фойда келтирса, ўша кўп азоб чекади”.

УЧИНЧИ ФАРИШТА. Бундан чиқдики, ким ўта фойдасиз бўлса, ўша ҳаммадан қадрли бўлар экан-да?

ВАН. Йўқ, у ҳаммадан баҳтиёр бўлади. Энг ярамас инсон – энг баҳтиёр инсон.

БИРИНЧИ ФАРИШТА. Тавба, нималарни ёзишмайди!

ИККИНЧИ ФАРИШТА. Бу ривоят нега сени ўйлантириб қўйди, мешкоб?

ВАН. Шен Де туфайли, оқилу донолар! У муҳаббатда баҳт топмади, негаки, яқинларингга меҳрибон бўл, деган қоидага амал қилди. Бу дунё учун у ўта оққўнгил шекилли!

БИРИНЧИ ФАРИШТА. Бекор гап! Ожиз ва нотавон бандасан! Кўриб турибманки, бит билан шаккоклик тенг ярмингни ямлаб қўйибди.

ВАН. Албатта, албатта, эй оқилу доно! Узр! Балки аралаштириб кўрармикансиз, деб ўйлабман.

БИРИНЧИ ФАРИШТА. Бу сираям мумкин эмас. Дўстимиз (учинчи фариштага ишора этади, унинг кўзлари ости шишиб, кўкарган) кеча баҳсга аралашган эди, мана оқибати.

ВАН. Яна амакиваччасини чақиртиришга мажбур бўлди. Ўзим синаб кўрганман, у жудаям эпчил киши, аммо ўша ҳам ёрдам беролмаяпти. Дўконнинг куни битганга ўхшайди.

УЧИНЧИ ФАРИШТА (*ташвишланиб*). Балки, ёрдамлашиб юборармиз, нима дейсизлар?

БИРИНЧИ ФАРИШТА. Менинг фикримча, у ўз ўзига ёрдамлашмоғи керак.

ИККИНЧИ ФАРИШТА (*кескин*). Яхши киши қанча кўп қийналса, ўзлигини шунча кўп намойиш этади. Азоб-изтироб кишини тозалайди!

БИРИНЧИ ФАРИШТА. Ундан умидимиз катта.

УЧИНЧИ ФАРИШТА. Қидиувларимиз жилла натижа бермаяпти. Биз гоҳо яхши ният, эзгу мақсад, бир талай юксак тамойилларга дуч келамиз, аммо булар бари яхши инсон номини олишга камлик қиласди. Бир қадар яхши одамлар учрайди, улар одамдек яшамайди. Усти-бошимизга



ёпишган мана шу хору хаслардан ҳар кеча қаерда тунашимизни тасаввур қилавер.

ВАН. Ахир, сиз, ҳеч бўлмагандан...

ФАРИШТАЛАР. Зарари йўқ. Биз ёлғиз кузатувчилармиз, холос. Ва ишонамизки, яхши инсон ана шу қоронғу дунёда ўз ўрнини топиб олади. Юк қанча оғир бўлса, куч шунча мустаҳкам бўлади. Яна бироз сабр қил, мешкоб, кўрасан, ҳаммаси хайрли...

Фаришталар аста сўниб, овозлари пасайиб боради. Ниҳоят, улар гойиб бўлиб, овозлари тамом эшиштилмай қолади.

VII

Шен Де тамаки дўкони ортидаги ҳовли. Аравачада уй-рўзгорга тегишили лашибуллар. Шен Де ва Шин қуритиш учун дорга ёйилган чойшаб ва ич кийимларни ийгишитириб олишаётни.

ШИН. Мен сизнинг ўрнингизда бўлсам, дўконим учун тиш-тирноғим билан курашардим.

ШЕН ДЕ. Кўйсангиз-чи! Дўкон учун ҳатто ижара ҳақи тўлашгаям пулим йўқ-ку... Бугун чол-кампирга икки юз кумуш долларни қайтаришим керак, уни бирорга бериб қўйдим, энди тамакини Ми Дзю хонимга сотишга тўғри келади.

ШИН. Хуллас, ҳаммаси тугади денг? На эр, на тамаки, на бошпана! Кўрпангга қараб оёқ узатмасанг, шунақа бўлади. Энди қандай яшайсиз?

ШЕН ДЕ. Билмадим. Балки тамаки тозалашга ёлланарман.

ШИН. Жаноб Шой Данинг чалвори бу ерга қаёқдан келиб қолди? Нима, у яланғоч жўнадими?

ШЕН ДЕ. Унинг бошқа чалвори бор эди.

ШИН. Уни бутунлай кетди дедингиз, шекилли? Нега чалворини қолдирибди?

ШЕН ДЕ. Керак эмасдир-да.

ШИН. Уни жойлайми?

ШЕН ДЕ. Йўқ.

Ҳансираф, бўғилиб Шу Фу киради.

ЖАНОБ ШУ ФУ. Бас қилинглар. Менга бари аён. Сиз ўзингизга ишонган чол-кампирни кутқараман деб шахсий баҳтингиздан воз кечдингиз. Йўқ, бу маҳалла, ҳаммага шубҳа билан қаровчи бу тошбағир одамлар сизни бекорга фаришта деб атамайди. Куёвтўра сиз кўтарилиган маънавий юксакликка кўтарила олмади, сиз у билан ажрашдингиз. Энди кўплар учун нажот оролчаси бўлмиш дўконни бекитмоқчимисиз? Мен бунга чидаб туролмайман. Мен ҳар куни эрталаб эшигимдан бокиб, дўконингиз олдида тўпланган бева-бечораларни, уларга гуруч улашиб бераётганингизни кўриб турадим. Наҳотки, бу энди такрорланмаса? Наҳотки, хайрли иш ҳалокатга маҳкум бўлса? Оҳ, ана шу олийжаноб ишда сизга ёрдам қўлини чўзишга ижозат берсангиз эди! Йўқ, ҳеч нарса деманг! Мени ишонтиришнинг ҳожати йўқ! Ёрдамимни қабул қилишингизни айтиб, ваъдалар ҳам берманг! Аммо, мана (*Чўнтағидан дафтарчасини олиб, чек ёзиб, уни аравача устига ташлайди.*) сизга чек, ўзингиз истаган рақамни унга ёзишингиз мумкин. Мен энди ҳеч нарса даъво қилмайман,

фақат сизга нисбатан хурмат-эҳтиромга тўлиб, оёқ учида юриб, жимгина, камтаринларча, фидойиларча йўлимга равона бўламан! (*Кетади.*)

ШИН (чекни кўздан кечириб). Кутулдингиз! Сиздақаларга омад ҳамиша ёр! Қани, минг кумуш доллар деб ёзинг, анави ҳушини йиғиб олмасдан мен банкга югурай.

ШЕН ДЕ. Қийимлар солингган саватни аравачага қўйинг. Кирчининг ҳақини чексиз ҳам тўлай оламан.

ШИН. Нима? Чекни олмайсизми? Бу жиноят! Чекни олсан, унга турмушга чиқишимга тўғри келади, деб ўйлайсизми? Бу фирт жиннилик. Ахир у мени лақиллатинглар, деб ўз оёғи билан ўзи келиб турибди-ку! Бунақалар шундан завқ олади. Наҳотки, ўша учувчингиздан ҳамон кўнгил узолмаяпсиз? У сизни қанчалар хўрлаганини бутун маҳалла, бутун Сарик кўча билади.

ШЕН ДЕ. Ҳаммасига камбағаллик айбдор. (*Томошабинларга*)

*Мен кўрдим, у тунда қовогин солиб,
Осилтириб олди лаби-лунжини.
Сержсаҳл кўринди шунда нақадар!
Эрталаб кўйлагин олиб қарадим,
Илма-тешик экан кўйлаги.
Шум кулгуси мени даҳшатга солди.
Аммо оёғида йиртиқ туфли кўриб,
Яна англадимки, севаман уни...*

ШИН. Ҳали уни оқламоқчимисиз? Бунақанги тентакликни сира учратмагандим. (*Жаҳли чиқиб*) Бу ердан жўнасангиз, худога шукур дердим.

ШЕН ДЕ (иҷ кийимни дордан олаётib, чайқалиб кетади.) Бошим айланди.

ШИН (унинг қўлидан иҷ кийимни олиб). Узаниб-энгашганингизда бошингиз тез-тез айланиб турадими? Бошқоронги бўлманг тағин? (*Кулади.*) У сизни роса туширибди-ку. Агар шу гап рост бўлса, иш чатоқ, бундай пайтларда чек берилмайди. (*Саватни кўтариб, саҳнанинг ичкарисига қараб кетади.*)

ШЕН ДЕ (Унинг изидан индамай қараб қолади. Кейин ўзини кўздан кечиради, кафти билан қорнини силайди, юзида шодон бир табассум пайдо бўлади. Секин). О, баҳт! Менда инсон туғилаяпти! Ҳозирча хеч нарса сезилмайди. Аммо у мана шу ерда. Дунё уни яширинча кутади. Шаҳарларда аллақачон айтиб юришибди: шундоқ бир одам пайдо бўладики, у билан ҳисоблашишга тўғри келади... (*Томошабинларга ўзининг жасажжи ўғлини гўё танишитириб*) Учувчи!

*Осмон ўпар тоғлар, овлоқ ерларни
Забт этувчига сиз айтинг шарафлар!
У кимсасиз чўллар, саҳролар оша
Инсондан инсонга мактублар элтар.*

(Хаёлан ўғилчасини етаклаб, у ёқдан-бу ёққа юра бошлийди.) Юр, ўғлим, дунёни кўриб қўй. Мана бу – дарахт. Унга эгилиб салом бер. (*Таъзим*

қиласи.) Қулоқ сол, ана мешкоб келаяпти. У бизга дўст, унга қўлингни чўз, кўрқма. Марҳамат қилиб, ўғлимга бир кружка сув беринг! Бугун ҳаво иссиқ. (Ўғлига сув тутади.) Вой, полициячи келаяпти! Яхшиси, унга кўринмайлик. Фей Пун бойнинг боғига кириб, олча узайлик. Фақат бирор кўриб қолмасин. Юр, етимчам! Нима, сенинг ҳам олча егинг келаяптими? Жим, секинроқ, ўғлим! (Атрофга олазарак боқиб, ҳадиксираб, эҳтиёт бўлиб юришади.) Йўқ, яхшиси бу ёқса юрамиз, буталар бизни пана қилиб турди. Вой, тиккасига бориб нима қиласан? (Бола афтидан ойисини судрайди, ойиси кўнмайди.) Ақлни ишга солайлик. (Тўсатдан кўниб, рози бўлади.) Кўймадинг, кўймадинг-да... (Болани кўтаради.) Олчаларга қўлинг етадими? Уларни тўппа тўғри оғзимга солавер, шунда ҳеч қаёққа кетмайди! (Ўғли оғзига солган олчани еб кўриб) Ширин! О, полициячи! Қочамиз! (Қочадилар.) Мана, кўчага ҳам чиқиб олдик. Энди ўзингни бос, шошилма, йўқса, бошқалар гумонсираб қолишади. Гўё ҳеч нарса бўлмагандай... (Хаёлан боласи билан саир этиб, куйлади.)

*Олуча бечорани
Бир дайди ушлаб олди,
Жудаям этчил экан,
Бўйнидан тишлаб олди...*

Бола етаклаб мешкоб Ван киради. У Шен Дега ҳайрон бўлиб қарайди.
ШЕН ДЕ (Ваннинг йўталганига ўғрилиб). Ван, ўзингмисан? Ассалому алайкум!

ВАН. Шен Де, эшитдимки, ахволинг оғир, қарзингдан кутулиш учун дўконни сотмоқчи эмишсан. Аммо манави бола бошпанасиз. Кушхона ҳовлисида тентираб юрибди. Бу бир неча ҳафта бурун устахонасидан айрилиб, ичкиликка берилган дурадгор Ли Тонинг ўғли бўлса керак. Унинг болалари оч-яланғоч, дарбадар юришибди. Буни нима қилсам экан?

ШЕН ДЕ (болани ундан олиб). Кела қол, болам. (Томошибинларга)

*Хой, эшигинг! Инсон бошпана сўрар,
Бугун ёрдам сўрар эртанги инсон.
Унинг дўсти, сизга таниши жаҳонгир
Уни паноҳига олур шу замон.*

(Ванга) У жаноб Шу Фунинг чолдеворида яшаб турди, балки мен ҳам ўша ёқса кўчиб ўтарман. Менинг ҳам ўз болам бўлади. Фақат бу ҳақда ҳеч кимга оғиз очма, Ян Сун эшитиб қолмасин, бизнинг унга керагимиз йўқ. Куйи шаҳарда Лин Тони топиб айт, менинг қошимга келсин.

ВАН. Раҳмат сенга Шен Де. Бирор чорасини топишингни билардим. (Болага) Кўрдингми, яхши киши ҳамиша чорасини топади. Мен бориб, отангни чақириб келай. (Кетмоқчи бўлади.)

ШЕН ДЕ. Дарвоқе, Ван, қўлинг қалай? Мен сен учун гувоҳликка ўтмокчи эдим, аммо амакиваччам...

ВАН. Ташвиш чекма. Қара, мен ўнг қўлимсиз ҳам ишни эплай оламан. Менга энди ўнг қўлнинг кераги йўқ. (Ўнг қўлсиз кўза ва кружскани қандай эплашни кўрсатиб беради.) Мана, қара, менга бунинг ҳеч қийинчилиги йўқ.

ШЕН ДЕ. Аммо қўлинг шундоқ қотиб қолмаслиги керак. Менинг аравачамни ол-да, ундаги бор нарсани сотиб, докторга учра. Ўз сўзимнинг

устидан чиқолмаганимга ҳижолатман. Бунинг устига, сартарошнинг чолдеворини олишга ҳам рози бўлдим. Сен бунга нима дейсан?

ВАН. Унда уйсизлар ва ўзинг яшай оласан, бу менинг қўлимдан кўра муҳимроқ. Дурадгорни чақириб келаман. (*Кетади.*)

ШЕН ДЕ (унинг ортидан қичқириб). Мен билан докторга бораман деб ваъда бер!. (Шин қайтиб кириб, унга турли имо-ишоралар қиласди.) Нима гап?

ШИН. Ақлдан оздингизми? Киши сўнгги лаш-лушлари билан аравачасини ҳам бирорга совға қиласдими? Унинг қўли оғриса, сизга нима? Агар бу гапдан сартарош хабар топса, ўша чолдевордан ҳам қувиб хайдайди сизни. Кирингизни ювганим учун ҳақимни ҳали тўлаганингиз йўқ!

ШЕН ДЕ. Сиз нега мунча заҳарсиз? (*Томошибинларга*)

*Яқинларингизни топтаб, эзишдан
Наҳот чарчамайсиз? Манглайнгизда
Очкўзликдан бўртиб турар томирлар.
Чин юракдан чўзилган қўлнинг
Берииши ҳам осон, олиши ҳам.
Сахий бўлиши нақадар зарур!
Очиқ чеҳра бўлиши нақадар яхши!
Ширин сўзлар
Базингиздан узилар енгил нафасдек...*

(Шин аразлаб кетиб қолади. Болага) Сен шу ерда ўтириб тур. Ҳозир отанг келади.

Бола ерга ўтиради. Ҳовлига ёши ўтиб қолган эр-хотин кишишади. Улар Шен Де дўкон очган кун келишиган эди. Эр-хотин катта қопларни кўтариб олишиган.

ХОТИН. Ёлғизмисан, Шен Де? (Шен Де “ҳа” деб боши билан тасдиқлагач, хотин жиянини чақиради, жияни ҳам қон кўтариб киради.) Амакиваччанг қани?

ШЕН ДЕ. Кетди.

ХОТИН. Қайтиб келадими?

ШЕН ДЕ. Йўқ. Мен дўконни сотаман.

ХОТИН. Биз буни эшитдик, шунинг учун ҳам бу ёққа келдик. Бирор биздан бир неча қон тамаки барги қарз олган эди, шуни қайтариб берди. Янги уйингга ўз бисотинг билан шуларни ҳам ташлаб ўтсанг. Уларни кўйишига жойимиз йўқ. Кўчада турса, шубҳа-гумон қилишади. Дўконингда чеккан озоримиз ҳақи “йўқ” демайсан, деб ўйлайман.

ШЕН ДЕ. Марҳамат, мен “йўқ” демайман.

ЭРКАК. Бу қоплар кимники деб сўраб қолишиса, менини деб айтавер.

ШЕН ДЕ. Ким сўраши мумкин?

ХОТИН (унга дикъат билан тикилиб). Масалан, полиция. У ерда бизни хуш кўришмайди ва ҳар қадамда синдиришга ҳаракат қилишади. Қопларни қаерга қўяйлик?

ШЕН ДЕ. Билмадим. Айниқса, ҳозир бирор ножёя иш қилиб, турмага тушиб қолишдан қўрқаман.

ХОТИН. Ўзингга ўхшамаяпсан. Энди етмагандай, бисотимизда қолган шу бир-икки қоп тамакидан ҳам ажраб қолмасак эди!

Шен Де жисм турраверади.

ЭРКАК. Биласанми, балки шу тамаки бизга дастмоя бўлар. Балки биз ўзимизни ўнглаб олармиз.

Шен Де. Хўп, мен қопларингизни яшириб қўяман. Ҳозирча улар ичкари хужрада тура турсин. (Улар билан ичкарига киради.)

Бола унинг изидан қараб турлади. Сўнг қўрқа-писа ахлат челяги ёнига бориб, ундан бир нима олиб ея бошлайди. Шен Де ва бошқалар қайтиб киришиади.

ХОТИН. Биласанми, энди суюнган тоғимиз – сен.

ШЕН ДЕ. Хўп. (Болага кўзи тушиб, қотиб қолади.)

ЭРКАК. Эргадан кейин сени жаноб Шу Фунинг уйидан топиб оламиз.

ШЕН ДЕ. Энди кетинглар, тобим қочиб турибди. (Уларни кузатиб қўяди.)

(Келгандар кетишиади.) У – оч. Ахлат челягини титкилаяпти. (Болани кўтариб, болакайнинг гезарган лабларини кўрсатиб, томошабинларга мурожсаат қиласди. Ўз боласига нисбатан ҳеч қачон шундай тошибагир бўлмасликка қасамёд этади.)

О, ўғлим, о, учувчи!

Келмоқдасан қай бир дунёга?

Ахлат челягида балиқ овлашингни истайди улар!

Мана бу гезарган лабларга бир қаранг!

(Болани кўрсатиб)

Ўзингизга ўхшаши жонга оқибат шуми?

Бу ўз мевангиз-ку, ахир!

Сизда раҳм ийқ!

Шўрликлар, ўз-ўзингизга этмайсиз шафқат.

Хўши, мен ўз боламни нечук ҳимоя этгум?

Энди айланаман она йўлбарсга!

Ҳа, шу болакайга кўзим тушгандан буён

Сиздан айрилишини истайман.

Ўз ўғлимни, лоақал шу битта гўдакни

Күтқармагунимча менга тиним ийқ!

Ўғлим, мактабимда, ўша ахлат ўрада

Менга алдов ё мушит билан берилган сабоқ

Энди сенга холис хизмат қилмоғи зарур!

Ўғлим, энди ёлгиз сенга меҳрибон бўлгум,

Энди бошқаларга – йўлбарс, йиртқич бир ҳайвон.

Шундоқ бўлиши шарт,

Худди шундоқ бўлади!

(Амакивачасига айланни учун кета бошлайди.) Яна бир карра, ўйлайманки, сўнгги бор уннаб кўришга тўғри келади. (Йўл-йўлакай Шой Данинг чалворини олади. Қайтиб келган Шин унинг изидан қизиқсиниб қараб қолади. Келинчак билан қария киради.)

КЕЛИНЧАК. Дўкон берк, лаш-лушлар ҳовлида! Демак, ҳаммаси тамом!

ШИН. Мана енгилтаклиқ, ҳавойилик ва худбинлик оқибати! Қаёқса думалаяпти, дейсизми? Пастга! Жаноб Шу Фунинг чолдеворига, сизнинг ёнингизга!

КЕЛИНЧАК. У ерни хушлармикин? Биз арз қилгани келувдик. Оёқ остида қаламушлар илма-тешик қилиб ташлаган пол. Сартарош совунлари моғорлаб кетгани учун бизни ўша чолдеворга таклиф этган. “Сизга бошпана бермоқчиман, нима дейсиз?” эмиш... Нима дердик, “Уят ва шармандалик!” деймиз.

Ишисиз киради.

ИШСИЗ. Шен Де кўчиб кетаяпти дейишияпти, ростми?

КЕЛИНЧАК. Ҳа, у ҳеч кимга билдирамай, қочиб қолмоқчи эди.

ШИН. У ўзининг синиб қолганидан ҳижолатда.

ИШСИЗ (ҳовлиқиб). Амакивачасини чақириш керак! Унга шундай деб маслаҳат беринглар! Ёлғиз ўша бирор чорасини топа олади.

КЕЛИНЧАК. Ҳақ гап! Тўғри, у хасис, лекин ҳар қалай, дўконни кутқариб қолади, шунда бизга ҳам фойдаси тегади.

ИШСИЗ. Мен сизни эмас, унинг ўзини ўйладим. Лекин, рост гап, сиз учун ҳам уни чақириш керак.

Ван билан дурадгор киради. У иккита болани етаклаб олган.

ДУРАДГОР. Сизга қандай раҳмат айтишга ҳам ҳайронман. (Боишқаларга) Бизга бошпана ваъда қилишяпти.

ШИН. Қаердан?

ИШСИЗ. Жаноб Шу Фунинг уйидан! Бу – кичкинтой Феннинг шарофати туфайли. Шен Де гўё: “Хой, эшитинг! Инсон сиздан бошпана сўрап!” – деб хитоб этдию бизга дарҳол бошпана топиб берди. Укаларингга қуллук қилинглар!

Дурадгор ва унинг болалари кичкинтойга қуллук қилишиади.

Бошпана сўраганинг учун қуллук сенга!

Шой Да киради.

ШОЙ Да. Хўш, бу ерда нима қилиб турибсизлар?

ИШСИЗ. Жаноб Шой Да!

ВАН. Ассалому алайкум, жаноб Шой Да! Қайтиб келганингиздан бе-хабар эдим. Сизга таниш дурадгор Лин То. Шен Де бону унга жаноб Шу Фу уйидан бошпана ваъда қилган эди.

ШОЙ Да. Жаноб Шу Фунинг уйида ортиқча жой йўқ.

ДУРАДГОР. Демак, биз кўчиб ўтолмас эканмиз-да?

ШОЙ Да. У бино бошқа бир мақсадга мўлжалланган.

КЕЛИНЧАК. Демак, бизни у ёқдан ҳайдашади, шундоқми?

ШОЙ Да. Чамамда, шундай.

КЕЛИНЧАК. Унда биз қаёқقا борамиз?

ШОЙ Да (елкасини қисиб). Менинг билишимча, Шен Де бону – айтмоқчи, у жўнаб кетди – сиздан ҳимматини аямайди. Аммо келажакда бу иш оқилона ҳал этилади. Текинга овқат берилмайди, ҳимматга яраша хизмат бўлиши керак. Ҳар кимга ҳалол ишлаб, оёққа туриш имконияти бе-рилади. Шен Де ҳаммангизга иш топиб бермоқчи. Кимда ким мен билан ҳозир Шу Фунинг уйига борса, қуруқ қолмайди.

КЕЛИНЧАК. Бундан чиқдики, Шен Де учун хизмат қилар эканмиз-да?

ШОЙ Да. Ҳа. Тамаки тозалайсиз. Орқа хонада уч қоп тамаки бор. Олиб чиқинг!

КЕЛИНЧАК. Унутманг, бизнинг ҳам ўз дўконимиз бўлган, биз ўзимиз учун ишлашни афзал кўрамиз, негаки, ўз тамакимиз бор.

ШОЙ Да (*иисиз ва дурадгорга*). Сизлар-чи? Шен Де учун ишлайсизларми? Ўз тамакиларинг йўқ шекилли?

Дурадгор ва иисиз норози бир қиёфада ҳужрага киришиади. Уй эгаси хоним пайдо бўлади.

УЙ ЭГАСИ ХОНИМ. Хўш, жаноб Шой Да, дўконни сотасизми? Мана, сизга уч юз кумуш доллар.

ШОЙ Да. Ми Дзю хоним, мен дўконни сотмасликка қарор қилдим, ижара шартномасига қўл қўймоқчиман.

УЙ ЭГАСИ ХОНИМ. Нима? Учувчи учун пул керак эмасми?

ШОЙ Да. Йўқ.

УЙ ЭГАСИ ХОНИМ. Ижара ҳақи тўлашга ҳам пулингиз бордир?

ШОЙ Да (*аравачадан сартарош ташлаб кетган чекни олиб, тўлдиради*). Мана, жаноб Шу Фу ўн минг кумуш долларга ташлаб кетган чек, биласиз, у менинг жиянимга хуштор. Ишонмасангиз, ўқиб кўринг, Ми Дзю хоним! Ярим йиллик ижара ҳақи – икки юз кумуш доллар бугун кечқурун соат олтигача қўлингизга тегади. Энди Ми Дзю хоним, ижозатингиз билан мен ишни давом эттирай. Мен бугун жуда бандман, маъзур тутишингизни сўрайман.

УЙ ЭГАСИ ХОНИМ. О, тушунаман, жаноб Шу Фу учувчининг изидан бораяпти! Ўн минг кумуш доллар! Ҳар қалай бугунги ёш қизларнинг бекарорлиги ва енгилтаклиги мени ҳайрон қолдиради, жаноб Шой Да. (*Кетади. Дурадгор ва иисиз ичкаридан қолларни кўтариб чиқшиади.*)

ДУРАДГОР. Тушунмайман, нега мен сиз учун қоп ташишим керак экан?

ШОЙ Да. Менинг тушунганим кифоя. Ўғлингизнинг иштаҳаси карнай. У овқат сўрайди, жаноб Лин То.

КЕЛИНЧАК (*қолларга кўзи тушиб*). Менинг поччам бу ёққа кирган эдими?

ШИН. Ҳа.

КЕЛИНЧАК. Қолларни танидим. Бу бизнинг тамакимиз.

ШОЙ Да. Секирроқ гапиринг. Бу менинг тамаким, негаки, менинг дўконимда турибди. Шубҳалансангиз, ҳозироқ полицияга бориб, шубҳагумонларга барҳам беришимиз мумкин. Борамизми?

КЕЛИНЧАК (*аччиқланиб*). Йўқ.

ШОЙ Да. Ўз тамакингиз йўқ шекилли. Балки энди, Шен Де бону ҳиммат қўлини чўзизб турганда фойдаланиб қоларсиз? Қани, марҳамат қилиб, менга Шу Фунинг уйини қўрсатиб қўйинг.

Дурадгорнинг кичкинтоини қўлидан етаклаб, Шой Да чиқади. Унинг изидан дурадгор, унинг болалари, келинчак, қария ва иисиз равона бўладилар. Келинчак, дурадгор ва иисиз қон кўтариб чиқшиади.

ВАН. У ёмон одам эмас, аммо Шен Де – раҳмдил.

ШИН. Билмадим. Кир ёйилган дордан чалвор йўқолиб қолди. Амаки-ваччаси кияр эди. Бунда бир сир борга ўхшайди. Ажабо, нима экан?

Чол билан кампир киради.

КАМПИР. Шен Де бону бормилар?

ШИН (куруқ). Кетиб қолди.

КАМПИР. Қизик! У бизга бир нима бермоқчи эди.

ВАН (ўз қўлига алам билан боқиб). У менга ҳам ёрдам бермоқчи эди. Қўлим қотганидан қотиб бораяпти. Шен Де тез орада қайтса керак. Одатда амакиваччаси бу ерда узоқ турмайди.

ШИН. Шунаقا денг?

ИНТЕРМЕДИЯ

Ванинг қўналгаси. Мусиқа. Мешкоб уйқусида фаришталарга ўз ташвишилари ҳақида сўзлайди. Фаришталар ҳамон сафарни давом эттироқдалар. Уларнинг юзларидан хориб-чарчаганлари кўриниб туради. Кетаётуб, улар мешкобга ўғирилиб қарашади.

ВАН. Сизлар қадам ранжида қилишингиздан олдин, оқилу донолар, мен жонажон синглим Шен Дени туш кўрдим, унинг ахволи бенихоя оғир эди. У дарё ёқасидаги қамишзорда, аёллар ўз жонига қасд қиладиган жойда турар эди. У ғалати чайқалар, ботқоққа тортувчи аллақандай юмшоқ, аммо оғир бир юкни судраб бораётгандек бўйни эгик эди. Мен чақирсам, у бир қоп ёзма фармойишларни нариги қиргоққа олиб ўтишим керак, йўқса, улар ивиб, ёзувлари ўчиб кетади деб жавоб берди. Ростини айтсам, унинг елкасида мен ҳеч нарса кўрмадим. Аммо сиз фаришталар, о, қандай шармандалик! Тунаш учун бошпана тополмаганингизда у уйидан жой бергани учун унга улуғ фазилатлар инъом этганингизни эслаб, кўркиб кетдим. Энди унинг учун қанчалар ташвиш чекаёттанимни тушунган бўлсангиз керак.

УЧИНЧИ ФАРИШТА. Масалан, нимани камайтирайлик, Ван?

ВАН. Масалан, севги ўрнига шунчаки майл ҳам бўлаверади ёки...

УЧИНЧИ ФАРИШТА. Аммо бу яна ҳам оғирроқ, о, бандай гумрох!

ВАН. Ёки адолат ўрнига мурувват.

УЧИНЧИ ФАРИШТА. Унда ҳамманинг боши ташвишдан чиқмай қолади.

ВАН. Ёки номус кетиб, андиша қолса ҳам бўлаверади!

УЧИНЧИ ФАРИШТА. Лекин юк яна-да оғирроқ бўлади, о, бандай нодон!

Фаришталар ҳоргин қадам босиб, кўздан гойиб бўлишиади.

VIII

Шой Данинг тамаки фабрикаси. Жаноб Шу Фунинг чолдеворларида Шой Да кичик тамаки фабрикаси очган. Панжарарадан нари томондаги бино одамлар билан тирбанд. Айниқса, хотин-қизлар, болалар кўп. Улар орасида келинчак, қария, дурадгор ва унинг болалари. Панжара олдида Ян хоним, унга эргашиб, Сун пайдо бўлади.

ЯН ХОНИМ (томошибинларга). Мен сизларга айтсам, ҳаммангиз учун ҳурматли Шой Да жанобларининг донишмандлиги ва қаттиқ қўллиги туфайли ўғлим тушкун бенаводдан фойдали кимсага айланди. Бутун маҳаллага маълум бўлганидек, Шой Да жаноблари күшхона яқинида кичик, аммо тез ривож топган фабрика очдилар. Уч ой бурун мен у ки-

шига мурожаат этишга мажбур бўлдим. Кўп ўтмай, у мен билан ўғлимни қабул қилди.

Фабрикадан чиқиб келган Шой Да Ян хонимга яқинлашади.

ШОЙ ДА. Хизмат, Ян хоним?

ЯН ХОНИМ. Жаноб Шой Да, мен сиздан ўғлимнинг гуноҳини сўраб келдим. Бугун эрталаб уйимизга полициядан келиб, никоҳ ваъдасининг бузилгани ва қинғир йўл билан икки юз кумуш доллар ўзлаштириб олингани учун Шен Де бону номидан арз қилганингизни айтишди.

ШОЙ ДА. Худди шундай, Ян хоним.

ЯН ХОНИМ. Жаноб Шой Да, барча фаришталар ҳаққи, яна бир бор шафқат қилинг. Пул йўқ. Учувчи бўлиш режаси амалга ошмагач, ўғлим уни икки кунда совурди. Биламан, у ярамас. Сал бўлмаса, у менинг мебелимни ҳам сотиб, қари онасини ҳам ташлаб, Пекинга кетиб қолаёзди. (*Йигайди.*) Шен Де бону бир пайтлар уни яхши одам санар эди.

ШОЙ ДА. Сиз нима дейсиз, жаноб Ян Сун?

СУН (*қоши-қовогини солиб*). Менда у пуллар энди йўқ.

ШОЙ ДА. Ян хоним, ноъмалум сабабларга кўра, жияним кўрсатган ўша меҳру оқибат ҳаққи, мен бетийик ўғлингизга яна ёрдамлашаман. У ҳалол меҳнат қилиб, ўзини тузатади, деб Шен Де умид қиласди. Мен уни фабрикамга ишга оламан. Унинг иш ҳақидан икки юз кумуш доллар астасекин чегириб қолинади.

СУН. Хуллас, ё турма, ё фабрика денг?

ШОЙ ДА. Ҳа, танлаб олинг.

СУН. Шен Де билан гаплашсам бўладими?

ШОЙ ДА. Йўқ.

СУН. Унда иш жойимни кўрсатинг.

ЯН ХОНИМ. Сизга минг раҳмат, жаноб Шой Да! Соҳиби мурувватиз, бунинг учун фаришталар ярлақайди сизни. (*Сунга*) Сен ҳақ йўлдан оздинг. Энди ҳалол ишла, онангнинг кўзига уялмасдан, тикка қарайдиган бўл.

Шой Дага эргашиб, Сун фабрикага киради.

(*Рамнага қайтиб*) Биринчи ҳафталар Сунга қийин бўлди. Иши унга ёқмас, ўзини кўрсатиш фурсати ўнг келмас эди. Фақат учинчи ҳафта деганда, омади юришди. У собиқ дурадгор Лин То билан тамаки солинган қопларни ташиши керак эди.

Сун ва собиқ дурадгор Лин То бир йўла икки қопдан тамаки кўтариб киришиади.

ДУРАДГОР (*йўталиб, инқиллаб тўхтаб қолади ва қон устига ўтиради*). Тинкам қуриди. Энди қаридим, бунақа ишларга ярамайман.

СУН (*ўтириб*). Нега сен бу қопларни уларнинг башарасига отмайсан?

ДУРАДГОР. Кейин-чи? Тириклик деб ҳатто болаларни ҳам кўшга кўшганман. Қанийди, дейман, ҳолимизни Шен Де бону бир кўрса! У раҳмдил эди.

СУН. Ҳа, у ёмон эмас эди. Турмуш мاشақкати бўлмагандан, балки биз Шен Де билан аҳил яшаб кетардик. Ҳозир у қайларда юрибди экан. Хўп, кани, ишлайлик – одатда у айни шу паллада пайдо бўлади. (*Кўзгалишиади. Яқинлашиб келаётган Шой Дани қўриб*) Қопингни менга бер-чи, чўлоқ! (*Лин Тонинг бир қопини ҳам кўтаради.*)

ДУРАДГОР. Раҳмат, оғайни! Агар у шу ерда бўлса борми, қари одамга ёрдамлашганингни қўриб, сени мақтар эди. Ҳа, ҳа...

Шой Да киради.

ЯН ХОНИМ. Жаноб Шой Да, албатта, астайдил ишлаётган ҳақиқий ишчи кимлигини дархол пайқади ва индамай туролмади.

ШОЙ ДА. Ҳой, тўхтанглар-чи! Нима гап ўзи? Нега сен фақат битта қоп кўтариб олгансан?

ДУРАДГОР. Мен бугун бироз чарчадим, жаноб Шой Да, Ян Сун ёрдамлашиб юборди...

ШОЙ ДА. Сен, оғайни, изингга қайт-да, бир йўла учта қопни орқалаб ол. Ян Сун қилган ишни сен ҳам қила оласан. Ян Сун ғайрат қилиб ишляяпти, сен-чи?

ЯН ХОНИМ (*шу пайт собық дурадгор яна икки қоп юкни елкасига ортиб олади*). Албатта жаноб Шой Да Сунга бир оғиз ҳам сўз қотмади, лекин унинг кимлигини билиб олган эди, келаси шанба куни иш ҳақи берилаётганда...

Ўртага стол қўйшишади, Шой Да пул солинган халтacha кўтариб киради. У назоратчи – собық иисиз билан ёнма-ён туриб, иши ҳақи тўлайди.

Столга Сун яқинлашади.

НАЗОРАТЧИ. Ян Сун – олти кумуш доллар.

СУН. Кечирасиз, фақат беш кумуш доллар бўлади. (*Назоратчи қўлидан рўйхатни олиб*) Қаранг, бу ерга олти иш куни деб ёзилибди, ҳолбуки, мен бир кунни судда ўтказдим. (*Мунофиқона*) Менга оз бўлса ҳам ўз иш ҳақимдан бошқаси керак эмас.

НАЗОРАТЧИ. Демак, беш кумуш доллар! (*Шой Дага*) Тасодиф, жаноб Шой Да!

ШОЙ ДА. У беш кун ишлаган бўлса, қандай қилиб, олти кун ёзилибди?

НАЗОРАТЧИ. Тахминимча, бу менинг хатойим, жаноб Шой Да. (*Сунга совуқ охангда*) Бу бошқа такрорланмайди.

ШОЙ ДА (*Сунни бир четга бошлаб*). Мен яқинда пайқадимки, сиз кучли одам экансиз ва буни фирмадан яширишни истамайсиз. Назоратчи фирма зарарига ҳалигидай, тез-тез янглишиб турадими?

СУН. Ишчилар орасида унинг танишлари бор, улар назоратчини ўз одамлари деб билишади.

ШОЙ ДА. Тушунарли. Ҳимматга ҳиммат. Мукофот олишни истай-сизми?

СУН. Йўқ. Аммо мен саводли кишиман, деб айтиб қўймоқчи эдим. Биласизми, бироз ўқиганман. Назоратчи ишчиларга илиқ муомала қилади, лекин ўқимишли эмас, фирма манфаатларини тушуниб етмайди. Ўтинаман, менга бир хафта муҳлат беринг, жаноб Шой Да. Фирмага кўл кучимдан кўра ақлий кучим кўпроқ фойда келтиришини исбот қиласман.

ЯН ХОНИМ. У дадил туриб, шундоқ деди. Мен ўша оқшом Сунга “Сен учувчисан! Ҳозирги иш жойингда ҳам учишга қодирлигингни кўрсатиб қўй! Уч, лочиним!” – деб айтдим. Дарҳақиқат, ақл ва билим нималарга қодир эмас! Ақлинг ва билиминг бўлмаса, нечук одам бўлдинг? Менинг ўғлим Шой Да жанобларинг тамаки фабрикасида чинакам мўъжиза кўрсатди!

Сун оёқларини кериб, ишчиларнинг ортида турибди. Улар тамаки солинган саватларни бошларидан ошириб, бир-бирларига узатмоқдалар.

СУН. Қани, қимирланглар, намунча иммиллайсанлар! Саватни шунақа узатадими? Тезроқ! (*Болага*) Сен нега ўтирумайсан? Ўтири, жойни банд

қилма. Устига ўтиранг, тамаки яхшироқ жойланади. Ялқовлар! Сенларга нега пул тўлаймиз ўзи? Чаққонроқ деяпман! Жин урсин ҳаммангни! Чолни нарига ўтказинглар, болалар билан ишласин! Бу ерда қўли ишга қовушмаяпти! Қани, ҳа, баракалла! (*Иш маромига мос қилиб, чапак чалади, сават қўлдан қўлга тез-тез ўта бошлиайди.*)

ЯН ХОНИМ. Авом кишиларнинг ғанимлиги, уларнинг беҳисоб таънадашномига қарамай, ўғлим ўз бурчини адо этаверди.

Иичилардан бири саккизинчи фил ҳақида қўшиқ бошлиайди. Боишқалар нақоратни айтиб, унга жўр бўлишиади.

*Ҳўжайиннинг етти фили бор эди,
Бор эди боз саккизинчи фили ҳам.
Еттитаси ёввойи, бу – хонаки,
Еттисини кузатарди дам-бадам.*

*Қани, қадам қўйинг чаққонроқ!
Ўрмонда бир тўнка қолмасин, ҳа, чух!
Ҳаммасини қўпорииш керак,
Ҳадемай тушиади қоронгу!*

*Етти фил ўрмонда тўнка қўпорар,
Саккизинчи филда хўжайин – сувор.
Кун бўйи кузатар саккизинчи фил,
Нечук ишилаяпти боишқалар...*

*Қани, энди тезроқ ташинглар!
Ўрмонда бир тўнка қолмасин, ҳа, чух!
Ҳаммасини қўпорииш керак,
Ҳадемай тушиади қоронгу!*

*Етти фил ишилашни ортиқ истамас,
Улар бари кўзлар тинчини.
Хўжайин келди, у газабнок,
Гуруч билан сийлар саккизинчини.*

*Ҳўш, бу қандай номаъқулчилик?
Ўрмонда бир тўнка қолмасин, ҳа, чух!
Ҳаммасини қўпорииш керак,
Ҳадемай тушиади қоронгу!*

*Етти фил айрилди тишидан,
Фақат саккизинчи филда тиши қолди.
У боишқа филларни ботирди қонга,
Хўжайин кўрдию хаҳолаб кулди.*

*Қани, энди тезроқ ташинглар!
Ўрмонда бир тўнка қолмасин, ҳа, чух!
Ҳаммасини қўпорииш керак,
Ҳадемай тушиади қоронгу...*

Бемалол юриб, сигара чекиб, Шой Да чиқиб келади. Ян Сун кулиб, учинчи банднинг нақоратига жўр бўлади, охирги бандга етганда, чапак чалиб, суръатни оширади.

ЯН ХОНИМ. Шой Да жанобларига ўз ташаккуримизни қандоқ айтишга ҳам хайронмиз. У сездирмай-нетмай, ёлғиз талабчанлик ва донишмандлик билан Сунда яшириниб ётган барча яхши жиҳатларни юзага чиқарди. У жиянига ўхшаб кўкўпар ваъдалар бермади, лекин ҳалол меҳнат қилишга мажбур этди. Ҳозир Сунни таниёлмайсиз. У уч ой олдинги Сунга сираям ўхшамайди! Ўйлайманки, сиз менинг фикримга қўшиласиз! Қадимда бекорга айтишмаган: “олижаноб киши – қўнгироқ, урсанг жаранглайди, урмасанг, жим туради...”

IX

Шой Данинг тамаки дўкони. Дўкон ҳашаматли кресслолар, чўгдек гиламлар билан безатилиб, идорага айлантирилган. Ёмғир ёзмоқда. Бироз тўлишиб қолган Шой Да гиламфуруши чол-кампир билан хайр-маъзур қиласяти. Шин мийигида кулиб, бир четдан кузатиб туради. Унинг бошдан-оёқ янги кийим кийгани кўзга ташланади.

ШОЙ ДА. Афсуски, унинг қачон қайтиши менга маълум эмас.

КАМПИР. Бугун биз мактуб олдик. Мактубга бир пайтлар биз жияннингизга қарзга берган икки юз кумуш доллар солиб қўйилиби. Уни ким жўнатгани номаълум. Аммо, хат, албатта Шен Дедан. Биз унга жавоб ёзмоқчи эдик, манзилини айтольмайсизми?

ШОЙ ДА. Афсуски, манзилини ҳам билмайман.

ЧОЛ. Кетдик.

КАМПИР. Бир кун эмас бир кун у қайтиб келиши керак!

Шой Да таъзим қиласади. Чол-кампир ажабланган, ташвишланган қўйи кетишиади.

ШИН. Пул уларнинг қўлига анча кечикиб тегди. Солиқларни тўлай олмай, дўкондан ажраб қолишиди.

ШОЙ ДА. Нега менга мурожаат этишмади?

ШИН. Сиздан тортиниб юришиди. Бошда Шен Денинг қайтишини кутишиди, қўлларида бирор тилхат йўқ эди-да. Аҳволлари фоят танг паллада чол безгак билан оғриб, кампир куну тун унинг бошида ўтириб чиқди.

ШОЙ ДА (кўнгли беҳузур бўлиб, ўтишига мажбур бўлади). Яна бoshим айланаяпти.

ШИН (унга гирдикапалак бўлиб). Болангиз етти ойнинг юзини кўрди! Ҳаяжонланиш сизга – кони заар. Ҳайриятки, мен ёнингиздаман. Ҳаммага ҳам ёрдам керак. Қўрқманг, ҳамиша ўзим ҳозир-нозирман. (*Кулади.*)

ШОЙ ДА. Сизга ишонсам бўладими, Шин хоним?

ШИН. Албатта! Аммо мени ҳам қуруқ қўймайсиз. Ёқангизни очинг, дархол енгил тортасиз.

ШОЙ ДА (маъюсланиб). Бу ишларни болани деб қиласяпман, Шин хоним.

ШИН. Балли, болани деб қиласяпсиз.

ШОЙ ДА. Жудаям тез тўлишяпман. Сезилиб қолмаса деб қўрқаман.

ШИН. Буни яхши турмушдан деб ўлашади.

ШОЙ ДА. Болам нима бўлади?

ШИН. Шуни ҳар куни уч карра сўрайсиз. Болани асраб-авайлаймиз. Тилла эвазига парваришни ундан аямаймиз.

ШОЙ ДА. Хўп. (*Ҳадиксираб*) У Шой Дани ҳеч қачон қўрмаслиги керак.

ШИН. Ҳеч қачон қўрмайди ҳам. У ёлғиз Шен Дени қўради.

ШОЙ ДА. Лекин маҳаллада миш-миш тарқалган! Мешкоб гап тарқатиб юрибди. Дўконни кузатишаяпти!

ШИН. Сартарош бу гаплардан бехабар экан, хотиржам юраверинг. Сувдан ичинг.

Башанг костюм кийиб, портфель қўлтиқлаган Сун киради. У ўзини Шиннинг қучогига ташлаган Шой Дага ҳайрон бўлиб қарайди.

СУН. Мен халал бермадимми?

ШОЙ ДА (*зўрга ўрнидан туриб, чайқалиб, эшикка қараб юради*). Хайр, Шин хоним.

Шин қўлларига қўлқоп кийиб кулимсираб, чиқиб кетади.

СУН. Қўлқоп! Қаёқдан олади? Нега кияди? Эҳтиёт бўлинг, домига илнитириб олмасин тағин. (*Шой Да жавоб бермагач, ўзи давом эттиради*) Наҳотки шунақа ишларга сиз ҳам мойилсиз? Кулгули. (*Портфелидан бир қогоз олади*.) Ҳар қалай, кейинги пайтларда аввалги шаҳдингиз йўқ. Фалати қилиқлар. Ишончсизлик. Ё бетобмисиз? Бундан ишга зарар етади. Мана тағин полициядан қоғоз. Фабрикани бекитамиз деб дўқ уришибди. Бир бинода ишлаётганлар сони қонунда қўрсатилганидан икки карра зиёд бўлишига рухсат бор, аммо ундан ошмаслиги шарт эмиш. Бирор чорасини кўриш керақ, жаноб Шой Да!

Шой Да унга бир дақиқа анграйиб қараб туради. Кейин тўрдаги хонага кириб, бир тугун олиб чиқади. Тугундан янги шляпа олиб, ёзув столи устига ташлайди.

ШОЙ ДА. Фирма вакиллари яхши кийинишилари керак.

СУН. Менга деб сотиб олдингизми?

ШОЙ ДА (*бепарволик билан*). Кийиб кўринг, тўғри келармикин?

Сун ҳайрон бўлиб Шой Дага қарайди ва шляпани кияди. Шой Да унга ёрдамлашади.

СУН. Ташаккур, келинг, гаплашиб олайлик. Бугун сартарош билан янги лойиҳани муҳокама этишингиз лозим.

ШОЙ ДА. Сартарош оғир шартлар қўяди.

СУН. Мени ҳам ўша шартлардан хабардор қилиб қўйсангиз бўларди.

ШОЙ ДА (*гапни айлантириб*). Чолдеворлар хали ярайверади.

СУН. У ерда ишлаётганчувриндилар учун ярайверади, аммо тамаки учун ярамайди. У нам тортиб қолаяпти. Мен мажлисгача Ми Дзю хоним билан гаплашиб, биносини беришга кўндираман. Янги бинога кўчиб ўтайлик, барча чўлоқ-маймок, гадо-рӯдапо, қаланғи-қасанғиларни қувамиз. Улар ярамайди. Бир пиёла чой устида Ми Дзю хонимнинг семиз тиззаларини бир силаб қўйсам, бас, бинонинг ярим баҳосидан кечворади.

ШОЙ ДА (*кескин*). Керак эмас! Мен фирманинг шаънига муносиб, корчалон кишига хос ўзингизни вазмин ва сипо тутишингизни талаб қиласман.

СУН. Нега жаҳлингиз чиқади? Наҳотки анави фийбатларни ўйлайсиз?

ШОЙ ДА. Мен ғийбатларга қулоқ солмайман.

СУН. Демак, яна ёмғир туфайли. Ҳар гал ёмғир ёғса, сиз асабийлашиб, маъюс тортиб қоласиз. Сабаби нимада экан?

КҮЧАДАН ВАННИНГ ОВОЗИ КЕЛАДИ:

*Қалдироқ ғумбурлаб, ёмғир қуяди,
Мен эса күчада сув сотаман, сув.
Ҳеч ким сув сўрамас, сув сотиб олмас,
Ҳеч кимсага керак эмас у.*

*Тинмай қичқираман: “Яхдай яхоб!”
Ҳеч ким сотиб олмайди уни.
Ҳаттоқи тушимайди сариқ чақа ҳам
Менинг чўнтағимга шу куни...*

СУН. Яна ўша лаънати мешкоб! Яна у хирагини бошлайди.

ВАННИНГ ОВОЗИ. Наҳотки, шаҳарда биттаям раҳмдил киши топилмаса? Ҳаттоқи меҳрибон Шен Де яшаган мана шу уйда ҳам? Бундан бир неча ой олдин ёмғир қуйиб турганда, у қувончини ичига сиғдиролмай, мендан бир кружка сув сотиб олган эди, қани, ҳозир қаерда у? Наҳотки уни ҳеч кимса кўрмаган бўлса? Дарагини ҳеч кимса эшитмаган бўлса? Бир куни оқшом у ана шу уйга кирганича, қайтиб чиқмади.

СУН. Овозини ўчириб қўяйми? Унинг қаердалиги билан нима иши бор? Гапнинг сирасини айтганда, унинг қаердалигини сиз менга атай айтмаяпсиз.

ВАН (*киради*). Жаноб Шой Да, яна бир карра сўрайман, Шен Де қачон қайтади? Кетганига ярим йил бўлди. (*Шой Да индамайди*.) Бу орада шундай воқеалар рўй бердики, у бўлганда, балки рўй бермас эди. (*Шой Да жисм тураверади*.) Жаноб Шой Да, Шен Дега бир гап бўлганмиш деган миш-мишлар юрибди. Биз, унинг дўстлари хавотирдамиз. Марҳамат қилиб, бизга манзилини айтиб берсангиз.

ШОЙ Да. Жаноб Ван, афсуски, ҳозир вақтим зик. Келаси ҳафта келинг.

ВАН (*ҳаяжонланиб*). Дўкон эшиги олдида бева-бечораларга яна гуруч улашилмоқда.

ШОЙ Да. Одамлар бунга нима дейишашапти?

ВАН. Шен Де ҳеч қаёққа кетмаган, дейишашапти.

ШОЙ Да. Хўш? (*Ван индамайди*.) Унда мен жавоб бера қолай. Жавобим қатъий. Жаноб Ван, агар сиз Шен Денинг дўсти бўлсангиз, унинг қаердалигини суриштирманг. Сизга маслаҳатим шу.

ВАН. Яхши маслаҳат. Жаноб Шой Да, гойиб бўлишидан олдин Шен Де менга оғироёқман, деган эди.

СУН. Нима?

ШОЙ Да (*шошиб*). Ёлғон!

ВАН (*жуда жиддий*). Жаноб Шой Да, Шен Денинг дўстлари уни охироқибат суриштирмай қўяди, деб ўйласангиз, адашасиз. Яхши одамни унубий бўлмайди, яхшилар оз учрайди. (*Кетади*.)

Шой Да ҳанг-манг бўлиб, унинг изидан қараб қолади. Кейин шошилиб, дўкон тўридаги хонага кириб кетади.

СУН (*томошибинларга*). Шен Де оғироёқ! Астагфуруллоҳ! Мени алдашибди! Буни у амакиваччасига айтган, бу ярамас эса уни дарҳол

жўнатиб юборган. “Боланинг отаси хабар топмасдан аввал нарсаларингни йиғиштиришади, жўнаб қол”. Лекин бу – абраҳимли! Бағритошлик! Менниг ўғлим туғилади. Яна битта Ян дунёга келади! Хўш, нима бўляяпти ўзи? Қиз ғойиб бўлади, мени эса бу ерда қўшга қўшишади. (*Фазаби қўзиб*) Йўқ, битта шляпа билан қутулмайсан! (*Шляпани оёги остига олиб, топтайди.*) Жиноятчи! Қароқчи! Бола ўғриси! Қиз бечора эса пушти-паноҳидан маҳрум! (*Ичкари хонадан бирорвонинг ҳиқиллаб йиглагани эши-тилади. У турган ерида қотиб қолади.*) У ерда ким йиғлаши мумкин? Бу ким бўлдийкин? Тинди. Йўқ, яна йиғлаяпти. Ҳар қалай, анави уста-си фаранг Шой Да эмас! Бўлмаса, ким? Яна дўкон олдида гуруч хайри-худойи қилиниши-чи? Наҳотки, қиз шу ерда бўлса? Наҳотки, уни анави яшириб юрган бўлса? Бўлмаса, ким йиғлайди? Аломат иш бўларди-да! Бас, у оғироёқ экан, мен уни излаб топишим керак!

(*Шой Да ичкаридан чиқиб келади. Эшикка яқинлашиб, ёмғирни кузатади.*) Хўш, у қаерда?

ШОЙ ДА (*захарханда қўтириб, қулоқ солади*). Бирпас сабр! Соат тўққиз бўлди. Аммо негадир ҳеч нарса эшитилмаяпти. Сел ёғаяпти.

СУН (*захарханда қилиб*). Сиз нимани эшитмоқчи эдингиз?

ШОЙ ДА. Почта самолёти овозини.

СУН. Ҳазиллашаяпсиз!

ШОЙ ДА. Бир пайтлар учмоқчи эдингиз, шундоқми? Энди ҳафсалангиз пир бўлиб қолдими?

СУН. Агар сиз ҳозирги аҳволимни кўзда тутаётган бўлсангиз, ундан шикоятим йўқ. Ростини айтсам, мен тунги хизматни хуш кўрмайман. Почта самолётлари тунда учади. Мен эса, фирмага қаттиқ боғланаб қолдим. Ҳар қалай бу – собиқ қайлиғимнинг фирмаси. Гарчи ўзи бу ердан кетиб қолган бўлса ҳам. Унинг кетиб қолгани ростми?

ШОЙ ДА. Нега буни сўрайсиз?

СУН. Сабабки, унинг ишларига мен ҳали бепарво қарай олмайман.

ШОЙ ДА. Бу гапни жияним ҳам қизиқиб эшитган бўларди.

СУН. Мен уни эрки ихтиёридан маҳрум қилишларига энди қараб ту-ролмайман.

ШОЙ ДА. Ким маҳрум қилди?

СУН. Сиз!

Пауза

ШОЙ ДА. Хўш, нима қилмоқчисиз?

СУН. Мен аввало фирмадаги мавқеимни гаплашиб олишни истардим.

ШОЙ ДА. Гап бу ёқда денг! Хуллас, агар фирма, яъни, мен сизни маъ-лум мансабга кўтарсам, собиқ қайлиғингизни сўраб-суринтиришни бас қиласиз, шундоқми?

СУН. Эҳтимол.

ШОЙ ДА. Хўш, қайси мансабни истайсиз, ким бўлмоқчисиз?

СУН. Хўжайнин. Яъни, мен сизни улоқтириб ташламоқчиман.

ШОЙ ДА. Фирма сизни улоқтириб ташласа-чи?

СУН. Унда мен балки, қўшалоқ бўлиб келардим.

ШОЙ ДА. Ким билан?

СУН. Полиция билан.

ШОЙ ДА. Полиция билан? Хўш, полиция бу ерда ҳеч нарса тополмаса-чи?

СУН. У нариги хонага ҳам бир кўз ташлаб қўярди! Жаноб Шой Да, мен севгилимни жуда соғиндим. Уни яна бағримга босишим учун бир нималар қилишим керак, мен буни сезиб турибман. (*Хотиржамлик билан*) У оғироёқ, ёрдамга муҳтож. Бориб, мешкоб билан гаплашаман. (*Кетади*). *Шой Да унинг изидан индамай қараб туради. Кейин шошилинч нариги хонага киради. Шен Денинг кийим-кечак, атир-упаларини олиб чиқади. Гиламфуришидан сотиб олинган шолрўмогла узоқ тикилиб қолади. Сўнг ҳаммасини битта тугун қилиб тугади, ташқаридан оёқ шарпасини эшишиб, уни стол остига таштайди. Уй эгаси-хоним билан жаноб Шу Фу киради. Улар Шой Даға салом бериб, калишларини ечиб, соябонларини гилофга жойлашиади).*

УЙ ЭГАСИ-ХОНИМ. Куз ҳам келиб қолди, жаноб Шой Да.

ЖАНОБ ШУ ФУ. Ҳа, юракни фаш қиласиган фасл!

УЙ ЭГАСИ-ХОНИМ. Анави мафтункор ходимингиз кўринмайдими? Ўзиям оғатижон! Балки сиз бу жиҳатларидан бехабардирсиз. Лекин у ўз эркакча сеҳрини – хизмат бурчини бежирим адо этиш билан боғлай оладики, буниси сизга кони фойда.

ШОЙ Да (*таъзим қилиб*). Марҳамат, ўтирсинлар. (*Ўтириб, чекишиади*.) Дўстларим, оқибати баҳайр бўлмаган воқеалар корхона истиқболи ҳақида бошлаган музокараларимизни тезлаштиришни тақозо этади. Жаноб Шу Фу, менинг фабрикам танг аҳволда.

ЖАНОБ ШУ ФУ. Ҳамишагидек.

ШОЙ Да. Мен янги бино ҳақида келишиб олдик демасам, полиция фабрикани бекитмоқчи бўлиб, очиқдан-очиқ таҳдид қилмоқда. Жаноб Шу Фу, гап сиз ёқтириб қолган жиянимнинг яккаю ягона мулки устида кетаяпти...

ЖАНОБ ШУ ФУ. Жаноб Шой Да, доимий кенгайиб борувчи лойиҳаларингиз муҳокамасида иштирок этишга унча ҳушим йўқ. Мен жиянингиз билан бир пиёла чой устида гаплашмоқчиман десам, сиз молиявий қийинчиликларингизни рўкач қиласиз. Мен уйсизлар учун жиянингиз ихтиёрига бошпана берсам, сиз у ерда фабрика очасиз. Мен жиянингизга деб чек берсам, сиз уни ундириб оласиз. Жиянингиз фойиб бўлади, сиз эса юз минг қумуш доллар ундиримоқчи бўласиз. Боз устига, берган уйларингиз торлик қиласиганда, деб менга таъна қиласиз. Жаноб Шой Да, жиянингиз қаерда?

ШОЙ Да. Хотиржам бўлинг, жаноб Шу Фу. Сизни ишонтириб айтаманки, у тез орада қайтади.

ЖАНОБ ШУ ФУ. Тез орада? Қачон? Мен бу сўзни сиздан сурункасига бир неча ҳафтадан бўён эшитаман.

ШОЙ Да. Мен сиздан яна имзо чекинг деб талаб қилаётганим йўқ. жияним қайтса, менинг лойиҳам билан қизиқиб кўрасизми – ёлғиз мана шуни сўраяпман, холос.

ЖАНОБ ШУ ФУ. Мен минг марталаб айтганман, сиз билан гаплашадиган гапим йўқ, жиянингиз билан эса, аксинча, ҳамма нарсани муҳокама этишга ҳозирман. Аммо, менинг назаримда, сиз бизнинг сухбатимизга йўл қўймоқчи эмассиз.

ШОЙ Да. Энди унақа ниятим йўқ.

ЖАНОБ ШУ ФУ. Хўш, унда биз қачон сухбатлашамиз?

ШОЙ Да (мужсал қилиб). Уч ойдан сўнг...

ЖАНОБ ШУ ФУ (*аҷчиқланиб*). Унда мен уч ойдан сўнг имзо чекаман. ШОЙ Да. Унгача ҳамма нарсани тайёрлаш керак.

ЖАНОБ ШУ ФУ. Жиянингизнинг бу гал чиндан ҳам келишига ишонсангиз, Шой Да, сиз ҳамма нарсани тайёрлашга улгурасиз.

ШОЙ Да. Ми Дзю хоним, фабрикангиз биносини олаётганим ҳақида сиз полицияга кафолат бера оласизми?

ҮЙ ЭГАСИ-ХОНИМ. Албатта, ўз бошқарувчингизни менга хизматга берсангиз, бас. Мен буни сизга аллақачон айтганман (*Жаноб Шу Фуга*). У жуда улдабурон йигит, менга эса бошқарувчи керак.

ШОЙ Да. Ишда қийинчиликлар қўпайиб, соғлигим ёмонлашиб қолган шу тобда жаноб Ян Суннинг ёрдамига жудаям мухтожман, сиз буни тушунмоғингиз керак! Мен бошданоқ уни сизга бермокчи эдим, лекин...

Пауза

ШОЙ Да. Хўп, эртага идорангизга боради.

ЖАНОБ ШУ ФУ. Баракалла, Шой Да, мана бу бошқа гап. Агар Шен Де бону чинданам қайтадиган бўлса, у йигитнинг бу ерда бўлиши жуда нокулай. Шўрлик қизнинг бошига не кунларни соглани ҳаммамизга маълум.

ШОЙ Да (*таъзим қилиб*). Шубҳасиз. Жияним Шен Де ва жаноб Ян Сунга тегишли ҳар икки масалада гапни чайнаб, иккиланиб гапирганим учун узр. Улар бир пайтлар жуда қадрдон бўлишган.

ҮЙ ЭГАСИ-ХОНИМ. Сизни тушунамиз.

ШОЙ Да (*эшикка қараб*). Дўстларим, келинг, энди қатъий карорга келайлик. Бир пайтлар маҳалла камбағаллари тамаки сотиб оладиган кичкина дўконча ўрнига йигирмата йирик дўкон очамиз, уларда Шен Денинг хушбўй тамакиси сотилади. Биламан, ҳалқ мени Сичуанинг тамаки кироли деб атайди. Аслида мен ёлғиз жиянимнинг манфаатини қўзлаб, бу корхонага бош-қош бўлдим. У жиянимга, унинг болаларига, болала-рининг болаларига мерос бўлиб қолади.

Кўчадан ҳалойиқнинг шовқини эшитилади. Сун, Ван ва полициячи киради.

ПОЛИЦИЯЧИ. Жаноб Шой Да, мени маъзур тутасиз, бизга фабрикангиздан жиянингиз Шен Дени қамоқда сақлаётганингиз ҳақида шикоят тушган, маҳалла ахолиси кўтарган шов-шув ана шу даъвони текшириб кўришни такоза этади.

ШОЙ Да. Бу бехуда гап.

ПОЛИЦИЯЧИ. Жаноб Ян Сун ичкари хонадан хотин кишининг йифисини эшиздим, деб айтди.

ҮЙ ЭГАСИ-ХОНИМ. Бу кулгули гап. Мен ва жаноб Шу Фу, яъни фикри полицияга ҳам мўътабар бўлган шаҳарнинг муҳтарам фуқаролари, гувоҳлик бериб айтамизки, бу ерда ҳеч кимса йиғлагани йўқ. Биз ўз сигаримизни бемалол чекиб ўтирибмиз.

ПОЛИЦИЯЧИ. Маъзур тутасиз, менга ўша хонани қўздан кечириш топширилган. (*Шой Да эшикни очади. Полициячи таъзим қилиб, ичкари киради. У ерни қўздан кечириб, изига қайтади, кулимсирайди.*) Дарҳақиқат, у ерда ҳеч ким йўқ.

СУН (унга яқинлашиб). Ахир, кимдир йиғлади, мен ўз қулоғим билан эшиздим! (Унинг қўзи стол остидаги тугунга тушади. Ўшанга ташланади.) Манави бу ерда йўқ эди. (Тугунни ечиб, Шен Денинг кўйлакларини кўрсатади.)

ВАН. Шен Денинг кийимлари! (Эшикка қараб чопади ва қичқиради.)
Унинг кўйлакларини топишид!

ПОЛИЦИЯЧИ (кийимларни олиб). Сиз, жияним жўнаб кетди, деган эдингиз. Стол остидан унинг кийимлари тугилган тутун топилди. Қиз қаерда, жаноб Шой Да?

ШОЙ Да. Унинг манзили менга номаълум.

ПОЛИЦИЯЧИ. Афсус.

ХАЛОЙИҚ ИЧИДАН ОВОЗЛАР. Шен Денинг нарсаларини топишид!
Тамаки кироли уни ўлдириб, гумдон қилган!..

ПОЛИЦИЯЧИ. Жаноб Шой Да, мен билан боришингизга тўғри келади.

ШОЙ Да (уй эгаси-хоним ва жаноб Шу Фуга таъзим қилиб). Шундок можаро рўй бергани учун узр сўрайман, жаноблар. Аммо Сичуанда ҳали судялар бор. Ишонаманки, тезда ҳаммаси равшан бўлади. (Чиқади, унинг изидан полициячи эргашади.)

ВАН. Даҳшатли жиноят юз берган!

СУН (қалтираб). Йиғи товушини ўз қулоғим билан эшитдим...

ИНТЕРМЕДИЯ

Ванинг қўналгаси. Мусиқа. Мешкоб сўнгги бор фаришталарни туши кўради. Улар жуда ўзгариб кетишиган. Сарсонлик-саргардонлик, бениҳоя ҳоргинлик ва машақватли синовларнинг излари кўриниб туради. Бирининг иляпаси қўйшайиб қолган, бошқаси тулки учун қўйилган қотқонга тушган, учаласи ҳам ялангоёқ.

ВАН. Ҳайриятки келдингиз, оқилу донолар! Шен Денинг тамаки дўконида қўрқинчли воқеалар рўй бермоқда! Мана, бир неча ойдирким, унинг ўзидан дом-дарак йўқ. Ҳамма ишни амакивачаси ўз қўлига олиб олган! Бугун уни қамоққа олишди. Айтишларича, у дўконни эгаллаш учун қизни ўлдирган эмиш. Мен бунга ишонмайман, нега десангиз, Шен Де тушимга кириб, мен амакиваччам қўлида асирман, деди. Эй оқилу донолар, сиз ҳозироқ бориб Шен Дени топиб беришингиз керак.

БИРИНЧИ ФАРИШТА. Мана бу – даҳшат. Бутун ҳаракатларимиз зое кетди. Биз яхши кишиларни оз учратдик, ўшалар ҳам инсонга муносиб ҳаёт кечиришмайди. Ишонган тоғимиз Шен Де эди.

ИККИНЧИ ФАРИШТА. Агар у ҳам айнамаган бўлса!

ВАН. Йўқ, у айнамаган, фактат йўқолиб қолди, холос!

БИРИНЧИ ФАРИШТА. Унда ҳамма нарса тугади.

ИККИНЧИ ФАРИШТА. Босиқ бўлинг.

БИРИНЧИ ФАРИШТА. Босиқ бўлинг нимаси? Уни топмасак, истеъфога чиқишига мажбур бўламиз. О, биз кўрган дунёни айтишга тил ожиз – ҳаммаёқда ҳалокат, пасткашлик, хиёнат! Ҳатто, табиат ҳам бизни алдади. Гўзал дараҳтларнинг бошлари сим билан кирқилган, тоғлар ортида қуюқ тутунлар бурқсиб, замбараклар гумбурламоқда, булардан сесканмай, собит тура оладиган битта ҳам инсон йўқ!

УЧИНЧИ ФАРИШТА. Оҳ, мешкоб, афтидан, фармойишларимизнинг оқибативой! Биз тайин этган барча ахлоқий қоидалар ўчириб ташланмаса эди, деб қўрқаман. Инсонлар лоақал ўз жонларини сақлаб қолиш учун ҳам қанчалар заҳмат чекишади. Яхши ниятлар уларни жар ёқасига элтади, яхши ишлар эса жаҳаннамга улоқтиради. (Шерикларига). Дунётирикчилик учун нокулай, сиз буни эътироф этишингиз лозим!

БИРИНЧИ ФАРИШТА (*қизғин*). Йўқ, одамзод ўзи ҳеч нарсага арзимайди!

УЧИНЧИ ФАРИШТА. Негаки, дунё жудаям совук!

ИККИНЧИ ФАРИШТА. Сабабки, одамлар жуда ожиз!

БИРИНЧИ ФАРИШТА. Сабот керак, азизлар, сабот! Ноумид бўлманг, биродарлар! Ёмонлик йўлига юрмаган битта яхши инсонни топа олдикку. У йўқолиб қолди. Уни қидириб, топайлик. Битта яхши инсон ҳам етади. Бундай ҳаётга бардош бера олган битта яхши инсон, ҳа, ёлғиз битта одам топилса, бас, ҳаммаси тузалади, деб айтмаганимидик?!

Фаришталар тезда гойиб бўлишиади.

X

Суд зали. Гурух-гурух бўлиб ўтиришиибди: жаноб Шу Фу ва уй эгаси-хоним. Сун ва унинг онаси. Ван, дурадгор, қария, ёши фоҳиша, чол-кампир. Шин. Полициячи. Келинчак.

ЧОЛ. Унинг қўли ҳамма ёққа етади.

ВАН. У ўн иккита янги дўкон очаяпти.

ДУРАДГОР. Сартарош Шу Фу билан уй эгаси Ми Дзю хоним судя-нинг ҳам, айбланувчининг ҳам дўстлари. Шундок бўлгач, адолатли хукм чиқаришармикин?

КЕЛИНЧАК. Кеча кечкурун одамлар кўришибди, жаноб Шой Данинг топшириғи билан Шин судянинг уйига семиз бир ғоз элтиб берибди. Ёғи саватдан томиб турганмиш.

КАМПИР (*Ванга*). Шўрлик Шен Демизни энди ҳеч қачон топишол-майди.

ВАН. Ҳа, факат фаришталар ҳақиқат қилишлари мумкин.

ПОЛИЦИЯЧИ. Жим бўлинглар! Суд келаяпти!

Судялар либосида уч фаришта киради. Улар рампа олдидан ўтиб, ўз ўринларига қараб боришаркан, ўзаро шивирлаб гаплашганлари эшитилиб туради.

УЧИНЧИ ФАРИШТА. Ҳаммаси ошкор бўлади. Ҳужжатлар қалбаки, яхши тайёрланмаган.

ИККИНЧИ ФАРИШТА. Судянинг тўсатдан қорни оғриб қолиши ҳам одамларда шубҳа уйғотади.

БИРИНЧИ ФАРИШТА. Йўқ, шундок бўлиши табиий, ахир у бир ўзи яримта ғозни паққос туширди.

ШИН. Янги судялар!

ВАН. Ва жуда яхши судялар!

Ҳаммадан орқада бораётган учинчи фаришта бу сўзларни эшитиб, ўғирилиб, унга табассум қиласди. Фаришталар ўтиришиади. Биринчи фаришта болгача билан столни тақиллатади. Полициячи Шой Дани олиб киради. Уни ҳуштакбозлик билан қарши олишади, аммо у ўзини мағур тутади.

ПОЛИЦИЯЧИ. Тасодифларга шай бўлиб туринг. Бу сизга судя Фу И-Чен эмас. Лекин янги судялар ҳам анча мурувватли кўринади.

(*Фаришталарни кўрган Шой Да йиқилиб, ҳушидан кетади.*)

ЁШ ФОҲИША. Вой, нима бўлди? Тамаки қироли ҳушидан кетиб

қолди.

КЕЛИНЧАК. Ҳа, янги судяларни кўриб, эси оғди!

ВАН. Демақ, уларни танир экан-да! Ғалати!

БИРИНЧИ ФАРИШТА (*суд мажлисини очиб*). Сиз йирик тамаки савдогари Шой Даисиз, шундоқми?

ШОЙ Да (*жуда заиф овоз билан*). Ҳа.

БИРИНЧИ ФАРИШТА. Сиз жиянингиз Шен Де хонимни бир ёққа суриб, унинг дўйконини эгаллаб олганингиз ҳақида шикоят тушди. Айбингизга иқрормисиз?

ШОЙ Да. Йўқ.

БИРИНЧИ ФАРИШТА (*ишини варақлаб*). Дастребайланувчи ва унинг жияни ҳақида маҳалла полициясининг фикрини эшитсан.

ПОЛИЦИЯЧИ (*олдинга чиқиб*). Шен Де бону ҳаммага бажонудил ёрдам берар эди. Ўзи ҳам яшар, ўзгани ҳам яшатар эди. Жаноб Шой Да, аксинча, қаттиқўл одам. Жиянининг раҳмдиллиги оқибатининг олдини олиш учун у баъзан кескин чоралар кўришга ҳам мажбур бўлди. Жаноби олийлари, қизга қарама-қарши ўлароқ, у ҳамиша қонунга суюниб иш кўрди. У жияни ишониб, бошпана берган кишиларни ўғрилар шайкаси сифатида фош этди, бир гал энг сўнгги дақиқада Шен Дени соҳта гувоҳлик беришдан сақлаб қолди. Мен жаноб Шой Даини қонунларни ҳурмат қилувчи, иззат-эътиборли граждан сифатида танийман.

БИРИНЧИ ФАРИШТА. Айбланувчини оқлаб, гувоҳлик берувчи яна ким бор?

Жаноб Шу Фу билан Ўй эгаси хоним олдинга чиқшишади.

ПОЛИЦИЯЧИ (*фаришталарга шивирлаб*). Жаноб Шу Фу, ғоят нуфузли зот!

ЖАНОБ ШУ ФУ. Жаноб Шой Да шаҳарда муҳтарам зот саналади. У савдо палатасида иккинчи раис, ўзи яшаётган маҳалла халқи уни яқинда мировой судя қилиб кўтармоқчи.

ВАН (*қичқириб*). Сиз кўтармоқчисиз! Оғиз-бурун ўпишиб, иш битирализ!

ПОЛИЦИЯЧИ (*шивирлаб*). Қора ниятли шахс!

ЎЙ ЭГАСИ-ХОНИМ. Васийлик жамиятининг раисаси сифатида судга маълум қиласманки, жаноб Шой Да ўз фабрикасининг кўплаб ишчиларига энг яхши, ёргува кенг ишхоналар тақдим этиш ниятидадир, шу билан бирга, у ногиронлар уйига атаб, ҳамиша хайри худойи қилиб туради.

ПОЛИЦИЯЧИ (*шивирлаб*). Ми Дзю хоним, судя Фу И-Ченнинг улфати.

БИРИНЧИ ФАРИШТА. Хўп-хўп, биз энди айбланувчини айблаб гапи-рувчиларни ҳам эшитишимиз керак.

Олдинга Ван, дурадгор, чол-кампир, иисиз, келинчак, ёши фоҳииша чиқшишади.

ПОЛИЦИЯЧИ. Маҳалланингчувриндилари.

БИРИНЧИ ФАРИШТА. Хўш, Шой Да ҳақида сиз нима дея оласиз?

ХИТОБЛАР:

- У бизни адo қилди!
- Менинг пулимни тортиб олди!
- Ёмон йўлга бошлади!
- Сиқиб, сувимизни ичди!
- Алдади!

– Чап берди!

– Ўлдириди!

БИРИНЧИ ФАРИШТА. Айбланувчи, сиз бунга нима дейсиз?

ШОЙ ДА. Жаноби олийлари, мен ўз жиянимни фалокатдан асраб қолдим, холос. Мен ҳар гал хавф-хатар туғилиб, у дўкончасидан айрилиши муқаррар бўлганда, ҳозир бўлдим. Уч карра келишимга тўғри келди. Ҳеч қачон бу ерда доимий қолишни ўйламадим. Кейинги гал шароит оғирлашиб қолганлиги туфайли узоқ туриб қолдим. Мен ҳамиша иш, ташвишга ботдим. Бу ерда жиянимни севишади, менга қолгани – қора иш. Шунинг учун ҳам мени ёмон кўришади!

КЕЛИНЧАК. Ажаб бўпти! Жаноби олийлари, лоақал бизнинг болалимни эсланг. (*Шой Дага*) Мен қоплар ҳақида гапириб ўтирамайман.

ШОЙ ДА. Нега гапирмайсан, а? Нега гапирмайсан?

КЕЛИНЧАК (*фариишталарга*). Шен Де бизга бошпана берди, у эса бизни қаматди.

ШОЙ ДА. Сенлар сомса ўғирладиларинг!

КЕЛИНЧАК. Сен новвойни ўйладингми? Ҳечам-да! Сен дўконни эгаллаб олмоқчи бўлдинг.

ШОЙ ДА. Дўкон карвонсарой эмас. Сенлар нуқул ўзларингни ўйладиларинг!

КЕЛИНЧАК. Бош суқадиган бошқа жойимиз йўқ эди!

ШОЙ ДА. Сенлар кўп бўлсаларинг, мен нима қиласай?

ВАН. Булар-чи? (*Чол-кампирни кўрсатиб*) Булар ҳам факат ўзларини ўйлашдими?

ЧОЛ. Биз жамғарган пулларимизни Шен Денинг дўконига бердик. Сен нега бизни ўз дўконимиздан айирдинг?

ШОЙ ДА. Жияним бир учувчига ёрдамлашмоқчи бўлди. Мен пул тошиш керак эди!

ВАН. У эҳтимол ёрдамлашмоқчи бўлгандир, лекин сен ўз фойдангни изладинг! Битта дўкон сенга камлик қилди.

ШОЙ ДА. Бинонинг ижара баҳоси баланд эди!

ШИН. Тўғри, мен буни тасдиқлайман.

ШОЙ ДА. Жияним иш юритишни билмас эди.

ШИН. Бу ҳам тўғри, мен тасдиқлайман. У ҳатто бир учувчини севиб қолган эди.

ШОЙ ДА. Нима, севмаслиги керак эдими?

ВАН. Албатта! Лекин сен уни ўзи севмаган кимсага, анави сартарошга бермоқчи бўлдинг!

ШОЙ ДА. Унинг кўнгил кўйган одами пасткаш бўлиб чиқди.

ВАН. Мана буми? (*Сунни кўрсатади.*)

СУН (*сакраб ўрнидан туради*). Мени пасткашлигим учун ишга олдингми?

ШОЙ ДА. Сени тузатиш учун ишга олдим! Тузатиш учун!

КЕЛИНЧАК. Ха, уни ур-калтак қилиш учун олдинг!

ВАН. Уни тузатиб, кейин манави хонимга сотдинг, тўғрими? (*Уй эгаси хонимга ишора қиласади.*) Бу ҳақда у ҳамма жойда жар солиб юрибди!

ШОЙ ДА. У аввал унга тиззаларини силатиб, кейин менга биносини беришга рози бўлди.

ҮЙ ЭГАСИ-ХОНИМ (*иззат-нафсига оғир олиб*). Ёлғон! Бинога тил тегизманг! Мен энди гаплашишни истамайман, қотил!

СУН (қатъий). Жаноби олийлари, мен айбланувчи фойдасига бир-икки оғиз гапирмоқчи эдим.

КЕЛИНЧАҚ. Албатта гапиришинг керак. Чунки қўл остида ишлайсан.

ИШСИЗ. Бунақа ёвуз ур-калтакни биринчи бор қўришим. У жудаям қутуриб кетди.

СУН. Жаноби олийлари, айбланувчи менга жабр қилгани рост, лекин у қотил эмас. Уни қамоққа олишларидан бир неча дақиқа олдин мен дўконхона тўридаги ҳужрадан Шен Денинг овозини эшитдим.

БИРИНЧИ ФАРИШТА (*шошиб*). Демак, у тирик? Бизга аниқ қилиб айт, нима эшитдинг?

СУН (*танманавор*). Йиғи, жаноби олийлари, йиғи!

УЧИНЧИ ФАРИШТА. Сен унинг овозини танидингми?

СУН. Албатта! Мен танимасам, ким танийди?

ЖАНОБ ШУ ФУ. Ҳа, сен уни тез-тез йифлатиб турардинг.

СУН. Мен уни ҳарқалай баҳтиёр қилдим. Лекин манави (*Шой Дани кўрсатиб*) уни сенга сотмоқчи бўлди.

ШОЙ ДА (*Сунга*). Чунки сен уни севмас эдинг!

ВАН. Йўқ, бунинг учун эмас. Сенга пул керак эди!

ШОЙ ДА. Ҳўш, нега пул керак эди? (*Сунга*) Сен унинг ҳамма дўстларидан воз кечишини талаб қилдинг, сартарош эса бева-бечораларга ёрдамлашиш учун уй ва ақчаларини аямади. Хайрли ишини давом эттирсин деб, мен қизни сартарошга унаштириб қўйдим.

ВАН. Ҳўш, қўлингда имзоланган катта чек турганда, нега сен хайрли ишларга йўл қўймадинг? Ҳой, тамаки қироли, айт, нега сен Шен Де дўстларини фабриканинг ифлос катакларига қамаб қўйдинг.

ШОЙ ДА. Мен буни болани деб қилдим.

ДУРАДГОР. Менинг болаларимни ўйладингми? Сен уларнинг бошига не кунларни солмадинг.

Шой Да индамайди.

ВАН. Энди индамайсан. Фаришталар Шен Дега, хайрли ишларнинг мўъжаз булоғи бўлсин, деб дўкон ато этишди. У ҳамиша хайрли ишларга интилди, сен келиб, барини барбод қилдинг.

ШОЙ ДА (*газабланиб*). Шундай қилмасам, булоқ қуриб қолар эди, нодон!

ШИН. У тўғри айтади, жаноби олийлари!

ВАН. Сув ичилмайдиган чашмадан не фойда?

ШОЙ ДА. Хайрли ишлар охири хонавайрон қилади!

ВАН (*газаби қайнаб*). Увол ишлар баҳт келтирадими, а? Сен оккўнгил Шен Дени нима қилиб қўйдинг, бадбаҳт? Яхши одамни топиш осон эканми, оқилу донолар? У яхши одам эди. Анави менинг қўлимни синдириб қўйганда, у гувоҳликка ўтмокчи бўлди. Мана, мен энди унга гувоҳликка ўтаяпман. У яхши инсон эди, қасамёд қиласман, қасамёд қиласман! (*Қасам ичии учун қўлини кўтаради.*)

УЧИНЧИ ФАРИШТА. Қўлингга нима қилди, мешкоб? У букул-маяпти-ку!

ВАН (*Шой Дани кўрсатиб*). Бунга манави айбдор, ха, фақат, шу. Шен Де даволаниш учун менга пул бермоқчи эди, лекин манави етиб келди. Сен унинг хундор душмани эдинг!

ШОЙ ДА. Мен унинг ягона дўсти эдим!

ҲАММА. У қаерда?

ШОЙ ДА. Жўнаб кетди.

ВАН. Қаёққа?

ШОЙ ДА. Айтмайман!

ҲАММА. Хўш, у нега жўнаб кетади?

ШОЙ ДА (қичқириб). Кетмаса, уни тилка-пора қилар эдиларинг! (Тўсатдан жисимлик чўқади. Стулга ўзини ташлайди). Мен ортиқ чидай олмайман! Ҳаммасин очиб ташлайман! Зални бўшатишсин! Фақат судялар қолсин, мен бор гапни айтаман.

ҲАММА. У иқрор бўлди! Сири очилди!

БИРИНЧИ ФАРИШТА (болгача билан столга уриб). Зални бўшатинглар!

Полициячи халойиқни ташқарига ҳайдайди.

ШИН (кетаётиб, кулади). Ажаб ҳангома бўладиган бўлди!

ШОЙ ДА. Кетишдими? Ҳамма кетдими? Мен ортиқ жим туролмайман. Мен сизларни танидим, оқилу донолар!

ИККИНЧИ ФАРИШТА. Бизнинг Сичуандан чиққан меҳрибон кишилизни нима қилиб кўйдинг?

ШОЙ ДА. Ижозат беринг, даҳшатли ҳақиқатга иқрор бўлай, ўша меҳрибон кишинингиз – мен ўзимман! (Ниқобини ечиб, кийимларини юлқиб, бир ёққа отади. Судялар олдида Шен Де пайдо бўлади.)

ИККИНЧИ ФАРИШТА. Шен Де!

ШЕН ДЕ. Ҳа, мен. Шой Да ҳам, Шен Де ҳам – мен ўзимман!

Сизнинг ўша мутлақ фармойшишингиз, яъни,
Яша, яхши инсон бўл, деб берилган фармон
Чақмоқдай иккига бўлиб ташлади мени.
Билолмадим, нега, аммо бўлолмадим мен
Ҳам ўзим, ҳам ўзгаларга бирдек меҳрибон.
Ҳам ўзим, ҳам ўзгаларга қайшишмоқ қийин.
Оҳ, дунёнгиз оғир! Унда эҳтиёж бисёр.
Яна бисёр эрур унда афсус-надомат!
Камбагалга қўл узатсанг, юлиб олар у!
Йиқилганга ёрдамлашсанг, бўлтурсан хароб!
Гўшт емасанг – ўласан! Бас, мен қандай қилиб
Тошибагир бўлмайин? Барча зарур нарсани
Мен қаёқдан олай? Демак, ёлгиз ўзимдан.
Бу ахир, билсангиз, ҳалок бўлиши деган гап.
Мени ерга тиқди яхши ниятлар юки,
Аммо лекин қабоҳатга йўл қўйганда-чи,
Яхши этлар едим, бўлдим соҳиби қудрат.
Дунёнгизда бирор иллат борга ўхшайди.
Нечун ёмонлик иззатда, яхшилик забун?
Бахт-иқболга ташналигим билсангиз эди.
Боз устига, менда пинҳон илму донии бор,
Зоро, асрраб олган онам мени зовурда
Чўмилтирган, шунинг учун кўзларим ўткир,
Лекин раҳмдиллик мени азобга қўйди.
Қашлоқликни кўриб, худди бир бўри каби

Мен газабга тўлиб бордим, яъни, ўзгардим,
Оғзим ўхшаб қолди худди бўри оғзига,
Бир ҳовуч кул бўлиб қолди унда сўзларим.
Кошки юрсам маҳаллада фаришта бўлиб.
Бирорларга совга бериши – менга саодат,
Шод чеҳрани кўрсам – бошим ариши аълода.
Менга лаънат айтинг,
Лекин ростини айтай –
Қўшиналарга ёрдам бериб,
Бирорни севиб,
Ўз ўғлимни фақирликдан қутқараман деб,
Қилган бўлсанм, қилдим мен шу жиноятларни.
Мен – кичик одамман, нетай, ожизман ҳатто
Сизнинг улуг режсангизга қодир малаклар!

БИРИНЧИ ФАРИШТА (*даҳшатга тушгани кўриниб туради*). Жим бўл, бадбаҳт! Бу гапларнинг нима кераги бор, сени топганимиздан хурсанд бўлиб турибмиз!

ШЕН ДЕ. Ҳалигина жиноятлари сизга нақл этилган ўша ёвуз одам – мен ўзим бўламан деб сизга айтишим керак, ахир!

БИРИНЧИ ФАРИШТА. Ҳа, ҳамма нуқул яхшиликларини гапирган ўша яхши одам – сен ўзингсан!

ШЕН ДЕ. Йўқ, ёвуз ҳам мен ўзимман!

БИРИНЧИ ФАРИШТА. Бу англашилмовчилик! Бир неча баҳтсиз тасодиф! Қандайдир тошбағир қўшиналар! Бироз ошириб гапиришди, холос!

ИККИНЧИ ФАРИШТА. Хўш, у энди қандай яшайди?

БИРИНЧИ ФАРИШТА. Яшайверади! У кучли ва чидамли, мاشаққатлар унга писандмас.

ИККИНЧИ ФАРИШТА. Унинг нималар деганини эшитмадингми?

БИРИНЧИ ФАРИШТА (*қизишиб*). Гаплари айқаш-уйқаш, ҳа, жудаям айқаш-уйқаш! Ақлга сифмайди, сираям ақлга сифмайди! Наҳотки фармойишларимиз ҳалокатга элтади деб тан оламиз? Наҳотки улардан воз кечамиз? (*Қайсаарлик билан*) Йўқ, асло! Дунё ўзгариши керак деб эътироф этайликми? Қандай қилиб? Ким ўзгартиради? Йўқ, ҳаммаси жойида! (*Болгачаси билан столга уради*. Унинг ишораси билан мусиқа янграйди. Нимпушти чироқ ёнади.)

Энди қайтишишимиз керак, биз бу дунёга
Жуда ҳам боғланиб қолдик, севинч, гамлари
Гоҳо севинтириб, гоҳо ранжитди бизни.
Баривир, биз ўша юксак юлдузлар узра
Кувонч билан сени эсга оламиз, Шен Де!
Бу ерда, пастликда бизнинг фармойишларни
Ҳамон унумтмаган, эй сен, мунис меҳрибон,
Совуқ зулмат аро машъал кўтарган инсон,
Хайр, баҳтиёр бўл!..

Унинг ишорати билан шифт ёрилиб, тепадан пушти ранг булут тушади. Фаришталар булутга ўтириб, аста-секин тепага кўтарила бошлийдилар.

ШЕН ДЕ. О, кетманг, оқилу донолар! Бизни тарк этманг! Мен дўконидан айрилган раҳмдил чол-кампир, қўли майиб мешкобнинг кўзларига қандоқ қарайман? Жиним севмаган сартарошдан, жондан севганим Сундан ўзимни қандай ҳимоя қиласай? Оғироёқман, ҳадемай болам дунёга келиб, нон сўрайди. Мен бу ерда қололмайман, ахир! (*Тинкаси қуриб, эшикка қарайди, эшикдан унинг жафокорлари кириб келишиади.*)

БИРИНЧИ ФАРИШТА. Қоласан! Мехрибон бўлишга интил, ҳаммаси баҳайр бўлади!

Гувоҳлар киришиади. Улар булутга ўтириб тепага кўтарилаётган судяларга ҳанг-манг бўлиб қарашиади.

ВАН. Бизга фаришталар ташриф буюришди! Уларни иззат-эҳтиром қилинг! Уч олий фаришта яхши инсон излаб, Сичуанга келишиди. Уни тошиди, лекин...

БИРИНЧИ ФАРИШТА. Ҳеч қандай лекин-пекини йўқ! Мана у!

ҲАММА. Шен Де!

БИРИНЧИ ФАРИШТА. У ўлмаган, тирик, уни фақат яшириб қўйишган. Яхши одам ораларингда қолади!

ШЕН ДЕ. Менга амакиваччам керак бўлиб туради!

БИРИНЧИ ФАРИШТА. Фақат тез-тез эмас!

ШЕН ДЕ. Ҳафтада бир марта!

БИРИНЧИ ФАРИШТА. Ойида бир марта бўлса ҳам, етади!

ШЕН ДЕ. О, узоқлашманг, оқилу донолар! Мен ҳали ҳамма гапимни айтганимча йўқ! Сиз менга кераксиз!

ФАРИШТАЛАР (куйлашиади).

Булутга миниб, гойиб бўлаётган фаришталар қўшиги:

*Афсуски, биз энди бунда
Қололмаймиз бир муддат.
Фақат учқур бир дақиқа
Мана, бизнинг бор муҳлат.
Гўзал, жонон аёлларни
Чўчитмайлик деб ҳаргиз,
Биз – рўёмиз, сиз – жисмоний,
Бошқачадир йўлимиз.
Сизни ерда тарк этамиз,
Йўқлик сари кетамиз...*

ШЕН ДЕ. Ёрдам беринглар!

ФАРИШТАЛАР:

*Биз сафарни тугатамиз,
Кўкка парвоз этамиз.
Сенга олқииш, мангу шарафион,
Сичуандан чиққан меҳрибон!*

Шен Де жонҳолатда қўлларини уларга чўзади, фаришталар кулимсираб, боши силкиб, кўздан гойиб бўлишиади.


ЭПИЛОГ


Парда олдида актёр ҳозир бўлиб, томошабинларга хитобан мурожаат қилади.

АКТЁР.

Эй сиз, томошабин, азиз, муҳтарам!
Хотима яхшимас, ўзим биламан.
Бизнинг қўллимизда гўзал афсона
Тонди шундоқ якун, аччиқ паймона.
Парда тушибди, бизда ҳижсолат улуғ,
Муаммолар ҳали ҳал бўлгани йўқ.
Тақдиримиз сизга боғлиқдир тамом:
Кўнгилхуши излаб келгансиз буён.
Омадимиз сизга боғлиқдир фақат!
Ҳўши, нима гап? Йўқми бизда жасорат?
Қўрқоқмизми? Ёки санъатда нуқул
Фойда излаймизми? Қани тўғри йўл?
Пул деб нималарни тўқимас одам!
Боишқа бир қаҳрамон, боишқа бир олам,
Боишқа бир малаклар керакми, дейман?
Балки керакмасдир? Тилни тияман.
Бизга ёрдам беринг! Ҳа, ҳиммат айланг,
Ақлу фаросатни хизматга шайланг.
Токи оқибатли инсонлар учун
Топилса яхши йўл, яхши бир якун.
Ёмон якун бизга керакмас асло,
У яхши бўлмоғи зарур мутлақо!

ТАМОМ





ОКТАЙ АКБАЛ
(1923–2015)

ЁШЛИК ҚАЙТИЙ КЕЛМАЙДИ

Ҳикоя

*Рус тилидан
Назира ЖҮРАЕВА
таржимаси*

Ү: “Жуда ҳам ўзгариб кетибсан”, демоқчи бўлди-ю, лекин “Ҳеч ҳам ўзгармабсан”, деб юборганини ўзи ҳам сезмай қолди.

Улар бир-бирларини кўпдан буён танир эдилар. Гўё улар ҳозир биринчи маротаба учрашиб қолгандай эдилар. Бу эркак ёшлигида қарисидаги ана шу шаҳло кўзларга, майин соchlарга, чўччайган лабларга тўйиб-тўйиб қарамагандай эди. Ҳозир қарисидаги соҳибжамоннинг фироқида ёниб, кечаю кундуз у ҳақида ўйламагандек.

Оёқлари ҳали ҳам аввалгидек чиройли... туфлиси ҳам... у доимо худди шундай хипча туфли кийиб юрарди. Қани энди ҳозир ҳам ташки кўриниши ўн икки йил аввал кўрганидай бўлса!..

Апрель ойининг охирлари, кунботар пайт. Сочлари оқарибди, юзига ажин тушибди. Қани энди, ҳозир бу аёлга йигирма ёшидаги ошиқи-беқарор бўлиб юрган пайтидагидек қаролса эди...

– Ҳеч ҳам ўзгармабсан, – деди эркак аёлнинг кўнглини кўтариб.

– Сен ўзгарибсан, – деди аёл эркакнинг кўзларига тик боқиб.

“Бу аёл ёшлигида ҳам чўрткесар, шарттаки эди. Ҳар бир сўзнинг оғир ботиш-ботмаслигини ўйламай, юзингга шартта айтарди-қўярди”. Лекин эркак эса мулоҳаза билан гапиради, дилидаги гапни тилига чиқариб гапирмасди. Улар ёшлиқда учрашиб юрганларида йигит қизнинг юрагида нима борлигини билолмади. Ниҳоят, улар ажралиб кетдилар.

– Сен ҳамон ўша-ўшасан, – деди эркак аёлга жилмайиб.

– Ростданми?

– Билмайман, балки кўзимга шундай кўринаётгандирсан...

“Бекорчи гапларни қўйсанг-чи!..” демоқчи бўлди аёл. Улар бир-бирларига тикилиб турардилар.

– Балки ўтиармиз? – таклиф қилди эркак.

Кема қирғокдан жўнаб кетди. Палуба осойишта эди. Ёқимли шабада эсмоқда.

Аёл юпун кийинганди.

– Совуқ эмасми? – сўради эркак аёлдан.

– Йўқ-йўқ, совуқ эмас! – жавоб қайтарди аёл.

“Менга ғамхўрлик қиласапти, – ўйлади аёл. – Қизик, ҳали ҳам мени севармикин, а? Бўлмасам-чи, эсидан чиқармагани кўзидан кўриниб турибди. Ўн икки йил аввал қандай севган бўлса, ҳозир ҳам шундай севади”.

Аёл уни университетда ўқиб юрганларида қандайлигини эслашга ҳаракат қилди. Ҳарчанд уринмасин, барибир ўша дамдаги унинг қиёфасини сира эслай олмади.

Йўқ, аёл уни олдинги вақтидагидек ҳолатига ҳечам ўхшатолмади. Фақатгина унинг айрим сўзлари-ю, қилиқларинигина эслай олди, холос. Яна, бир куни худди шу бугунгидек денгиз қирғоғида ўтирганларини, сўнг мўъжазгина қаҳвахонага кирганларини эслади. Улар қаҳва ичдилар, қаҳва кўйкумидан фол очмоқчи бўлгандилар.

Йигит қизни чин юракдан севиб қолганди. Унинг назарида қиз ҳам йигитни севиб қолгандай эди. О, ёшли... ўн саккиз яшар инсон ўзи ҳақида аввалдан нимани ҳам айта оларди. Ёшлик онлари ҳеч қачон тугамайдигандек: ўтиришларга, ўйингоҳларга, кино ва рақс кечаларига боришдан, ўйнаб-кулишдангина иборатга ўхшаб туюларди. Қаердадир йигит қизни ўзининг тонгдай мусаффо севгиси ила кутиб туарди. Қиз эса, худди ёш гўдак каби кўп ўйинчоқлар ёнига келаётгандек йигитнинг висолига ошиқарди. Қиз ҳаммавақт уни интизорлик билан кутишини истарди. Қачонки кўнгли тусаган пайтда қиз уларни қолдирган жойидан олишни хоҳларди. Қиз бу ўйинни инсонлар билан ўйнарди. Агар инсоннинг қалбини чил-чил синдирсанг, бу яра ҳеч қачон битмайди. Қиз эса, қанчадан-қанча ёш юракларни жароҳатлаб ўйнарди. Ўша пайтда бу йигит билан қаҳвахонада ўтирганидан тортиб, то ҳозирги қунгача босиб ўтган йўли унга ғоятда даҳшатли кўриниб кетди. У дабдурустдан сесканиб кетди-да, устки кийимининг ёқасини қўтариб кўйди.

– Совқотаяпсанми, юр, пастга туша қолайлик.

“Ҳар доим мени ўйлади... Тавба, бўлиб ўтган ишларни билатуриб ҳам севади...”

– Йўқ, совқотмаяпман, – жавоб берди аёл. – Яхиси, ўзинг ҳақингда гапир! Нима қиласапсан? Қаерда ишляяпсан?

Эркак унга сигарета тутди. Лекин аёл уни рад этди. Эркак аёлдан рухсат сўраб чека бошлади.

“У ҳар вақт сигаретани шундай ушларди, – ўйлади аёл. – Жаҳлим чиқиб, чекишини ҳам уддалай олмайсан, деб таъна қилганим-қилган эди. Ҳозир ҳам сигаретаси қўлидан тушиб кетай-тушиб кетай деб турибди”.

– Сенга нимани ҳам гапирай? – чуқур хўрсинди эркак. – Ишляяпман. Чет элга ишлагани кетган эдим. Истамбулда бир неча йилдан бери бўлганим йўқ. Мана, келганимга энди икки ой бўлди. Яхши жойлашиб олдик, бирдан олдин, бирдан кейин яшаб юрибмиз.

Гапирадиган ҳеч гап йўқ! Уларнинг охирги учрашувларидан кейин қанчадан-қанча сувлар оқиб ўтди. У уйланиб, ота ҳам бўлди. Ҳар доим бирор нарсани эсламоқчи бўлсанг, кўз ўнгингда, хотирангда сақланиб қолган ёшлик кунларинг жонланади. Лекин қаршисидаги бу аёл бир вақтлари қалбининг тўридан жой олган бўлиб, унинг энг яқин, ҳеч вақт унутолмайдиган севгилиси бўлиб қолганди.



Эркак гапида давом этди:

- Ишлайпман... Яшаш жойим ҳам ёмон эмас.
- Хотининг, болаларингнинг аҳволи қалай? – сўради аёл. Бироз сукутдан сўнг:

– Бахтлимисан? – деб қўшиб қўйди.

Бахт! У ўша ўтиб кетган қайғусиз кунларда, шу моҳипайкарнинг фироқида куйиб-ёниб, уни интизорлик билан кутган вактларидағина баҳтли бўлган эди. Энди-чи, баҳт қаерда дейсиз, уни қанча қидирмай ҳеч қаердан топиб бўлмайди. Ахён-аҳёнда насиб этадиган баъзи хурсандчиликларни айтмаса, умри кундалик ташвишлар билан ўтмоқда.

Эркак уйланаман, бола-чақа қиламан, хотинимни астойдил севаман деб орзу қилган кунларини аллақачон унугтган эди. У уйланган аёл оддийгина. Унга тасодифан уйланди. Мабодо севганига уйланганида ҳам балки ҳаёти шундай кечармиди? Одатда кўпинча шундай бўлади-ку! Жаҳонда баҳт борлиги тўғрисида бош қотириш бемаъни иш. Баҳт йўқ. Баҳт деб аталган нарса хомхаёл, ушалмайдиган орзу.

– Баҳтлиман, албатта, – жавоб қайтарди эркак. – Ўзинг-чи?

– Мен ҳам баҳтлиман, – деди-ю аёл мийиғида аста кулиб қўйди.

“Қаердаги беҳуда гапларни гапирайпман-а... – деб қўйди аёл ичидা. – Иккимиз ҳам қаёқдаги бемаъни гапларни гапирайпмиз”.

Қизиқ, улар ҳозир бир-бирларини қандай қилиб таниб қолдилар! Коронғида дабдурустдан кўзлари кўзларига тўқнашиб қолди. Ўша аввалги ўткан кунлари беихтиёр эсларига тушди. Аёл хўнграб юбормаслик учун юзини четга бурди.

Кўприк орқада қолди. Бойёғлининг қиёфаси худди улар кинода кўрганлари Манхеттен оролини эслатар эди. Эркак биринчи бўлиб: “Қара, сенинг Манхеттеннинг”, деб жимликни бузди. Улар ёнларидан тунеллар,

меҳмонхоналар, кўрфазлар, уйлар, кемалар, қайиқлар, трамвайларнинг ўтишига асло парво қилмасдилар.

Очиғини айтганда, бунақа воқеалар бўлиб туради. Вақтнинг зудлик билан ўтиб бораётганини ҳеч ким сезмайди. Ҳа, вақт зумда ўтади-кетади. Асло уни тўхтатиб бўлмайди. Севги, ишонч – буларнинг бари ортда қолади...

Уларнинг бир-бирларини ҳаддан ортиқ севган кунлари ҳар ҳолда алоҳида ажралиб турмоғи лозим. Айтгандай, қиз йигитни бир лаҳза бўлсада, севганмиди? Ҳа, ўша пайтда қиз: “Сени севаман”, деганди. Ўша ондаги ҳисларнинг ягона, ҳакиқий ҳис-туйғулар эканлигини у шу лаҳзадагина тушунди.

Эвоҳ, ўша дамдаги баҳт қўлдан чиқди, ха, қўлдан чиқди! Ҳар бир истаган кишим мени севиб ардоқлади, мен ҳам истаган кишимни сева оламан, деб ўйлаган эди.

Эркак қўлидаги сигаретани тўлқинланиб оқаётган денгизга улоқтириб юборди.

- Истамбулни роса соғиндим-да, ўзимам, – деди эркак.
- Нималарни эсладинг? – сўради аёл.
- Босфорни, кемаларни, Бойўғлидаги кўприкни, кинотеатрларни эсладим.
- Яна қаерларни?
- Яқин кишиларимни, албатта.

Гапиришга арзидиган гапи бўлмаган одамларнинг сухбати бемаъни бўлади. Қайтанга учрашмаганлари маъқул эди. Ҳеч бўлмаганда бу учрашув ҳақида юракни эзадиган ўйлар бўлмасмиди? Ана шунда бир-бирлари тўғрисидаги ўша эски хотиралар қалбларида умрбод сақланиб қолган бўлармиди! Лекин бу тасодифий учрашув уларнинг бир-бирларига бўлган меҳр-муҳаббатини маҳв этди.

Аёл: “Нега менга ўйланмадинг?” деб сўрашга жазм эта олмади. Бу ҳақда қандай сўрай оларди ҳам. Ўзи уни менсимай кетди-ку. Ўйинчоқ каби ўйнади-ку! Улар чурқ этмай, бир-бирларига термулдилар. Бу оғир учрашув эди. Охири эркак нима дейишни билмай:

- Кўйлагинг жуда чиройли экан! Ҳар доимгидек гўзалсан, – деди.
- Кўйсанг-чи, азизим, ахир бу эски кўйлагим-ку!
- Жудаям чиройли экан, сени очиб юборибди.

Пастда кимдир бир қўшиқни хуштакда бетиним хиргойи қиласди. Бу ҳазон бўлган севги ҳакидаги қўшиқ эди:

*Севшиғанларни ҳаёт,
Бир-биридан қиласди жудо.
Изларини ювар денгиз,
Бўлгандан сўнг улар айро.*

Бу қўшиқ сўзларини энди уларга нима қизиги бор? Ўша вақтда айтиладиган қўшиқ бутунлай бошқача эди. Бу эса янгиси экан. Бошқа кишилар шу ҳазон бўлган севги ҳакидаги қўшиқни эшитиб, қачонлардир ўзларининг ўтиб кетган ёшликларини эслайдилар.

Узоқда чағалай чарх уриб, қанотларини кенг ёзиб учарди. Бирордан сўнг ҳаммаёқни қоронғулик чулғади.

- Ўйингга кетаяпсанми? – сўради эркак.
- Йўқ, ўртоғимниги кириб ўтмоқчиман. Сен-чи?
- Менинг зарур ишим бор...

Ҳаммаси беҳуда гаплар, қалб сўзлари эмас!.. Бу сўзлар сохта, кўнгил учун айтилган гаплар. Бу сўзлар ўз маъносини йўқотган. Худди улар авваллари севишмагандек эди. Фақат бир-бирларини соғиниб, меҳр билан тикилишларидангина буни уқиб олиш мумкин эди, холос. Бу кўзларда сўнган ўтнинг учкунлари аста-секин ёлқинланарди.

“Учрашмаганимиз маъқул эди, – ўйлади эркак. – Жудаям ўзгариб кетибди. Бундай ўзгариб кетишини сира хаёлимга келтирмагандим. Қариб қолибди, озиб кетибди. Тавба, бу кўйга қандай тушди экан-а. Ҳаёт нақадар бешафкат!”

Вақт севган одамингнинг чехрасига ҳам рахна соларкан. Балки аёлнинг ҳам худди шу сўзлар хаёлидан ўтаётган бўлса ажаб эмас. Худди саводгарларга ўхшаш бу семиз эркак қаердан пайдо бўлди экан! Қани, унинг ёшлиқдаги кўркам, келишган қадди-қомати?

Иккисининг ҳам кўнгли бузилиб кетди. Улар зумраддек тўлқинланиб оқаётган мовий дengизгага тикилиб ўтирадилар.

– Болангнинг ёши нечада? – сўраб қолди аёл тўсатдан.

– Каттаси тўртда, кичиги эса бир ярим яшар.

– Боланг иккитами? Қай бирини кўпроқ яхши кўрасан?

Аёл орадаги оғир жимликни бузиш учунгина ушбу саволни берганди. Эркак аёлнинг берган саволига жавоб бермай, мийифида қулиб қўя қолди...

“Қаёқдаги бўлмағур гапларни гапирайпман-а, – ўйлади аёл. – Тезроқ бандаргоҳга ета қолсак эди! Бу сухбатни давом эттиришнинг ҳожати йўқ. Ўтган ишларни эсламаслик керак, ундан қочмоқ лозим. Фақат яқин орада танишган кишингнинг севишинг мумкин. Эски муҳаббат, севиш-севишишлар факат хотирадагина сақланиши керак”.

Истамбул оқшоми ўзгача эди. Қизғиш уфқ. Тимқора осмон. Чағалайлар. Кичик моторли қайиқлар. Ёқимли куй. Қувноқ хандалар. Илгари ҳам худди шундай бўлган эди. Узок йилларгача буларнинг барчаси ўз ўрнида қолади, лекин нимадир бир умрга қайтмас бўлиб ғойиб бўлади. Бу нима ўзи? Буни тушуниш қийин...

– Автобусга шошилаяпман, – деди аёл. – Эртароқ боришим керак.

Аёл ўрнидан турди. Эркак унинг кетаётганидан хурсанд бўлиб ўтирган жойида қолаверди. У хаёлидан: “Кетгани яхши. Унинг ёшлиқ пайтларини эслайман”, деган сўзларни ўтказди.

– Хайр, омон бўл. Сени учратганимдан ғоятда хурсандман, – деди эркак.

– Мен ҳам. Хайр, яхши қол!

Узоқдан аёлнинг енгил қадам ташлаб, сочининг оҳиста тебраниб бориши худди ёшлиқдаги юришини эслатиб юборди. Илк учрашув кунларида ҳам у худди шундай енгил қадам ташлаб унинг истиқболига келганди. Бир кўнгли уни чақирмоқчи бўлди, лекин тезда бу фикридан қайтди.

“Қаёқдаги бўлмағур гапларни вайсаб келдим-а! – ўйларди эркак. – Нималар ҳақида сўзлашни билмадим. Тузукроқ гап ҳам айтольганим йўқ”.

Уни уйда хотини, болалари кутишарди. Иссиқ овқат кутарди. Бу унинг кундалик ҳаёти. Айни ҳақиқат шу. Эрталаб ишга, кечкурун оиласига қайтади. Ишдан хориб-чарчаб қайтиб келгач, ухлайди. Севгисиз кунлар... Унинг ҳаёти шундан иборат. Агарда хотирасида ҳали ҳам илк севгиси сақланаётган бўлса, буларнинг ҳаммаси ўз-ўзидан унутилиб кетиши мукаррар. Ушалмаган орзу ҳақида қайғуриш беҳуда нарса. Ўтиб кетган ёшлиқ ҳеч қачон қайтиб келмайди. Инсон ҳозирги кун билан яшамоги лозим.

“ПАХТА ИШИ” АНАТОМИЯСИ

*Номингни қаро деган – пахтагинам, сенмисан,
Лўпти дея ютганим – лахтагинам, сенмисан,
Авахтада бош урган тахтагинам, сенмисан?!
Фақатгина халқ яшар, фақатгина қолур халқ.*

Абдулла ОРИПОВ

Мустақиллик учун кураш тарихи истибодд замонининг энг қора кунларидан бошланиб, XX асрнинг тўқсонинчи йиллари бошига қадар давом этди. Истиқлол даврида бу улуғ неъматни англаш, қадрига етиш ва жаҳон узра тарихан бой ўтмишга эга ўзбек давлатчилиги қаддини тиклаш жараёни “инсон онгидую замон қаърида” буюк эврилишлар билан давом этаётир.

Бу улуғ йўлнинг сабоқлари кўп! Қуйида хикоя қилинаётган бир сулола қиссаси яқин ўтмишимизнинг энг қора кунлари бўлмиш сўнгги қатағон даври воқеаларига бағишланган. Шуҳрат Бобоёров, унинг отаси ва бобоси бошига тушган қулфатлар, ситам ва изтироблар эркисзлик замонида ҳар бир ўзбек оиласи тортган азоб-уқубатлардан фарқ қилмайди. Уч ойлик раиснинг тақдиди унга тақдирдош халқнинг аччик қисмати ва ниҳоят, ёруғ кунлар шукронаси билан бевосита боғлиқ.

* * *

– Мен ким – Шуҳрат Бобоёров, бор-йўғи уч ойгина раислик қилиб, ғараз ниятда тўқиб чиқарилган сиёсатнинг даҳшатли чангалига тушганлардан бири эдим, – деб бошлаганди у вафотидан бир йил аввал Қарши шахридаги чоққина қаҳвахонада бўлиб ўтган сұхбатимизда. – Аввалимбор, бу “пахта иши”, “ўзбек иши” деб аталган сиёсий ўйинлар қандай мақсадда амалга оширилгани тўғрисида сўзласам.

Хўш, ўзи нима учун керак эди олти миллион тонна пахта етиштириш? Жавоб шуки, собиқ иттифоқ барча соҳаларда дунёда биринчи бўлишга даъвогар эди. Космонавтиками, машинасозликми, қишлоқ хўжалигими, санъатми, адабиётми, маданиятми, қатъий назар, у энг юқори кўрсаткичга эришмоққа жаҳд қилганди. Ўшанда пахта толаси бўйича биринчи ўринга чиқиши учун Москвага “9 миллион тонна” деган рақам керак бўлиб қолди. Шу тўқиз миллионнинг олти миллиони Ўзбекистон чекига туши.

Собиқ маҳкум бироз сукутга чўмиб, сўзида давом этди:

– Мен 1983 йил август ойининг ҳам ярми ўтиб хўжаликка раҳбар этиб тайинландим, хужжатларда сайланди, деб ёзилган. Асли раис оиласида туғилганман. Отам ҳам шу колхозда узлуксиз йигирма йилга яқин раҳбарлик қилган. 1974 йили 51 ёшида вафот этган.

Ниятим отамнинг номига муносиб бўлиб ишлаш эди. Хўжалигимиз вилоятдаги ягона орденли хўжалик. Отам уч марта Ўзбекистон Олий Совети депутати бўлган, кўп мукофотлар олган. Вафотларидан тўққиз йил сўнг мени шу ишга кўйишиди.

Ўшанда пахта ҳосили етишириб бўлинган эди. 15 авгуистдан сўнг қанча парвариш қилинса ҳам ҳосилга ҳосил қўшиб бўлмаган. Буни мутахассис сифатида яхши биламан. Орадан икки ҳафта ўтиб йигим-терим бошланди. Янглишмасам, 2-3 сентябр – ўша вақт Усмонхўжаев келиб, Қашқадарёнинг юқори районлари раҳбарларини йиғиб мажлис қилди. Мажлис “Гулистан” колхози боғида бўлди. Масала битта: қачон пахта тайёрлаш режаси бажарилади? Навбат Шахрисабз туманига келди. Хўжалик раҳбарлари минбарга чақарилиб, ўз оғизлари билан ваъда беришяпти. Навбат менга етгач, 25 сентябрлардан гапиришга тўғри келяпти. Шунга қарамасдан, ўз фикримни айтдим. Катталарнинг кўзига ёмон кўринмаслик учун, ҳам ўзимни ҳимоя қилиб, хўжалигимиз тоғ олди зонасида жойлашгани, ҳамма вақт теримга бошқалардан беш-үн кун кечроқ тушишимизни айтиб – ўша вақтлар 7 ноябрь энг катта байрам ҳисобланарди – байрам кунлари бажарамиз, демокчи бўлганимда Усмонхўжаев: “Тўхта, тўхта, сен нима деяпсан?” деди. Мен: “7 ноябрь атрофида бажаришга ҳаракат қиласмиз”, дедим. Минғирлаброқ гапиради Усмонхўжаев: “Сенинг ноябрда бажарадиган планинг – тўртинчи сорт паҳтанг кимга керак?” деди. Ўша вақтда вилоят раҳбари Ғойипов эди. “Қаёқдан топгансизлар буни? Ноябръ деяпти-ку, бу”, деганда Ғойипов вазиятни юмшатиш учун: “Йўқ, адашди, адашди, 7 октябрь дейман деб, 7 ноябрь деб юборди”, деди. Усмонхўжаев мендан қайта сўради: “7 октябрми, ноябрми?” Мен ўз сўзимда турдим: “Ноябръ! 7-10ларда бажарамиз”...

У бирданига тутакиб, “Туш, трибуналан. Чиқ. Кет. Бўшатинглар буни”, деб мени мажлисдан ҳайдади. Чиқиб кетаётгандим, ижроқўм раиси Мавлон aka Мухаммадиев орқамдан етиб келди: “Тўхта, Шуҳрат. Сен нега унақа дединг. Мажлиснинг ройишига қараб гапирмайсанми? Тўхтаб тур, менимча, мажлисдан кейин сен билан сұхбатлашишса керак”, деди. Мажлис тугаб, мени чақиришиди. Раҳбарлар чойга киришайтган экан. Рўзмат Ғойипов мени Усмонхўжаевнинг олдига обориб: “Бу ёш йигит, ишлайди. Муддатни адаштириб юборди. Рухсат беринг, ишлайверсин”, деди. Усмонхўжаев “ҳа” ҳам, “йўқ” ҳам демасдан ичкари хонага кириб кетди.

Мен ҳам шу билан кетдим. Барча топширикларни бажариб боравердик. Ҳатто икки ўн кунликда хўжалигимиз графикни яхши бажаргани учун рағбатлантирилди. Илғор бригадаларга машина берилди. Бир ой ёки қирқ кун ўтиб биринчи терим тугади. Ўша вақтда бизнинг хўжалик 5,8 минг, мажбурияти билан 6 минг тонна; туман 62,5 минг, вилоят – 600 минг, республика 6 миллион тонна пахта топшириши керак экан. Юқоридан туриб, теппа-тeng тақсимланганга ўхшайди. Кулгили нисбат...

Бу – ҳар гектар ердан 38 центнердан кондицион ҳосил олингандан ҳам бажариш қийин бўлган режа эди. Хуллас, биринчи терим тугагандан ке-йин кунлик топшириқни бажариш оғирлашиб бораверди. Ўша йили июль ойида Шахрисабз туманига аввал вилоят прокурори бўлиб ишлаган Ҳалил aka Холиков биринчи котиб бўлиб келганди. У доим “кўшиб ёзишга йўл қўймаймиз, бу яхшиликка олиб келмайди”, деб мажлис ўтказарди. Бизлар: биринчи котиб шу фикрида турса, ҳаммамиз тинч бўламиз, деб жуда хурсанд эдик. Лекин бу одам аҳдида бир ойдан зиёдроққина туриб берди, холос. Вилоятдан юборилаётган вакиллар кетма-кет алмашаверди... 20 октябрда Шахрисабзга обкомнинг иккинчи котиби Иван Головачёв келди. Ҳамма ишнинг бузилиши шундан бошланди. “Кўшиб ёзишга йўл қўймаймиз”, деб юрган Холиков ҳам бу гапни айтмайдиган бўлди, унинг кайфияти кун сайин тушиб кетаверди. Биз: “Маҳкам туринг”, деб кўп айтганмиз. Бироқ Головачёв келгандা биринчи терим тугаган, юқоридан қўйилаётган режани бажаришга мутлақо имкон қолмаганди.

Пахта тозалаш заводидаги штабда ҳар қуни Головачёв ярим кечгача ўтиради. У ўзбек тилида яхши гапиради. Ўша “разбор” дегани кеч соат 10-11ларда бошланса, 2-3 гача давом этарди. Иван Иосипович одамларни юзинг-кўзинг демай роса ҳақорат қиласади. Унга ёлғондан бўлса ҳам кунлик топшириқни “бажариш”инг керак эди. “Бажармаган”ни ҳақорат қиласади. Октябрь ойи охирларида 80 тонна, чўлдаги Шахрисабз массиви ҳисобидан 20-30 тонна, жами 100-110 тонна пахта топшириб келаётгандик.

20 октябрлардан кейин, бир кун навбатим келгандা “разбор”га кирсам, Головачёв, Холиков, пахта заводи директори Суюн Жўраев ўтиришган экан. Головачёв бирданига пахта қанча бўлди, деб сўради. Мен: “Хўжаликдан 80 тонна, ҳали чўлникини хабарини олганим йўқ”, энди айтишади деганимда, “Э, массивингни билмайман. Сеники буғуннинг ўзида 130 тонна бўлган”, деди. “Қанақасига 130 тонна?! Ҳозир пахта пунктидан келаяпман: 80 тонна топширидик”, деганимда у “Сен илон, чаён, 130 тонна пахтани жойига қўясан. Чиқ, кет!” деди. Штабга телефон қилдим: “Биз 80 тонна пахта топширидик-ку?!” Штабда ўтирадиган Бозор Мардонов “Йўқ, Шуҳрат, сен 130 тонна пахта бергансан”, деди. “Қанақасига?” десам, “Ўзинг тушуниб оласан”, деб жавоб қилди...

Кўшиб ёзишга мажбуrlаш шу тарзда бошланди. Шундай бўлса ҳам тўғри маълумот бериб боравердик. 80 тонна юқори зонадан, Шахрисабз массивидан 20-30 тонна пахта терилаяпти. Бироқ беш-олти кун ичida ҳақиқий терим билан пахта штаби маълумоти ўртасида 300 тоннага яқин фарқ пайдо бўлди. Яъни кўшиб ёзилган соҳта маълумот...

Шу орада Шароф Рашидов вафот этди. У киши “пахта фронти жангчиси” эди, шу “фронт”да ҳалок бўлди. Бутун республикада мотам... Олти миллион тонна деган ракам Помири Эверестдек қўл етмас бўлиб тураверди. Шундай бўлса ҳам, ўйлайман: балки туманимизга Головачёв обкомнинг зўравон вакили бўлиб келмаганида, бу ташвишлар бошимизга тушмасмиди?! Ноябрь ойи бошланди. Терим охирляяпти. Айни шу кезда Головачёв яна мажлис қилиб ҳаммани — ўқитувчими, хўжалик раҳбарими, эркак ё аёлми, фарқи йўқ, кўпол сўзлар билан ҳақоратлай бошлади. Бир куни мен: “Ишламайман”, деб мажлисдан чиқиб кетдим. Ўшанда план тўлмаётгани учун хўжаликларда зарбдор бригадалар тузилган эди. Чорвами, болалар боғчасими, мактабми – ҳамма жойда зарбдор бригада ташкил қилинган.

Белимга фартук тақиб далага чикиб кетдим. “Разбор”ларга бормадим. Ўша вақтлар рация бўларди. “Тез етиб кел”, дейишса ҳам бормадим. Эртаси куни “Райкомга чакиришяпти”, деб машина юборишиди. Имкон топиб, Холиковга учрадим. “Халил ака, нотўғри ишлар бўляпти. Ўзингиз қанақа ваъдалар қилувдингиз”, деганимда, у: “Шухрат, сен нимани биласан? Бу Головачёв билан ўйнашиб бўлмайди. У – Москванинг одами. Сен каби раиснигина эмас, мендай райком котибини ҳам йўқ қилиб юборади”, деди. Қисқаси, иш тазийк остида давом этаверди.

Яна бир куни, 3-4 ноябрларда “Гулистан” хўжалигида катта мажлис бўлди. Уни Худойбердиев ўтказди. Яна: “Пахта тайёрлаш планини бажара-сизлар”, деган гап. Мен 15 дақиқа кечикироқ келдим, секин бориб раислар сафига кирдим. Головачёв, айникса, менга қаттиқ ёпишганди. Ўзбекча, русча сўзларни қўшиб, аралаштириб, “Ты слышком умный, слышком грамотный”, деб заҳрини сочаверди. Фурсатдан фойдаланиб, мени Худойбердиевга сўқтиromoқчи бўлди. Раислар сафида турганимда қўлимдан ушлаб Худойбердиевнинг олдига олиб чиқди: “Мана, кетиб қолган раис...”

Мен салом бердим. У киши отамни яхши биларкан. “Сизнинг раис бўлганингизни эшишиб, хурсанд бўлдик. Сизга ишонамиз. Ҳамма топшириқни бажарасиз. Эртага яна келаман, хўжалигингизга бораман. Албатта, уйдагиларга, Фани аканинг набиралари, болаларига салом айтинг”, деди. Шундан сўнг Головачёв ҳеч нарса деёлмай қолди...

Айни ўша вақтлар Андропов Марказқўмнинг Бош секретари эди. Кейин эшитсан, у Рашидовга нисбатан беғараз, холис муносабатда бўлмаган. Қандайdir ўчи бор экан. Шунинг учун Ўзбекистонга десант ташлади. Қатағон бошланди: текшир-текшир, қама-қама. Ҳамма ваҳимада, юрак ҳовучлаб юради. “Бугун фалончини қамабди”, эртага яна: “Фалончи қамалиби. Фалончи вафот этиби”, “Фалончи ўз жонига қасд қилиби”... Бундай гаплар жуда кўпайиб кетди.

1984 йилнинг кўклами. Чигит экиб бўлинган, беш-олтита чинбарг ҳам чиққан. Кечагидай эсимда: 26 апрель куни тумандаги мажлисдан қайтаётгандик. Шахрисабзда қуёш чараклаб турибди. Бироқ хўжалигимиз устида бир парча қоп-кора булат. Баҳор ҳавоси эмасми – бир километр жойда ёмғир ёғиб, иккинчи километрда ёғмай ҳам туради. Етиб борсам, қаттиқ дўл ва жала ёғаётган экан. Сел келиши аниқ эди. Мен сел йиғилиб, тўпланиб оқадиган бир жойни билардим. Ҳайдовчига: аввал ўша ерга хайда, дедим. Борсам, даланинг ичидан лойқа сув отилиб чиқяпти. Сувнинг “шашти”дан билдимки, эккан паҳтамизнинг 60-70 фоизи жала ва дўл остида қолган...

Коронги туша бошлагандага идорага келдим. Одамлар ташвиш-таҳликада. “Нима гап?” десам, “Терговчилар келишди. Бухгалтериянинг барча ҳужжатлари, кассани қулфлаб, Сизни кутишяпти”, дейишди. Ичкарига кирдим. Орқамдан келишиб, ўзларини таништиришиди. “Ҳужжатларни олаяпмиз”, дейишди. “Майли, олинглар”, дедим. Шу тариқа бизнинг хўжаликдаям тергов ва тафтиш бошланди.

Энди ўйлаб қарасам, 83 йил ҳисобидан уч ой, 84 йилда уч ой – жами олти ой ишлаганман. Одам боласини менсимаслик, ҳақоратлаш, оёқости қилиш – ана ўша терговдан бошланди. У ёғини гапириш жуда оғир: бугун прокуратурага, эртага милицияга, кейин Тошкентга – МВД, Прокуратурага... Вилоят прокуратураси бир кун тинч қўймайди.

Алам қиладиган оғир гаплар, 84-йил май ойидан бошланди. Прокуратурага чақиришиб, “Фалон хонага кириңг”, дейиши. Ҳозир миллатини ҳам билмайман: ё Карташян, ё Карташов эди (Гдлян гурухи аъзоси ва унинг юртдоши Альберт Карташян). Ёш. Менсимасдан исм-фамилияни сўраб, протоколни олдимга қўйди. Калондимоғлик билан муомала қилиб, кўркитишига ўтъяпти: “Ҳозироқ сени қамоққа оламан”, деди. Мен ўз ҳақ-хукуқимни озроқ билардим: “Прокурор санкциясиз қандоқ қамоққа оласиз? Бу ишда бизларнинг бирор манфаат кўрган жойимиз борми?” дедим. “Сенга санкция керакми? Менинг ўзим санкция!” деди. Сўнг папкасидан бир пачка қофоз олиб: “Қанча санкция керак санга?” деб олдимга ташлади. Қарасам, ҳақиқатдан фамилия, исм қўйилмаган, печатланган, прокурор имзолаган санкция. “Мен истаган одамимни қамоққа оламан”, деди.

Шу зайлда одамнинг ғурурини топтайдиган босим билан сўроқ давом этаверди. Бу ёқда тафтиш кетаяпти. Орада чигитни қайта экдик. Бир амаллаб кўчатларни ундириб олдик. Ҳўжаликнинг кўрсаткичлари яхши эди. Мавсум ўртасида вилоят раҳбари Туропов келиб, даладаги ишлардан хурсанд бўлди. “Баҳорда селдан кўп талафот кўргандингиз. Мана, чигитни қайта экиб-кўкартириб олибсиз, ҳосил яхши”, деди. Шунда райком секретари Январ Иноятов менинг четга тортиб: “Шуҳрат, дардингни айт, ҳозир. Кайфияти яхши экан”, деди. Мен иккиланиб турганимда Январ Пўлатовичнинг ўзи гап бошлаб қолди: “Нормўмин Туропович, раиснинг бир дарди бор, айтмаяпти”. “Нима гап раис, айтинг”, деб сўради вилоят раҳбари. Мен: “Нормўмин Туропович, бу тергов билан тафтиш бизларни роса чарчатди. Шу вақтгача гувоҳсан, гумондорсан, деб сўроқ қилишаётувди. Энди айбланувчи деб протокол тузишяпти. Қачонгача давом этади бу?”, деганимда Туропов шимининг киссасини кўрсатиб: “Чўнтакка ҳеч нарса тушмаганими?” деди. Мен: “Йўқ. Агар ўз манфаатимизга бирор сўм ўзлаштирган бўлсак, олий жазо беришса ҳам розиман. Буни тафтишдаям, терговдаям исбот қилиб бераман”, дедим. “Унда кўрқманг, кайфиятни бузмай ишлайверинг. Қаттиқ ишланг”, деди.

Улар кетишгач, ўзимни анча босиб олдим. Шунчаки, текшириш экан-да, деб ўйладим. Йўқ, аксинча тергов авжга чиқди. Қандай ишлаётганимизни ҳам билмаймиз. Ҳамма хўжалик раҳбарлари тушкун ахволда. Нима қилишни билмайди... Орада 84-йилнинг декабри ҳам келди. “Чўнталингизга кирмаган бўлса – кўрқманг, кўнгилни бузмасдан ишлайверинг”, деган Туропов катта бир мажлисда: “Буларнинг ҳаммасини бўшатинг”, деб топшириқ берди. Бор-йўғи олти ой ишлаб бунақа “тавқи лаънат”га дучор бўламан деб, ўйламагандим. Жуда уят бўлди. Ўзимдан ҳам кўра, аждод-авлодларим шаънига нуқси урмасайди, деб ичимни ит таталайди. Нима деган одам бўлдим?.. Бошимни кўтара олмайман. Юрагимга қил ҳам сигмайди. Лекин мен сингари беайб балога қолган хўжалик раҳбарлари кўп эди. Улар билан ийғилишиб турамиз. Кейинроқ барча хўжалик раҳбарлари вазифадан олиб ташланди.

Майли эди ишдан озод қилиб, тинч қўйишса. Йўқ, тинимсиз сўроққистов: Тошкентда, ИИВ ертўласида ва ҳоказо... Хуллас, сўроқ бериш 86-йилнинг апрелигача давом этди. Умримизнинг икки йили терговда, тафтишда ўтиб кетди. Бошимизни урмаган жой қолмади. Кейинчалик билдики, хукуқ органлари иши тўлиғича десантчилар кўлига ўтган экан.

Бутурлин, Усатов, Гайданов, Дидоренко... Эшитиб юрибмиз: ана шу – Ди-доренко дегани хўжайин. ИИВга сўроққа борамиз. Ҳамма зир титрайди.

Бир марта, эсимда, Шахрисабз ва Китоб туманлари раҳбарлари Марказқўмга бордик. Маъмурий бўлимда алоҳида қабул қилишди. Гайданов ва Дидоренко ўтирибди. Ички ишлар вазири ўринбосари Рахимов ўзбекча сўзлади. Бир кўришдан билдим: яхши инсон экан. Арзга келган барча хўжалик раҳбарлари дардини русча айтиб берди. Сўнг раисларга: “Талабларингни рус тилида айтинглар, сизларда гуноҳ йўқлигини тушуниб турибман. Ҳамма иш буларнинг кўлида”, деб Гайданов ва Бутурлинни кўрсатди. Ҳамма хўжалик раҳбарлари ҳам фикрини русча баён қилолмади. Мен ўтирган жойимдан ўзимча икки оғиз тилмошлиқ қилгандим, яқинрокка чақириб олишди. Хуллас, ўша ерда йигирма уч киши ўз “дарди”ни ўзбек тилида айтишди, мен рус тилида тушунтириб бордим. Охирида Гайданов мендан сўради: “Ўзинг кимсан, бу ерда нима қилиб ўтирибсан?” Мен: “Шахрисабз туманидаги Ленин номидаги колхоз раисиман. Ўзимнинг ҳам дардим шу, шунинг учун келганман”, дедим. Кўлида рўйхат бор экан. Унга қараб: “Сен ҳали ҳам очиқда юрибсанми? Биз сени нега қамоққа олмадик?” деди.

Кейин тушунсам, арзгўйларнинг додини русча тушунтириб берганим ёқмаган экан уларга. Бирор натижасиз чиқиб кетавердик. Яна ўша хўрлаш, яна ўша таҳқир. Тажрибаси катта раислар: “Энди фақат Москвадан нажот топамиз, деган хulosага келишди. “Сен ёшроқсан”, деб мени танлашди. Тўрт киши – Шахрисабздан, беш киши – Китобдан Москвага жўнадик. Марказқўмга бир эмас, кўп мурожаат қилдик. Арзимиз, муддаомизни айтдик. Маъсул ходим дардимизни эшитиб бўлгач: “Шу гапларинг учун жавоб бера оласизларми? Ҳақиқатан шунақа бўлганми?” деб овозимизни ёзиб олди. Биз: “Ҳар бир сўзимиз, аризадаги ҳар бир ҳарф учун жавоб берамиз. Бор гап – шу”, деганимиздан кейин: “Мен раҳбариятга арзларингизни етказаман”, деб телефон номерини берди. “Икки-уч ё тўрт кундан сўнг хабарлашинглар”, деди. Бир ҳафта кутсак ҳам жавоб бўлмади. Қўнгироқ қилганимизда: “Ҳали жавоб ололганим йўқ”, дейди. Ахийри: “Қайтаверинглар. Қанақа қарорга келсак, хатни Ўзбекистонга жўнатамиз”, деди.

Москвага бориб қаноатланмасдан қайтдик. Бир марта “Тегишли органларга жўнатдик”, деган мазмунда хат келди. Республика оммавий ахборот воситаларидан биронтаси бу ишга кўл уришига кўзимиз етмади.

Бу мақола ё ёзилмади ёки ёзилса ҳам “ЛГ”да эълон қилинмади...

Бу ишлар бошланганидан сўнг бир ярим-икки йил ўтди. Иш шу қадар кенг қулоч ёйдики, республиканинг қаерига, қайси вилоят, қайси туманга бормайлик, “фалончи қамалибди” деган гап. Таниш-билишлар: “Бизларда ҳам шу аҳвол”, дейишади. Бирга ўқиган, бирга ишлаган, раҳбар бўлган дўстларимиз бор. Бошқа туманлардаги таниш-билишлар билан учрашамиз, телефонлашамиз, “Нима бўляяпти?”, деб сўраймиз. Мен-ку, Москвадан қайтгандан сўнг “кўлимни ювиб, кўлтиққа уриб”, бўлди энди, фойдаси йўқ экан, деган хulosага келгандим. Барibir, бирор кун яхши гап эшитамизми, деган илинж ҳам йўқ эмас. Сал фурсат ўтиб, Ички ишлар вазирлиги чақирди. “Адвокат билан келинглар. Айлов фикрини кўлларингизга берамиз”, дейишди. Адвокат билан бориб, тўртта модда қўйилган “Айлов фикри”ни олиб қайтдик. “Энди суд бўлишини кутасизлар”, дейишди.

Хуллас, сўроқ бошланди. Айлов фикрини ўқиб, судья ҳам ўзини шунақанги тутдики... “Уюшган жиноий гурухга бошчилик қилиб, юқори ташкилотларнинг ноқонуний топшириқларини бажариб, жамоат ва давлат мулкини талон-торож қилган...”. Бу гапларга “илон ҳам пўст ташлайди”.

Тафтишда ҳам, терговда ҳам хўжаликнинг бирор аъзоси ўз манфаати учун бирор сўм маблағ ўзлаштиргани аниқ кўриниб турган бўлса! Биз умумий мулкни талон-тарож қилмаган, ўз манфаатимизга бир сўмни ҳам ўзлаштирганинг бўлсак, ахир, қандай қилиб бундай айб кўйилади? Ҳукуқ пособонларининг қонунга зид ҳатти-ҳаракати мана шу жойда яққол кўриниб қолди. Кейин ҳукуқшунослар билан маслаҳатлашсак, бу “айловни нотўғри квалификация қилиш”га кирап экан... Хуллас, суд икки ойдан кўпроқка чўзилди. Ўшангача Тошкентга борсак ҳам, Москвага борсак ҳам –“иш билан бориб-келдик”, деб юрибмиз. Барibir онанинг кўнгли сезаркан. Ака-укаларимга “судга онамни олиб келманглар”, деб айтаман... Хуллас, орадаги танаффус вақтлари протоколсиз ҳам сухбатлар бўлиб қолади.

Бизга мажбурлаб “топшириқ” берганларнинг кўпи қамоқда эди. Лекин очиқда юрганлар ҳам бор. Пахта штаби бошлиғи, бошқа вазифадаги одамлар, айниқса, Головачёв! У обком котиблигидан олингани билан очиқда юрганди. Алам қиладиган жойи шундаки, “пахта иши”, “ўзбек иши” деб жуда кўп одамлар қамалди. Уларнинг қанчадан-қанчаси ўз жонига қасд қилди. Яна қанчаси қамоқда, ўлиб кетишиди. Қанчадан-қанча оилалар бокувчисиз қолди, болалар етимлик азобини тортди. Наҳотки, бундай ҳақсизлик фақат бир миллат учун ўйлаб топилган бўлса?

Биз суддан Головачёвни гувоҳ сифатида чақиришни сўрадик. “Бизга қандай тазийқ ўтказгани, “қўшиб ёзиш усули” қандай шароитда амалга оширилганини айтиб берсин”, дедик.

Головачёв келасолиб мен билан қучоқлашиб қўришмоқчи бўлди. Ўзи суд бўлиб ётибмиз. Қўлимниям чўзмадим. “Кириб гувоҳлик беринг, бор гапни айтинг. Кейин қўришаверамиз”, деб суд биносига қараб кетдим. Судланувчиларнинг ҳаммаси бош айборларнинг биттаси шу эканини яхши биларди. Ҳамма тишини ғижирлатаяпти, кимдир сўқаяпти, “Ҳамма балони шу бошлади”, деб бармоғи билан кўрсатаяпти.

Суд биринчи бўлиб мендан: “Гувоҳга саволингиз борми?” деб сўради. Мен: “Нима бўлганини ўзи айтиб берсин. Кечаси соат учгача одамларни ҳақоратлаб, пахтанинг сводкасини қалам билан ёзил берарди: бу хўжалик шунча, бу бригада бунча деб”, дедим. У судьяга қараб риёкорлик қилди: “Мен ўзбек тилини яхши билмайман. Булар нима деяётганини тушунмаяпман”, деди. Ҳолбуки, ўзбек тилини жуда яхши биларди. Судланувчиларнинг ҳаммаси Головачёвнинг “қўшиб ёзиш усули”ни айтиб беришиди. Ўшанда суднинг эҳтиёт чорасини ўзгартириб, уни гумондор сифатида суд залининг ўзидаёқ қамоққа олишга ҳукуки бор эди. “Алоҳида ажрим чиқарамиз Головачёв қисми бўйича”, деб унга жавоб бериб юборишиди...

Барibir кўпнинг қарғиши тегар экан... Головачёв ўша ишлардан кейин Ўзбекистондан кўчиб кетди. Орадан анча йиллар ўтиб эшитсан, у Минск шаҳрида, ўғлининг уйида яшаган экан. Ўғли хизмат сафарига кетиб, уйда бир ўзи қолиб кетади. Ҳеч ким йўғида ўлади. Уйда ит бўлган. Ит овқат топа олмай анча вақт оч қолиб, унинг мурдасини еган, дейишади. Мана шу-да, кўпчиликнинг қарғиши ургани. Худонинг ўзи жазосини берибди!..

Хуллас, қамоқ жазоси бошланди. Ўн бир йил айтишга осон. Ҳаётдан бу-

тунлай умидимизни уздик. Бизларни – далада юрган оддий дехқон одамларни дини йўқ, миллатининг тайини йўқ, каллакесар, фирт жиноятчилар ичига олиб бориб тиқишиди. 1440 кишига мўлжалланган қамоққа икки минг киши ташланган. Камерани-ку, айтмай қўя қолайлик, ўн кишига мўлжалланган жойга 45-50 кишини тиқиб ташлашган. “Пахта иши” билан қамалган одамлар шу ерда ҳам хокисор: бир-биришимизни ҳимоя қилолмаймиз. Бизлар борган зонада Худодан қайтган каззоблар кўп эди. Қамоқхона маъмурияти уларга “ғинг” демайди. Менинг йўқотадиган ҳеч нарсам қолмаган. Борйўги олти ой ишлаб, ноҳақлик азобини бўйинга илганман. Жоним кўзга кўринмайди. Эй, келиб-келиб шуларга бўйсунаманми, дейман. Ҳуллас, ўшалар билан менинг ўртамда низо кун сайин кучайиб бораверди...

Қамоққа тушганимизга олти-етти ой бўлганда қисқа муддатли учрашув берилди. Ўзим қийналсан ҳам онамни кўпроқ ўйладим. “Бу нима қилганим бўлди? Онамни тамом қилдим-ку”, деб изтироб чекдим. Ўша учрашувда онам билан, ойна ортидан туриб телефон орқали гаплашайпмиз. Худога шукур, онам бардам ва тетик кўринди. “Ўғлим, яхшимисан?”, – деди. Шундан сал олдин онам раҳматли, раҳматли акам вилоят раҳбарига учрашишган экан. Шу сабаб онам озроқ ўзларини тутиб олиб, мени хурсанд қилгиси келган эканлар: “Ўғлим, вилоятнинг янги раҳбари билан учрашдик. У киши яхши муомала қилди. “Мен ўрганиб чиқдим, вилоятда битта сизнинг ўғлингиз эмас, жуда кўп киши ноҳақ қамалган. Энди озроқ сабр қилинглар. “Пахта иши”ни жиддий ўрганаяпмиз. Болаларингизни бағрингизга қайтарамиз, деб ваъда берди у киши”, деди.

Бу гапга у қадар ишонмаган бўлсан-да, онамга далда бўлсин деб, ўзимни хурсанд қилиб кўрсатдим: “Мана, кўрдингизми она, ҳақиқат барибир юзага чиқади. Сиз ўзингизни эҳтиёт қилинг. Мен яқинда бораман. Ҳаммаси ўтиб кетади”, деб улар билан хайрлашдим. Икки-уч кун, ҳафта ичida бошқа маҳбуслардан ҳам шундай гапларни эшига бошладик. Лекин бу миш-миш гап: қанчалик тўғри, қанчалик нотўғри – буни ичкарида туриб билмаймиз. Бунинг устига кўп жойдан ҳақиқат излаб, ёрдам сўраб, ҳеч бир натижа бўлмагани учун ишона олмаймиз ҳам.

Орадан кўп вақт ўтмай: “Қашқадарё вилояти раҳбари республика раҳбарлигига ўтди”, деган хабарни радио орқали эшилдиц. Мен ўшанда одамларнинг биринчи марта хурсанд бўлганини кўрганман. Ана энди бу тавқи лаънату азоблардан кутуламиз. Ислом Абдуғаниевич Марказқўмнинг биринчи секретари бўлибди”, деган гаплар. Ҳамманинг кўзида қувонч, бир-бирини табриклаган. Ҳақиқатдан ҳам кўп вақт ўтмасдан...

Тўғри, бошида бизни ҳеч ким “Бор кетавер”, деб қамоқдан озод қилиб юбормаган. “Шартли равища муддатидан олдин озод қилинсин”, деган моддалар бўларди. Шу тариқа уч йилу ўн ойда – 1990 йилнинг 19 февралида уйга қайтдим... Қамоқдан озод бўлганимизга шукур қилиб, Яратганга раҳмат айтиб юрибмиз. Яна кўп вақт ўтмасдан: “Энди тўлиқ оқланасизлар”, деган гаплар эшитилиб қолди. Бизни Тошкентга чақиришди. Борсак, республика Олий судида пахта ишлари бўйича ноҳақ жабрланганлар ишини қайта кўриб чиқиши бўйича комиссия тузилган экан. Унинг раислигига Исмоил Жўрабеков тайинланган. Муовини – Абдусамат Полвонзода. Бу комиссия ноҳақ жабрланганлар ишини синчиклаб ўрганиб, адолатни қарор топтира бошлаган кезлар эди. Ўшанда вилоятлар бўйича ҳам ноҳақ

жабрланганлар ишини кўриб чиқиш учун керакли хужжатларни тайёрлаш жараёнига хукуқшунос мутахассислар жалб этилган экан...

Абдусамат ака билан Олий суднинг қайсиdir қаватида учрашиб, лифтда бирга пастга тушдик. У киши мени комиссия иш олиб борадиган хонага бошлаб кирди. Шу иш бўйича шуғулланаётган Турсунов деган йигит билан саломлашдим. У мени танигани учун: “Шухрат ака, мана, сизларнинг ишингиз бўйича шуғулланаяпмиз. Яқин кунларда “ҳаракатларида жиноят аломати йўқлиги учун оқланди, деган хужжатни оласиз”, деб мени хурсанд қилмоқчи бўлди. Бироқ қамоқда жабр чеккан сафдошларим эсдан чиқмади: Зиёдуллаев деган раисимиз қамоқдан чиқиб келиб, бир ойдан сўнг вафот этди. Қосим Тошев деган раис бувамиз бўларди, у киши эса қамоқхонанинг ўзида вафот этган. Мен Турсуновдан: “Биринчи бўлиб Зиёдуллаев билан Қосим Тошевнинг хужжатларини ҳал қилиб беринглар”, дедим. Турсунов менинг нима деяётганимни тушунмади-да: “Э, Шухрат ака, аввал ўзингизникини ҳал қилиб берайлик”, деди. Бирдан ичимда дард қўзғалиб, Турсуновга: “Э, оғайни сени оқланди деган қофозларингни энди уларга керагиям йўқ. Улар ўлиб кетди. Бола-чақаси хурсанд бўлсин”, дедим.

Абдусамат ака хонадан кетмаган – орқамда турган экан. Келиб елкамга кўлини ташлаб, Турсуновга шундай деди: “Кўрдингми, қандай одамларни қамаб қўйганмиз. Шу ерда ҳам ўзини эмас, вафот этганларнинг хужжатини тезроқ қилиб беринглар, деяпти. Бу киши айтган одамларнинг хужжатини тез топинглар”, деди-да: “Мен билан бу ёққа юринг”, деб хонасига олиб борди. Шунда ҳам тўлиқ оқланишга у қадар ишонмайман, Абдусамад аканинг илиқ муомаласи сабаб ботиниб сўрадим: “Ўзи югуриб юрибмиз-у, бироқ оқланамизми, йўқми?”. У киши: “Эй, Шухрат, – деди менга, – орқангизда ким турганини биласизми?”. “Йўқ, билмайман”, дедим. Абдусамад ака столи тортмасини очиб: “Буни бир ўқиб кўринг”, деди. Кўрсан, СССР Олий суди раисидан Юртбошимиз номига келган хат. Унда В.Теребилов: “Сиз ҳукуқ органлари ишига қўпол равища аралашиб, жиноятчиларни озод қилиб юбораяпсиз. Бундай қилиш мумкин эмас”, деган мазмунда дағдага қилган. Ислом Каримов эса ўша хатнинг устига: “Архивга. Тарих учун!”, деб ёзиб қўйган экан. Абдусамат ака шуни кўрсатиб: “Кўрдингизми, ким турибди ортингизда!” – деди.

– Бизлар бу хатни у кишига олиб борганимизда, отиб юбориб: “Ташла буни архивга. Бегуноҳларнинг ҳаммасини оқлаймиз!” деганлар.

– Шу воқеадан, яъни республика Олий судидаги ушбу мулоқотдан сўнг фикрим тиниқлашди, – деб давом эттирид гурунгимизни Шухрат Бобоёров. – Ислом Абдуғаниевичнинг бу қадар катта қатъият билан қанчалар оғир юкни елкасига олиб ишга киришганини тўлиқ идрок эта бошладим. Бизларку, ўзимизнинг бошимизга тушган ташвишдан шунча эзилганмиз. Лекин бу одам шунча кишининг, бутун бир халқнинг юкини елкасига олишга ўзида қандай куч топа олди экан? У кишининг бир ўзи бўлса – бутун бир Москва, бутун бир СССРнинг сиёсатига қарши бориш учун одамда филнинг юраги бўлиши керак эмасми! Мен Ислом Абдуғаниевич қандай қилиб бу ишга жазм этди, деб минг марта ўйлагандирман. У киши Қашқадарёда ишлаб юрган вақтлари жуда кўплаб оилалар ҳаётини ўз кўзи билан кўрган. Туманлар, бутун воҳа одамлари билан мулоқотда бўлган. Улардан эшитган гаплар юрагида дард бўлиб йигилаверган: “Хўп, биттаси, иккитаси айби учун, қонунга зид номақбул иши учун қамалган бўлсин. Лекин бирданига

шунча одам жиноятчи бўлиши мумкинми? Иккинчидан, булар жиноятчи бўлса, уларнинг яшаш шароитини ўз кўзим билан кўриб турибман-ку. Уйига борсанг, турмуши ночор одамлар аҳволига боқиб, юрагинг титилиб кетади. Болалар, аёлларнинг юзида қон йўқ. Шундай одамлар ҳам ўғри бўладими? Йўқ!”. Бундай изтиробли ўйлар у кишига тинчлик бермаган. Қамалганларнинг кўплари уста паҳтакор, ҳалқ ичидаги обрўйи катта инсонлар бўлишган. “Шундай одамлар-а. Йўқ, бу ишга хотиржам қараб бўлмайди”, деган қатъият ўша вақтларда ёқ юрагига ўрнашган. Қамоқдан чиқиб келганимдан сўнг раҳматли онам бир гапни айтиб берди. Ислом ака: “Айбиз бўлатуриб жавобгарликка тортилган одамлар оиласидан хабар олиб туринглар. Уйига борсанг ёқишга ўтини йўқ, ейишга... Рўзгори аранг ўтиб турган одамлар ҳам шунаقا жазо оладими?” деган.

Албатта, Ислом аканинг бундай катта юкни зиммасига олишига ўша пайтлар Чингиз Айтматов, Одил Ёкубов сингари машхур адибларнинг марказий матбуотда, Кремлнинг съездлар саройидаги чиқишилари – “паҳтанинг бехосият неъматга айлангани” ҳақида куюниб сўзлаганлари, атоқли шоиримиз Абдулла Ориповнинг “Миллион эгатларга сочилган ўзбек”, “Ушоқ чигитни ҳам этмай деб увол, Миллион эгатларга эгилган ҳалқим!” сингари тагдор мисралари катта туртки бўлган бўлиши керак, деб ўйлайман...

* * *

Хоҳласам, хоҳламасам – ўша “антиқа суд” жараёнидаги эпизодлар қайта-қайта ёдга келаверади. У ерда айтилган гапларнинг барчаси деярли ёд бўлиб кетган. Бизнинг тилимизни тушунмайдиган прокурор Дурдиметов менга савол бераяпти. Хўжалигимизнинг бош ҳисобчиси раҳматли Авлоқул бобо Қодиров айбланувчи сифатида жавоб беряпти. У 1923 йилда тугилган, отамнинг қадрдан дўсти, иккаласи бир кунда урушга кетишган. 1945 йилда Берлинда партияга ўтган. Агар таржимаи ҳолини айтиб берса, собиқ коммунистик тузумга у кишидан кўра содиқ одам Москванинг ўзида ҳам топилмайди. Авлоқул бобо нафақат иккинчи жаҳон уруши қатнашчиси сифатида, балки ундан кейин – тинчлик йиллари олган мукофотлари билан ҳам ақлингизни шошириб кўярди. Адашмасам, қирққа яқин орден-медаллари бўларди. У киши урушдан сўнг ГДРни тузишда қатнашиб, 47-йили қишлоғига қайтиб келган. Менинг раислик давримда ҳам ишлаб турганди. Дурдиметовнинг сўроқларига: “Мен бу катта кучга қарши чиқолмаганман”, деб жавоб берди. Авлоқул бобо рус тилини жуда яхши биларди, ҳатто урушдан сўнг олмонлар орасида юриб, немис тилини ҳам ўрганиб кетган экан. Дурдиметов: “Судланувчи Қодиров! Сиз уруш вақти фашистлардан кўрқмай, Сталинграддан Берлингача борибсиз. Нима учун тинч даврда “приписка қиласан” деганларга қарши чиқолмадим, қўрқдим, деяпсиз?” деса бўладими? Авлоқул бобо, ёши катта бўлишига қарамасдан, гапга уста, ҳозиржавоб одам эмасди. Жуда камтарин, ҳокисор инсон эди. Нима дейишни билмай тўхтаб қолди...

Мен чида буролмадим! “Мумкинми, мен жавоб берсам”, деб рухсат сўраб, фикримни айтдим. Қўлдан келганча рус тилида гапирдим. “Уруш йиллари бобой кимга қарши курашиш кераклигини яхши билган”, дедим.

Яна бир аянчли, одамни кулиб туриб йиғлатадиган воқеа бизлар қамалиб кетганимиздан кейин бўлган экан. Шахрисабзнинг тоғ зонасида пахта ўсмайди. Шоди Мўминов деган яқин оғайним бўларди. У Бухоронинг Қоровулбозорига яқин – биздан 300 километр узоқ Шахрисабз массивида пахта экди. У яшайдиган жойдаги одамлар факат картошкага экишган, чорва, боғдорчилик билан шуғулланган. Шу ҳам уч юз чақирик жойга мажбуран бориб, жазирама саҳрода пахта етиширгани учун суд бўлиб камалди. Уни “сохта ҳужжат тайёрлаб, 75 минг сўмлик қўшиб ёзишга йўл қўйган” деган айблов билан судга чақиришдан олдин ўша хўжалик аъзолари: “Раисимизни, бухгалтеримизни, одамларимизни қамаманглар – майли биз шу 75 минг сўмни тўлаб берамиз”, деб ҳақиқатан ўшанча пулни тўлашган. Судга пул тўлангани ҳақида ҳужжат тақдим этилган. Ўйлашимча, уларни суд қилган судьялар ҳам бечора оддий дехқонларнинг бегуноҳ эканини тушуниб туришган. Бўлмаса, Шоди Мўминов олти йил муддатга озодликдан маҳрум қилинганидан сўнг, ўша ернинг ўзида қамоққа олиниши керак эди. Ҳар қалай Гдлян ва Ивановнинг шериклари – Тошкентта келиб жойлашган десантчилар Москванинг номидан “Шунақа қиласан, “шунча срок берасан”, деб туришгандан кейин судьяларда ҳам қатъяйтсизлик бўлган.

Бу кулгили воқеанинг давомини айтсан, суд тугагандан сўнг ҳукмни Шоди Мўминовнинг қўлига бериб: “Раис бобо, қамоққа ўзингиз бора қолинг”, дейишган. Соддалик ҳам шунчалик бўлар-да. Қаршидаги қамоқхонага қўлида ҳукм билан ўзи борган. “Мана менинг ҳукмим – қамоққа олинишим керак. Ўзим келдим”, деган. Шоди Мўминов билан бирга бир жойда муддатни ўтадик.

* * *

20-30-йилларда беш-олти қоп буғдои, икки-учта сигири, битта оти бўлган одамни қулоқ қилиб юбораверишган. Шунинг учун Сибирда, Украинада ҳозиргача ҳам яшаб келаётган аждодларимизнинг авлодлари бор экан...

Беихтиёр, ўз аждодларим эсга тушади. Шўро замонида оилавий сулоламизнинг уч авлоди қатағон жабрини чекди. Биринчиси, менинг бобом — Бобоёр амин. Туғилган йилиниям билмаймиз. Қачон вафот этганини ҳам. Тўғрироғи, қаерда, қачон отилгани ҳам номаълум. У киши амин бўлган эканлар. Биз буни элнинг оғзидан эшитганмиз. Отамдан сўнг туғилган Сами амаким ҳам вафот этиб кетди. Бир пайтлар бизнинг жойларимиз Бухоро амирлигига қараган. Ўша вақтда ўн битта қишлоқнинг бошлигини “амин” дейишган. Амирликнинг ер солиғи ва бошқа тўловлари шу амин орқали ундирилган. Бобоёр бобомиз 17-18 ёшида отасининг ёнида ер ҳайдаб юрган. Орада уч-тўртта амин ишни эпламаганидан сўнг амирлик ва бекликдан келишиб, “Аминликка кимни қўямиз, иш юрмаяпти”, деганда қишлоқ оқсоқоллари йиғилишиб, “Ёш бўлсаям шу Бобоёрни аминликка кўйинглар, биз шунга бўйсунамиз”, дейишади. Шундай қилиб, у киши 18-19 ёшларида аминликка кўтарилиган. Бу 1917-1918 йилларга тўғри келади. Петроградда давлат тўнтариши бўлиб, қизиллар ҳукумат бошига чиққанидан сўнг ҳам – ҳатто ўтган аср 30-33-йилларигача ер эгалари, мулкдорлар бўлган, коллективлаштириш кейин бошланган. 1927-1928 йилларгача бобомиз

Шахрисабзда бообру аминлар даражасига етишган. “Қизиллар эрта бир кун кетади-да”, деб аминлигини қилиб юраверган. Мен, бобомни кўриб қолган одамлардан кўп эшитганман: у киши қарасаки, қизиллар кетмаяпти. Сал қарши чиққанни йўқ қилиб юбораяпти. Майли, ҳеч бўлмаса, бола-чақанинг бошига ўзимизни сақлаб қолайлик, деб ер-сувини берган. Ўзига тегишли мол-мулк, отларигача топширган. Жуда орияту, жисмонан бақувват, полвон одам бўлган эканлар. Кураш, кўпкарини гуллатган. Ўзига хос ўжарлиги ҳам бўлган. Ер-сувини топширганидан кейин ҳам тинч қўйишмайди. Очлик, қийинчилик давари. Тинимсиз таҳдиу тазийқдан кейин, ер-сувини, мол-мулкини топшириб ҳам қутула олмаган одамлар қизилларга қарши қўлига қурол олишга мажбур бўлишган. Эшитган гапларимизга караганда, 30-йиллардаям бобомиз уйига гоҳ келиб, гоҳ келмай, тоғу тошларда ўзича қизиллар хукуматини тан олмай юрган. Яқин-яқинларгача ҳам “ўшанда бобонг тоғу тошларда қочиб юрган”, деб кўп гапиришарди. Сўнг бобомни ушлаб қамашган. Баъзи миш-мишлар бўйича отиб юборишган. Тоҷикистонда Дангара сув омборида ишлатиб-ишлатиб, ўша ерда ўлдириб юборишган, деган гапларни ҳам эшитганмиз.

Қишлоғимизда бир темирчи уста бўларди – Шодмоновнинг отаси, яқинда 106 ёшга кириб вафот этди. Ниҳоятда соғлом, бақувват одам эди. Шу киши билан кўп сухбат қилганман, “Бобом – босмачи бўлганми?”, деб сўраганман. “Э, қанақасига босмачи! Ер-сви бор, озроқ бадавлат эди, холос. Ўшандаям, одамларга уруғлик берарди. Камбағал, бева-бечоралар бошини силарди. Кимни уйлантирган, кимни ишлатган. Ўзиям тинмай ишларди. Ҳеч қанақа босмачи эмасди!” деб жавоб қилганди саволимга. Энди тушунсак, бизга “босмачи” дейишган одамлар – миллий озодлик курашчилари экан. Бироқ “бобонг – босмачи” деган гапнинг тавқи лаънати жуда ёшлигидан отам билан амакиларим бошига тушган. “Бойнинг боласисан”, деб мактабдан ҳайдашаркан уларни. Раҳматли отам билан амаким кўп эслашарди: “Мактабга ҳам қўйишмасди. Бизларнинг кунимиз машоқ териб ўтарди. Буғдойни хомлигича чайнардик”.

Отам 18 ёшида урушга кўнгилли бўлиб кетган. 1944 йили контузия аҳволда урушдан қайтган. Урушдан ярадор аҳволда қайтиб келган шу одамни “харбий билетинг қалбаки”, деб қамашган. Қаршидаги қамоқдан чиқиб келгач, отам раҳматли Тоҷикистонга қочган. 50-йилларга келиб, бу ёқдан: “Англашилмовчилик бўлган”, деб хат боргандан кейин қишлоққа қайтган. Шундай ноҳақликлар азобини тортган отам 51 ёшида вафот этди. Элнинг бошида туриб, 18 йил хўжалик раҳбари бўлишга ҳам улгурди.

Ўзимнинг тақдирим ҳам худди бобом ва отамники сингари бўлди. Ўзи бу мустабид тузум, деярли ҳар йигирма йилда халқни қиyratib турарди. 1917-1920 йилларда Ленин шу сиёсатни олиб борди. Сталин ҳокимиятга келгач, узлуксиз қатағонлар бўлди. Айниқса, 1937-1940, 1950-йилларда ноҳақлик авж олган. 60-йилларда Хрушчевнинг “Американи қувиб ўтиб, ундан ўзиб кетамиз” деган сиёсати сабаб, “бир йилда уч йиллик гўшт планини бажариш” учун уйларидаги қўй-эчклилар давлат ҳисобига олиб қўйилишидан ташқари озмунча одам қамалганми?

80-йилларга келиб, “ўзбек иши”, “пахта иши” ўйлаб топилди. Санасак, тўрт марта – ҳар йигирма йилда бир мартадан қатағон сиёсати амалга оширилган. Лекин бу жуда яширинча, ҳар жиҳатдан хаспўшланган сиёсат эди. Жудаям оддий одамларга балки тегишмагандир, лекин эл ичида

обрўси бор, бошқаларга етакчилик қилиши қобилияти бўлган миллатнинг гуллари териб қатағон қилинган. Чунки мустабид тузумга нима деса “хўп” дея бўйини эгиб турадиган қуллар керак эди. Одамларнинг маълумоти, қобилияти уларни қизиқтиргмаган. Фақат мутъе, бўйни эгилган, қора ишни қиладиган авом керак бўлган. Шунинг ўзи қатағон эмас, геноцидга ҳам тўғри келмайдими?! Аниқ бир мақсадни кўзлаб, бир миллатнинг иккинчи миллат томонидан таҳқирланиши, бу – бориб турган геноцид эмасми!

* * *

Тарих бир нарсанинг баҳосини ҳалигача тўғри қўя олгани йўқ. Усмонхўжаевнинг ўрнига Рафиқ Нишонов қўйилди... Месхети турклари билан ўзбеклар ўртасида жанжал чиқариш қаердадир эмас, ДХҚ (КГБ) тайёрлаган, жуда чуқур ўйланган фитна эди. Қасдан шундай фитна чиқарилиб, Фарғона водийсию Тошкент вилоятида оломон кўтарилганда уни бостириш учун ташланган кучлар одамларни қўрқитиб қўйишни мақсад қилишган эди. Ҳеч иккиланмасдан айтиш мумкинки, бу секин портрайдиган мина эди. Раҳбарият шу фитнани бозорда бир килограмм қулунинг устида чиқкан жанжал деб талқин қилди.

Ҳа, тарих ҳамма нарсага ўз баҳосини бериб боряпти...

Мухбир изоҳи: шу ўринда сабиқ маҳбуснинг сўнгги гапларига бироз эътиroz билдириши зарурати бор. Тарих бўлиб ўтган ҳамма воқеаларга эртами-кеч ҳаққоний баҳосини беради. Бироқ бутун бир миллатнинг шаънига тұхмату бўхтонлар ёғдирган, 70 минг кишининг ҳибсга олинниши, 600 минга яқин кишининг жинои жавобгарликка торттилиши, улардан айримларининг отилиши, ўз жонига қасд қилиши, қамоқда орттирган азоб-уқубатлар боис ҳаётдан кўз юмшишига сабаб бўлганлар, канчадан-канча одамларни талаган, юлгичлик қилган, ноҳақ қамоқ жазосига тортганлар ҳали айшини сурис юрибди. Головачёвнинг мурдасини ўзи боқсан им еб қўйган бўлса-да, у сингари одамларни тўғри ўйдан оздирганлар қутқуси билан “оқни қора” деган Гдлян ва Ивановлар нариги дунёда эмас – шу дунёнинг ўзида қонуний жазосини олиши керак!

Шуҳрат Бобоёровнинг ҳикоясини тинглай туриб бандоғоҳ ўйлаб қоласиз: унинг ўзи ва отаси, бобоси бошига тушиган кўргуликлар миллий озодлик учун курашининг тўқсонинчи йиллар бошига қадар давом этган муайян бир даврини қамраб олади...

У қамоқдан чиқиб келганидан сўнг анча йиллар ўтиб Қашқадарёда Ислом Каримов билан учрашгани ҳақида айтиб ўтди. Ислом Абдуганиевич сўнгги қатагон даврини эслаб, ўша азоб-уқубатлар боис “ажалидан беш кун аввал” вафот этганларни эслаб нутқ сўзлагандা, “уларнинг хотирасини унумтмайлик, тарих учун битиб қўййлик” деганда Юртбошига ўша йиллардаги мардлиги ва жасорати учун – ўзининг ва ўзи каби минг-минглаб айбисиз айбор бўлиб қамалган ва сўнг “оқланганлар”нинг миннатдорлигини, дил изҳорларини билдиришига муваффақ бўлди. Ушибу суҳбат ҳам айни ўша кунларда диктофонга туширилган. Ўшанда у эндиғина 58 ёшига кирганди. Бироқ “сўнгги қатагон” даврида олган мудҳии азоблари юрагида ўз изини, маънавий жароҳатини қолдирган эди. У ана шу азоблар билан яшарди. Ҳар куни шу ҳақда ўйларди ва шу азобни қайтадан бошдан ке-

чиргандек бўларди. Юртимиз озодликка чиққани учун қалбида шукронаси бисёр эди.

Орадан икки йил ўтиб, у ўзининг олтмиши ёшини нишонламоқчи бўлди. Бутун вилоятдан, мамлакатнинг турли бурчакларидан дўстлари қутлагани келишиди. Олтмиши йиллик таваллуд санаси чинакам тўйга айланниб кетганди. Ахир, не-не азоблардан сўнг бундай дориламон кунларга етганлар бор, етмаганлар бор. Севинчи чексиз эди. Бироқ... фожиа юз берди. Тўй охирига етмай азага айланди. Шўро замонининг шунча азоблари, маънавий қийноқлари, миллий гуурни ерга урувчи таҳқирларига доши берган юраги бу қадар хурсандчиликни кўтара олмади. Унга шифокорлар ўзингизни ортиқча ҳаяжонлардан тийинг, юрагингизни асранг, деб маслаҳат бершиганди. Бироқ юрак қурғур маслаҳатга қулоқ солмас, шифокорлар амри билан тепмас экан-да... Шуҳрат Бобоёровнинг олтмиши йиллик таваллуд айёмига келган биродарлари уни кўзда ёши, қалбларида катта изтироб билан тупроққа қўйишиди.

Бу Беҳбудио Фитрат, Чўлтону Абдулла Қодирийлар бошлиб берган миллий озодлик учун – халқимиз эрки ва Ватанимиз мустақиллиги учун кураши тарихининг сўнгги сабоқлари бўлиб қолди.

Мурод АБДУЛЛАЕВ,
Ўзбекистон Республикасида
хизмат қўрсатган журналист



ЖЎРА МАҲМУД
Ўзбекистон Республикасида хизмат
кўрсатган санъат арбоби

БИЗ БИЛГАН ВА БИЛМАГАН ШЕКСПИР

Нафақат Англия, балки жаҳон тарихида шу кунга қадар Шекспирдек кенг кўламли драматург дунёга келмади. Мана 450 йилдирки, унинг ўлмас асарлари дунё театрлари саҳнасидан тушмайди.

Машхур япон режиссёри Акира Курасава томонидан суратга олинган “Қирол Лир”, “Макбет” фильмлари шарқона бетакрор талқини билан шекспиршуносларни ҳайратга солди. Ўзбек Миллий академик драма театрида Маннон Уйғур томонидан саҳналаштирилган “Ҳамлет” спектакли (Ҳамлет – А.Хидоятов) ўтган асрнинг ўттизинчи йилларида энг талабчан мутахассислар томонидан юксак эътироф этилди. Аброр Хидоятов ижросидаги Отелло англиялик мутахассисларнинг-да, олқишига сазовор бўлди. Ҳисоб-китобларга қараганда, Шекспир ҳали-ҳануз йилига таҳминан йигирма миллион одамни иш билан таъминлар экан.

Буюк драматург ҳақида унинг пьесаларидан ташқари яна нималарни биламиз? Унинг шахсий ҳаёти қай тарзда кечган? Жамият тараққиётида катта роль ўйнаган Шекспирнинг асарлари юзага келишига ким ёки қандай омиллар сабабчи бўлган? Шекспирнинг ўзбек китобхонларию томошабинларига кўп ҳам маълум бўлмаган маълумотларни излаб, тегишли илмий асарларга мурожаат қилдик. Шекспир ва унинг ижоди тўғрисида беҳисоб асарлар ёзилган. Аммо “Шекспир феноменининг сири нимада?” деган саволга ўзбек театршунослиги ва адабиётшунослигига аниқ жавоб йўқ.

1981 йилда Fafur Гулом номидаги адабиёт ва санъат нашриётида чоп этилган Уильям Шекспирнинг танланган асарлари биринчи жилдининг дастлабки саҳифасида академик Воҳид Зоҳидовнинг “Бадиий даҳо мужассами” номли мақоласида қуйидаги маълумотлар келтирилади:

“Уильям Шекспир 1564 йилда Англияning унчалик катта бўлмаган Стрэтфорд шаҳрида дунёга келади. Унинг отаси шу шаҳарнинг йирик савдогарларидан ва айни замонда, кўзга кўринган сиёсий арбоблардан эди. Бир неча вақт шу шаҳарнинг бошлиғи бўлиб ишлаган ҳам. Уильям мактабни тамомлагач, Лондонга келиб, театрда дастёр бўлиб хизмат кила бошлайди. Сўнгра Англия яқинида ташкил этилган, янги “Глобус” номли ҳалқ театрида 1612 йилга қадар актёрлик қилади ва репертуар адабиёт масалалари билан шуғулланади. Кўп ўтмай ўз пьесалари билан катта шуҳрат қозонади. Ҳаёти жуда мураккаб ва қийин шароитларда, янгилик билан эскилик орасидаги кескин олишувлар жараёнida ўтади”.

Шу каби маълумотларни бошқа манбаларда ҳам учратиш мумкин. Лекин булар Шекспир ижоди билан чукурроқ танишиш ниятида бўлган мутахассис ёки оддий ўқувчида туғиладиган қатор саволларга жавоб бўйламайди.

Шекспир 1564 йилнинг 26 апрелида чўқинтирилади. Бу ҳақда Стрэтфорддаги муқаддас Троица ибодахонасининг масъуль ходими Жон Бретчгерлд “Кирим дафтари”да қайд қилган. Христиан дини ақидаларига кўра, фарзанд дунёга келгач, уч кун ўтиб чўқинтирилган. Шу анъанадан келиб чиқадиган бўлсак, Уильям Шекспир 1564 йилнинг 23 апрель куни дунёга келган бўлади.

Ота-онаси Жон Шекспир ва Мэриларнинг биринчи фарзанди Жоан исмли киз бўлиб, у 1558 йилнинг 15 сентябрида дунёга келган. Уларнинг иккинчи қизи Маргарет эса 1562 йил 2 декабрда туғилган. Аммо у орадан кўп ўтмай қазо қиласди. Бу ҳақдаги маълумотлар ҳам ўша “Кирим дафтари”да қайд қилинган.

Шекспир дунёга келган Стрэтфорд шаҳарчаси Эйвен дарёси ёқасида жойлашгани боис уни “Эйвен бўйидаги Стрэтфорд” деб аташган. Бунинг ҳам кичик тарихи бўлиб, ўша ерлик Клоптон исмли савдогар Лондонга қатнаб, катта маблағ орттиради. Умрининг поёнида эса ўз шаҳрига қайтиб, Эйвен дарёси устига ўз маблағи ҳисобидан кўприк курдиради. Бу кўприк сайёҳлар учун Лондон шаҳрига элтувчи йўл бўлган. Шу даврдан бошлаб “Эйвен бўйидаги Стрэтфорд” шаҳри деб юритила бошлаган.

Стрэтфордга расман шаҳар мақоми берилишида қирол Ричард I нинг хизмати катта бўлиб, у шаҳар худудида хафтанинг пайшанба кунлари катта бозор ташкил этиш тўғрисида қарор чиқарган. Авваллари шаҳарни кесиб ўтадиган учта кўчанинг чорраҳасида хоч ўрнатилган бўлиб, у бозор ўрнини билдириб турган. Бу воқеалар тахминан 1500 йилнинг бошларига тўғри келади. Кейинчалик Шекспир яшаган даврда хоч ўрнида усти ёпик каттагина бозор бўлиб, унда озиқ-овқат, кийим-кечак қишлоқ хўжалик асбоб-ускуналари ва бошқа нарсалар сотиладиган расталар бўлган.

Эдуард IV даврида қирол шаҳодатномасига асосан, шаҳар мустақил деб эълон қилиниб, алоҳида муҳри, бошқарувчи ҳокими, унинг тўртта бошқарувчи ҳамда ўн тўртта ижрочилардан иборат сайдабор қўйиладиган ташкилоти юзага келади.

XV асрнинг ўрталарига келиб Англияда тўқимачилик саноати ривожлана боради. Чорвачилик аста-секин деҳқончилик соҳасини сиқиб чиқара бошлайди. Натижада қишлоқларда деҳқончилик билан шуғулланган ёшлар иқтисодий танг аҳволдан қутилиш учун хунар ўрганиш мақсадида шаҳарларга кўча бошлайди.

XV асрга келиб, шаҳар ҳудуди кенгайиб, янги бинолар қад кўтаради. Марказдаги бутхона ёнбошида мактаб очилади. Мактаб бепул бўлиб, унда асосан лотин тили грамматикаси ва адабиёти ўргатилган. Шекспир ҳам шу мактабда таҳсил олган.

Стрэтфорд шаҳридан шимолий-шарқ томон тахминан уч-уч ярим километр юрилса, сўлим Снитерфельд қишлоғи кўзга ташланади. 1529 йилларда Шекспирнинг буваси Ричард Шекспир шу қишлоқка келиб ўрнашади. Бу жойнинг бирдан-бир кўрки бўлган муқаддас Буюк Жеймс ибодатхонасининг кўкка бўй чўзган баланд қуббаси қишлоқнинг кўрки

бўлган. Шекспирнинг буваси Ричард шу ердаги қаровсиз далаларни ижарага олиб, дехқончилик ва чорвачилик билан шуғулланган.

Шекспирнинг бобоси ўз қатлами орасида анчайин бадавлат одам бўлиб, у қазо қилган 1561 йил 10 февралда тузилган “Мол-мулкни баҳолаш дафтари”да марҳумга тегишли мол-мулкнинг умумий қиймати 38 фунт, 17 шиллинг микдорида баҳолангани қайд этилган. Бу ўша даврдаги нархнаво билан таққосланганда катта бойлик хисобланган. Тахминларга қараганда, Ричард Шекспирнинг икки ўғли бўлган. Тўнғичи Генри Шекспир 1589 йилда казо қилганлиги Хэмптон-Люси ибодатхонасининг “Кирим дафтари”да қайд қилинган. Унинг иккинчи ўғли Жон Шекспир, яъни, драматургнинг отаси ўз ерини ижарага берган Роберт Арденнинг қизи Мэрига уйланган.

У отаси ва акасига ўхшаб дехқончилик қилишни истамагани сабабли оиласи билан 1550 йилларда Снитерфельд қишлоғидан Стрэтфорд шаҳрига кўчиб келади ва қўлқоп тикиш хунарини ўрганиади. Ўша даврда жорий этилган тартибга биноан, хунар ўрганишни истаган ҳар бир ўспирин устага шогирд тушиб, унинг хизматини қилиб, ҳам хунар ўрганиши керак бўлган. Бу соҳада унга Томас Диксон деган киши устозлик қилган. Афтидан, бу хунар билан яхши даромад топиш мумкин бўлган. Қўлқоп тикиш ва уни кийиб юриш инглизларгагина хос бўлиб, бошқа давлатларда бундай хунар билан шуғулланувчилар бўлмаган.

Жон Шекспирнинг номи 1552 йил 29 апрелда шаҳар тозалигини назорат қилувчи бошқарма томонидан чиқарилган жарима тўлаш тўғрисидаги суд қарори ёзилган қофозда қайд этилади. Унга кўра, Жон хонадонидан чиққан ахлатни Хенли-стрит кўчасига тўкиб кетганлиги учун бир шиллинг жарима тўлашга тортилган.

Юқоридаги жарима қофозидан яна шу нарса маълум бўладики, Жон Шекспир Хенли-стритдаги уйларнинг бирида ё ижарада ёки хусусий уйида истиқомат қилган. Шунингдек, у 1556 йилда шаҳарлик Жорж Тернердан шаҳардан ташқарига олиб борадиган Гринхил-стрит кўчасида жойлашган каттагина боғли ҳовлини сотиб олади. Кейинчалик бу кўчанинг номи ўзгариб, “Мор-Таунос-энд” деб юритила бошланган. Шу йилнинг ўзида у яна Эдвард Уэста деган кимсадан Хенли-стритда жойлашган каттагина экин майдонига эга мулкни ҳам сотиб олган.

Худди шу йили шаҳарда вабо тарқалади ва бир неча кун ичida 237 кишининг ёстиғи қурийди. Аммо вабо Шекспир хонадонини четлаб ўтган. Август ойида Муниципалитет (ўзини-ўзи бошқариш бирлашмаси) кенгаши аъзолари мажлисни ҳар эҳтимолга қарши тор хонада эмас, очик ҳавода, чорраҳадаги черков боғида ўтказишиди. Мазкур йиғилишда ҳозир бўлганлар рўйхатида Жон Шекспирнинг ҳам фамилияси бор. Йиғилишда асосан, вабодан азият чеккан хонадонларга ёрдам кўрсатиши масалалари муҳокама қилинган. Хайриятки, 1566 йилнинг декабрь ойига келиб, совуқ тушиши билан вабо чекинади. 1566 йил 13 октябрида Жоннинг иккинчи ўғли Гилберт Шекспир “Муқаддас Троица” ибодатхонасида чўқинтирилади. 1569 йилнинг 17 апрелида Жон Шекспирнинг Жоана исмли қизи ҳам худди ўша ибодатхонада чўқинтирилгани “Кирим дафтари”да қайд қилинган. Жон кенжা фарзанди Эдмундни 1580 йил 3 май куни Троица ибодатхонасида чўқинтирган вақтда унинг ёши бир жойга бориб қолган эди. Эдмунд балоғат ёшига етгач, акаси Уильямга

эргашиб Лондонга келади ва актёр сифатида сайёр театрларда ишлайди. Аммо айнан қайси театрларда ишлаганлиги маълум эмас. Унга отаси ва акасига ўхшаб узоқ умр кўриш насиб этмаган. Бор-йўғи 29 йил умр кўрган бўлиб, 1602 йилининг 31 декабрь куни Лондондаги муқаддас Мария Овери ибодатхонаси худудидаги қабристонга дафн этилган.

Уильям Шекспирнинг отаси давлатманд бўлганлиги ҳақида архив хужжатларида маълумотлар бор. Агар у шаҳарнинг оддий фуқароси бўлганида шаҳар бошқаруви ишларига аралаштирилмаган бўларди. 1567 йилда Жон Шекспир шаҳар судининг бейлифлигига (суд қарорлари чиқарувчи ҳамда ижрони назорат қилучи оқсоқол) номзоди кўрсатилган уч киши орасида унинг ҳам номи бўлган. У 1568 йилнинг биринчи октябридан бейлифлик вазифасини бажаришга киришади. Жон икки хафтада бир марта бўлиб ўтадиган суд йиғилишида раислик қилган. Шаҳар фуқароларининг мол-мулкини мусодара қилиш, эгасиз мол-мулкни назорат қилиш, бозордаги нарх-наво устидан мунтазам назоратни амалга ошириш бейлиф зиммасида бўлган. Шунингдек, у бозор кунлари икки ёки тўрт назоратчи куршовида бозорни айланиб, ҳамма учун мақбул нарх-навони белгилаган. Шаҳар оқсоқоллари томонидан чиқарилган қонунларни бажаришдан бўйин товлаган фуқароларни хибсга олиш тўғрисида қарор чиқарган. Демак, бейлиф шаҳарда Қироллик номидан иш кўрувчи мансабдор шахс бўлган. Жон Шекспир ўзининг мавқеи, шаҳар бошқарувидаги хизматларини инобатга олган ҳолда ўзи ва авлодлари учун “Дворянлик” унвони – герб беришларини сўраб, Қироллик палатаси аъзоларига бир неча бор мурожаат қилган. Аммо нима сабабдандир унинг илтимоси қондирилмаган. Шундан кейин жамоат ва давлат ишларидан ўзини тортган бўлиши мумкин.

Жон Шекспир 1601 йил 8 сентябрь куни вафот этади ва “Муқаддас Троица” қабристонига дафн қилинади.

Шоирнинг ўзига келадиган бўлсак, у Қироллик қонунида белгиланган тартибда ўқитилган. 1552 йилда Қиролича Мария Тюдор томонида жорий этилган “Йўриқнома”нинг қирқ биринчи бандида ўрта мактаблардаги таълим бериш услуби қатъий белгиланган бўлиб, Англияда Христиан динининг протестантлик мазҳаби таомили бўйича ибодат қилиш, болаларни ўқитиш билан машғул бўлган шахслар илоҳий билимларга нисбатан ўқувчиларда хурмат ва эҳтиром туйғусини уйғота билишлари ҳамда ўқувчиларда диний эътиқодни мустаҳкамлашга эришмоқлари лозимлиги кўрсатиб ўтилган.

Шекспирнинг қайси мактабда ва қандай ўқиганлиги тўғрисида маълумотлар сақланмаган. Орадан қарийб юз йиллар ўтиб, 1709 йилда шекспиршунос Николас Роу куйидаги фикрни олға суради: Жон Шекспир ўзининг шоир ўғлини маҳаллий бепул мактабга ўқишига берган бўлиб, бўлғуси шоир лотин тилини мукаммал эгаллаган. Николас Роу тилга олган “Эйвен бўйидаги Стрэтфорд шаҳридаги ягона ўқув даргоҳи “Қироллик мактаби” бўлиб у, Шекспирлар оиласи яшаган Хенли-стритдан ярим чақирим нарида жойлашган.

Шекспир ўқиган Стрэтфорддаги янги Қироллик грамматика мактабининг бошқа худудлардаги шундай мактаблар орасида услубий таълим тизими, шарт-шароити билан нисбатан пешқадам ҳисобланган. 1553 йилдаги мактаблар рўйхатида мазкур мактаб ўқитувчиси

йилига 20 фунт ҳамда бепул ётоқхона билан таъминланган. Бошка мактаб ўқитувчилари эса йилига атиги 10 фунт маош олишган. Турли йилларда Шекспирга сабоқ берган ўқитувчилар Англиядаги Оксфорд университетини битирган юқори малакали мутахассислар бўлган. 1566-1572 йилларда Оксфорд университетининг магистранти Томас Женикс ҳам шу мактабда дарс берган.

Англия Қироллик мактабидаги жорий тартибга кўра, дарслар эрталаб еттида бошланиб, соат ўн бирда қисқа нонушта учун вақт ажратилган, сўнг машғулотлар соат бирга қадар давом этган. Соат бирда тушлик учун бир соат танаффус берилган. Шундан сўнг дарслар соат беш-олтига қадар узлуксиз чўзилган.

Асосий синфлардаги ўкишнинг биринчи йилида асосан лотин тили ва талаффузини ўрганишга эътибор қаратилган. Ўқитиши услуби ҳозирги бошланғич синф дарсларига ўхшаб кетади. Яъни, ўкувчи лотин тилидаги ўзига таниш сўзларни Уильям Лилининг китобидан қидириб топишлари, сўзнинг мазмун-моҳиятини тушунтириб беришлари керак бўлган. Бундан ташқари мактабда Леонхардус Кулмануснинг “Болалар учун насиҳатнома” китобидан ҳам фойдаланилган. Иккинчи ўкув йилида Эразм Роттердамскийнинг ноёб фикрлар тўплами – “Катона” китобини ўрганишга ўтилган. Шунингдек, Эзоп қолдирган ноёб фикр дурдоналари ҳам ёд олинган.

Учинчи ўкув йилида эса Теренций, Плавтни ўқиб ўрганишган, ёд олишган. Маълумотларга кўра, сўзларни осонроқ ўзлаштириш учун номлари зикр этилган муаллифларнинг асарларидан айрим саҳналарни ўқувчилар ижро этишган. Шу тариқа Шекспир беш қисмли комедия қандай яратилишини ўрганиб борган бўлса ажаб эмас. Мактабнинг кейинги синфларида Цицерондан нотиклик санъати, топика (сўзларни кўчма маънода кўллаш) ўрганилган. Ўзлаштирилган билимдан фойдаланган ҳолда турли мақсадларда мактуб ёзишни, нутқни ирод қилиш машқ қилинган. Дарсдан сўнг назм сирлари ўргатилган.

Шу тариқа ўқувчилар Овидий, Вергилий, Горацийларга тақлидан лотин тилида шеър ёзишни машқ қилган. Шекспир ҳам шеър ёзишни ўқувчилик вақтидаёқ бошлаган. Айниқса, Овидийнинг “Метамарфоза” китоби бир умрга Шекспирнинг энг суюкли китоби бўлиб қолади.

Шекспиршунос Т.У.Болдуни ўзининг Шекспир тўғрисидаги китобида шундай изоҳ беради:

“Шекспир ўша даврда Антик адабиёт юзасидан грамматика мактаби берган билимни мукаммал эгаллагани ўз давридаги энг юксак мақомдаги ёзувчидан кам эмаслигининг исботидир. Стрэтфорддаги грамматика мактаби лозим бўлган барча илмларни ўқувчиларга бера олган”.

Афтидан, Уильям, шаҳардаги “Қироллик мактаби”ни тамомлай олмаган. Инглизларнинг оиласи муносабатларига кўра балоғат ёшига етган ҳар бир ўспирин ўз мустақил ҳаётини йўлга қўйиши лозим. Бундай одатга ҳануз амал қилиб келинади. Ўн беш ёшга тўлган йигитча, агар у дворян оиласига мансуб бўлса, қирол саройига паж (Саройдаги паст амаллардан, дастёрлик, югурдаклик вазифаларини бажарувчи) сифатида ишга кириши керак бўлган. Оддий оила фарзандлари эса бирон-бир ҳунарни эгаллаш учун устага шогирд тушган. Жон Шекспирда дворянлик

унвони бўлган-бўлмагани маълум эмас. Шу боис, Шекспир ўз отасининг кўлқоп тикиш ҳунарини ўрганишга киришгани ҳақиқатга яқинроқ.

1582 йилнинг баҳор ойларида Шекспир Стрэтфорддан бир чақирим нарида жойлашган Шотерн қишлоғига боради. У ерда Энни исмли қизни учратади ва унга кўнгил кўяди. Уларнинг иккинчи учрашуви тахминан август ойларида рўй бериб, ошиқ-маъшуқларнинг эҳтирослари натижасида Энни ҳомиладор бўлади. Бу вақтда Шекспир эндигина ўн саккиз ёшда бўлиб, (ўша давр қонунларига кўра балоғат ёши деб йигирма бир ёш белгиланган эди) Энни эса ундан саккиз ёш катта эди. Эннининг тобора кўзга ташлана бошлаган қорни ҳар иккисини ташвишга соглан. У вактларда ҳали “Никоҳ гувоҳномаси” жорий этилмаган. Шунинг учун 1582 йилнинг 27 ноябрида келин томонидан икки киши Фалк Сендуис ва Жон Ричардсон Стрэтфорддан 21 чақирим узокдаги Вустер шаҳрида жойлашган “Консистер суди”дан “эрта никоҳ”га рухсат олиш учун йўлга тушадилар. Күёвнинг ҳали балоғат ёшига етмаганлиги сабаб “алоҳида рухсат” сўралган. Мазкур рухсатнома ёшларни расман турмуш қуришлари мумкинлигини тасдиқловчи хужжат эди. Никоҳ маросимида шоирнинг отаси Жон Шекспир иштирок этмаган. Демак, бу никоҳга Шекспир ота-онасининг розилигини олмаган. Уильям ва Энни 1582 йилнинг 27 ноябрида никоҳланган бўлса, орадан олти ой ўтиб уларнинг тўнгич қизи Сьюзан дунёга келади.

Улар Стрэтфорддаги Хенли-стритдаги ота хонадонида яшайдилар. 1585 йил 2 февралда бу хонадонда эгизаклар Гамнет билан Жудит Шекспирлар дунёга келади. Уильямнинг гарданига ўзидан ташқари яна уч жонни боқиш ташвиши тушади. Ўша даврдан қолган узуқ-юлуқ маълумотларга кўра, уни gox қассоб ёрдамчиси, gox қўлқоп тикувчи уста, gox бой хонадонларда ёлланма ўқитувчи бўлиб ишлаган. Лекин Стрэтфордда театрга, адабиётга алоқадор бирон юмуш билан шуғулланганлиги тўғрисида аниқ маълумот йўқ. Аммо 1587 йилда “Киролича жаноби олиялари театри” труппаси Стрэтфордда томоша кўрсатганлиги ва бу томошада иштирок этган актёрларга 20 шиллинг, синган курсилар учун 16 пенс ҳақ тўланганлиги шаҳар мэрининг кирим-чиқим дафтарида қайд қилинган. Ёшлар учун сайёр труппалар томонидан онда-сонда кўрсатиб туриладиган томошалардан бошқа кўнгилоchar жой бўлмаган. Шунинг учун ҳам бир спектакль шаҳарда беш-ўн кунлаб намойиш этилган. Табиийки, Шекспир ўз тенгдошлари билан бундай томошаларни биронтасини ўтказиб юбормаган.

Шекспир ижоди билан шуғулланган мутахассисларнинг тахминларига кўра, Уильям шу йили бирон-бир сайёр труплага эргашиб, ўз баҳтини синаб кўриш учун Лондон шаҳрига равона бўлган. Лондон ўз даврда ер юзидағи энг катта, энг мукаммал шаҳар бўлган. Шаҳарнинг барпо бўлиши янги эранинг 43 йили Рим императори Клавдий Лондинумнинг Британия давлатини босиб олиши билан боғлиқ бўлиб, аввалига императорнинг номи билан “Лондинум деб юритилган. Римликлар шаҳарни ташлаб кетгандаридан кейин кўп йиллар у қаровсиз қолган. Кейинчалик шаҳар атрофига англасаксонлар келиб ўрнаша бошлайди. Улар Лондинумдан четроқда янги марказ қуришгина киришадилар ва унинг номини “Лондон”, яъни, “Савдогарлар шаҳри” деб атайдилар.

Шекспирнинг пойтахтга келиши тахминан 1590 йилларга тўғри келади.

Бу даврда Англия Уйғониш даврининг энг қайнок палласига кирган бўлиб, саноат, ишлаб чиқариш, диний ва дунёвий билимлар бир-бири билан кескин курашга киришган тарихий жараён эди. Бир томондан католик мазҳабининг ақидапарастлик оқими. Ҳур фикрлилик кушандаси “инквизиция” ўз мавқеидан ажralиб қолишдан қўрқиб жон-жаҳди билан ўз ғояларини ҳимоя қилаётган бўлса, иккинчи томондан инсонпарварлик ғояларини илгари сурайтган янги кўринишдаги фалсафий оқим, инсонни ўз-ўзини англаш орқали табиат ва жамиятга таъсир эта олиш салоҳиятига эга эканлигини ҳис қилиши, унинг дунёқарashi ва эътиқодига таъсир ўтказмасдан иложи йўқ эди.

Шаҳарни қишлоқдан ажратиб турувчи Темза дарёси шаҳар деворларини айланниб ўтиб, шимол томонга қараб оқкан. Шаҳарга кириб-чиқувчilar дарёдан қайиқлар орқали ўтишган. Шекспирнинг дарбадарлиги, иш қидириб дайдиб юрганлари, театр билан боғлиқ ҳаёти айни мана шу қирғоқда кечган. Чунки барча кўнгилочар масканлар шаҳарташқарисидаги кенг майдонларда жойлашган эди. Аслида биринчи ҳалқ театри шаҳар ичida 1551 йилда қурилган бўлиб, унинг номи “Ер шари” деб аталган. Кейинчалик бу театр ҳалқ тилида “Глобус” деб атала бошлаган. Аммо театр шаҳар ичida бўлиши, қора ҳалқ, дайдилар, тўс-тўпалонларга сабаб бўлиши, шунингдек, оломон тўпланган жойда касаллик тез тарқалиши мумкин, деган важ билан шаҳар ташқарисига кўчирилган.

Бу воқеа 1576 йилда содир бўлган. Касби дурадгор бўлган Жеймс Бербедж театр соҳасида катта чўққиларни забт этган буюк актёр бўлиб, у ўз лойиҳаси асосида театр биносини курган. Бу театр актёрлари бошқа касб билан шуғулланмай, фақат томоша кўрсатиб, кун кечирган. Шунинг учун ҳам улар профессионал театр тарихида муҳим рол ўйнайди. Бу ҳақда унинг ўғли Катберт Бербедж шундай битикларни қолдирган: “Отам биринчи бўлиб театр биносини курган ҳамда ёшлик йилларида ўзи роллар ижро этган. У театр қуриш учун катта фоиз эвазига қарз кўтарган. Театрни ижарага олинган ерда курганлиги учун ер эгаси билан суд орқали доимий тортишувлар бўлиб турган. Кейинчалик бу тортишув ва талашлардан безор бўлган театр актёрлари бошқа жойдан ер олиб, “Глобус” театрини қуришади”.

Театр томошалари шаҳар ичida ҳам намойиш этилган. Аммо маҳсус биноларда эмас, “Кўнфироқ”, “Буқа”, “Қизил арслон”, “Тўнғиз калла” каби майхоналарда мунтазам равишда намойиш этилган. “Глобус” театри кўчиб ўтган шаҳар ташқарисида театр томошаларидан ташқари, айик, ит, хўрз уриштириладиган жангоҳ бўлиб, байрам кунлари бу ерлар ҳам томошабин билан тирбанд бўлган. Театр томошалари, ҳайвонлар жангиги кундузлари тушдан кейин кўрсатилган. Томошалар вақтида одамлар ҳар томонга юрган, овқатланган, шу ернинг ўзида савдо-сотик билан шуғулланган.

Шекспир Лондонга қадам қўйганида унинг ёнида сариқ чақаси ҳам бўлмаган. Тайинли ишга жойлашиш учун эса нуфузли бирор амалдорнинг кафиллик хати талаб қилинган. Бу тамойил ҳануз Англияда ўз кучини йўқотмаган. Шундай қилиб, Шекспир уни ҳеч ким танимаган вақтда

тирикчилик ўтказиш ва шаҳарга ўрнашиш учун ҳар қандай қора ишдан қайтмаган.

Шекспирнинг Лондондаги ҳаётининг дастлабки йиллари тўғрисида 1743 йилда публицист Роберт Шейелсом томонидан тузилган “Британия ва ирландиялик буюк шоирларининг ҳаётий лавҳалари” китобида Шекспир ҳақида тўлиқроқ ва нисбатан ишонарли маълумотлар келтирилган: “Шекспир Лондонга келган дастлабки кунларида унда на пул, на таниш-билиши бўлган ва ёрдам сўраб кимга мурожаат қилишни ҳам билмаган. У даврларда ясан-тусан извошларда юриш одат тусига кирмагани учун шаҳарлик олифталар томошаларга от миниб келишган. Шекспир уларга ўз хизматини таклиф қилган ва то от эгалари томоша кўриб чиққунларига қадар жониворларга қараб турган. Томоша тугагач, от эгаларини отга минишларига кўмаклашган, эвазига чой-чақа ишлаган. У сўзамоллиги, ақл-фаросати, билимдонлиги билан бошқалардан ажralиб турганки, бора-бора кўпчилик отларини фақат унга ишониб топширган. Шу боис, шунча отга қараб туришни бир ўзи эплолмаганидан шу ерлик болакайларни ишга ёллаган. “Коровул”нинг театр соҳасидаги билимлари, яхши ижрони ёмондан осонгина ажратса олиши актёрлар эътиборини жалб қила бошлади. Уни оммавий саҳналарда иштирок этишга таклиф этишади. Ўрни келганда суфлёрлик ҳам килади. Бир сўз билан айтганда, Шекспирнинг билими, шоиртабиатлиги, ҳар қандай одам билан тезгина тил топишиб кета олиш қобилияти уни эшик тагидан ичкарига етаклаб киради”.

Биз Шекспирнинг “Ҳамлет” асаридан сайёр актёрлар Дания қироли саройига келгани ва ўша ерда Шахзоданинг буюртмаси асосида томоша кўрсатганларини биламиз. Шекспирни ичкарига таклиф этган труппа аъзолари “Жаноби олиялари Қиролича хизматкорлари” дея юритилган. Бунинг устига 1583-1584 ва 1587-1588 йилларнинг қиши мавсумида бу труппа аъзолари Қиролича саройида ўн етти марта томоша кўрсатгани ва хизматлари эвазига 10 фунт стерлингдан мукофот пули олишганини эътиборга олсақ, бу актёрлар жуда ҳам бечораҳол турмуш кечирмаган кўринади. Чунки ўша даврда мактаб ўқитувчининг бир йиллик даромади 20 фунт стерлинг бўлгани ва у катта маблағ ҳисоблангани тўғрисида юқорида айтиб ўтилди.

Ўша даврда асосан иккита театр труппаси шуҳрат қозонган бўлиб, бири “Жаноби олиялари Қиролича хизматкорлари”, иккинчиси Граф Сассекс хизматкорлари” деб юритилган. Граф Сассекс труппаси учун асосан Кристофер Марло асарлар ёзган бўлса, Қиролича театри учун Роберт Грин асарлари аскотган. Иккала шоир ҳам ўз даврининг энг машҳур шоири бўлган. Айниқса, Кристофер Марло асарларининг қаҳрамонлари, баландпарвоз, дабдабали монологлари билан томошабинларни ўзига ром этган бўлса, Грин асарларидаги вокеалар тизимининг ўткирлиги, қаҳрамонларнинг жўшқин сўzlари томошабинга кучли таъсир ўтказа олган. Кристофер Марлонинг “Тамерлан” асари ўша даврда томошабинлар орасида жуда машҳур бўлган.

Шекспир номи фақат XVII-XVIII асрларга келиб машҳур бўлиб кетади. Ўзи яшаган даврда эса оддий бир актёр ва пьеса тўкувчи шоир ҳисобланган. Шунинг учун ҳам у ҳақда тўлиқ маълумот бизгача етиб келмаган.

У вақтларда театр актёрлари ўзларига ёқкан асарларни муаллифдан сотиб олишган ва у театрнинг мулкига айланган. Пьесаларни чоп этиш эса деярли фойда келтирмаган. Фақат мамлакатда вабо тарқалиб, театрлар ёпиб қўйилган кезларда, актёрлар пулсиз қолиб, ўз мулклари ҳисобланган пьесаларни ноширларга сотишган. Бундай вақтларда пьеса муаллифларининг номи кўрсатилишига кўп ҳам эътибор берилмаган. Шекспирнинг номи расман 1593 йилда тилга олинади.

Тақдир қудратини қарангки, бир шаҳардан чиқкан икки шахснинг бири ўзи англамаган ҳолда иккинчисига умрбоқийлик баҳш этишда жонбозлик кўрсатган. Гап Стрэртфорд шаҳрида Шекспирдан уч йил кейин туғилган Ричард Фильд хақида бормоқда. У Лондонга келиб Блэкфрайзердаги босмахона эгаси Жон Бенсонга шогирд тушади. Уқувли шогирд тез орада ноширлик сирларини мукаммал эгаллаб олади. Ана шу Ричард Фильд 1593 йилда ноширлар гильдиясида “Венера ва Адонис” номли китобни рўйхатдан ўтказади.

Шекспир бу поэмани ўша давр анъаналарига кўра, сарой аъёнларидан ҳисобланган лорд Саутгемптонга бағишлиайди. Чунки “катта шаҳар”дан омад излаб келган бошқа шоир ва актёрлар каби у ҳам ўзи учун “пушти паноҳ” – ҳомий топиши керак эди. У Шекспирдан тўқиз ёш кичик бўлган. Лордлар палатасининг аъзоси, олий насабли йигитча Саутгемптон шеърият ва санъатга қизиқкан. Шу боис, ўзига ҳомий қидирган Шекспир эътиборини тортган. Шекспир унга қуидаги сўзларни ёзган: “Марҳаматли Олийхиммат давлатпаноҳ! Ожизона сатрларимни сизга бағишилаш билан Сиздек марҳаматгўйнинг кўнглига озор етказиб қўймадиммикан, деб кўрқаман. Саёз фикрларим учун Сиздек қудратли пуштипаноҳни танлаб кўнглингизга озор етказган бўлсаму Сизнинг маломатингизга гирифтор бўлсам, ўзим учун буни юксак мукофот сифатида қабул қилиш билан биргалиқда қолган умримни Сиз олийжанобнинг номини шарафлашга арзигулик асарлар ёзишга бағишилагум. Агар тасаввурим тўнғичи, хунук ва бесўнақай чиққан бўлса, Сизнинг олийжаноб фатволарингизга умидворлик қилганим учун қаршингизда кўнглим вайрон, ижод маҳсулимга яхши ишлов бера олмаганим боисидан юзим шувит. Бундан кейин минбаъд бемаъни маҳсулот ёзмасликка онт ичаман.

Ўзимнинг ilk фарзандимни Сизнинг марҳаматингизга ҳавола қилас эканман, Сизга ҳузур-ҳаловат тилаган ҳолда кўнглингиздаги барча орзу-ҳаваслар мустажо бўлишига тилак билдириб марҳаматингиздан умидвор итоаткор қулингиз Уильям Шекспир”.

Шекспирнинг “Венера ва Адонис” поэмаси ўзи ҳаётлигида ўн беш марта қайта нашр қилинган. Асар Лондондаги “Блэкфрайз” босмахонасида 1593 йилнинг 18 апрелида “Ноширлар ширкати”да рўйхатдан ўтказилган. Шекспирнинг ҳамюти Ричард Стэнли уни тўрт пенсига сотиб олган биринчи ўқувчи сифатида китоб дўконидаги “кирим-чиқим” дафтарида қайд этилган. Буни Стэнли ҳам кундалигида қайд қилган бўлиб, ана шу кундалик Шекспирнинг XVIII асргача қоронгу бўлиб келган тарихига ойдинлик киритишига асос бўлган.

Шекспир иккинчи достони “Лукреция”ни ҳам Саутгемптонга бағишилаган. Китобнинг муқаддимасида аввалгисига қараганда қиска ва камтаринроқ бағишилов сўзлари бўлиб, “Итоаткор қулингиз Уильям Шекспир”, дея имзо қўйилган.

Ўша даврда Шекспирдан ташқари театр учун пьесалар ёзган ёзувчилар кўп эди. Аммо улардан икки кишигина Шекспир билан ижодий баҳсга қодир бўлиб, бири Кристофер Марло, иккинчиси Роберт Грин эди. Агар Роберт Гриннинг асарларида тарихий ва афсоний мавзулар устивор бўлиб, воқеа ва ҳодисаларнинг ўзгариши, ташқи кучларнинг асар мазмунига таъсири катта бўлса, Кристофер Марло асарларида шахснинг ички руҳий ҳолатларидан келиб чиқадиган эҳтиросли ҳолатлар, шахс ва жамият ўртасидаги мувозанатни бузилиб, издан чиқариши фожиалар мазмунини ташкил қилган. Шекспир ҳар икки шоирнинг услубидан ўринли фойдаланган. Шахс ва жамият, инсонлар билан маъбуллар ўртасидаги тўқнашувлар унинг асарлари мавзусини ташкил этади.

Гриннинг Шекспирга нисбатан муносабатида ракобат бўлган. 1592-1598 йилларда халқ театрларида энг кўп қўйилган асарлар Роберт Грин қаламига мансуб. Булар “Альфонс – Арагон қироли”, “Жеймс У”, “Англия ва Лондон учун кўзгу”, “Роҳиб Бэкон ва Банги” каби тарихий, ишқий-саргузашт асарлар оддий томоша ишқибозлари учун мўлжалланган. Шекспирнинг драматург сифатида майдонга чиқиши билан боғлиқ маълумотларни Роберт Грин битикларидан топиш мумкин. Хусусан, Шекспир тўғрисида ёзилган мана бу аччиқ ва истеҳзоли иборалар Роберт Гринга тегишлидир: “Улар (ёзувчилар) ўртасида “ола қарға” (выскочка ворона) ҳам бор. Унинг ҳам пати бизнидан бўлиб, “масхарабоз терисига бурканган шерюрак, ўзининг оқ шеърлари билан сахналарни титратмоқчи бўляпти. У ўзини устаси фаранг ҳисоблаб, сахнани ларзага келтирувчи ягона шахсман, деб ўйлади”.

Ноёб қобилият эгалари учун ўз жамиятида яшаб, ижод қилиш ва уни бошқаларга манзур қила олиш ҳамма даврда ҳам осон бўлмаган. Шекспир Гринга қарши эътиroz билдириб, мактуб ёки раддия ёзмаган.

Уильям ижодий фаолиятини актёрликдан бошлаб, аста-секин ўз труппаси учун драматик асарлар ёза бошлаган. Грин Шекспирни асарларида ҳаддан ташқари шафқатсизликка урғу берганликда айблайди.

Кристофер Марлога келсақ, у Шекспир тўғрисида муайян фикр билдиргани тўғрисида аниқ маълумот сақланмаган. Унинг трагедияларида бошқалардан фарқли ўлароқ, қаҳрамонларнинг ички руҳий кечинмаларига кўпроқ эътибор қаратилган. Агар Грин асарларида воқеалар берилган шарт-шароит, вазиятларнинг тез-тез ўзгариб туриши ва қаҳрамонларнинг кулгили ҳолатлари акс эттирилган бўлса, Марло асарларида қаҳрамонларнинг руҳий ҳолати, атроф-муҳитга, мавжуд вазиятларга нисбатан исёнкорона кечинмалари акс этади. Қаҳрамонлар бундан изтиробга тушадилар, баландпарвоз, тантанавор сўзлар билан томошабинни ларзага солишга ҳаракат қиласидилар. Айниқса, унинг Амир Темурга бағишлиган (Бу асар ўша даврда Буюк соҳибқирон ҳаётини бадиий шаклда акс эттирган илк асар эди.) “Тамерлан” трагедияси ўша даврда кенг омма орасида жуда машхур бўлган. Асар халқ театридан ташқари университет талаблари, ҳаваскор гурухлар томонидан ҳам сахналаштирилиб, қовоқхоналарда, ўқувчилар орасида мунтазам ижро этилган. Шекспир ҳар икки драматург асарларидан пьеса ёзиш сирларини, драматик вазиятларни келтириб чиқарувчи омилларни, қаҳрамонларнинг ички ҳолатини монологлар орқали томошабинга етказиш ва уни ҳам ҳайратга, ҳам ларзага солиш маҳоратини ўрганганди.

Шекспир ижоди билан қизиқиб қолган лондонлик Фрэнсис Мерез “Илоҳий арифметика” китобида қўйидагиларни қайд этган:

“Римликларда Плавт билан Сенека комедия ва трагедияда энг иқтидорли ҳисобланган бўлсалар, инглизларда Шекспир саҳна асари – пьеса ёзиши бўйича ҳар иккисидан устунлик қиласди. Комедия жсанрида унинг “Вероналик икки йигит”, “Бесамар севги”, “Самарали севги мукофоти”, “Ёз туни гаройиботлари”, “Венециялик савдогар” асарлари машҳур бўлса, трагедия жсанрида “Ричард II”, “Ричард III”, “Генри IV”, “Кирол Жон”, “Тит Андроник” ҳамда “Ромео ва Жульєтта” асарларини санаб ўтиши мумкин”.

Фрэнсис Мерез Шекспирни кўкларга кўтариб мақтар экан, уни инглиз тилини бойитишдаги хизматларини бир неча ўринда таъкидлаб ўтади. Шунингдек, Шекспирнинг сонетлари адабиёт мухлислари ўртасида машҳурилиги, ёшлар орасида кўлма-қўл бўлиб ўқилишини эътироф этади.

1594 йилнинг 26 декабрь куни Гринвичдаги Қиролича саройида муқаддас Стивен ҳамда 28 декабрь “Норасидалар куни”да Елизавета ҳузурида ўйналган спектакллар учун “Лорд Камергер хизматкорлари” – актёрлар Уильям Шекспир, Уильям Кемпом ва Ричард Бербеджларга хазинадан ҳақ тўлангангандиги “кирим-чиқим” китобида қайд қилинган. Мана шу қайдлар Шекспирни актёр сифатида томошада қатнашганлиги ва у труппанинг етакчи актёри бўлганлигини тасдиқловчи ҳужжат ҳисобланади. Демак, Шекспир “Лорд Камергер хизматчилари” труппасида бир йўла учта: актёр, драматург, молиявий ташкилотчи вазифаларини бажарган.

Англия қироличаси Елизавета ўткир сиёсий арбоб, давлат бошқарувини одилона олиб боришга ҳаракат қиласди, антик адабиётни яхши билгани ҳолда санъатнинг барча турларига хайриҳолик қиласди, ўрни келганда моддий қўллаб-қувватлаган. Шекспир замондошларининг ёзишича, саройда намойиш этилган “Генрих VI” спектаклидаги Фальстаф образи қироличага ёқиб қолган. Қиролича муаллифга (Шекспир) ўн кун ичida Фальстаф тўғрисида асар ёзиб, саройда намойиш этишни топширган. Қиролича буюртмаси асосида ёзилган “Виндзорлик қизиқчилар” айтилган фурсат ичida ёзилиб, саройда намойиш этилган.

Англияда тарихий асарларга қизиқиши катта бўлган. Айниқса, XI–XII асрлардаги инглизлар тарихига бағишлиланган спектаклларга томошабиннинг қизиқиши катта бўлган. 1519 йилдан то 1603 йилга қадар тарихий мавзуларда 56 та асар ёзилган бўлиб, шулардан 36 таси бизгача етиб келган. Шекспирнинг “Ричард II”, “Ричард III”, “Генрих IV”, “Генрих V”, “Макбет” асарларида ёзувчининг чегарасиз бадиий тўқималаридан ташқари тарихий жараёнлар, ўтмиш воқеалари театр санъати талабларидан келиб чиқкан ҳолда моҳирона акс эттирилган.

Шекспирнинг ёзувчилик салоҳияти тўғрисида унинг яқин дўстлари, театрдаги ҳамкаслари Хеминг ва Кондалнинг қўйидагича сўзлари мавжуд: “Унинг фикрлари қаламдан ортда қолмасди. Ўйлаганларини шу қадар осонлик билан қофозга туширадики, шоирнинг ёзганларидан биронта нуқсон ёки тузатилган сўзларни топиб бўлмасди”.

Шекспир табиат инъом этган буюк қобилият эгаси эди. Унда антик адабиёт, Англия тарихига оид билимлар етарли эди. Шекспир драматургия соҳасида юксак чўққиларга кўтарилилган, шунингдек,

ўша даврда ҳар бир ёзувчи учун синов мактаби бўлган сонет жанрида бетакрор натижага эришган шоир сифатида машхурдир. Даствор у ўз имкониятларини синаб кўрган “Тит Андроник” асари Роберт Грин томонидан ёзилган. Асарда Рим императори Тит Андроникнинг фожиавий ҳаёти акс эттирилган эди. Пьесадаги қонли тўқнашувлар, ўлим саҳналари, ҳайвоний вахшийликлар ҳаддан зиёд кўп бўлиб, улар тарихий ҳақиқатга асосланган эди. Шекспир бу асарни ўзи ёлланган театр саҳнасида кўргач, унда асар воқеаларини, бошқачароқ талқин этиш мумкин, деган фикр туғилади ва уни қайта ишлашга киришади. Бироқ бу асар “Глобус” театри репертуаридан мустаҳкам ўрин эгаллай олмайди. Лекин Шекспир умидсизликка тушмай, яна тарихий асарлар яратишга қарор қиласди. Англия тарихига мурожаат килиб, асосий манбани Рафаэл Холиншеддинг “Англия, Шотландия, Ирландия тарихи йилномаси”дан олади.

Шекспир ўзидағи шоирлик салоҳиятини саҳна асарлари ёзишга каратади. Унинг бадиияти ва тасаввuri юксак даражада ривожланганлиги саҳнабоп шоҳ асарлар яратишга кенг имкон берган.

Шекспир асарларининг чоп этилиш борасида манбаларда кўрсатилишича, унинг “Тит Андроник” пьеса-китобини ношир Жон Дантер 1594 йилнинг 6 февралида ноширлар гильдиясида рўйхатдан ўтказган. Томас Миллингтон эса уни ўзининг китоб дўконида сота бошлаган. Шу йилнинг 4 марта “Генрих VI” ҳамда “Қийиқ қизнинг қўйилиши”, “Ромео ва Жульєтта” асарлари босилиб чиқади. Бу пьесаларнинг биринчи нашри бўлиб, унда муаллифнинг исм-фамилияси учрамайди. Аммо 1599 йилда пьесалар иккинчи бора нашр этилади. Китобда изоҳ келтирилган бўлиб, унда қайд этилишича, пьесалар қайта тузатилиб, ўзгартиришлар киритилган. Бу асарлар “Ромео ва Жульєтта”, “Ричард II”, “Ричард III”, шунингдек, “Генрих IV” ва “Бесамар мухаббат” асарларининг муаллифи сифатида У.Шекспир номи қайд этилган. Шекспирнинг қолган пьесалари унинг қадрдон дўстлари Хеминг ва Кондел ҳаракати билан 1623 йил 8 ноябрда ноширлар гильдиясида рўйхатга олинган “Жаноб Шекспирнинг комедия, хроника ва трагедиялари” номли китоби чоп этилиб, унда “Бўрон”, “Ўн иккинчи кечা”, “Юлий Цезар”, “Макбет”, “Қирол Жон”, “Перикл”, “Ёз туни ғаройиботлари”, “Қирол Лир”, “Отелло”, “Хамлет” асарлари жамланган.

Шекспирга замондош Жеймснинг қайд этилишича, “Шекспир ўз даврининг театр ходимлари ичидаги бошқа театр ходимлари ҳамда шоирларга ибрат бўларлик даражада ҳалол ва сидқидилдан хизмат қилган. Тарихда Мольердан бошқа ҳеч бир актёр ёки ёзувчи бундай ишлар билан шугулланмаган.”

Лекин қадимию пьесаларни тўпловчи Жеймс Райтнинг ёзишича, “Шекспир шоир сифатида актёrlикдан бир неча погона юқори турган.”

Шекспирнинг драматург, актёр сифатидаги хизматлари ҳамда театр спектаклларидан оладиган даромади йилига ўртacha 200 фунт атрофида бўлганлигини Эдмунд Чемберс ҳисоблаб чиқкан. Ўша даврга нисбатан бу жуда катта даромад саналган.

“Лорд Камергер труппаси” “Глобус” театрида спектакллар ўйнай бошлиши билан бу труппанинг иши юришиб кетган. Даромади ҳам шунга

яраша бўлган. Шекспир ҳар йили ўртача иккитадан асар ёзган. 1598-1601 йиллар оралиғида “Генрих V”, “Беҳуда шов-шув”, “Юлий Цезар”, “Бунисига нима дейсиз”, “Ўн иккинчи кеча”, “Ҳамлет” асарлари ёзилган. Шунингдек, бу труппа аъзолари 1598 йилдан то 1602 йилдаги Рождество байрамларида икки мартадан саройда спектакллар кўрсатишган.

1595 йилларда Шекспир Лондон шахрида ижарада яшаган. Солик ийғувчилар рўйхатида Шекспирнинг ҳам номи кўрсатилган бўлиб, умумий мол-мулки 5 фунт миқдорида бўлганлиги сабабли 5 шиллинг солик тўлаши кераклиги кўрсатиб ўтилган. 1597 йилдаги парламент қарорига кўра, Шекспир 13 шиллинг 4 пенс миқдорида солик тўлаши керак бўлган. Шундан маълум бўладики, Шекспир шаҳар ичида истиқомат қила бошлаган.

Шекспир Лондонда яшаган вақтида ўзи туғилиб ўсган Стрэтфорд билан алоқаси бўлганми, деган табиий савол туғилади. Шекспир ҳаётини атрофлича ўрганган Обри ўзининг “Шекспир ҳақида қисқача маълумот” китобида ёзишича, у ҳар йили бир марта ўз юртига бориб турган. Бундан ташқари, унинг ўғли Гамнет 1596 йил 11 август куни тўқиз ёшида вафот этгани тўғрисида ва унинг дағн этилгани ҳақида черковнинг “Кирим” китобида қайд қилинган. Гамнет вафот этгач, Шекспир авлодининг давомчиси бўлмиш эркак зоти қолмаган.

Шекспир Стрэтфордда ўз оиласи учун сотиб олган кўркам ва дабдабали иморат Чэпел-стрит билан Чэпл-лейн кўчалари кесишган жойда бўлиб, бу кошона “Нью-Плейс” деб аталган. Бу ҳақда шаҳарнинг савдо-сотик билан боғлиқ соликлар қайд қилинадиган дафтарда ёзилган.

1603 йил Англия тарихида алоҳида из қолдирган воқеа содир бўлади. Қарийб эллик йил Англияга хукмронлик қилган “Олтин давр” хукмдори Елизавета ўз умрининг сўнгги кунларини кечираётган пайтда “Лорд Камергер хизматкорлари” шу йилнинг 2 февраль куни Елизаветанинг хоҳишига кўра саройда спектакль намойиш этадилар. Кўрсатилган спектаклнинг номи ҳеч ерда қайд этилмаган. Аммо у Англия тарихига оид асар бўлиб, спектаклдан сўнг қиролича ўзини ёмон хис қила бошлаган. Сарой табибларининг уринишлари зое кетади. Қиролича ўринга ётса, қайтиб тура олмаслигидан кўрқиб, кечалари ўтириб чиқадиган бўлади.

Англия давлатини қолоқ феодал мамлакатдан ўша давр учун энг ривожланган қудратли давлатга айлантира олган Елизавета 1603 йилнинг 24 март куни абадий уйқуга кетади.

Унинг ўлими олдидан қилган васиятига кўра, Шотландия Қироли Жеймс VI Англия қироли сифатида Жеймс I бўлиб тахтга ўтиради. Шундай қилиб, Англия тарихида Тюдорлар сулоласи хукмронлиги тугаб, Стюартлар сулоласи хукмронлиги бошланади. 1604 йилнинг 26 декабрь куни Шекспир ўз труппаси билан янги Қиролнинг кўнглини хушнуд қилиш учун шаҳардаги Уайтхол саройининг байрам маросимлари ўтказиладиган залида “Аччиқни аччик қесади” (“Мера за меру”) спектаклини намойиш этишади. Бу спектакль орқали Шекспир труппаси алоҳида имтиёзга эга бўлади. Шу кундан бошлаб бу труппа аъзолари “Қирол актёрлари” деб юритила бошлайди. Бу янги ном актёрларга берилган Қиролнинг ёзма патенти – ўз касби билан эркин шуғулланишга рухсат берадиган маҳсус ҳужжат билан тасдиқланган. Ҳужжатда қуйидагилар илова қилинган:

“Бизнинг хизматчиларимиз бўлмиши Лауренс Флэтчер, Уильям Шекспир, Ричард Бербедж, Огастин Филиппс, Генри Кондел, Ульям Слей, Роберт Армин, Ричард Каули ва уларнинг шериклари ўз санъатлари билан эркин шугулланишлари, маҳоратларини ишга солиб, комедия, трагедия, тарихий асарлар, интерлюдиялар, моралите, драмалар ва бошқа кўнгилочар томошаларни фуқароларимизнинг, шунингдек, ўзимизнинг хордиқ чиқарии вақтимизда намойиш этишилари мумкин. Юқорида номлари зикр этилган хизматчиларимиз ўз маҳоратларини хоҳ бизнинг ҳузуримизда, хоҳ ўзларининг “Глобус” деб атальмиши ўйингоҳларида, қироликка қарашли шаҳарларда барча ҳокимлар, судьяларга нисбатан авваллари бўлгани каби ҳурмат ва эҳтиром ила бизнинг шарофатимиздан хайриҳоҳлик кўрсатсинлар”.

Мазкур ҳужжат труппа аъзоларига кенг имтиёзлар бериши билан бирга кенг омма олдидаги нуфузини оширади. “Глобус” театрининг шуҳрати кундан-кунга орта боради. Шекспир труппаси 1604 йилдан то шоирнинг ўлимига қадар Қирол Жеймс учун 187 марта спектакль намойиш қиласди. Саройдаги маросимларни рўйхатга олиб борувчи Эдмунд Тилнинг рўйхатида қайд қилинишича, 1604 йилнинг 1 ноябридан то 1605 йилнинг 31 октябрига қадар ўн битта спектакль ўйналган. Унинг еттитаси Шекспир қаламига мансуб бўлган. Кўрсатилган спектакллар орасида “Ҳамлет”, “Қирол Лир”, “Макбет”, “Антоний ва Клеопатра” каби асарлар бўлган.

Шекспирнинг қисқача таржимаи ҳолини ёзиб қолдирган Обри Шекспирнинг шахси тўғрисида: “У келишган, чиройли, суҳбатлашганда одамнинг кўнглини топиб гапирадиган, ҳозиржавоб, ўткир зеҳн эгаси эди. Унинг кўнгли очиқ, ҳатти-ҳаракати, юриши-туришида тақаббурлик эмас, аксинча, мулоҳимлик ва камтаринлик барқурниб туради. Лондонда ҳам Стрэтфордда ҳам жуда кўп юқори табақага мансуб олийжсаноб инсонлар билан дўст тутинган”, деб ёзади. Ҳатто унга рақиб бўлган касбдошларидан Бен Жонсон ҳам Шекспир тўғрисида бирон-бир ножӯя гап айта олмаган: “Мен бу одамни чиндан ҳам яхши кўрар эдим. Шунинг учун ҳам унинг хотирасини ёдда сақлайман, ҳатто унинг хотираси қаршисида тиз чўкишга ҳам тайёрман. У табиатдан покиза инсон эди. Очиқ кўнгил ва бирон-бир кимса олдида тили қисиқ эмасди. Унинг тасаввури жуда бой ва ҳар томонлама кенг бўлиб, нағислик илиа ифодалай олар, гўзал ифода воситалари тўхтовсиз куйилиб келаверар эди.

1608 йилда “Шериклик бошқарув” аъзолари Ричард Бербедж ва Уильям Шекспирлар Лондондаги мукаддас Павел черковининг шарқий-ғарбида жойлашган Блэкфрайзер театр биносини кўлга киритишга муваффақ бўлади. Бу театр Лондон шаҳрининг ичига жойлашган бўлиб, илгари ташландик бир монастир бўлган. Бинонинг усти ёпик, унда театр хўжалиги учун зарур ашёлар, декорация, бутафория, кийиниш хоналари, оркестр ўтирадиган жой учун етарли алоҳида майдонлар мавжуд бўлган. Бинонинг шифтида шамдонлар бўлиб, саҳнани ёритишга хизмат қилган. Бу бинога тахминан 700 томошабин сиқкан. Томошабинлар учун болохонада, партерда етарлича ўриндиклар ўрнатилган, ичкарига кириш тахминан 6 пенс атрофида бўлган. Албатта Блэкафрайз театри “Глобус” театрига нисбатан кичик бўлган. Чунки “Глобус” театрида спектакллар

кундузлари, очиқ осмон остида ўйналган бўлса, эндиликда ёпиқ бинодаги спектакллар кечқурун ҳам ўйналиб, томоша муҳити бошқача бўлган. Шекспир кейинги пьесаларини айни мана шу бинода қўйишни назарда тутиб ёзган кўринади. Шекспир замондошларидан Саймон Форман шу театрда “Қиши эртаги”, “Макбет” спектакларини кўрганлигини ўз кундалигида ёзил қолдирган.

1609 йилда ноширлар Ричард Бонион ва Генри Уолл “Троил ва Крессида” асарини чоп эттириб, ноширлар гильдияси рўйхатидан ўтказган ҳамда китобнинг муқовасига “Пьеса Уильям Шекспир томонидан ёзилган” деган жумлани киритган.

1613 йилнинг март ойида Шекспир Блэкфрайз театри биносига ёндош бўлган кўргоннинг бир қисми бўлган уйни сотиб олади. Аммо Шекспир бу уйда яшаган-яшамаганлиги номаълум бўлса-да, у кўчмас мулк сифатида Шекспирга тегишли бўлгани аниқ. Худди шу 1613 йилнинг 29 июнь куни саҳнада “Генри VIII” спектакли намойиши вақтида “Глобус” театри биноси ёниб кетади. Вокеа шоҳидларининг қолдирган сўзларига кўра, спектаклдаги Қирол шарафига замбаракдан ўқ узиб, уни қутлаш саҳнасида отилган ўқ театрнинг похол томига тушган ва ёғочдан қурилган бино бир зумда куйиб кул бўлган. Театр бир йилда қайта қурилган. “Глобус” театрининг мустаҳкам фиштлар билан қайта тикланган биносида 1614 йил 30 июнь куни “Генрих VII” спектакли ўйналган. “Глобус” театрининг янги биносини тиклашда Қирол ҳам хомийлик қилган.

1612 йилда Шекспирнинг укаси Гилберт Шекспир вафот этади. Орадан бир йил ўтиб, иккинчи укаси Ричард Шекспир ҳам дунёдан кўз юмади. Жон Шекспир авлодидан фақат Уильям Шекспир ва унинг синглиси Жоангина тирик қолади. Маълумотларга қараганда, у 1613 йилдан бошлаб, вақтини кўпроқ ота макони Стрэтфорд шаҳрида ўтказган. Шу йилдан бошлаб, унинг актёрлик фаолияти тўғрисида ҳеч қандай маълумот учрамайди. 1613-1616 йиллар оралиғида “Бўрон” асари ёзилган ва “Глобус” театрида ижро этилган. Асар кўп ҳам муваффакият қозонмаган шекилли, спектакль тўғрисида ҳам маълумотлар сақланмаган.

1616 йилга келиб, Шекспирнинг соғлиғига путур етади. Бу дунё билан видолашиб фурсати яқинлашганини сезган шоир васиятнома ёзил қолдиради ва куйидаги сўзларни битади:

“Худо номи билан, омин! Мен, Уильям Шекспир, Худога ҳамду сано айтган ҳолда ақли хушим жойида чогида азалий удумга мувофиқ, ўз жонимни Яратганинг қўлига топшираман ва ишонаманки, Оллоҳнинг ўғли, менинг халоскорим Исус Христос марҳамати ила абадий ҳаётга даҳлдор бўламан, танамни эса ўзи яралган ерга топшираман”.

Унинг васиятига кўра, қизи Жудитга 150 фунт, катта кумуш жом, Жоан Хартга 20 фунт, унинг учта ўғлига 5 фунт, Стрэтфорддаги камбағалларга 10 фунт, Лондондаги дўйстлари Жон Хеминг, Ричард Бербедж, Генри Конделларнинг ҳар бирига “Хотира узуги” харид қилиш учун 26 шиллинг, 8 пенсдан ҳадя қилиниши кўрсатилган.

Шекспир 1616 йилнинг ўзи туғилган 23 апрель куни вафот этади. Шоир Троица черковининг шимолий томонига кўмилади. Черков ичидаги ернинг чекланганлиги боис, вакт ўтиб қабрлар қайта кавланиб, у ердаги суяклар бошқа жойга олинади ва ўрнига бошқа майитлар дафн этилган.

Буни билган Шекспир ўз суяклари безовта қилинишини олдини олиб, қабр тоши учун шеър ҳам ёзиб қўйган. Шоир дафн этилгач, ўша шеър қабр тошига ўйиб ёзиб қўйилади:

*Худо ҳаққи кавлама, дўстим
Бу ер бағрида ётади ҳокум.
Қабрга тегмаган топгуси камол,
Унга қўл теккизган топади завол!*

Шоир ният қилганидек қабр тоши ва унинг устидаги ёзув ҳамон ўз ўрнида сақланиб турибди. 1653 йилда шоирнинг яқинлари ташабbusи билан, унинг қабр устига ўз даврининг машҳур ҳайкалтароши Герарт Янсен томонидан ишланган Шекспирнинг ҳайкали ўрнатилган.

1623 йилда, яъни, шоир ўлимидан олти йил ўтиб, дўстлари Хеминг ва Кондел унинг 16 та пьесасини биринчи марта яхлит тўплам ҳолида нашр эттиришади. Китобда Шекспирнинг Мартин Дройсхут томонидан ишланган расми ҳам чоп қилинган бўлиб, бу расм Шекспирнинг бизгача етиб келган суратларининг андозаси ҳисобланади.

Шекспирнинг беваси Энни эрининг ҳайкалини ўз кўзи билан кўрган, аммо пьесалар тўпламини кўриш унга насиб этмаган. У 1623 йили 6 август куни вафот этган. Бу ҳақда Троица черковининг “Кирим” китобида 1623 йил 8 август санасида қайд этилган. Шекспирнинг қизи Жудит 77 йил умр кўриб, 1662 йил 9 февраль куни қазо қиласди. Унинг вафоти билан Шекспирлар авлоди шажараси тугаган. Лекин Шекспирнинг Нью-Плейсдаги уйи ёнида буюк шоир ўз кўли билан ўтқазган тут дарахти ҳамон яшнаб турибди. Шекспирнинг уй-музейини зиёрат қилгани келувчи сайёҳларнинг бу кўхна тутни кўрмоққа иштиёқлари баланд.



МУҲАММАДЖОН ХОЛБЕКОВ
филология фанлари доктори,
профессор

РЕАЛИСТИК ПРОЗА УСТАСИ

(*Мериме ижоди ҳақида*)

Проспер Мериме (1803 – 1870) – XIX аср француз танқидий реализм адабиётининг таникли вакили, беназир драматург ва бадиий наср устасидир.

Ёзувчи узоқ ва мураккаб ижодий йўлни босиб ўтди. Ижодкор сифатида, у Стендаль ва Бальзакдан олдинроқ, классицизм прозаси инқирозга йўл тутиб, романтизмга ўз ўрнини бўшатиб бераётган йилларда танилиб ултурган ва эътироф қозонган эди. Мерименинг сўнгги новелласи – “Локис” 1869 йилда, Париж Коммунаси воқеаларидан икки йил аввал, Флобернинг “Туйгулар тарбияси” қиссаси ва Поль Верленнинг “Назокатли йиллар” шеърий тўплами билан бир вақтда чоп этилди. Хуллас, асрнинг биринчи ярмига келиб, танқидий реализм ўз тараққиётининг янги босқичига ўтиб ултурган, юзага чиқаётган натурализм оқими (Э.Золя, ака-ука Гонкурлар) аломатлари аниқ кўрина бошлаган, адабиёт ва санъатда эса, ҳатто реализмга ёт қарашлар намоён бўла бошлаганди.

Мерименинг ботиний қиёфасини, унинг дунёни ҳис этишга хос қарама-қаршиликларни, бадиий услубининг ўзига хос хусусиятларини у яшаган давр тараққиёти билан вобаста тасаввур қилмасдан англаб бўлмайди, яъни ёзувчининг адабий фаолияти мамлакатнинг ижтимоий-сиёсий ҳаёти билан чамбарчас боғлиқдир. Адид ижодининг асосий босқичлари, умуман олганда, Франция тарихидаги кескин бурилишлар, мухим воқеалар билан, аввали, 1830–1848 йиллардаги инқилобий ҳаракатлар тадрижига мос келади.

Мерименинг ижодий фаолияти 20-йиллар бошида, яъни талабалик (1823 йилда у Париж университетининг ҳуқуқшунослик факультетини битирган) даврида бошланган. Дастрраб Мериме ижодида ўта романтик кайфият устуворлигини кузатамиз. У Байронни зўр ҳавас билан мутолаа қиласи, “Оссиан қўшиқлари”ни француз тилига таржима қила бошлади. Бироқ, Мериме ижодининг шаклланишида унинг 1822 йил Стендаль билан танишуви, шубҳасиз, ҳал қилувчи роль ўйнайди.

Стендаль билан танишувидан сўнг, Мерименинг мустақил ижодий фаолияти бошланди, десак тўғрироқ бўлади. 1825 йилда Мериме “Клара Гасуль театрри” (Theatre de Clara Gazul) пьесалари тўпламини нашр эттиргач, кенг оммага танилди. Ушбу китобнинг нашр қилиниши адабий мухитда катта шов-шуввларга сабаб бўлди. Мериме тўпламга кирган пьесалар мазмунини ўзи тўкиб чиқараркан, уларни актриса Клара Гасулга тегишли қилиб кўрсатади. Янада ишончлироқ чиқиши учун Клара Гасулнинг жанговар

рухга тўлиб-тошган таржимаи ҳолини тўпламга муқаддима сифатида иловава қилади. Афтидан, Мериме пъесалари мазмунининг ўта сиёсийлиги ва кирол назоратининг қатъйилигини ҳисобга олиб, ўзини китоб муаллифи сифатида танилишини истамаган.

Мерименинг “Гюзла” номли навбатдаги асари сюжети ҳам бадиий тўқима билан боғлиқдир. “Гюзла”нинг биринчи нашри (1827) ёзувчининг ўзи тўқиган ҳамда ажнабий истилочиларга қарши озодлик учун фидокорона курашга бутун куч-кудратини бахшида этган халқ улуғворлиги ва қаҳрамонлигини тараннум этувчи йигирма тўққиз баллададан иборат эди. Улар сирасига адаб халқ қўшиғининг таржимасидан иборат достонни ҳам қўшади.

Мерименинг бадиий тўқимадан иборат бу асари ҳам муваффақият қозонади. Ҳатто Пушкин ва Мицкевич ёзувчи тасаввурида яратилган бу асарларни славян халқ шеъриятининг маҳсули тарзида қабул қилишиб, улардан айримларини рус ва поляк тилларига ўгиришади. Масалан, Мицкевич “Морлак Венецияда” балладасини таржима қилган бўлса, Пушкин ўзининг “Ғарбий славян қўшиқлари”га “Гюзла”нинг қайта ишланган ўн битта достонини киритади.

1828 йил Оноре де Бальзакка тегишли нашриёт Мерименинг олис XIV асрнинг суронли воқеаларига бағишиланган “Жакерия” номли тарихий драмасини нашр этади.

Мериме адабий фаолиятининг биринчи босқичи эса унинг “Карл IX салтанатининг йилномаси” номли тарихий романи билан якун топади. Роман ёзувчининг ўша даврдаги ғоявий ва бадиий изланишлари ва ўзига хос реалистик қараашлари маҳсули эди.

“Карл IX салтанатининг йилномаси” романида, “Жакерия”даги каби, Мериме мухим, даврининг чукур ижтимоий-сиёсий ўзгаришлари тасвирига мурожаат қилади. Роман воқеалари XVI асрнинг иккинчи ярмида бутун Францияни ларзага солган диний ва фуқаролик урушлари йилларида кечади. Ушбу воқеаларнинг кульминацион нуқтаси Варфоломей туни (1572 йилнинг 24 августига ўтар кечаси, яъни авлиё Варфоломей куни)да католиклар томонидан гугенотларнинг даҳшатли қирғин қилингани эди.

Роман бош қаҳрамонлари, оддий зодагон оға-ини Жорж ва Бернар де Мержиларнинг шахсий ҳаёти ва тақдир кечинмаларини ёритаркан, Мериме Франция тарихидаги энг мудҳиш драматик сахифалардан бирига, XVI асрда протестантлар билан католиклар ўртасидаги ихтилофларнинг диний никоб остида иқтисодий ва сиёсий зиддиятларни яшираётган фуқаролик урушлари даврига мурожаат қилади. Францияда гугенотлар харакати ғоят мураккаблиги ва чукур ботиний қарама-қаршиликларга эгалиги билан фарқланарди. Унинг асосий ғояси ва манфаатлари – Жан Кальвин диний таълимотига ниҳоятда мос тушувчи буржуазия сиёсатини ташкил этарди.

Муаллифнинг ниятига кўра, аслида романнинг бош қаҳрамони оға-ини де Мержилардан кенжаси – Бернар бўлиши лозим эди. Унинг графиня Диана де Тюржига мұхаббати тарихи “Карл IX салтанатининг йилномаси” сюжети негизида катта ўрин эгаллайди. Асарда, адабни ўзига ҳамиша жалб қилиб келган воқеликнинг романтик ибтидоси ўз аксини топади, десак тўғрироқ бўлади. У ёшликтининг жозибаси ва гўзаллиги, қаҳрамонлар руҳий иштиёқининг олийжаноблиги ва жасорати, улар қалбida кечаётган ҳис-туйғулар жўшқинлигидан яралган. Ҳикоя қилиш услубининг қисқа ва лўндалигига қарамасдан, эҳтиросли, таъсирчан ва хуррам аслзода Диана

де Тюржининг образи кўп қирралидир. Тийнатининг сирли моҳияти, Бернарнинг ботиний қиёфаси каби Варфоломей тунининг мудҳиш синовлари соатларида намоён бўлади. Ижтимоий фалокатлар бир вақтнинг ўзида қаҳрамонлар ички дунёси ривожидаги юқори драматик таранглик ҳолатига ҳам айланади. Бернар қўркув ва даҳшат ҳисларининг ўз маслаги устидан ғалаба қозонишга йўл қўймайди, Диананинг қалбida эса муҳаббат ҳамда фидойилик бидъат ҳукми устидан ғолиб келади.

Вилоятдан чиққан, тажрибасиз зодагоннинг пойтахт сари йўли давомида, сўнг Парижнинг ўзида, кейинчалик Ла-Рошелга қочиш чоғида бошидан кечирган саргузаштлари ҳақида ҳикоя қилиш Меримега XVI аср француз жамиятининг ёрқин манзарасини тасвиrlаш имконини беради. Ёш гугенот – софдил ва барқарор феъл-атворли Бернар де Мержи барча синовлар, васвасалар ва хатарларга қарамай, оталардан мерос колган эътиқодига ҳамда ўз ишига содиқлигича қолади. Бироқ у садоқат ва жонкуярлик илиа хизмат қилаётган ишнинг ўзига диний мутаассиблик ва жинояткорлик муҳри босилган эди.

Бернарнинг акаси, Жорж – интеллектуал жиҳатдан кучсизроқ шахс. Агар Бернар – бу, аввало, фаолият кишиси бўлса, Жорж – мулоҳазакордир. Жорж Уйғониш даври хур фикрлилигининг издошига айланган. Унинг севимли китоби Рабленинг исёнкорона рухга йўғрилган “Гарантюа ва Пантагрюэл” романидир. У нозиктаб санъатшунос, хиссий гўзалликка ошуфта эпикурчи файласуф. Жорж ҳақиқатпарвар, муттасил изланувчи инсон. Унинг обраzi муаллиф томонидан мураккаб ички фаолият истиқболида берилган ва фақатгина шу фаолият билан боғлабгина уни англаб етиш мумкин.

Гугенотларнинг маслак савдойилигидан ҳафсаласи пир бўлганлиги сабабли ва партия доҳийлари томонидан унга етказилган шахсий аламлар Жоржни католиклар тарафига ўтишга ва уларнинг эътиқодини қабул қилишга ундейди. Боз устига, шу тарзда у ўзининг ботиний эркинлигини яхширок муҳофаза қиласидек кўринади, католик черкови асосан юзаки расм-русумларни талаб қиласа-да, ўз ихлосмандарининг шахсий ҳаётига у қадар аралашмайди. Ўз харакатларида Жорж яна теран рағбатларга амал қиласи. Вокеаларнинг кейинги ривожи унинг тийнатига хос қатъиятлилик билан давом этади. Жорж де Мержи Қирол Карл мурожаат қилган жиноий топшириқларни бажаришни рад этади. Варфоломей тунидаги қонли қирғинда иштирок этишдан бош тортади ва қўлида қурол билан ҳимоясиз болали аёлни ўққа тутаётган қотилларга ташланади. Бунинг учун уни қамоққа ҳукм қиласидилар. Озодликка чиққач, у бундан буён қиличини қинидан суғурмасликка ва диний фатволарда иштирок этмасликка онт ичади. Зоро, у ҳар иккала томоннинг ваҳшийлигини етарлича англаб етган эди.

Жоржнинг, ўз давридан ўзган якка инсонпарварнинг изланишлари кейинчалик қандай ривожланиши мумкинлигини биз билмаймиз. Ла-Рошел деворлари остида Бернар акасини таний олмайди ва Жорж ўққа учебиб ўлади. Мардонаворлик руҳи билан тўлиб-тошган Жоржнинг ўлими сахнаси билан роман воеалари якун топади. Сюжет ривожи шу алпозда узилади. Қаҳрамонларнинг кейинги тақдирни тўғрисида ҳикоя қилиш муаллифни қизиқтиrmайди. Бош қаҳрамон беихтиёр айбдор бўлиб қолган биродар-кушлик урушида мамлакатнинг ҳукмрон доиралари дин ва черков номидан қўзғаган фуқаролик низоларининг файриинсонийлиги ва шафқатсизлиги романда ўз рамзий ифодасини топган. Хуллас, “Карл IX салтанатининг

йилномаси”романининг фожеавий хотималаниши муаллифнинг иккала қаҳрамонга бўлган муносабатига янги саволларни қўяди. Узоқ вақт роман сюжетида Жорж образи четда, Бернарнинг етук, кўтаринки ва дангал образи соясида қолган бўлса, романнинг охирги бобларида у (чамаси, дастлабки ниятга тескари) биринчи планга чиқарилади. Эҳтимол, “Йилнома” устида ишлаш жараёнида ушбу персонаж объектив жиҳатдан муаллифнинг тийнатига яқинроқ бўлиб чиққандир.

“Карл IX салтанатининг йилномаси” – адид бадиий маҳоратининг мутлак етуклигидан далолат берувчи асар. Романнинг услубий аломатлари ёзувчи қарашлари билан белгиланади: диний уруш йилларида мамлакатда хукмрон ижтимоий мухитни ҳар томонлама ва холис тавсифлаш, биринчи планга оддий одамлар ахлоқи ва кайфиятларининг тасвирини чиқариш асосий ўринда туради.

Бундай ёндашув роман композициясининг ўзига хослигини, унинг тарихий солнома жанрига яқинлигини таъминлади (ушбу хусусият муаллиф томонидан бежизга асар сарлавҳасида ажратиб кўрсатилмаган). Мериме романида ягона, яққол ифодаланган сюжет ўки мавжуд эмас, муаллиф узоқдан, секин-асталик билан ўқувчини кульминацион нуқтага – Варфоломей тунининг мудҳиш тасвирига олиб келади, мудом воқеаларни бир жойдан бошқасига кўчираверади, романнинг айрим боблари алоҳида ажралиб, кичик тугалланган бутунлик хусусиятларини касб этади. “Йилнома” композицияси ниҳоятда динамиқдир. Эпизодларнинг жадал алмашинуви, хикоянинг шиддатли суръати қарама-карши кучларнинг кескин ва шафқатсиз кураши, ҳис-туйғуларнинг қизғин жўшқинлиги шундай мухитни яратишга ёрдам беради.

Мериме ўз романни устида ишларкан, олдинги йилларда тўплаган драматурглик тажрибасидан кенг фойдаланади. Ёзувчи имкон қадар лўндаликка интилади, романтикларга хос бўлган узундан-узоқ тавсифлар ва лирик чекинишлардан қочади. Ўз персонажларининг ботиний қиёфаларини чизаркан, бу тавсифларни, одатда, қандайдир бир маънодор бадиий детал негизига қуради. Бундай усул роман қаҳрамонларининг қисқа, аммо аниқ ва нағислик билан чизилган сиймоларини янада бўрттириб кўрсатувчи даврнинг хилма-хил ва жонли ҳамда тарихий фонини ташкил этувчи фигуранларнинг бутун бир галереясини яратиш имконини беради.

“Карл IX салтанатининг йилномаси” романи босилиб чиққан 1829 йилдан бошлаб адиднинг ижодий камолотида ҳам жиддий ўзгаришлар юз берди. Реставрация йилларида Мериме катта ижтимоий-сиёсий ўзгаришларни тасвирлаш, кенг қамровли сиёсий манзараларни қайта жонлантириш, тарихий сюжетларни қайта ишлаш билан қизиқади, унинг эътиборини новелла жанри ўзига тортади.

Ёзувчи ўзининг 30-40 йилларда яратган асарларида сиёсий мавзуларни бевосита ёритмайди, ахлоқий, ботиний зиддиятларнинг тасвирига чуқур кириб бораркан, шу билан бирга тарихийликдан кўра кўпроқ замонавий муаммоларга асосий эътиборини қаратади. Энди Мериме роман жанридан узоқлашади, драматургия билан деярли шуғулланмайди, бутун дикқатини асосан кичик жанр, яъни новеллага қаратади ва ушбу жанр унга адабиёт оламида шуҳрат олиб келади.

Мериме новеллаларида ўз даврининг бир қанча етакчи мавзулари кўзга ташланади. Улар, биринчи навбатда, давлат ва жамият ахлоқининг кескин фош қилинишида намоён бўлади. Ўз шаклларига кўра анчайин ранг-баранг

кўринишдаги ушбу танқидий тенденциялар ёзувчининг дастлабки, 1829-1830 йилларда яратилган “Мозаика” (1834) тўпламига кирувчи новеллаларида яққол намоён бўлган эди.

“Таманго” новелласида Мериме аччиқ киноя билан буржуа тамаддунининг иккюзламачи ва бераҳм типик вакили, қул савдогари капитан Леду образини яратади. Капитан Леду ва унинг ҳамтвоқларига новелла мазмунида хабашлар сардори Таманго ва унинг қабиладошлари қарши туришади. Оқ танлиларнинг мустамлакачилик фаолияти ва хабашларнинг эзилишига қарши чиқаркан, Мериме 20-йиллар илғор француз адабиётида кенг тарқалган мавзуни ривожлантиради. Мисол учун, ўша йиллар шу мавзуда яратилган Виктор Гюгонинг “Бюг-Жаргалъ” романни китобхонлар даврасида эътибор қозонган эди. Бу даврда романтизм йўлини танлаган Гюгодан фарқли ўлароқ, Мериме идеаллаштирилган ва реал воқеликдан устун тургувчи қабила бошлиғи образини яратмайди. Адиб ўз қаҳрамонининг ибтидоий одамлигини, ёввойи қиёфасини бор бўйича тасвирлашга ҳаракат қиласи. Таманго, бошқа хабашлар каби жоҳил, бидъатларга ишонувчи, кўркўона туйғулар таъсиридаги худбин ва шафқатсиз киши. Бироқ, Тамангога ўзини қул қилмоқчи бўлганлардан юқори тургувчи чуқур инсоний туйғулар ҳам хосдир. Бу ҳолат унинг эркинликка интилишида, садоқатида, тийиксиз бўлса-да, қурдатли ҳисларга қодирлигида, оғир синовлар пайтида намоён бўлган мағрурлиги ва матонатида кўзга ташланади. Шу тариқа китобхон ўта разил буржуа Ледуда, одамови Тамангога қарагандা қўпроқ ваҳшийлик туйғуси яширинлигини тушуниб етади.

Шу боис новеллада Тамангони қуллиқда кечган аламли ва машъум қисмати тўғрисида ҳикоя қилувчи якун ўтқир киноя тарзида ўз ифодасини топади. Бу ерда ёзувчининг ҳар бир сўзи чуқур киноявий маънога эга. Плантаторлар, Тамангони ҳаётга қайтариб, уни намунавий полк ноғорачисига айлантирадилар, улар хабашга марҳамат кўрсатгандарига ишончлари комил эди. Бироқ, эркинликка ўрганган қора танли паҳлавон – бу “марҳаматлар”дан ичикиб, ичкиликка ружу қўяди ва тез орада касалхонада вафот этади.

“Таманго” новелласи якуни XIX аср ғарб реалистик прозасида мустамлакачилик мавзусининг кескин танқид қилинишида ўзига хос муҳим аҳамият касб этди.

Ахлоқий фазилатлар бойликнинг қабих ҳукмига бўйсуниши ва манфаатпарастликка мувофиқ келмаслиги тўғрисида мулоҳазалар Мерименинг бошқа бир новелласи – “Триктрак ўйини” (1830)да муаммо тарзида кўтарилади. Унда навқирон денгиз зобити, лейтенант Роженинг руҳий драматик ҳолати берилган. Пул учун ўз тийнатига хиёнат қилгани, ҳатто ўғриликкача пасткашлашгани борасидаги ўй-фикрлар Рожега тинчлик бермайди. Бу ҳолат аста-секин унинг руҳий мувозанатига ҳам путур етказади. Мериме ўз новелласига ушбу ғоявий ва психологик мотивларни сингдириб, уни тўсатдан руҳий барқарорликдан маҳрум бўлиб қолган кимсанинг ақл назоратидан чиқиб кетаётган кечинмаларини жонлантиаркан, зўрайиб бораётган руҳий изтиробини тасвирлаш билан яқунлайди. Мериме XVIII асрдан мерос бўлиб қолган руҳий ҳаёт қонуниятлари хусусидаги рационалистик тасаввурларни енгиб ўтаркан, бадиий адабиётдаги психологик таҳлил чегараларини янада кенгайтирди. Шу билан бирга ушбу таҳлил тури ёзувчи учун бош мақсад эмасди асло. Лейтенант Роженинг фожеавий кечинмалари ҳақида ҳикоя қиларкан, муаллиф биринчи навбатда

бу кечинмаларни келтириб чиқарган объектив ва ижтимоий сабабларни аниқлашга интилади.

Бир қатор новеллаларида (“Этруск гулдони”, “Қўшалоқ хато”, “Арсен Гийо”) Мериме жамиятнинг бераҳм ва бағритошлигини қоралайди. Ахлоқсиз ва риёкорликка муккасидан кетган жамият, Мериме тасвирлаб ўтганидек, ёрқин танҳо тийнатларни ҳазм қилолмайди. У самимий туйғуларнинг ҳар қандай кўринишига душманона муносабатда, ўзига сал бўлса-да мос келмайдиган барча ақидаларни йўқ қилишга уринади. Табиатан нозиктаъб кишиларда эса ўткир жizzакилик хиссиётини уйғотади, атрофдагиларга ишончсизликни туғдиради. “Этруск гулдони” (1830) новелласи қаҳрамони Сен-Клер ҳаётда самимий ва табиатан мулойим, атрофини ўраб олган маънавий қашшоқ жамоадан фарқли ўлароқ, кучли туйғуларга қодир киши. Айнан шу сабаб жамият Сен-Клерга нисбатан душманлик кўзи билан қарайди, охир-окибат уни нобуд қиласди.

Айнан ушбу мавзунинг реалистик ечимини биз Мерименинг сара новеллаларидан бири – “Қўшалоқ хато”да кузатамиз. Ушбу новеллада бош қаҳрамонлар уч нафар. Уларнинг ҳаммаси ҳам у ёки бу даражада худбинликка учраган, атрофида хукмрон пул ҳокимияти томонидан мажруҳланиб, қулга айлантирилган шахслар, масалан, Шаверни – тўпори ва бачкана мулқдорнинг типик мужассами.

Айни пайтда Мериме ўз замонасининг инқилобий-республикачилик ҳаракатидан узоқ бўлиб, ишчилар синфининг курашига салбий муносабатда эди. Унинг тасаввурини ҳаяжонга солувчи ҳалқ ҳаёти романтикасини Мериме ҳали буржуя тамаддуни қамраб улгурмаган мамлакатлардан излашга уринади ва Корсика (“Маттео Фальконе”, “Коломба”) ҳамда Испаниядан (“Кармен”) қидиради. Бироқ, бадиият илҳомлантирган қаҳрли қаҳрамонлар, ҳалқ орасидан чиққан оддий кишилар образларини яратаркан, Мериме уларнинг ботиний қиёфаларидағи қадимий ёки ибтидоий кирраларни руссочасига ёки романтик йўсинда идеаллаштиришга интилмайди, ўз навбатида, уларни ўраб турган ёввойилик, қолоқлик ва қашшоқлик онгида туғдирган салбий, хунук томонларини ҳам яширмайди.

Илк бор ушбу мавзу адибнинг “Маттео Фальконе” (1829) новелласида, асар қаҳрамонларининг фавқулодда бўрттирилган образида жаранглаган. Мазкур мавзунинг кейинги ривожини Мерименинг 1831–1833 йиллар “Ревю де Пари” журналида чоп қилинган “Испаниядан мактублар” номли тўрт очеркида кузатамиз. 1840 йилда эълон қилинган, ҳажман жажжи роман жанрига яқин “Коломба” (1840) новелласида бу мотив тўлиқ ўз ифодасини топади.

Ушбу новелла сюжети контраст усулига мос ҳолда қурилган. Делла Реббия ва Барричини оилалари ўртасида юзага келган душманлик адовати зиддиятларини тасвирларкан, Мериме мутлақо бир-биридан фарқли икки дунёқарашни, ҳаётга икки муносабатни қарама-қарши кўяди. Улардан бири қиссанинг бош қаҳрамони Коломбада мужассам бўлган, илдизлари адолат ва ор-номус тўғрисидаги ҳалқона тасаввурларга бориб тақалса, бошқаси буржууча ахлоқ заминида шаклланган риёкор ва муноғиқ адвокат Барричини сиймосида мужассамлашган. Агар Коломбо учун аскарлик жасорати ва мардликдан улуғроқ туйғу бўлмаса, Барричинининг асосий қуороли пул, пора, хуқуқий фисқ-фасоддан иборат бўлиб кўринади.

Новелланинг қолган образлари ҳам ёзувчи томонидан таъсирчан, бадиий жиҳатдан маҳорат билан яратилган. Бу, авваломбор, Коломбонинг

акаси Орсо-Ватерлоо жангининг қатнашчиси, истеъфога чиққан француз зобитидир. Қадрдан заминдан узилиб қолган Орсонинг ички кечинмалари қиссанинг муҳим ғоявий йўналишларидан бирини ташкил этади. Очиққўнгил ирландиялик, полковник сэр Томас Невилнинг қизи Лидиянинг ботиний қиёфаси воқеалар давомида кўрсатиб берилган. Тантиқ ва эркатой қизгина жонли воқелик билан тўқнашаркан, жамиятдаги шартлилик ҳақида аста-секин унутабориб, самимий туйғуларга кўпроқ бўйсунга бошлади. Лидия Невелнинг назокатли, лекин нозик, қайсирид даражада заиф сиймоси ёзувчига қисса марказий қаҳрамонининг беназир ва ёвойи гўзаллигини янада яққолроқ ажратиб кўрсатишга ёрдам беради.

Мериме ўзининг машхур новеллаларидан бири “Кармен”да (1845) ҳам контраст усулидан фойдаланади. Бир томондан, қаршиизда ҳимоячи, қизиқувчан олим ва саёҳатчи, нозиктаъб, аммо бирмунча заифлашган европча тамаддун вакили бўлиб кўринган муаллиф ўқувчи эътиборини ўзига тортади. Унда, албатта, ҳикоячининг таржимаи ҳолига оид деталлар кўзга ташланади. Тўғриси, тафаккурнинг инсонпарварона ва халқчиллик тарзи Мерименинг ўзини ёдга солади. Аммо, муаллиф-ровий сиймоси қайсирид даражада киноявий тарзда ёритилган. Ҳикоячининг илмий изланишларини баён қилганида, уларнинг асосиз ва мавҳумлигини кўрсаттанида ёки ўз қаҳрамонининг атрофида қайнаб жўшаётган ҳаёт драмасини хотиржам кутишига мойиллигини тасвирилаганида муаллифнинг лабларида истехзоли табассум пайдо бўлади, ушбу муҳим чизгиларнинг вазифаси – Кармен ва дон Хосега хос бўлган бетакрорлик, эҳтирослилик, табиий кудратни имкон қадар ёрқинроқ намоён этишда қўлланади.

Дарвоқе, Кармен ва дон Хосенинг кучли эҳтиросларга берилиш қобилиятида ўқувчини ҳайратга солгувчи, улар табиатининг барқарорлиги, сиймоларидан таралаётган жозиба манбаи қаҳрамонлар жисмида жо бўлиб келади. Кармен ўзи вояга етган жиноий мухитдан кўпгина ёмон иллатларни ўзига сингдирган. У ёлғон гапирмай, ўзгаларни лақиллатмай яшолмайди, у ишқий ўғрилик ҳийласида иштирок этишга ҳам тайёр. Карменнинг зиддиятли, ботиний қиёфасида ҳукмрон жамиятнинг заифлашган ёки тошбагирлашган вакилларида бўлмаган ажойиб руҳий сифатлар мавжуд. Бу – унинг учун энг сирли туйғу – муҳаббатда, самимийлик ва софликда намоён бўлади. Соҳибжамол Кармен ўта мағрур, ашаддий эркесварлик, ботиний мустақиллигини сақлаб қолиш учун ҳаммасини, ҳатто ҳаётини ҳам қурбон қилишга тайёр.

Ўз ижодий фаолияти сўнгига Мериме яна бир неча новелла ёзди. Албатта, “Мовий хона” (1866), “Жуман” (1870) ва айниқса, “Локис”да (1869) биз новелланавис Мерименинг сайқалланган бадиий услуби ва алломатларини кузатамиз.

Мериме новеллалари ёзувчи адабий меросининг энг ёрқин сахифаси бўлса, ажабмас. Ёзувчининг сара асарлари XIX аср француз реалистик прозасининг ривожланишида муҳим роль ўйнади.

Ўтган асрда адаб новеллалари ва “Карл IX салтанатининг йилномаси” романни таникли адабиётшунос ва таржимон, устоз Озод Шарафиддинов томонидан она тилимизга ўтирилди ва бир неча бор қайта нашр қилинди. Яқинда, академик Ақмал Саидов сўзбошиси билан Мериме асарларининг бир жилдлиги нашрдан чиқди.

БАҲОДИР КАРИМ

филология фанлари доктори, профессор

ҲЕРМАН ВАМБЕРИ – ЎЗБЕК МАҚОЛЛАРИ ТАРЖИМОНИ

*(1867 йилда олмон тилига таржима қилинган 112 та ўзбек мақоли
тўғрисида айрим мулоҳазалар)*

Можор олими Ҳерман Вамбери номини дунё билади. Унинг мураккаб шахслиги, аслида кимлиги тўғрисида ҳам турлича фикрлар бор. Бу ҳақда бир қанча мақолалар ҳам ёзилган¹.

Маълумки, Ҳерман Вамбери 1863–1864 йилларда дарвеш қиёфасида Ўрта Осиёга келади. Саёҳатда кўрган-кечиргандарини маҳсус китоб ҳолида нашр қилдиради. У саёҳати давомида ўлкамиз тарихи, хусусан, адабий-маданий асарлари, ҳалқ оғзаки ижоди намуналарига ҳам қизиқади. Имкони доирасида манбаларни йиғиб, ўзи билан олиб кетади. “Ўрта Осиёга саёҳат” китобидан кейин кўп ўтмай, Вамберининг “Чифатой тили сабоқлари” номли яна бир китоби босилади. Вамбери шу китобининг “Хрестоматия” қисмида бундан роппа-роса бир ярим аср олдин, яъни 1867 йилда ҳалқ оғзаки ижодининг энг кичик жанрларидан бири – ўзбек мақолларидан 112 тасининг аслини ўзбек-арабий ҳамда лотин имлосида, шунингдек, давомидан олмон тилига таржимасини беради². Бу китоб тўғрисида, чет элдаги ўзбек адабиёти ёки адабий алоқалари билан шуғулланган ўзбек олимларининг мақолаларида эслаб ўтилган, албатта³. Х.Исматуллаев китоб ҳақида бундай ёзади: “Китобнинг биринчи қисмида тилнинг грамматик қурилишига оид маълумотлар, 2-қисмида “Тохир ва Зухра”, “Юсуф ва Аҳмад”, “Ҳурлиқо ва Ҳамро” каби асарлар келтирилади. Бундан ташқари, А.Вамбери 112 та ўзбек ҳалқ мақолини ўзбек тилида келтириб (араб ва лотин ёзувларида), уларнинг немис тилидаги таржимасини ҳам беради. Оллаёр, Насимий, Навоий, Фузулий ғазалларидан намуналар ҳам шу китобдан ўрин олган”⁴. Адиблар ва адабий манбалар сони

¹ Қаранг: Ҳайрулла Исматуллаев. Вамбери олимми, жосус? “Фитна санъати” (2-китоб), “Фан” нашриёти, Тошкент, 1993 йил, 149-162-бетлар; . Mim Kemal ÖKE , Armin VAMBERY İngiliz Casusu Prof. Arminius Vambery'nin Gizli Raporlarında II. Abdülhamid ve Dönemi İstanbul, 1983, Üçdal Neşriyat; Salih YILMAZ . “İngiliz Casusu Armin Vambery'nin Türkistan Seyahatinde Ona Eşlik Eden Özbek İshak Molla Hakkında”Türk Dünyası Araştırmaları Tarih dergisi; Эленора Шафранская. “Шпион” Арминий Вамбери (интернет манбалари).

² Қаранг. Çagataische Sprachstudien enthaltend grammatischen Umriss, Chrestomathie und Wörterbuch der çagatïschen Sprache von Hermann Vambery, Leipzig:F.A.Brockhaus, 1867.358 р.; Мазкур китобнинг 1975 йилги қайта нашри ҳам бор.

³ Қаранг: Ҳайрулла Исматуллаев. Вамбери олимми, жосус? “Фитна санъати” (2-китоб), “Фан” нашриёти, Тошкент, 1993 йил, 159-бет.; Жуманиёзов З.А. “Ҳерман Вамберининг илмий-адабий мероси”; Элтазаров Ж. “Ҳерман Вамберининг кўнғиротлик йўлдоши” (интернет манбалари).

⁴ Ҳайрулла Исматуллаев. Вамбери олимми, жосус? “Фитна санъати” (2-китоб), “Фан” нашриёти, Тошкент, 1993 йил, 159-бет.;

бу маълумотдан кўра кенгроқ, иккинчидан, унда “Хурлиқо ва Ҳамро” асари илова қилинган эмас.

Одатда илмий-адабий мақола ва ҳатто улкан монографияларда ҳам Ҳ.Вамбери томонидан ўзбек адабиёти ва фольклори намуналарининг олмон тилига таржимаси ҳақида маълумотлар келади. Афсуски, аниқ адабий манба ва матнлар масаласи ўртага келганида, таржималар савияси, ҳажми, айнан қайси асарлар таржима қилингани каби саволлар кўпинча жавобсиз қолади. Даили муҳим; улар ўжар. Сувга чўкмас, ўтда ёнмас тарихий далил ва манба илмдаги бўшлиқни тўлдиради, хатоларни ўнглайди; тахминий қарашларга чек қўяди.

Шу маънода Ҳ.Вамбери ўзбек мақолларини олмон тилига таржима қилгани ва бу манбанинг XX асрда, аниқроғи, 1975 йилда ҳам қайта нашр бўлганини таъкидлаш ўринлидир. Қайси ўзбек мақоли таржима қилингани, уларнинг мавзу йўналиши ва таржиманинг оригиналга мослиги, тил хусусиятлари соҳа мутахассисларини қизиқтириши табиий деб ўйлайман.

Қўлимизда жамланган манбаларни чоп этишга қизиқиб, бирор ношири рағбат билдирса, албатта, уларни таржима ва аслиятни бараварига – бор ҳолича илм аҳлига етказиш ниятидамиз.

Бу ўринда Вамбери тартиб берган “Хрестоматия”нинг фақат мақоллар бўлими ва уларнинг баъзи ўзига хос қирраларини қисқача баён қилиш, мақоллардан айрим мисоллар келтириш билан чекланамиз.

Сайёҳ Вамбери ўзбек мақолларини ҳалқ орасида юриб тўплагани ҳақиқат; таржимада уларнинг мазмунини имкони борича тўғри баён қилгани кузатилади. Аслида методологик жиҳатдан адабий-тарихий манбаларни баҳолашда таснифлаш усули қўл келади. Шунга кўра, таржима қилинган мақолларнинг оригиналга мослиги, мазмуннинг тўла акс этган-этмагани жиҳатдан кузатиш мақсаддага мувофиқдир.

Биринчи. Мақоллар аслиятда қандай бўлса, худди шу тарзда мазмуни таржима тилига тўла кўчиб ўтган. Бунда таржимон мақол учун махсус изоҳлар беришга зарурат сезмайди. Чунки инсоният тарихидаги умумбашарий хикматлар борки, уларнинг айримлари мазмунига кўра барча миллатларда бир хилда қўлланилади. Бундай эквивалент мақолларни энг мақбул таржима ўрнида қабул қилиш ва баҳолаш ўринлидир. Мисоллар келтираман:

“Бои бўлмаса гавда лош”.

Таржимаси:

“*Ohne Kopf ist der Körper eine Leiche*”;

“Дўст ииғлатур, душман кўлдирур”.

Таржимаси:

“*Was den Freund weinen macht, macht den Feind lachen*”;

“Ўлук арслондин, тирик сичқон яхшиудур”.

Таржимаси:

“*Besser eine lebendige Maus, als ein todter Löwe*” ;

“Манманлик шайтонга ярашур”.

Таржимаси:

“*Egoismus steht nur dem Teufel gut*” ;

“Ои айуқ ўйнамас”.

Таржимаси:

“*Der hungrige Bär tanzt nicht*” ;

“Яхшилик эт, дарёга ташла, балиқ билур, Балиқ билмаса, Холик билур”.

Таржимаси:

“Thue Gutes und wirf es in den Fluss, der Fisch sieht es schon; und sollte der Fisch es nicht Finden, Gott sieht es schon”;

“Яхши бирла юрсанг, етарсен муродга, Ёмон бирла юрсанг, қолурсен уётга”.

Таржимаси:

“Mit Gute wirfst du bald dein Ziel erreichen, mit Schlechten aber beschämt zurückbleiben”;

Умумҳисобда ўзбек маколларининг олмон тилига бундай ўринли, аслиятга мос, яхши, аниқ ва лўнда таржималари кўпчиликни ташкил этади.

Иккинчи. Таржимон мақолнинг асил матнини теран англатиш мақсадида маҳсус изоҳлар қўшади. Бунда мақоллар мансуб миллатнинг ўзига хос маънавий олами, турмуш тарзи, қадриятлари ва бошқа индивидуал хусусиятлари таржима тилида осон тушунилиши назарда тутилади. Мисоллар: “Болани ёшдин, хотунни бошдин”. Таржимаси: “Das Kind in der Jugend, das Weib im Anfang”. Таржима яхши, аммо шарқона одоб-аҳлоқни ўзида жамлаган бу мақол таржимон наздида изоҳга муҳтоҷ қўринади. Шунинг учун таржимадан кейин қавс ичида “wenn du sie an etwas gewöhnen willst”, яъни “агар сен уни бирор нарсага кўнигиришни истасанг” деган қўшимча қўшади. Изоҳ мақол мазмунини кенгайтириб, уни қийналмай англашга ёрдам беради. Бошқа бир мисол: “Болалардан сўр хабарларни”. Таржимаси: “Von den Kindern verlang Nachricht”. Таржимадан кейин қавс ичида : “Kinder und Narren pflegen die Wahrheit zu sagen”, яъни “Болалар ва аҳмоқ-тентаклар ҳакиқатни ёқлаб гапиради”, деган изоҳ берилади. Болаларнинг кўнгли тоза бўлади, улар бор гапни ўз ҳолича айтади, сир сақлашни билмайди. Бу мақолнинг халқимиз орасида “Болали уйда сир ётмас” варианти ҳам бор.

“Эл ўғрисиз бўлмас, Тов бўрисиз бўлмас” мақоли таржимасидан сўнг таржимон “Vorsicht ist immer gut”, яъни “Эҳтиёткорлик ҳар доим яхши” изоҳини беради. “Оқ қўй ҳам, қора қўй ҳам ўз оёғидин осилур”. Таржимон митти матнни тўғри тушунади ва ўринли талқин қиласи. Айни дамда “Kein Unterschied. Tod ist Tod” – “Фарқи йўқ. Ўлим ўлимдир” изоҳини ёзишга зарурат сезади. “Сўз берур, бўз бермас”. Қизганч-зиқна одамга қўлланадиган бундай мақол таркибида ички қофия, сўз ўйини борлиги таржимонни бефарқ қолдирмайди. “Сўз” ва “бўз” сўзларини “Ein Wortspiel”, яъни “сўз ўйини” деб атайди. “Ўйкусиз эснар, ошиқ керилур”. Бу нимани англатади? Олмонларга тушунарсиз бўлишини тахмин қилган Вамбери таржимадан кейин қавс ичдаги изоҳда ҳар ким ўз ички дунёсини қайсиdir тарздаги хатти-ҳаракатлар билан ҳам ифода қилишига ургу беради.

Бундай мисолларни яна қўллаб келтириш мумкин. Табиийки, таржимон қўшган ўша маҳсус қўшимча – изоҳ ва тушунтиришлари мақолларнинг мазмун-моҳиятини бошқа тилда аниқ ифодалашга хизмат қиласи. Аммо...

Учинчи: Кузатишишимизча, таассуфки, мақоллар баъзан хато англанган, нотўғри таржима қилинган, ҳатто, мақолга ноўрин изоҳ берилган бир-икки ўринлар ҳам учради.

Масалан: “Тўйға борсанг, тўйиб бор”. Таржимаси: “Wenn du zu einem Gastmahl gehst, so gehe gesättigt dahin”. Умуман олганда, таржима тўғри. Бироқ унга ёзилган изоҳ “denn im Gedränge könntest du hungrig bleiben”, яъни “Чунки оломон ичидা оч қолишинг мумкин” гапи жуда содда изоҳ ва фикримизча, тўғри ҳам эмас; мақол моҳиятига мос келмайдигандек кўринди. Чунки бу мақолни айтган аждодларимиз гапининг тагида “оч қолиш” тушунчаси асосий ўринда турмайди. Балки бунда меҳмонга бориш одоби, меҳмондорчилик маданияти, тўйда тўйган одамдек одоб сақлаб ўтириш назарда тутилади, бизнингча. Чунки мақолнинг Вамберига одамлар айтишни эсидан чиқарган ёки айтган тақдирда ҳам, уни ёзиб олишни унугтган “Тўй тўнингни кийиб бор” деган иккинчи қисми ҳалихануз ҳалқ орасида яшаб келади. Мақолнинг ана шу давомида ҳам чиройли кийиниб, ораста ҳолда тўйга бориш маданияти назарда тутилади.

Яна бир мисол: “Лўлунинг эшагини суғор, пулини ол”. Таржимаси: “Tränke auch den Esel der Hure (diene ihr), doch lass dich bezahlen (nimm ihren Pfennig)”. “Лўлу”ни нима учундир таржимон “бузуқ аёл”, “фоҳиша” деб тушунади. Сўзни бундай англаш ва ўгириш мақол мазмунига таъсир қилиб, маънони ўзгартиради. Чунки “фоҳиша” эшак миниб юрмаслиги мумкин. Мақол генезиси қишлоқма-қишлоқ, кўчама-кўча эшак миниб, садақа сўраб, тиланчилик қилиб юрадиган лўлилар ҳолига бориб тақалар, эҳтимол. Аслида барча мақоллар мазмунан кўчма маънога, метафорик табиатга эга бўлади. Қавс ичидা “унга хизмат қил” деган бир изоҳи ҳам бор. Ҳар ҳолда бу мақолнинг таржимаси ва изоҳи менга анча муаммоли бўлиб кўринди.

Тўртинчи: Мақол аслияти билан таржима матни қиёсланганида, таржимон қайд этган баъзи изоҳларнинг мақол мазмунини гариблаштирган ҳолати кузатилди. Масалан: “Юрган дарё, ўтирган бўрё”нинг таржимаси “Der Fluss zieht weiter, die Nette bleibt liegen” бўлиб, унга “Willst du weiter ziehen, verlass die Nette und besteige das Schiff”, яъни “Ҳаракат нари кетишию, бўрё кеманинг ичидা қолиши”, деган мазмунда изоҳланибди. Аслида шу тўртта ўзбекча сўзнинг метафорик маъноси Вамбери изоҳидан кўра кенгроқдир. Яна бир мисол: “Қоғоздан қалъя бўлса, олмаси бало бўлур” мақоли таржимасидан кейин ёзилган “Natürlich in den Augen der berittenen Mittelasien, die nur den Kampf im offnen Felde verstehn” – “Ўрта осиёликлар назаридаги жанг факат очиқ майдонда бўлиши керак деб тушунилади” мазмунида берилган изоҳ ҳам мақол маъносини факат гариблаштириши мумкин. Ҳ. Вамбери мақоллар таржимаси жараёнида кўшимча изоҳ ва шарҳларни икки хил усулда тақдим қилади. Биринчидан, юқорида кўриб ўтилганидек, таржима матни ёнида қавс ичидা изоҳ ёзади.

Иккинчидан, умумматндан ташқарида, сахифа ҳаволасида маълум бир сўз ёки сўз биримасига изоҳ ёзади. Ҳар икки ҳолатдан мақсад мақолни аникроқ тушунтиришдир. Масалан: “Ҳар кимнинг кўнгли тўла бўлса, тили очилур”. Таржимаси: “Dessen Herz voll ist, dem wird bald die Zunge los”. Бу мақолни тушунишга ёрдам бериш учун ҳошиядга араб тили ва ёзувида “Иза яъса-л-инсану таала лисануху” (Агар инсон қариса, унинг тили узун бўлди), деган кўшимча ҳикмат келтирилади. Ўртасидаги алокадорлик қисмida бироз ўйлаб иш тутиш лозимлиги маълум бўлади.

“Бўлур одам ўн бешинда бош бўлур, Бўлмас одам қирқға кирса ёш бўлур”. Таржимаси: “Der etwas taugt, wird schon mit fünfzehn Jahren

Mann, wer nichts taugt, bleibt im vierzigsten noch ein Kind". Таржимон ҳошияга "бўлур одам" бирикмасини олиб чиқиб, олмонча ва усмонли турк тили ёрдамида: "bolur odam – aus dem ein Mensch werden soll, so im Osm: adam olurmu olmazmi = wird aus ihm was werden oder nichts?" деб тушунтиради. "Одам бўладими, бўлмайдими" деган халқона таъбирни келтиради. Аслида "бўлур одам" – бу бўладиган, яхши, оқил одам деганидир.

Олмон тилига таржима қилинган бу мақолларда Хоразм, Тошховуз, Кўнғирот ўзбеклари тили, яъни ўғиз шевасига хос унсурлари кўп учрайди.

"Тез сўзлар тез пишмон бўлар". Бу мақол таркибидаги "пишмон" бугунги адабий тилда "пушаймон" шаклидадир. "Сув кўрмагунча этик чечма". Шевадаги "чечма" сўзи адабий тилга "ечма" тарзида олиб кирилгани маълум. "Совлиқим бойлиқим, хасталиқим манглайи қаролиқим". Бундаги "манглайи қорлиқ"нинг "бахтсизлик, омадсизлик" эканини фақатгина шу шева вакиллари яхши англайди. Шунингдек, "Оқажақ қон томурда турмас", "Қозонға ёнтошсанг, қароси юғар, Ёмонға ёнтошсанг, балоси юғар" каби мақоллар таркибидаги "оқажақ", "ёнтошсанг" каби сўзлар ҳам шевага хосдир.

Ҳ.Вамбери олмон тилига таржима қилган мақоллардаги бундай ўзига хосликларни икки асосга кўра табиий қабул қилиш ўринли бўлади. Биринчидан, мақолларни кўпроқ ўғиз шевасига мансуб одамлар орасидан ёзib олган Вамбери сўзбошида: "Бошида берилган мақоллар асосан бевосита турмушдан олинган бўлиб, уларнинг кўпчилиги бугунги кунда ҳам усмонлилар орасида кўлланиб келаётганини таъкидлаш шарт бўлмаса керак", деб ёзади¹. Иккинчидан, Вамберининг ҳамроҳи, ҳажга бориш ниятида унга эргашиб йўлга чиққан мадраса толиби Мулла Исҳоқ кўнғиротлик эди². Мақолларни таржима қилаётганида Вамбери ёнидаги ўша "тирик луғат"дан унумли фойдаланган бўлиши эҳтимолдан узоқ эмас.

Шу билан бирга Вамбери таржима қилган мақоллар орасида муаммоли бўлиб кўринганлари ҳам бор. "Ақл бошда эмас, ёшдадур" мақолининг таржимаси айнан берилади: "Der Verstand ist nicht im Kopf, sondern im Alter". Бироқ мақолнинг ҳалқ орасида кенг тарқалгани "Ақл ёшда эмас, бошдадур" шаклда бўлиб, таржимон тескарисини танламаганмикин, деган ўйга ҳам борилади.

Ҳ.Вамбери таржима қилган мақоллар ўзбек халқи орасида минг йиллардан бери яшаб келади. Ҳозирги кунда одамлар кенг ишлатадиган чуқур маъноли "Очлиқ нени едирмас, Тўқлук нени дедирмас" мақолининг ҳам Вамберида таржимаси бор. Мухими айнан шу мақол Кошфарийнинг "Девон"ида келади³.

Хуллас, бугунги адабий-илмий жамоатчилик таржимашунослик тарихида, хусусан, ўзбек тилидан олмон тилига ўзбек адабиёти, фольклори намуналарини таржима қилишда Ҳерман Вамберининг ҳам маълум хизматлари борлигини билиш лозим. Шу билан бирга бир хил мавзуда ёзилган адабий манбаларнинг олмон тилига бўладиган янги таржималарда XIX асрда қилинган таржималар қайсиdir даражада тажриба майдони вазифасини бажаради. Умуман, шу каби барча нодир

¹ Hermann Vambery. Čagataische Sprachstudien., Leipzig:F.A.Brockhaus, 1867, 43-бет.

² Бу ҳақда қаранг: Элтаазаров Ж. "Ҳерман Вамберининг кўнғиротлик йўлдоши"

³ Қаранг: "Оч не емас, тўқ не демас". Маҳмуд Кошфарий. "Девону луғати-т-турк". 1-жилд. Тошкент. "Mumtoz so'z", 2016 йил, 71-бет.

таржималарни аслият матнлари билан бирга борича қайта китоб ҳолида чиқариш, Республикадаги марказий кутубхоналарга ва тегишли олий таълим даргоҳларининг китоб жавонига қўйиш зарурати бор. Бундай нодир адабий манбалар таржимашунослик, фольклоршунослик ва ўзбек адабиёти тарихини кенг ёритиш бўйича изланишлар олиб бораётганларга ёрдам беради, албаттга.

Херман Вамбери таржима қилган ўзбек мақолларидан намуналар

1. Отали ўғул – хўжали қул.

Der Sohn, der einen Vater hat, ist immer ein Sklave, der einen Herrn hat.
(Denn er muss gehorchen)

2. Икки кема тутқон ғарқ ичинда қолур.

Der an zwei Schiffe sich anhält, ertrikt gewiss.

3. Қалб қозони қайнамас, қайнаса-да қўюлмас.

Des falschen (Menschen) Kessel kocht nie; kocht er auch, so verdichtet er nie. (Vom Pilav, der so lange kochen muss, biss er dick, d.h. gut befunden wird).

4. Ийд отлунингки, тўй тўнлунингки.

Das Fest gehört dem Reiter (der aus der Ferne und der Sitte gamäss zu Pferde sich dazu begeben kann); das Gastmahl dem Gutgekleideten (da sich Niemand in schlechten Kleidarn zeigen kann).

5. Замоннинг озғони, отдин эшак ўзғони.

Wenn die Zeit entartet (wenn alles in Wirrwarr geräth), so wird der Esel höher gestellt, als die Pferde (d.h. nir dann wird der Nichtswürdige dem Würdigen vorgezogen).

6. Танимасни сийламас.

Was man nicht kennt, liebt man nicht.

7. Тўйға борсанг, тўйиб бор.

Wenn du zu einem Gastmahle gehst, so gehe gesättigt dahin (denn im Gedränge könntest du hungrig bleiben).

8. Фариднинг бир тўйғони, чала бойифони.

Wenn der Arme einmal satt ist, so ist er schon ein halber Baj (reicher Mann).

9. Бирор үткарди умрини айиш ила пош,

Бирор тотқани йўқ оғзи тўла ош.

Бирорнинг нукра-и-тиллоси мўл-мўл,

Бирор кўргани йўқ умрида бир пул.

Der eine verbringt sein Leben in Saus und Braus,

Der andre hat kaum ein Stückchen Brod im Haus,

Der eine hat Gold und Silber im Überfluss,

Der andere oft einen Heller erbetteln muss.

10. Ўлимдин хўрлук ёмон.

Schande ist ärger als der Tod.

ДИЛНАВОЗ ЮСУПОВА

*ТошДЎТАУ доценти,
филология фанлари номзоди*

АРУЗ ИЛМИ ВА ҒАРБ ТАДҚИҚОТЧИСИ

*(“Арузи Сайфий”нинг инглиз тилига қилинган
таржимаси хусусида)*

Шарқ мумтоз поэтиказида илми аруз, илми бадиъ ва илми қофия манзум сўз айтишнинг мукаммал шартларини ўзида акс эттирган илмлар учлигининг бевосита асосини ташкил этади. Кўхна ва муаззам Шарқда ижодкорнинг бадиий маҳорати унинг ушбу соҳаларни назарий жиҳатдан чуқур билиши билан бирга улардан ўз шеъриятида қай даражада истифода этиши ва ўзи айтмоқчи бўлган фикрни баён қилишга хизмат қилдириши билан ҳам белгиланган.

Ғарб адабиётшунослигидаги шеърий тизим, қофия ва бадиий тасвир воситалари мусулмон Шарқига қараганда анча фарқланади, шунинг учун ғарблик китобхонга Шарқ шеъриятидаги қонун-қоидалар ўта мураккаб ва сирли, айни пайтда жозибали туюлиб келган. Буни немис шарқшуноси, форс тили ва адабиётининг йирик билимдони бўлган Ҳенри Фердинанд Блочманнинг қатор тадқиқотларида кўришимиз мумкин.

Олимнинг мусулмон шеършунослиги билан боғлиқ изланишлари таҳлилидан аввал унинг ҳаёт ва ижоди хусусида қисқача тўхталиб ўтишни мақсадга мувофиқ деб ўйлаймиз.

Ҳенри Блочман 1838 йил 8 январь куни Германиянинг Дрезден шаҳарчасида дунёга келган. Унинг отаси Эрнест Блочман тадбиркорлик билан шуғулланар, хусусий босмахонаси ҳам бор эди. Ҳенри дастлаб ўзи туғилиб ўсган шаҳарчада таълим олди, 1855–1857 йилларда эса Лейпциг университетида таҳсилни давом эттириб, бир қатор Шарқ тилларини, хусусан, форс тилини мукаммал ўрганди. Сўнг Парижга борди, бироз ўтиб Лондонга кўчиб ўтди. 1858 йил эса армия сафида Ҳиндистонга келди. Манбаларда айтилишича, уни қўшин сафига Шарққа бўлган катта қизикиш етаклаб келган. Чунки ўша даврда Шарққа фақат ҳарбий сифатидагина бориш имконияти мавжуд эди. Эътиборли жиҳати, айнан Ҳенри Блочман Ҳиндистонга келган йили Бобурийлар сулоласининг сўнгти вакили Баҳодиршоҳ Зафар II таҳтдан туширилди ва Ҳиндистон бутунлай Англия мустамлакасига айланди.

Кейинги маълумотлар ҳам Ҳенрининг Шарққа бўлган қизикиши ўзгача бўлганлигини тасдиқлади: у аскарлик хизматини ўтагач, Калькуттада қолишга, шу ернинг фуқаролигини олишга астойдил ҳаракат қиласиди.

Бунга эришгач, форс тилидан дарс беради, сўнг Фарбнинг шу ердаги компанияларидан бирида таржимон сифатида фаолият олиб боради.

1860 йилда Ҳенри Блохман 1782 йил инглизлар томонидан асос солинган Калькутта мадрасасига ўқишга киради ҳамда тез орада санъат ва хукуқ бўйича магистрлик даражасини олади.

Манбаларда умрининг охирги ўн йилида Ҳенри Блохманнинг илмий фаолияти жуда сермаҳсул бўлғанлиги таъкидланади. У бу даврда Бангладешга боради, археология тадқиқотларида фаол иштирок этади; форс адабиётига астойдил қизиқиб, “Prosody of Persians according to Saifi, Jami and others writers”¹ (Форс шеърий тизими: Сайфий, Жомий ва бошқа адилар ижоди асосида) номли китоб ҳамда Калькутта мадрасаси мударриси Оға Аҳмад Али билан ҳамкорликда “Таронаи рубоий ҳақида рисола” деган асар ёзди; “Форсча-инглизча” лугат устида иш бошлайди; Абулфазл қаламига мансуб “Акбарнома” асарининг биринчи қисмини таржима қиласди.

Умуман олганда, Ҳенри Блохман ўз илмий фаолиятини икки йўналишда: филология ва тарих бўйича олиб боради. Олим 1878 йил 13 июль куни Калькуттада вафот этади².

Ҳенри Блохманнинг “Prosody of Persians according to Saifi, Jami and others writers” номли тадқиқоти мусулмон Шарқи шеършунослиги тадқиқига бағишланган бўлиб, асарни шартли равища беш қисмга бўлиш мумкин:

1. Кириш. Бунда олим форс тили ва унинг хусусиятлари ҳақида сўз юритади;
2. Сайфий Бухорийнинг “Арузи Сайфий” асарининг инглиз тилига қилинган таржимаси ва унинг изоҳлари;
3. Абдураҳмон Жомийнинг “Рисолаи қофия” асарининг таҳлили ва матни;
4. Мусулмон Шарқ шеършунослигининг назарий асослари: жанрлар тавсифи, фаол баҳрлар ва уларнинг хусусиятлари ҳақида мълумот ҳамда аргута доир машқлар, кўрсаткичлар;
5. “Рисолаи қофия” ҳамда “Арузи Сайфий” асарларининг матни.

Кўринадики, немис олими ўз тадқиқотида илмлар учлигининг икки муҳим тармоғи: илми аруз ҳамда илми қофияга доир асарларга алоҳида эътибор қаратган.

Ҳенри Блохман, бизнингча, “Арузи Сайфий” ва “Рисолаи қофия” асарларидан айнан Фарбда шарқшунослик йўналишида таълим олаётган талabalар учун қўлланма ёзиш учун фойдаланган. Олим китобнинг кириш қисмида шундай дейди: “Бу китоб Сайфийнинг аруз ва Жомийнинг қофия ҳақидаги рисолаларига асосланади. 1867 йил иккала асар матнини алоҳида-алоҳида чоп эттиргандим, энди эса талabalарга осон бўлсин учун таржима қилдим... Буни иложи борича мукаммал тарзда тайёрлаш учун кўрсаткичлар, машқлар, Саъдийнинг “Гулистан”идан вазнини аниқлаш учун байтлар илова қилдим ва уларнинг жавобларини ҳам кўрсатдим...” Блохман талabalар қофия ва арузни осон ҳамда тез тушунишлари учун

¹ Prosody of the Persians according to Saifi, Jami and other writers. Reprint 1970 of the edition Calcutta 1872 printed in the Netherlands. AMSTERDAM PHILO PRESS. Кейинги иқтибосларнинг барчаси ушбу манбадан олинди – муаллиф.

² “Iranian encyclopedia”, Vol. IV, Fasc. 3, pp. 314 – 315. Интернетдаги манзил: <http://www.iranicaonline.org/articles/blochmann-heinrich-henry>; [12/2018](http://en.wikisource.org/wiki/Blochmann,_Henry_Ferdinand_(DNB01);_Buckland,_Charles_Edward._(2013)._pp._46–7._Dictionary_of_Indian_Biography._London:_Forgotten_Books._(Original_work_published_1906)</p></div>
<div data-bbox=)

“шарқона атамаларни айнан инглиз тилидаги аруз ва қофияга татбиқ этган” лигини айтади. Демак, айтиш мумкинки, олим “Форс шеърий тизими” китобини, хусусан, шу китоби таркибида илк марта нашр қилинаётган (бу ҳам Блочманнинг маълумоти) “Арузи Сайфий” ва “Рисолаи қофия” асарларини Европадаги талабалар учун қўлланма сифатида тартиб берган. Унинг мусулмон Шарқи шеършунослигидаги баъзи қоидаларни инглиз тилига жорий қилганлиги ҳам ушбу фикрни асосслайди.

Мавзуимиздан келиб чиқиб, биз ушбу мақоламизда тадқиқотнинг “Арузи Сайфий” билан боғлиқ жиҳатларига тўхталиб ўтамиз. Ҳ.Блочман китобнинг “Сўзбоши”сида шундай ёзади: “Мазкур китобнинг мақсади форс адабиётига бўлган қизиқишини қондириш ва форс шеършунослигига оид билимларимизни кенгайтириш, чуқурлаштиришдир. Мазкур тадқиқотни шарқона усулда олиб боришга урғу қаратилди, гарчи бизда Шарқ шеършунослиги таъсиридан йироқ бўлиш имкони мавжуд бўлса-да, бу рисолани бутунлай ғарбона рухга бўйсундириш мумкин эмас, чунки бирор тилни унинг ўз грамматикасидан айри тарзда ўрганиб бўлмаганидек, Шарқ шеършунослигини ҳам унинг аслиятисиз таҳлилга торта олмаймиз. Шу нуқтаи назардан келиб чиқиб, тадқиқот жараённида Шарқ ва Ғарб методларини қиёслаш йўлидан бордик”.

Муаллифнинг фикрича, Шарқ шеърий тизимини ўрганиш шарқликлар учун ҳам осон эмас. Шарқ шоирларини завқлантирган, роҳатлантирган илмий атамаларнинг кўплиги ва хилма-хиллиги, жанрларнинг баъзан жуда кичиклиги ва уларни фарқлаш қийинлиги ўрганишни муракка-блаштириб юборади. Шеършуносликка бағишлиланган рисолалар жуда кўп бўлиб, уларнинг баъзилари поэтикани ўрганишни мақсад қилган талабалар учун мўлжаллаб яратилган. Кўпчилик муаллифлар рисолаларини илмий атамаларни тушунтиришдан бошлаганлар ва шу тариқа талабага моҳиятни англатмоқчи бўлганлар; баъзилар эса ишни аруз доиралари изоҳидан бошлаганлар, бунда бир вазн иккинчи вазн ичидан келиб чиқиши тушунтирилган. Ҳенри Блочман бу ҳолатни тасаввур қилиш жуда қийин деб ҳисоблади ва шу маънода айнан Сайфий Бухорийнинг рисоласини танлаганини айтади. Унинг таъкидлашича, “Арузи Сайфий” мумтоз поэтикага доир рисолалардан фарқли ўлароқ, ўзгача услубда бўлиб, унда даставвал, қоидалар, атамалар муфассал, босқичма-босқич тушунтириб борилади, сўнг анъанага мувофиқ, қўшимча илова сифатида, гарчи муҳим бўлмаса-да, аруз доираларига мурожаат қилинади. “Бинобарин, – деб таъкидлайди олим, – Сайфийнинг асари содда ва тушунарли бўлганлиги учун бошқаларнидан афзал бўлиб, яқин-яқингача Шарқ мадрасаларида ундан қўлланма сифатида фойдаланиб келадилар”.

Шу ўринда Сайфий Бухорий ва унинг асари ҳақида икки оғиз сўз. Сайфий Бухорий темурийлар даври адабиётининг таникли намояндадаридан бири бўлиб, Бухорода таваллуд топган. Тахсил олиш мақсадида Ҳиротга келади ва шу ерда умрининг асосий қисмини ўтказади. У ҳақда Алишер Навоийнинг “Мажолис ун-нафоис” ҳамда Заҳириддин Муҳаммад Бобурнинг “Бобурнома” асарларида маълумотлар келтирилади. Навоий ўз тазкирасининг учинчи мажлисида Сайфийнинг шеърлари Ҳирот аҳли орасида машҳур бўлганини, муаммо илмига доир рисола битганлигини айтиб ўтади¹, лекин аруз илмидаги рисоласи ҳақида маълумот бермайди.

¹ Навоий Алишер. Мажолис ун-нафоис. МАТ. 20 жилдлик. Тошкент: Фан, 1997. 13 -жилд. – Б.72-73.

Бобур “Бобурнома”да Сайфийнинг аруз рисоласи ҳақида гапира туриб, рисола муаллифи керакли нарсаларни жуда қисқа ёзиб, равшан ва маълум сўзларни нуқтаси ва арабий ифодасигача ёзиб чиқсан, дейди¹.

“Арузи Сайфий” асарининг ёзилган йили қуидаги таърих-рубоийда ўз ифодасини топган:

*Сайфий чи рисолае навиштий дилкаши,
К-аши ҳар ки бидид шуд дилу жонаши хуши.
Аҳли дил а-з ў чу файзҳо мейёбад,
Бинвис, ки ҳаст “файзҳо” таърихаши.*

(Мазмуни: Эй Сайфий, сен шундай бир дилтортар рисола яратдингки, уни кўрган ҳар кишининг қалби ва жони роҳатланди. Дил аҳли ундан файз топадилар, шунинг учун унинг таърихини “файзҳо” (файзлар) деб ёзгил). “Файзҳо” сўзидаги ҳарфлар абжад ҳисоби билан аниқланганда 896 рақами чиқади. Бундан маълум бўладики, рисола хижрий 896, милюдий 1490–1491 йилларда яратилган.

Блочман Сайфий Бухорийнинг “Арузи Сайфий” асарини инглиз тилига таржима қиласар экан, масалага анча эркин ёндашади. Яъни юқорида таъкидлаб ўтилганидек, арузга оид атамаларни тушунтиришда уларга ўз тилидан изоҳлар қўшиб боради. Хусусан, “Шеър ва шоирлик” билан боғлиқ фаслда Сайфий *шеър* истилоҳига таъриф берар экан, илк қасида ёзган шоир сифатида Рудакийнинг номини тилга олади ва унинг “Мўлиён ариғининг ҳиди” ҳақидағи қасидасини келтиради. Блочман эса ўз таржи-масида Рудакий ҳақида маълумот бериш билан бирга ушбу қасиданинг ёзилиш тарихи, оҳанг ҳақида ҳам фикр билдирап экан, ушбу қасида билан боғлиқ бошқа олимларнинг фикрларини ҳам илова қиласди: “Рудакий Бухоро яқинида туғилган ва 920 йилларда Амир Наср Аҳмад Сомоний замонида яшаган. Хурросон, Кобул, Қандаҳор забт этилгандан сўнг амир ўз қароргоҳини Бухородан Ҳиротга кўчиради. Рудакийнинг бу қасидаси подшоҳни ортга (Бухорога – Д.Ю.) қайтариш учун ёзилган ва айтиш мумкинки, ушбу шеър орқали мақсадга эришилган. Форсий адабиётга доир ишларда шеърий парчалар билан боғлиқ ўринлар тез-тез тартибга солиб турилган ва уларга кейинги умумий натижалар қўшиб кетилган:

*Реги Омӯ бо дурушитиҳои ў
Зери поям парниён ояд ҳаме.*

“Қанчалик тошса ҳам Амударё, Отимиз белидан тўбонга келур”. Доктор Форбес ўзининг “Форсий грамматикаси”га қуидаги қўшимчани киритади (40-бет):

*Оби Жайҳун аз нишоти рӯи дўст
Хинги моро то миён ояд ҳаме.*

Биринчи мисрадагидек, мазмун ҳам, вазн ҳам мос келади. Мен унинг таржимасини ҳам кўшаман: “Жайҳуннинг тўлқинлари дўст юзини кўриш шодлигидан отимизнинг белигача тошади”. Рудакий шеърлари парчалар шаклида сақланиб қолгандек туюлади²².

Ушбу изоҳлардан кўринадики, Блочман форсий шеъриятнинг нуқтадон тадқиқотчиси сифатида фақат Сайфий асарида келтирилган парча билан кифояланиб қолмасдан, ушбу машхур қасиданинг яна икки байтини ўз таржимасига киритади ва шу билан қасиданинг нисбатан тўлиқроқ варианти вужудга келишига эришади.

¹ Бобур. Бобурнома. Тошкент, 1989.- Б.126.

² Блочман бу ўринда Рудакий шеърлари бизнинг давргача тўлиқ ҳолда етиб келмаганига ишора қилмоқда.

Блечман аксарият ўринларда, хусусан, баҳр ва улар билан боғлиқ вазнларни таржима қилиш жараёнида форсий арузшунослар, жумладан, Абдураҳмон Жомийнинг “Рисолаи аruz”ига ҳам тўхталиб ўтади. Масалан, хафиф баҳрининг асосан мусаддас шаклда бўлишини таъкидлагани ҳолда, Жомийнинг рисоласида ушбу баҳрнинг мусамман (саккизлик) руқни бир вазни ҳам келтирилганлигини, Жомий ушбу байтга мисол тариқасида Рудакий ғазали матлаъсидан фойдаланганлигини айтади:

“Жомий хафиғнинг мусамман шаклида бир намуна ёзиб қолдирган; бу Рудакий томонидан ўз ғазалларидан бирида қўлланилган вазн бўлиб, унинг матлаъси қўйидагича:

*Гар кунад ёрие маро ба ғами ишиқ он санам,
Файлутун мағоулун файлутун мағоулун
Битавонад зидуд з-ин дили ғамхора занги ғам.
Файлутун мағоулун файлутун мағоулун*

(Мазмуни:

*Агар ўша санам бизни ишиқ ғамига ошино қилса,
Бу ғамзада кўнгилдан ғам занги кетган бўлар эди”*

Агар Сайфий вазнларга мисол келтиришда асосан фақат бир байт (кўпроқ ўз ижодидан) билан чекланган бўлса, Блечман мураккаброқ ва ноанъанавий вазнлар таҳлилида яна қўшимча мисоллар ҳам бериб боради. Хусусан, *саріш* баҳри вазнлари кўпроқ маснавий достонларда қўлланилишини айтар экан, Сайфий келтирган мисолга қўшимча тарзда Хоқоний, Низомий Ганжавийларнинг маснавийларидан намуналар келтиради.

Блечман “Арузи Сайфий”ни таржима қилиш жараёнида баъзи танқидий мулоҳазаларини ҳам баён қиласди. Олимнинг фикрича, аруз илмида мавжуд доиралар ушбу илм учун ортиқча ва улар ушбу илмни ўргатишда кераксизdir:¹ “Доиралар арузни мукаммал ўрганишда тала-бага ёрдам беролмайди. Улар Халил яратган, келиб чиқиши жиҳатдан бир турга мансуб вазнларни ҳосил қилишга уринишdir; ҳозирча айланалардаги муваффакиятли уринишлар: ватад ва фосиладаги уринишлар уни оқлайди”².

Умуман олганда, Сайфий Бухорий қаламига мансуб “Арузи Сайфий” асарининг немис шарқшуноси Ҳенри Блечман томонидан амалга оширилган инглизча таржимаси ва шу асосдаги шарҳ, талқин ва таҳлилларини ўрганиб чиқиб, айтиш мумкинки, Блечман Сайфийнинг “Арузи Сайфий” асаридан Европа талабалари учун мусулмон Шарқи шеършунослигининг ажралмас қисми саналган арузни ўргатишда қўлланма сифатида фойдаланган ва рисолани шу мақсадда таржима қилган. Таржимага эркин ёндашган олим рисоладаги фаслларни рақамлаган ва уларга ўз ёндашуви асосида сарлавҳалар ҳам қўйиб чиққанки, бу ҳолат асардан педагогик мақсадда фойдаланишни янада қулайластирган. Таржима давомида Блечманнинг ҳар бир ҳодисани атрофлича ёритишга ҳаракат қилгани ва ўз фикри исботи учун бошқа форсий шоирлардан ҳам байтлар келтиргани унинг етук шарқшунос олим бўлганлигини тасдиқлайди.

¹ Доиралар аруз илми учун аҳамиятсиз деган фикр ўзбек олими Фитрат томонидан ҳам айтиб ўтилган эди (Фитрат. Аруз ҳақида. – Тошкент: Ўқитувчи, 1997)

² Блечман бу ўринда аруз илмидаги энг кичик бирликлар: сабаб, ватад ва фосилаларнинг доирани ҳосил қилишдаги ўрнига эътибор бермоқда.

ЖАҲОН КИНОСИДА “ИНТЕЛЕКТУАЛ ФИЛЬМ”НИНГ ЎРНИ

Бугунги дунё кино санъатида асосан икки турдаги фильм етакчилик қиласи: биринчиси оммабоп фильмлар, икинчиси муаллифлик фильмлари. Умуман, оммабоп фильмлар кино саноатининг катта қисмини эгаллади. Шунга қарамай, интеллектуал кино – муаллифлик киноси ўз йўлидан оғишмай, аксинча, тинимсиз янгиланишлар жараёнида тараққий этиб келмоқда.

Муаллифлик киноси нима ўзи? У бошқа турдаги фильмлардан нимаси билан фарқланади? Умуман, интеллектуал кино инсониятга нима беради?

Бизнинг давримизга келиб санъатнинг барча соҳаларига оммавийлик ўз таъсирини кўрсатиб бўлди. Шу жумладан, кинога ҳам. Бироқ, оммабоп фильмларга қарши ўлароқ хослар киноси – интеллектуал кино катта бир оқим сифатида қудратга эга бўлди. Муаллифлик киноси инсонни ташқаридан эмас, ичкаридан таҳлил этишга киришди. Бунинг учун “кино тили”нинг янгича шакллари, ифода ва тасвир усусларини излашга киришди.

Муаллифлик киноси илк бор Европада ривожланди. Шу боис уни “Европача интеллектуал муаллифлик кинематографи” деб атайдилар. У дунёнинг бошқа кинематография мактаблари ривожига ҳам туртки берди ва халқаро воқеликка айланди. Ҳозирда кенг тарқалган “Мустақил америкача кино” атамаси ҳам муаллифлик киносининг минтақавий мактабларидан биридир. Муаллифлик киноси – мавзу жиҳатидан оригиналлик ва индивидуалликка асосланадиган, тасвир услуби, монтаж усуслари режиссёрнинг бадиий ва гоявий мақсади ифодаланадиган кинофильм туридир.

“Муаллифлик киноси” назариясига “Cahier du Cinema” журнали танқидчилари асос солдилар. 1954 йилда “Муаллифлик киноси” атамаси илк бор ушбу журналда кинотанқидчи ва бўлажак режиссёр Франсуа Трюффонинг “Француз киносидаги ягона тенденция” номли мақола-манифестида тилга олинади. “Муаллифлик назарияси” пайдо бўлгунига қадар сценарий муаллифи, режиссёр, композитор ва актёрлар ҳамкорлигига яратиладиган фильмлар киномаҳсулотнинг асосий шакли бўлиб келган. Муаллифлик киносида режиссёр бутун кино жараёнининг ҳал қилувчиси ва кинофильм муаллифи сифатида майдонга чиқади. Режиссёрнинг “мен”ини кўрсатувчи визуал услуб, муайян мавзулар, сюжет, актёр ижроси ва жанр унсурларига “муаллифлик нуқтаи назари” муаллифлик киноси ва унинг назариясига асос бўлди. Кинофильм устида бутун бошли жамоа ишлашига қарамай, фильмни суръатга олиш гурухининг бутун фаолияти худди мусавириларнинг картинаси ёки ёзувчининг романи каби режиссёрнинг мақсадини ифодалашга хизмат қиласи.

Муаллифлик киноси Европада Арт-синема, россиялик киночилар орасида Арт-хаус деб аталади. Илмий тадқиқотларда кино санъати муал-

лифлик фильмларидан ташқари, голливудча ва миллий кинематографик мактабларга ажратиб ўрганилади.


Муаллифлик киносининг умумий моҳияти бевосита режиссёрнинг интеллектуал салоҳиятига боғлиқ. Режиссёр-муаллифлар одатда сцена-рийнавис, продюссер ва монтаж усталарини ўз атрофида бирлаштиради.

Бу йўналишда буюк натижалар кўрсатган режиссёrlар номларининг умумий йиғиндиси “канон” дейилади. Кинематография тарихида “муаллифлик канонлари”нинг ҳам бир нечта гурухлари мавжуд. Арт-синеманинг юқори муваффақиятларига эришган ва халқаро воқелик сифатида эътироф этилган “ирик канон” – Феллини, Антониони, Бертолуччи, Пазолини, Висконти, Бергман, Годар, Трюффо, Рене, Тарковский, Вендерс, Херцог, Фассбinder, Бунюэль, Занусси, Вайда каби буюк режиссёrlар номлари билан боғлиқ.

Иккинчи ирик канон Хичкок, Хоукс, Фуллер, Сигел, Сёрк, Корман каби режиссёrlарнинг ижодини қамраб олади.

Ларса фон Триер, Гринуэй, Тарантино, Линч, Жармуш, Кустурица, Ханеке, Муратова, Сокуров, Иоселиани, Альмодовар каби замонавий режиссёrlар гурухи учинчи ирик канонни ташкил этади.

Арт-синема моделида сезиларли даражада голливудча моделнинг маданий ва иқтисодий таъсири борлигини инобатга олиш лозим. “Арт-синема институтция каби” номли мақола муалифи Стив Нил буни XX асрнинг биринчи ўттиз йиллигида Франция, Италия ва Германия кинематографияси мисолида аниқ кўрсатиб ўтган. Жумладан, у ҳар бир миллий кино саноати томонидан ишлаб чиқилган фильmlар бозорда ўз ўрнини топиши учун Голливуд билан рақобатлашиб, ҳар қандай вазиятда ўз маҳсулотини голливудча маҳсулотдан алоҳида ажратиб кўрсатишга интилади. Буни амалга оширишнинг энг самарали усулларидан бири – юксак санъатга ва ушбу мамлакатнинг маҳсус маданий анъаналарига мурожаат этишdir”, деб ёзади.



Муаллифлик киноси тарихи бир неча лавҳаларга бўлинадики, улар орасида сабаб-вақт боғлиқлиги мавжуд эмас. Бирок, уларнинг барида персонажнинг ички ҳолатига сезиларли эътибор қаратилади. Тўғри, оммабоп кино ҳам маънавий мақсадда изланади, инсоннинг шахсий олами тасвирига эътибор қаратади. Лекин унда фильм охирiga қадар муаммо ўз ечини топади. Муаллифлик киносида инсон ёки у билан боғлиқ мураккабликлар фақатгина тадқиқ этилади. Образнинг тақдирига аниқ ечим кўрсатиш бундай фильмга хос эмас.

Муаллифлик фильмларининг сюжетида персонажлар характерининг ички ривожини кузатиш, таҳлил этиш муҳим ўрин тутади. Картинада вақт бўйича тафовутлар, нохронологик тартибда жойлаштирилган эпизодлар,

ҳикоянинг асосий чизигидан узоқ вақтга чекинишлар бўлиши мумкинки, бу томошабинни шахсий тушунча ва маъно интерпретациясига ундейди.

Бундай фильмлар кино соҳасидаги экспериментал ва авангард йўналиш сифатида баҳоланади. Кинематографик авангарднинг туғилиши Жорж Мельес, Дэвид Гриффит ва Сергей Эйзенштейн ижоди билан боғлик. Айнан уларнинг ишларида “кино тили” деб аталувчи тушунча кузатилади. Ушбу кинода ҳам режиссёр шахси мутлақ принципиал аҳамиятга эга бўлса, унинг ғоялари ва эстетик идеалларининг ифодаси эса фильм асосини ташкил этади. Ўша даврда, кейинчалик “Янги тўлқин” арбоблари “муаллифлик киносининг характерли аломатлари” деб белгилаган хусусиятлар аниқланади. XX асрнинг 20-30 йилларида ёки фильмлар оммавий аудитория учун мўлжалланган кўнгилочар кино ва интеллектуал аудиторияга мўлжалланган жиддий кино санъатига бўлинниши мумкин эди. Англияда Альфред Хичкок ва Айвор Монтеѓюлар “Фильмлар жамияти”ни тузиб, фильмлар сотиб олар эди. Уларнинг фикрича, бу фильмлар “бадиий ютуқлар” эди. 1940 йилларда АҚШда Арт-хаус тушунчаси юзага келиб, мустақил равишда фильм ишлаб чиқариш компаниялари фильмларини намойиш этишга ихтисослаштирилган кинотеатрлар шундай аталарди.

Кинематография тараққиётида кўплаб кашфиётлар авангарднинг кириб келишига йўл очган. Авантур қандай шаклда юзага келмасин, ривожланишнинг табиий ва зарур босқичи сифатида анъанавий-эстетик меъёrlар билан бир қаторда, мавжуд бадиий амалиёт шакллари ва методларини ҳам вайрон қиласди, бу ўз-ўзидан бадиий ифоданинг янги шакллари пайдо бўлишига имкон беради. Шу сабаб, авангард фаол кириб келади. 1920 йиллар киноавангардининг бадиий амалиёти “Янги тўлқин” неоавангардини юзага келтиради. “Янги тўлқин” муаллифлик киносида анъанавий кинонинг мумтоз ютуқлари сакланган ҳолда, “кино тили”нинг янгиланиш жараёни, бадиий новаторлик содир бўлади. “Авангард фильм” тушунчасига биринчилардан бўлиб, Луи Деллюк ўзининг фильмлари ва назарий ишлари орқали аниқлик киритади. У фотогения, яъни, “киноифодавийлик назарияси”ни илгари сурган. Деллюк фильм яратишда анъанавийлик ва томошабопликка ургу бериш ўрнига, персонажнинг ички интилишини ифодалашни таклиф этади.

XX асрнинг биринчи чорагида муаллифлик фильми композициясининг муҳим тамойили сифатида ички монолог назарияси юзага келади. У муаллифлик киносининг кейинги тарихида ҳам ўз аҳамиятини саклаб қолди ва ривожланишда давом этди. Ушбу назария доирасида воқеалар яхлитлиги ва тадрижийлиги эмас, муаллиф ёки қаҳрамон ҳиссиётлари, ўй-фикрларининг мантиги ва ҳаракатини аниқ ифодалаш мумкин.

Кинематографиянинг бу каби экспериментлари муаллифлик фильминг “материал”и ва “усул”ини янгилади ва бойитди. Яъни, ижодкор фильм учун сўздан тортиб, образгача бўлган барча нарсани эстетик таъсир этувчи усулда етказишни асосий ўринга чиқарди.

*Шуҳрат ОМОНМУРОДОВ,
ЎзДСМИ “Овоз режиссёrlиги ва
операторлик маҳорати”
кафедраси ўқитувчиси*

ТАШҚАРИГА МАРҲАМАТ

“Ла Скала” театри сахнасида ёшлар оркестри янги мураккаб мусиқа асарини илк бор ижро этмоқда. Аммо айрим чолғучилар тажрибасизлик қилиб, дирижёр кўрсатмаларига тўла риоя қилишаётгани йўқ. Репетиция икки-уч бор такрорланганида ҳам ижродан кўнгли тўлмаган дирижёр асабий ҳолда қўли билан икки кишини кўрсатди:

- Сиз ва сиз...
- Флейта чалаётган йигит кўлини кўтариб сўради:
- Устоз, балки мен ҳам...
- Ҳа, албатта сиз ҳам. Қани, ташқарига чиқинглар-чи. Кўзимга бошқа кўринманглар. Марҳамат...

НОНУШТА

Икки дугона қаҳвахонада учрашиб қолишиди.

- Гуам оролларида дам олиб қайтибсан, роса маза қилгандирсан? – сўради бири иккинчисидан.
- Зўр жойлар экан. Эҳ, нимасини айтай, дугонажон...
- Сенга об-ҳавоси ёққандир-да?
- Об-ҳавоси унчаликмас, аммо енгил машина ҳайдовчиларига қойил қолдим,— деди дугонаси кўлларини баланд кўтариб керишар экан.
- Ҳайдовчини айтаяпсанми? – ҳайрон бўлди анчадан бери курортга бормаган дугонаси. – Уларнинг об-ҳавога нима алоқаси бор?
- Алоқаси бор-да. Кечги пайт шаҳарни айланиб юрсанг, ёш-ёш йигит-чалар “Мерседес”ларини ғизиллатиб олдингдан ўтиб қолишиади. У ерда ҳар куни ёмғир ёғади. Ёнингдан ўтаётуб, кийимингга лойқа сув сачратиб юборишиади. Машинани тўхтатиб, олдингга келиб, эгилиб узр сўрашиади. Кейин... ёнларига ўтқизиб, тўғри дала ҳовлиларига олиб боришиади. Ки-йимингни ювиб, дазмол босиб боришиади. Эрталаб шунақа ширин нонушта тайёрлашади, эҳ, дугонажон, бунақасини емабсан, дунёга келмабсан...

ЎЗИДАН КЎРСИН

Темза дарёси қирғоғида икки балиқчи ўтирибди.

- Кеча тутган балиғимни сотмаганим яхши бўлган экан, уйда тозалаётган эдик, қорнидан икки ҳафта олдин сувга чўкиб кетган дўстимизнинг шими чиқиб қолди. Чўнтагини кавласам, 500 доллар пули бор экан,— деди лоғчи балиқчи касбдош дўстига.
- Баттар бўлсин,— ғудранди дўсти,— чўкаётганида айтган гали эсингдами, винога озроқ пул ташлаб кет десам, ёнимда бир мири ҳам қолмади девди-я, хасис.

ЯНГИ БОЙ

Янги бойлардан бири тадбиркор дўстини аэропортда кўриб қолиб сўради:

- Йўл бўлсин оғайни?
- Парижга,— деди у хотиржам, – бориб келмасам бўлмайди.
- Париждан кеча қайтиб келган эдинг-ку?
- Ҳа, шундай. Ўтган куни Эйфел минораси ресторанида дўстларга зиёфат берувдим, стол устида кўзойнагим қолиб кетибди...

НАБИРАНИНГ ОРЗУСИ

Буви хорижда таълим олаётган набирасидан сўради:

– Мана, бўйга ҳам етиб қолдинг, атрофингда йигитлар гирдикапалак. Турмуш куриш ҳақида ҳам ўйлајапсанми? Ё шахзода кемада келиб олиб кетишини кутиб ўтрибсанми? Кимга турмушга чиқмоқчисан ўзи?

Набира бироз ўйланиб турди-да, жавоб қайтарди:

- Эҳ, бувижон, биласизми, менинг умр йўлдошим аклли, чиройли, қўли очиқ, бизнесмен, яна... истаган нарсамни муҳайё қиладиган, юриш-туришимни тергамайдиган, қанча десам, шунча пул берадиган бўлиши керак.
- Э-э, оғзингдан шамол учирсин-е,— деди бувиси қўрқиб кетиб, – нима бало, етти марта эрга тегмоқчимисан?

БЎЛАЖАК КЕЛИН

Хорижда бир неча йил яшаб келган ўғил нонушта пайти онасига деди:

– Онажон, бугун уйимизга учта қиз меҳмон бўлиб келади. Улардан бирига уйланмоқчиман. Қайси бирилигини айтмайман, ўзингиз топасиз.

Меҳмон қизлар келиб кетишгач, ўғил сўради:

- Онажон, бўлажак келинингизни танидингизми?
- Танидим, ўғлим, ўртада ўтиргани-да.
- Зеҳнингизга қойил-е, онажон. Қандай танидингиз?
- Қандай танирдим. Шу ўтиришиёқ асабимга тегди...

* * *

Габроволик аёл (эрига):

– Тушимда менга дугоналаримнинг оғзи очилиб қоладиган қимматбаҳо кўйлак сотиб олаётган экансиз. Бирам севиндимки...

Габроволик эркак:

– Буни қара-я. Мен ҳам худди шу тушни қўрдим. Аммо кайфиятим бузилди. Қўяверинг дейишимга қарамай, қайнотам кўйлакнинг пулинни тўлаб юборди.

* * *

– Сендан буюк санъаткор чиқиши мумкин, аммо бунинг учун иккита арзимас муаммони ҳал қилиш керак,— деди лондонлик балетмейстер ёш раккосага.

- Қайси муаммони? – қизиқсиниб сўради раққоса.
- Биринчиси, оёқларингни чўзиш керак, иккинчиси – уларни тўғрилаш зарур.

* * *

Габроводаги хусусий поликлиникалардан бирида беморларни суяқ касаллигига қарши эмлашмоқда эди. Мижозлардан бири орадан икки-уч соат ўтгач, поликлиникага қайтиб келиб, шикоят қилди.

– Менга сифатсиз дори берибсиз, уйга қайтаётиб, оёғимни синдириб олдим, марҳамат килиб, пулимни қайтариб беринг, – деди у шифокорларга.

– Айб ўзингизда, йўриқномани синчиклаб ўқишингиз керак эди, унда “Дори бир суткадан кейин таъсир қилишни бошлайди”, деб ёзиб қўйилган, – деди бош шифокор пинагини ҳам бузмай.

* * *

– Тўйингга бир ҳафта қолганида куёв билан уришиб қолганинг ёмон бўлибди-да, – деди онаси қизига.

– Ҳе, бети қурсин ўша ярамаснинг, – деди қизи жаҳл билан. – “Доктор-бемор” ўйинини ўйнаймиз, мен доктор бўламан, сен bemor бўласан, сени даволайман” деса, хўб дебман. “Қани, bemor, ечиниб кроватга ётинг, деди. Ечиниб ётдим. У оёқ-қўлимни кроватга боғлади, бироз оғриқ бўлади, дод солмайсиз, деди. Кейин эса... конспектимни, стол устидаги егуликларни сумкасига жойлаб қочиб қолди...

* * *

Ўрмон четидаги ёғоч уйда яшайдиган овчини, ниҳоят, даволашди: у ичишни ташлади. Аммо унинг садоқатли дўсти бўлмиш ити сухбатдошсиз қолди.

* * *

Чикаго. Ишчилар шаҳарчаси четидаги тунги тамаддихона эшигига янги ёзув пайдо бўлди: “Хурматли мижозлар. Сизлар учун яна бир қулайлик – стол ва стуллар полга михлаб қўйилди”.

* * *

Бродвейдаги йирик савдо марказларидан бири. Кутимаганда касса аппаратининг лентаси тугаб қолди. Харидорлар шовқин сола бошлашди. Маъмурият вакили бироз сабр қилиб туришларини айтди. Россиялик кекса муҳожир сабр қилиб турар экан, бир шиша вискини ичиб тугатди-да, сўради:

– Биродар, шиша қабул қиласиган жой шу яқин-атрофдами?

Тўпловчи М.АҲМЕДОВ



АЙВАЗОВСКИЙ “ДЕНГИЗЛАРИ”НИНГ СИРИ

Манзара жанрининг мустақил тури – марина XVII асрда Голландияда юзага келиб, дунё тасвирий санъат оламида кўпдан-кўп мусавиirlарни кашф этди. Денгиз манзараларини тасвиrlаща Европада ўзига хос мактаблар шаклланган. Айниқса, XIX аср марина санъатининг гуллаб-яшнаган даври бўлди. Англияда мусавиirl Уильям Тёрнер, Францияда Луи-Филипп Крепер, Россияда эса Иван Айвазовский денгиз манзараларини тасвиrlаща мисли кўрилмаган натижаларга эришади.

Рус рангтасвирида марина, асосан, XIX асрга келиб ривож топгани маълум. Арцеулов, Грабовский, Гофман, Воробёв, Магдесян, Сахаров каби рус мариначилари айни шу даврда ижод қилган. Улар орасида Иван Айвазовский денгиз флоти манзараларини тасвиrlаща фавқулодда улуғвор натижалар кўрсатган сиймолардан бири ҳисобланади. Табиат ва денгиз қудратини лол қоларли даражада жонли ифодалаш, ҳиссиётлар шиддатини ғоят нағислик билан етказиш маҳорати Айвазовскийга нафақат ўз доирасида, балки бутун дунё рассомлари орасида шухрат олиб келди.

Келиб чиқиши армани бўлган Иван Константинович Айвазовский (Ованнес Айвазян) 1817 йил 29 июль куни Қора денгиз бўйидаги Феодосия шаҳрида туғилган. Унинг болаликдаги қизиқишилари – Феодосия рейди манзаралари ҳамда кемаларни чизиш иштиёқи, шубҳасиз, бўлажак рассом истеъдодининг дебочаси бўлган.

Ёш рассомнинг бу машғулоти шаҳар архитектори Коҳ назарига тушиши унинг ижодий келажагини янада ойдинлаштиради. Петербург Рассомлик академиясида таҳсил олиб, франциялик машҳур мариначи Ф. Теннер раҳбарлигида табиат манзараларини тасвиrlаши ўрганади. 1836 йилда илк асари – “Денгиз узра булатлар этюди” чизилганида ёқ шогирднинг устозидан ўзиб кетгани маълум бўлади.

Айвазовский 1840 йилда Италияга кетади. Айни шу йиллари унинг мустақил услуби шакллана бошлайди. У ўргатилган билимларга хилоф равиша натурадан эмас, тасаввурга таяниб расм чизишни бошлайди. “Эслаб қолиш қобилиятига эга бўлмаган инсон, жуда зўр чизмачи (нусха кўчирувчи), тирик фотографик мослама бўлиши мумкин, аммо ҳеч қаҷон ҳақиқий рассом бўла олмайди! Тириқ, табиий кучларнинг ҳаракатини мўйқалам билан тутиб бўлмайди: момақалдироқ, шамолнинг шиддати, тўлқиннинг чайқалишини натурадан чизиш – ақлга сифмайди. Шунинг учун рассом уларни эслаб қолиши керак ва ўз расмини ёруғ ва соя эффектлари билан безаши керак. Мен қирқ йил олдин ҳам шундай чизганман, ҳозир ҳам шундай чизмоқдаман. Ойлар давомида расм устида бош кўтармай

ишлишни ва жим расм чизишни – мен эплай олмайман”. Рассомнинг ўзишига бўлган қарашлари шундай бўлган.

Ниманинг ҳисобига Айвазовскийнинг денгизи бунчалар жонли, нафас оладиган ва шаффоф? Ҳар бир асарининг моҳияти нимада?

Айвазовский даҳосини ҳис этган киши унинг бу улкан маҳоратининг нозик томонларини тушуниб етишни истайди, албатта. Чунки, унинг денгиз мавзусидаги баталистик асарлари ҳам, соф мариналари ҳам моҳирона енгил кўёл билан чизилганки, бунда рассомнинг тажрибасидан кўра тасаввурининг маҳсули кўпроқ эканлиги очиқ-аён кўриниб туради.



Айвазовскийнинг ҳар бир кўргазмаси муваффақият билан якунланган. Ўз даврида унинг истеъодини бутун Европа эътироф этган. Унга замондош рассомлар ҳам ўз ҳайратларини яширмай, бир-бирига баён этади. Хусусан, Иван Крамской Павел Третьяковга шундай ёзади: “Айвазовский рангларни ҳосил қилиш сирига

эга бўлса керак, шунинг учун ундаги ранглар сирли. Мен бундай очиқ ва тоза рангларни ҳатто бўёқчилик дўконларида ҳам кўрмаганман”. Рассом асарларида рангларнинг юпқа қатламларини устма-уст суртиш техникасидан (гризайль техникаси) фойдаланиб, шаффофликка эришган. У асосан мойбўёқ билан ишлишни афзал кўрган, лекин унинг тўлқинлари акварелда чизилгандек туюлади. Айнан шу техника билан тасвирда ранглар жуда шаффоф ва тўйинган кўринади. Бу мўйқалам тортиб, бўёқ бериш ҳисобига эмас, балки, ўзига хос теранлик ва нозиклик ҳисобига шундай бўлади. Айвазовскийнинг мазкур тасвирлаш техникаси коллекционерлар учун ниҳоятда кўёл келади. Чунки, унинг кўпгина асарларида бўёқлар қатлами юпқа бўлгани учун ёрилиб кетавермайди.

Айвазовский асарни чизишда ишни доимо осмонни тасвирлашдан бошлиган, бунинг устига жуда тез битирган. Осмон мухим қисм ҳисобланиб, денгизни осмоннинг ҳолатига мувофиқ, улкан тасаввур билан бир неча уринишдаёқ чизиши мумкин бўлган. Натура билан ишлишда эса у кўрганларини шунчаки эслаб қолишга интилган. Натурадан бир лаҳзалик хомаки нусха олиб, асосий ишни устахонада, тасаввур билан бажарган. У табиат кучларининг ҳаракати, денгизнинг нафас олиши, чақмоқнинг чақиши ва момақалдириқнинг ярқирашини натурадан тасвирлаш мумкин эмас, деб ҳисоблаган. Натуранинг вазифаси – рўй бераётган ҳодисаларни рассомнинг хотирасига сингдириш, деб билган.

Арман рассоми Мартирос Сарьяннинг таъбири билан айтганда, “Айвазовский қандай довулни тасвирламасин, ҳар доим холстнинг тепа қисмида чақмоқ, булуллар тўплами орасидан баъзиде яққол, баъзиде кўз илғамайдиган нозик нур тарагиб туради. Айнан шу нурда Айвазовский тасвирлаган барча довулларнинг мазмун-моҳияти яширинган. Агар бу қуёш бўлса, у энг қора довулни ёритади, агар ой шуласи бўлса, ўзининг милтиллаши билан бутун расмни тўлдириб юборади”.

Ҳақиқатдан ҳам Айвазовский мариналарининг асосий қаҳрамонлари ёруғлик, ҳаво ва сувдир. У денгизни ҳаққоний тасвирилашга эмас, балки ҳиссиётларни етказишга интилади: қүёш шундай чарақлаши керакки, томошабин қўзларини қисиб олиши, шамолдан бужмайиши ва тўлқинни кўриб, гўё қўрқанидан ўзини орқага ташлаши керак.



Унинг “Қора денгиз флотининг 1849 йилдаги кўриниши”, “Дунёning яралиши”, “Тўққизинчи вал”, “Гурзуфда оқшом”, “Тунги денгиз тӯфони”, “Денгиз қаҳри”, “Қора денгиз”, “Евпатория устида бўрон” каби асарларида ана шундай шиддатни кўриш мумкин. Бу асарларидаги шиддатли ранглар уйғунлиги, ёрқин, муросасиз бўёқлар томошабинни баъзан саросимага туширади. Уларда денгиз манзаралари, муаллифнинг ўз табиатига хос хаёлчанлик, ҳиссиётлилик ва илиқ ранглардан иборат муҳит, хаёлий-рамзий фикрлаш ва эркин импровизация барқ уриб туради.

Рассом ижодининг бир қисмини рус ҳарбий-денгиз флоти акс этган баталистик асарлар ташкил этади. “Наварин жангиги”, “Синопс жангиги”, “Чесмен жангиги”, “Рус эскадраси Севастопол рейдида” каби асарлари бу йўналишдаги йирик ишларидан саналади.

Айвазовскийнинг мавзули картиналарида ҳам рух, ҳиссиёт, тасаввур етакчи бўлиб, асосан шарқона сюжетлар тасвириланади. Унинг бу турдаги асарларининг аксарияти арман ҳаёти ва табиати билан боғлик. “Аракат водийси”, “Аракат тоғларидаги Ноя жари”, “Арман халқининг чўқинтирилиши” каби асарлари шулар жумласидан.

Буюк мусаввир Иван Айвазовский 1900 йилнинг 19 апрелида она шахри Феодосияда, “Турк кемасининг портлаши” асари устида ишлаётган вақтда оламни тарк этган.

Ундан олти мингга яқин асар келажак-авлодга мерос бўлиб қолди. Рассомнинг ижодий мероси, асарларида тасвириланган денгизларнинг жонлилиги, шамол ва тўлқинларнинг кучи, чақмоқлар шиддати ва абадий ой шуъласи ҳали-хамон санъат аҳлини хаяжонга солишида давом этмоқда.

Шаҳноза ҚОСИМОВА,
Камолиддин Беҳзод номидаги Миллий
рассомлик ва дизайн институти
музейшунослик кафедраси
катта ўқитувчиси

ЖАҲОН АДАБИЁТИ ВА САНЪАТИ ҚИСҚАЧА ҚОМУСИ

БЕРГМАН ЭРНСТ ИНГМАР – атоқли швед кино ва театр режиссёри, муаллифлик киносининг йирик намояндаси. Бергман 1918 йил 14 июлда Швециянинг Уппсала шаҳрида дунёга келган. 2007 йилда 89 ёшида вафот этган. Бергман ижодининг бошланиши 1940 йилларга тўғри келади. У дастлаб пьесалар ёзган ва маҳаллий театрлар саҳнасида кўйилган. Унинг режиссёр сифатидаги фаолияти 1944 йилда “Инқизоз” фильмни билан бошланган. Бергман умри давомида эллиқдан ортиқ кинофильм суратга олган ва яна шунча спектакль саҳналаштирган. У “Севгимиз осмонида ёмғирлар”, “Хинд кемаси”, “Зулматдаги мусика”, “Турма”, “Бу ерда содир бўлиши мумкин”, “Аёллар кутмоқда”, “Муҳаббат дарси”, “Етгинчи тамға”, “Иблис кўзи”, “Сукунат”, “Шахс”, “Эҳтирос”, “Номус”, “Шивирлар ва қичқириқлар”, “Илон уруғи”, “Сўнгги репетиция”, “Сарабанд” каби машҳур фильмларнинг муаллифи. У яратган фильмларнинг аксарияти Оскар, Берлин, Вафта, Бодил, Канн, Сезар каби нуфузли халқаро киномукофотларга бир неча бор сазовор бўлган. Бергман турли йилларда Хельсинборг, Гётеборг, Мальмё, Стокгольм, Мюнхен шаҳарларидағи театрларда режиссёр ва бадиий раҳбар вазифаларида ишлаб, дунё адабиётининг йирик намуналари асосида спектакллар саҳналаштирган. Жумладан, “Макбет”, “Кирол Лир”, “Ўн иккинчи кеча”, “Хамлет” (У.Шекспир), “Калигула”(А.Камю), “Орзу трамвайи”(У.Теннесси), “Дон Жуан ёхуд тош меҳмон”(Пушкин), “Гедда Габлер”, “Пер Гюнт”, “Шарпалар”(Г.Ипсен), “Мезантроп” (Мольер), “Чайка”, “Уч опа-сингиллар”(А.Чехов), “Мария Стюарт”(Ф.Шиллер) спектакллари Бергман номини тарих саҳифаларига муҳрлади.

БЕСТСЕЛЛЕР – ҳозирги вақтда тижорий мақсадда ёзиладиган оммабоп адабиётга нисбатан ишлатиладиган ушбу тушунча 1889 йилдан бўён муомалада бўлиб, дастлабки даврда чоп этилибоқ, тезда оммалашиб кетган китобларга нисбатан ишлатилган. Китоблар дастлабки тиражларининг қай даражада оммалashiшига қараб чоп этилган. Бу давргача бўлган китоблар орасида асосан диний адабиётларнинг бозори чакқон бўлган. Бестселлер адабиёт бадиийликка дахли бор ёки йўқлиги нуқтаи назаридан бир қанча турларга бўлинади. Бестселлер тушунчаси асарнинг бадиий савиясини ёки сотувда келтирадиган даромад даражасини англатмайди. Бу шунчаки китобнинг оммаболигини билдиради. XVIII асрга келиб, “Телемахнинг саргузаштлари” (Ферелон), “Элоиза” (Руссо), “Манон Леско” (Прево) каби асарлар бестселлер бўлган бўлса, XIX асрда Шатобриан, Вальтер Скотт, Жюль Верн, Ижен Сю сингари муаллифларнинг асарлари, XX асрда эса Маргарет Митчелл, Агата Кристи, Жером Сэлинжер, Клайв Льюис, Стивен

Кинг, Атрур Хайли, Сан-Антонио каби адибларнинг китоблари энг оммабоп адабиёт намуналарига айланган.

БОККАЧЧО ЖОВАННИ – Европа илк уйғониш даври адабиётининг йирик намояндаси, машхур итальян шоири, адеб, олим. Боккаччо 1313 йил 16 июля Францияда таваллуд топган. 1375 йилда Италияда, 62 ёшида вафот этган. У йигирма ёшигача ота касби савдогарлик билан шуғуланиб, кейинчалик адабий фаолиятга ўтган. Боккаччо инсонпарварлик ғояларининг йирик тарғиботчиси сифатида Данте ва Петарка каби замонасасининг буюк шоирлари сафида бутун Европа маданияти тараққиётига катта хисса қўшган сиймолардан биридир. У ўзининг “Диана уйи” (1334), “Филострато” (1336), “Филоколо” (1336-38), “Тезеида” (1339-41), “Мухаббат хисси” (1340), “Фъезолан илоҳаси” (1341), “Корбаччо” (1354-55) поэмалари, “Амето” постарал романи, “Фъяметто” (1343), “Декамерон” (1350), “Данте Алигьери ҳаёти” (1360) сингари йирик бадиий асарларида ўзининг фалсафий, гуманистик қарашларини ифода этган. Шунингдек, лотин тилида “Илоҳлар тилининг генеологияси”, “Тоғлар, ўрмонлар, булоқлар, кўллар, дарёлар, ботқоклар ва денгизлар”, “Машхур кишиларнинг баҳтсизликлари”, “Машхур аёллар ҳакида” каби трактатлар ёзган. Юзта қиссани ўзида жамлаган “Декамерон” Боккаччонинг номини мангуликка муҳраган шоҳ асардир. Мазкур асарни атоқли таржимон Қодир Мирмуҳаммедов ўзбек тилига ўтирган.

“БОДИЛ” МУКОФОТИ – Дания Қироллигининг бош киномукофоти. Мукофот 1948 йилда Дания миллий киношунослар ассоциацияси томонидан таъсис этилган. Ушбу киномукофотнинг номи даниялик икки буюк актриса Ипсен ва Къер Бодиллар шарафига қўйилган. “Бодил” ҳар йили ўн иккита номинация бўйича берилади. Дунёга машхур даниялик кинорежиссерлардан Ларса фон Триер, Томас Винтерберг, Тобиас Линхольм, Пер Флю, Сюзанна Бир, Эрик Клаусен, Билле Аугуст ва бошқалар ушбу мукофотга бир неча мартараб сазовор бўлган.

БОЛЛИВУД – ҳинд кинематографиясининг расмий номи. Болливуд атамаси Бомбей ва Голливуд сўзларидан ясалган бўлиб, 1932 йилдан бери қўлланилади. Ҳиндистон Республикасининг Мумбай (собиқ Бомбей) шахри киносаноати АҚШнинг Калифорния штатидаги йирик киносаноат – Голливудга ўхшатмаси сифатида юзага келган. Болливуд йирик кино ишлаб чиқариш маркази бўлиб, Толливуд, Колливуд, Сандалвид, Молливуд, Олливуд каби бошқа тилларда фильм ишлаб чиқарувчи саноат компанияларини қамраб олади. Яъни, Болливуд тушунчаси фақатгина ҳинд киносинигина англатмайди. Урду, панжоб, инглиз, малай, каннэр, орий, тамил, телгу ва бошқа бир қанча тилларда ишлаб чиқариладиган барча фильмлар Болливуд маҳсулоти ҳисобланади.

*Мафтұна МҰҲАММАДАМИНОВА
тайёрлади*



2018 ЙИЛДА “ЖАХОН АДАБИЁТИ” ЖУРНАЛИДА ЧОП ЭТИЛГАН АСАРЛАРНИНГ ЙИЛЛИК МУНДАРИЖАСИ

НАВОЙ САБОҚЛАРИ

Алишер Навоий газалларининг асли, инглизча ва русча таржимаси, таҳлили, шарҳи. (Руқнни Д.Юсупова, А. Обид, А.Буматова, Қ.Маъмурев, Д.Ражаблар тайёрлади) № 1, 2, 3, 4, 5, 6, 7, 8, 9, 10, 11, 12

Иброҳим ҲАҚҚУЛ. Шаҳноза НАЗАРОВА. Шоирлик – илоҳий қисмат. Суҳбат. № 2

Султонмурод ОЛИМ. Таржимавийлик ва назариявийлик. № 2

Зухра МАМАДАЛИЕВА. Рӯҳ манзиллари. № 2

Каримбой ҚУРАМБОЕВ. Алишер Навоий ва қорақалпоқ адабиёти. № 2

Фаррухбек ОЛИМ. Мутолаа мактаби. № 2

НАСР

Томас МАНН. (Олмония) **Лоттанинг Ваймардаги ҳаёти.** Роман. (*Олмон тилидан Я.Эгамова тарж.*) № 1, 2, 3, 4

Тацуо МИУРА. (Япония) **Идишдаги ватан.** Ўн беш ёшлигим. Ҳикоялар. (*Рус тилидан О.Абдуллаев тарж.*) № 1

Харуки МУРАКАМИ. (Япония) **Пинбол – 1973.** Роман. (*Рус тилидан А.Отабоев тарж.*) № 2

Сомерсет МОЭМ. (Англия) **Омади чопган мусаввир.** Тайпан. Ҳикоялар. (*Рус тилидан М.Омон тарж.*) № 2

Шермуҳаммад МАРИ. (Покистон) **Савдои.** Ҳикоя. (*Инглиз тилидан З.Жалолова тарж.*) № 3

Мехмон БАХТИЙ. (Тожикистон) **Қария.** Қисса. (*Тожик тилидан Ў.Усмон тарж.*) № 4

Бернҳард ШЛИНК. (Олмония) **Китоб ўқиб берувчи.** Роман. (*Олмон тилидан М.Акбаров тарж.*) № 5, 6

Қайсин ҚУЛИЕВ.(Россия) **Қиш эди.** Романдан парча. (*Рус тилидан А.Мўмин тарж.*) № 5, 6

Кўчкор НОРҚОБИЛ. **Қайтмасанг ҳам қайтгин.** Киноқисса. № 5

“Минг бир кечা” ҳикояларидан. (*Араб тилидан С.Абдукаримов тарж.*) № 6

Анна САКСЕ. (Латвия) **Эртаклар.** (*Рус тилидан Д.Рўзимаҳамадова тарж.*) № 6

Теодор ДРАЙЗЕР. (АҚШ) **Қудратли Рурк.** Ҳикоя. (*Рус тилидан О.Хожи тарж.*) № 7

-
- Хулио КОРТАСАР. (Аргентина) **Онамнинг мактублари. Ҳикоя.** (*Рус тилидан О.Отахон тарж.*) № 7
- Виктор СУМИН.(Россия) **Биринчи ва сўнгги субҳидам.** (*Рус тилидан Я.Қўчқоров тарж.*) № 7
- Федор ДОСТОЁВСКИЙ. (Россия) **Ака-ука Карамазовлар.** Роман. (*Рус тилидан И.Гафуров тарж.*) № 8, 9, 10, 11, 12
- Хуршид ДЎСТМУҲАММАД. **WO AI NI. Соҳилдаги нашъу намо.** Ҳикоялар. № 8
- Николай ЛЕДИНСКИЙ. (Россия) **Сарҳадлар туташганда.** Қиссадан парчалар. (*Рус тилидан С.Усмонов тарж.*) № 8
- Лион ФЕЙХТВАГНЕР. (Олмония) **Доктор Б кашфиёти.** Ҳикоя (*Рус тилидан Ё.Иногомов тарж.*) № 8
- Картар Сингҳ ДУГГАЛ. (Ҳиндистон) **Ой ва қудук.** Ҳикоя. (*Рус тилидан Н.Жўраева тарж.*) № 8
- Херман ҲЕССЕ. (Олмония) **Сиддхартха.** Роман. (*Рус тилидан О.Асилбек қизи тарж.*) № 9,10
- Анри де РЕНЬЕ. (Франция) **Учрашув.** Қисса. (*Рус тилидан Д.Алиева тарж.*) № 9, 10
- Луиш Стая МОНТЕЙРУ. (Португалия) **Майизхўр эркак.** Роман. (*Рус тилидан А.Мелибоев тарж.*) № 11, 12
- Лион ИЗМАЙЛОВ. (Россия) **Ҳажвиялар.** (*Рус тилидан Ҳ.Сиддиқ тарж.*) № 11
- Виктория ТОКАРЕВА. (Россия) **Бўлмаган нарса ҳақида ҳикоя.** (*Рус тилидан Ш.Ахророва тарж.*) № 11
- Октай АКБАЛ. (Туркия). **Ёшлиқ қайтиб келмайди.** Ҳикоя. (*Рус тилидан Н.Жўраева тарж.*) № 12
- Неъмат АРСЛОН. **Ёзувчи учун атири.** Ҳикоя. № 12

ШЕЪРИЯТ МИНТАҚАЛАРИ

- Аликул ЎСМОНОВ. (Қирғизистон) Шеърлар. (*Қирғиз тилидан Т.Адашибоев, Қ.Саттор тарж.*) № 1
- Испанзабон шоирлар ижодидан.** Шеърлар. (*Испан тилидан Ҳ.Рўзиева тарж.*) № 1
- Уйгур мумтоз шеъриятидан.** (*Уйғур тилидан О.Жалилов тарж.*) № 2
- Жаҳон шоирлари ижодидан.** (*Рус тилидан Р.Мусурмон тарж.*) № 3
- Цовинар БОГДАСАРЯН. (Арманистон) Шеърлар. (*Рус тилидан О.Суюндиқова тарж.*) № 3
- Жаҳон шоирлари ижодидан.** (*Рус тилидан Г.Мўминова тарж.*) № 3
- Қозоқ шеъриятидан намуналар.** (*Қозоқ тилидан М.Мирзо, А.Суюн, М.Аҳмад тарж.*) № 5
- Улуғбек ЭСДАВЛАТ. (*Қозоқ тилидан Я.Қўчқоров, Д.Чориева тарж.*) № 5
- Александр Сергеевич Пушкин. (Россия) Шеърлар (*Рус тилидан М.Мирзо тарж.*) № 6
- Жаҳон болалар шеъриятидан.** Иван ФРАНКО. (Украина) Корней ЧУКОВСКИЙ. Агния БАРТО. Екатерина СЕРОВА. (Россия) Шеърлар. (*Рус тилидан Х.Комилов, Н.Остон тарж.*) № 6

Мавлавий-Жунуний шеъриятидан. (Афғонистон) (*Форс тилидан М.Кенжабек тарж.*) № 6

ХХ аср Миср араб шеъриятидан. (*Рус тилидан М.Аъзам тарж.*) № 8
Хайнрих ҲАЙНЕ. (Олмония) Шеърлар (*Рус тилидан М. Али тарж.*) № 8

Минҳожиддин МИРЗО. **Ватаннинг мангу қўшиғи.** № 9

Расул ҲАМЗАТОВ. (Доғистон) **Қалбим менинг тоғларда.** Достон (*Рус тилидан Э.Мустафоев тарж.*) № 9

Константин БАЛЬМОНТ. (Россия) Шеърлар. (*Рус тилидан М.Омон тарж.*) № 9

Қрим-татар шеъриятидан намуналар. Шеърлар. (*Қрим-татар тилидан Қ.Мұхаммадизо, Т.Қажхор тарж.*) № 9

Қирғиз халқ эпоси. **Манаснинг дунёдан ўтиши.** Достондан парча. (*Қирғиз тилидан З.Исомиддинов тарж.*) № 10

Замонавий қирғиз шеъриятидан. (*Қирғиз тилидан Т.Адашбоев, А.Мелибоев, З.Исомиддинов тарж.*) № 10.

ХХ аср турк шеъриятидан. (*Турк тилидан Й.Эшибек тарж.*) № 11

Хитой мумтоз шеъриятидан. (*Рус тилидан Т.Али тарж.*) № 11

Низор ҚАББОНИЙ. (Сурия) Шеърлар. (*Рус тилидан М.Музaffer тарж.*) № 12

Роберт РОЖДЕСТВЕНСКИЙ. (Россия) Шеърлар (*Рус тилидан М.Маматхонов тарж.*) № 12

ДРАМА

Адҳамбек АЛИМБЕКОВ. **Эрқ қуёшига интилган шоира.** № 3

Леся УКРАИНКА. (Украина) **Ўрмон қўшиғи.** (*Украин тилидан С.Рауф тарж.*) № 3

Уильямс ТЕННЕСИ. (АҚШ) **“Орзу” трамвайи.** (*Рус тилидан А.Файзулла тарж.*) № 7, 8

Бертольд БРЕХТ. (Олмония) **Сичуандан чиққан меҳрибон.** (*Рус тилидан Ж.Камол тарж.*) № 11, 12

ҚЎШНИМ – ҚАРДОШИМ

Ражаб ҲИФЗИЙ. (Туркия) Шеърлар. (*Турк тилидан Т. Қажхор тарж.*) № 2

Алиқул САМАД. **Қанийди. От кетиб борарди.** Ҳикоялар. (*Тожик тилидан Ў.Усмон тарж.*) № 4

Замонавий тожик шеъриятидан. (*Тожик тилидан Жамиид, Ў.Жамол, С.Ҳожибоев, Эгамназар, А.Бекмуҳаммад, Ҳ.Ғойиб тарж.*) № 4

Сайнин МУРОДБЕКОВ. **Ёвшан иси.** Ҳикоя. (*Рус тилидан Н.Жўраева тарж.*) № 5

Марҳабат БОЙФУТ. (Қозоғистон) **Ҳокимнинг аёли.** Ҳикоя. (*Қозоқ тилидан М.Исломқул тарж.*) № 5

Туркман мумтоз шеъриятидан. (*Туркман тилидан Б.Карим, Ж.Шарипов, О.Тўраев тарж.*) № 7

Рейимбай СОБИРОВ. **Гурганч.** Романдан парча. (*Туркман тилидан A.Сайдматов тарж.*) № 7

Замонавий туркман шеъриятидан. (*Туркман тилидан A.Сайдматов, O.Тўраев, Ю.Насим тарж.*) № 7

Наримон ЖУМАНОВ. **Кекса чўпон ва сахро.** Ҳикоя. (*Рус тилидан Ш.Ниёзмуҳаммад тарж.*) № 7

Омондурди АННАДУРДИЕВ. Рубоийлар. (*Туркман тилидан Ш.Курбон тарж.*) № 7.

Тўлаган ҚОСИМБЕКОВ. **Туғилган ер.** Тош МИЯШЕВ. **Биринчи мұхаббат.** Ҳикоялар. (*Қирғиз тилидан З.Исомиддинов тарж.*) № 8

АДАБИЁТШУНОСЛИК. ФАЛСАФА.

Ровия АБДУЛЛАЕВА. **Мени алқамаган киши қолмади.** № 1

Сувон МЕЛИ. **Адабиёт фалсафаси ёхуд кўзга айланган кўнгил.** № 1

Гулноза ОДИЛОВА. Дунё адабиётида “таом” ва “тановул” мавзуси. № 1

Шуҳрат ҲАЙИТОВ. **Туркий халқлар адабиётида Бобур ижодининг ўрганилиши.** № 2

Олмос УЛВИЙ. (*Озарбайжон*) Зулфия Озарбайжонда. (*Озар тилидан С.Ўтanova тарж.*) № 3

Абдулла УЛУГОВ. **Арасту англатган адабиёт.** № 2, 3
Тўлқин САЙДАЛИЕВ. **“Ўткан кунлар”нинг русча таржималари ҳақида.** № 4

Наим КАРИМОВ. **Давр Шуҳрат тақдирида.** № 4

Ойгул АСИЛБЕК ҚИЗИ. **Адабиёт чиндан ҳам инқирозга юз тутадими?** № 4

Вели Саваш ЕЛЎҚ. (*Туркия*) **Янги тамойиллар кашфи.** № 4

Мусо ТОЖИБОЕВ. **Бадиий асарнинг сўзсиз таржимаси.** № 4

Насимхон РАҲМОНОВ. **Ерда ел бўлиб гувлаган шоир.** № 5

Мехмонқул ИСЛОМҚУЛ. Адҳамбек АЛИМБЕКОВ. **Бир чаманда туғилғанмиз ёнма-ён.** № 5

Виктор ШКЛОВСКИЙ. (*Россия*) **Санъат “усул” сифатида.** (*Рус тилидан Ҳ.Болтабоев тарж.*) № 6

Дамин ТЎРАЕВ. **Сизиф ривояти ўзбек адиби талқинида.** № 6

Дилмурод ҚУРОНОВ, Феруза ҲАБИБУЛЛАЕВА. **“Ўткан кунлар” таржимаси: таҳлил ва тавсиялар.** № 7

Нафас ШОДМОНОВ. **Гўзаллик, ишқ ва изтироб шархи.** № 7

Шоҳруҳ АБДУРАСУЛОВ. **Чингиз Айтматов ва ўзбек театри тажрибалари.** № 7

Георгий ГАЧЕВ. (*Россия*) **Оқ булут ҳақида қисса.** (*Рус тилидан С.Умиров тарж.*) № 8

Мўмин СУЛАЙМОНОВ. **Ҳофиз Хоразмий ижодининг Туркияда ўрганилиши.** № 8

Жамила АСҚАРОВА. **Эртакчилик анъаналари.** № 8

Линда НОХЛИН. (*АҚШ*) **Нега аёллардан буюқ рассомлар чиқмаган.** (*Рус тилидан А.Файзуллаев тарж.*) № 9

-
- Иброҳим ҲАҚҚУЛОВ. Шоирлик маънавий сабот ва садоқатдир. № 11
Муҳаммаджон ХОЛБЕКОВ. Реалистик проза устаси. № 12
Баҳодир КАРИМОВ. Ҳерман Вамбери – ўзбек мақоллари таржими-ни. № 12
Дилнавоз ЮСУПОВА. Аруз илми ва ғарб тадқиқотчиси. № 12

МУҲАРРИР МИНБАРИ

- Бола тарбиясига яширинган даромад. № 6
Олтиндан қиммат хазина. № 7
Сўз билан дунё сари. № 8
Самимият ва холислик либоси. № 9
Она сайёра – ягона кема. № 10

ЖАРАЁН

- Адабиётдаги йўл ҳаритаси. Давра сухбати. № 1
Барзу АБДУРАЗЗОҚОВ. Нигора УМАРОВА. Саҳна ортига ўтиб...
йиғлагим келади. Сухбат. № 3
Марк РИСС. (АҚШ) “Ўткан кунлар”ни хижжалаб ўқирдим. № 4

ПУБЛИЦИСТИКА

- Нарзулла ЖЎРАЕВ. Тарихий давр қашфиёти. № 1
Мурод АБДУЛЛАЕВ. “Пахта иши” анатомияси. № 12

ЭССЕ

- Ёқубжон ХЎЖАМБЕРДИЕВ. Булутли кунлар. № 9
Ҳаким САТТОРИЙ. Тургенев турткиси. № 11

САНЪАТДАГИ СИЙМОЛАР

- Нодира ҚОСИМОВА. Адриано Челентано. № 1
Акмал ЎТАЕВ. Чин дўст топган баҳтилдири. № 1
Маҳкам МУҲАММЕДОВ, Р.ТУРСУНМЕТОВА. “Азизим, дунёга бевақт келибмиз”. № 1
Фахриддин АБДУВОҲИДОВ. Эфраим Лессинг ва “Гамбург драматургияси”. № 1
Севара РАЖАБОВА. Ён, ёнавер менинг юлдузим. № 2
Феруза КАРАЕВА. Казимир Малевич. № 2
Зикир МУҲАММАДЖОНОВ. Матонат тимсоли. № 3
Шоҳруҳ АБДУРАСУЛОВ. Отто Брам: исёндан инқилобгача. № 3

Ойдин АБДУЛЛАЕВА. **Клод Дебюсси.** № 5
Аслиддин КАЛОНОВ, Барно ЎТБОСАРОВА. **Китобот санъатининг**
моҳири. № 6
Нодира ҚОСИМОВА. **Кинематографияда янги тўлқин.** № 8
Чарли ЧАПЛИН. Ричард МЕРИМЕН. **Даҳоликдан бехабар даҳо.** (*Рус тилидан A.Матёқубов тарж.*) № 10

ЁДНОМА

Абдулла ЎРОЗБОЕВ. **Мангулик жамолининг жилvasи.** № 2
Музаффар АҲМАД. **Икки дўст достони.** № 5

ҚИЁС ВА ТАЛҚИН

Қодиржон НОСИРОВ. **Қарши қўйиш керакмиди?** № 3

АДАБИЙ САЁХАТ

Сергей ГЕССЕН. Лев МОДЗАЛЕВСКИЙ. (Россия) **Пушкин гурунглари.** Китобдан парча. (*Рус тилидан Ҳумоюн тарж.*) № 6

МАҲОРАТ МАКТАБИ

Григорий СТАРИКОВСКИЙ. (Россия) “**Таржимон ўзига ва сўзга муносабатини яшира олмайди**”. (*Рус тилидан M.Аҳмаджонов тарж.*) Суҳбат. № 5

МУҚОВАМИЗДА

(Рукини Ш.Қосимова, Р.Фатхуллаев, М.Муҳаммадаминова,
М.Муҳаммедова, Ф.Турғунова тайёрлади)

Маргарет КИНН. (АҚШ) № 3
Зухур ҲАБИБУЛЛАЕВ (Тожикистон) № 4
Фрида КАЛО. (Мексика) № 6
Алишер АЛИҚУЛОВ. (Ўзбекистон) № 8
Амедео МОДИЛЬЯНИ (Италия) № 9

Глобус. № 4, 5, 7, 10

Жаҳон маданияти ва санъати. № 12

Жаҳон хандаси. (*Тўпловчи – М.Аҳмедов.*) № 6, 7, 8, 9, 10, 12

Қомус. (*M.Муҳаммадаминова тайёрлади*) № 1, 2, 3, 4, 5, 6, 7, 8, 9, 10, 11, 12.

Журналнинг русча ва инглизча муҳтасар мазмуни. (*Ю.Ҳошимова, А.Отабоев, А.Тожиев, О.Собир ўғли тайёрлади.*) № 1, 2, 3, 4, 5, 6, 7, 8, 9, 10, 11, 12.



РЕЗЮМЕ

••• В литературном произведении откуда берется образы и сюжеты? Где тот неисчерпаемый источник, что придает автору силу и вдохновение? Об этом можно узнать из рассказа Нельмата Арслана “Духи для писателя”.

••• Известный историк Герман Вамбери, почти полтора века назад, в 1867 году, перевел 112 узбекских народных пословиц на немецкий язык. Статья профессора Баходыра Каримова “Герман Вамбери – переводчик узбекских пословиц” посвящена изучению переводческого мастерства Г.Вамбери.

••• Что мы знаем о великом драматурге Уильяме Шекспире кроме его многочисленных пьес? Как проходила его личная жизнь? Кто или какие факторы привели к появлению произведений Шекспира, ставших жемчужинами театрального искусства? Эти вопросы подробно освещены в статье Журы Махмуда «Шекспир которого мы не знали».

••• Генри Фердинанд Блохман, немецкий востоковед, видный деятель персидского языка и литературы, много лет занимался изучением восточной поэзии. О его вкладе в развитии востоковедения рассказывает кандидат филологических наук Дильнавоз Юсупова.

••• В номере вниманию читателей предлагается обобщенное содержание всех номеров журнала, изданных в 2018 году.



RESUME

••• Where do writer find a plot, an image and details for his book? Where is a source of power which makes an author write and gives him inspiration? Does he need a special training or good works can be written without it? Our readers can read about it in a famous writer Nemat Arslon's story "A Perfume for a Writer".

••• Well-known scientist Hermann Wanbern came to the Central Asia in 1863-1864. He was interested in history of our country, especially, in literary-cultural works and folklore during his travel. He translated into German 112 Uzbek proverbs which is a little genre of our national folklore in 1867, one and a half century ago. Doctor of philology, professor Bahodir Karimov in his article "Hermann Wanbern – a Translator of Uzbek Proverbs" wrote about quality of this translation.

••• What do we know about great dramatist William Shakespeare besides his plays? How did he live in private life. What made him write those great works which have serious influence in society. Honored Art Worker of Uzbekistan Jura Mahmud tried to answer to these questions in his article "Known and Unknown Shakespeare".

••• A poetical system, a rhyme and methods of creative description of the Western literary are different from ours. That's why manners and rules of the Eastern literary seem difficult, mysterious and charming to readers from the West. Many research works by German orientalist, well-known expert of the Persian language and literature Henry Ferdinand Blochman are about this subject. Candidate of Philology Dilnavoz Yusupova wrote about Blochman's contribution to oriental studies and his research works.

••• An annual contest of literary works, poetical translations, scientific articles and essays from different rubrics published in 2018 are presented in this issue.

Jahon ADABIYOTI

Adabiy-badiiy, ijtimoiy-publitsistik jurnal

Навбатчи мухаррир: Н.ЖҮРАЕВА
Техник мухаррир: О.СОБИР ўғли
Мусаххих: Ш.НИЁЗМЕТОВА
Компьютерда саҳифаловчи: М.АЛИЕВА

ИНДЕКС 828, 829
2007 йилда №0252 рақами билан лицензия олинган.
Ўзбекистон Матбуот ва ахборот агентлигига рўйхатга олинган, №189.
Уч босма табоқ хажмгача бўлган кўлёзмалар қайтарилимайди.
“Жаҳон адабиёти” журналида эълон қилинган асарларни кўчириб босишида
ва қайта нашр этишида таҳририятнинг ёзма розилиги олиниши шарт.

Таҳририят манзили:
100011, Тошкент, Алишер Навоий номидаги Миллий
бог худудида жойлашган Адиблар хиёбони.
Телефонлар: (0371) 231-23-54, 231-23-56, 231-23-57.
Сайт: www.jahonadabiyoti.uz
E-mail: jahonadabiyoti@list.ru

Босишига руҳсат этилди 14.12.2018 й. Бичими 70x108 1/16. Офсет қофози.
Офсет босма. Шартли босма табоқ 18,2. Нашриёт босма табоғи 20,0.
Адади 1838 нусха. 364 ракамли буюртма. Бахоси шартнома асосида.
“Жаҳон адабиёти” журнали компьютер марказида терилиб, “Sharq” НМАҚда чоп этилди.

Босмахона манзили:
100000, Тошкент, Буюк Турон кўчаси, 41.

© Жаҳон адабиёти, 2018 й.